

**AD R.P. CAROLUM  
NOCETIUM EPISTOLAE  
OCTO: DE  
SINGULARIBUS  
ARGUMENTIS IN...**

---



EX BIBLIOTHECA  
DOMINICANORUM  
MONTIS POLITIANI  
1786.

10.I.4

10.4.196

1871

1872

1873





AD R. P.  
CAROLUM NOCETIUM  
EPISTOLÆ OCTO  
DE SINGULARIBUS ARGUMENTIS

*In ejusdem Libro inscripto VERITAS VINDICATA contentis.*

ACCEDUNT

Opiniones laxæ quamplurimæ ex variis Casuistis collectæ : item  
Censura R. P. EUSEBII AMORT Canonici Lateranensis  
in Theologiam Moralem R. P. C. L. C.

Item

EPISTOLA NONA

*Ad eundem P. CAROLUM NOCETIUM de nonnullis ejusdem  
antibetis in Epistolam secundam P. M. DINELLI.*



VENETIIS MDCCLV.

APUD SIMONEM OCCHI  
SUPERIORUM FACULTATE.



# EPISTOLA PRIMÆ.

A D.

P. CAROLUM NOCETIUM

SOC. JESU.

ARGUMENTUM.

*Mordax scribendi genus (Theologie P. Concine) acres declamationes, incitatissimi impetus, turpissima convicia, & nota in omnium oculos statim incurrunt. Exquisitum artificium quo Jesuitæ nominatim, ac propriè in odium adducuntur, & apud accedentes ad Pœnitentiæ Tribunal in suspicionem vocantur, nemo non videt. P. Carolus Nocetius in Præf. pag. 3. & 4. ad Librum inscriptum. Veritas Vindicata.*

I. **P**romptius, quam par erat, mi Noceti, primæ Magistri Dinellii Epistolæ responsum dedisti. Quo hæc pertinet, amabo te, tanta respondendi celeritas? Ut ab instituto examine eorum, quæ adversus *Theologiam Christianam* tumet opposuisti, Dinellium abducas? Non ergo plenam, absolutamque oppositionum tuarum solutionem aves, sed tricari, jurgari, & susdeque omnia miscere, ne veritas in omnium oculis refulgeat? At mirum in modum falleris, & tua, tuorumque commilitonum consilia in fumum occidunt. Ut tranquille Dinellius suum persequi examen, & integram libri tui confutationem queat, alio te ego convenire epistolarum genere statui. Neque a me refelli epistolam tuam expectes. Id enim præstabit Dinellius. Quamquam adeo imbecilla & vacua rationum est, ut seipsa, nemine impellente,

A 2.

COR.

corruat. Alia sunt in libro tuo argumenta, ab iis, quibus detruncatas, & adulteratas Casuistarum Societatis opiniones contendis, diversa, quæ, ut illustrentur, fas est. Horum primum, quod initio proposui, rationem scribendi, qua usus Concina est, spectat. Hanc tu mordacem, declamatoriam, turpissimis conviciis, & notis respersam incusas. At Concina sæpius tuos commilitones, suosque adversarios omnes provocavit; & temetipsum nunc ego provocho, urgeoque, ut vel unicum convicium, scommata, contumeliæve ex omnibus ejusdem operibus excerptam, quam in personas, seu auctores ille contorserit, designes, evulgesque in publicum. Si id tu præstiteris, palinodiam canere paratus ipse est: Utique Concina, opportunitate data, vocem exaltavit, declamavit, derisit errores, & opiniones, quas æternæ Animarum saluti perniciosas reputavit. At summo obsequio Auctores suspexit, illosque pia intentio, rectoque animo tales opiniones evulgasse non semel, sed centies testatus est; adeo ut Concina plerique redarguerint, quod tam frequenter Casuistarum piam intentionem laudaret. Verum Concina reponere, se scire quibuscumque dimicare. Tu, mi Noceti, alique tecum in eo scripto, ad quod illa declaratio exacta est, ut inquis in tua præfatione pag. 5. plures exclamationes, & acres detestationes ex variis Theologiæ Christianæ tomis decerpistis, sed alto silentio occultatæ opinionationes fuere, in quas illæ directæ sunt. Hæc ne accusationis ratio ad Justitiæ, vel Caritatis, aut honestatis normam exacta est? exaggeratur censura, erroris gravitate occultata, ut injustitiæ argui pro ingenio censor queat? Et ne quis suspicetur, hæc a me gratis fingi, in medium adducam & illa quæ vos vocatis scommata, & convicia, & propositiones cate absconditas, in quas eadem contorta sunt.

Tu mi Noceti ex decem Christianæ Theologiæ tomis censuras latas contra opiniones Casuistarum collectas exhibes pag. 233. grandioribus characteribus inquis: P. Concina eas appellat *laxas laxissimas, laxitatis plenas, horrendas, piis auribus horrorem incutientes, scandali plenissimas, portentosas, de sententia Probabilitatis effluentes, erronea commenta, monstra, paradoxæ inaudita.*

II. Hæc ex decem Tomis collegisti, quæ objceres. Nihil hic adversus Auctores, quos bona intentione, pioque animo succurrendi humanæ imbecillitati hæc commenta invexisse millies Concina testatur. Videndum nunc superest, num reipsa opiniones, quas Concina ut laxas, & absurdas rejecit, tales sint. Tu censuras exaggerasti, & opiniones, ut dixi, & dicendum sæpius est, absconditas reliquisti. Pauca ex centenis lectorum oculis subijcio.

1. „ Filii exoptare possunt absque gravi culpa mortem Parentibus, ut  
 „ quamprimum in hereditatem succedant, vel ut liberentur a dura illorum

„ cu-

„ custodia. Et hæc sententia, *quia favorabilior est penitentibus*, illa in casu occurrenti, ne in peccatum ex fragilitate irruant, est eis **CONSULENDA**.

2. „ Qui ex habitu blasphematur absque plena, & sufficienti advertentia ad peccatum mortale, tunc non committit novum peccatum mortale.

3. „ Qui inadvertenter blasphematur, quique ita dispositus est ut etiam si adverteret, blasphemaret, **PROBABILIUS EST** nec hunc peccare mortaliter actu in proposito casu.

4. „ Posses occidere furem unius aurei, vel pomi, si tibi verteretur probro, nisi rem furi extorqueas.

5. „ Licitum est occidere **OCCULTE** litigatorem, si constet aperte, & omnino certo dictum litigatorem omnino injuste, & per calumniam procedere, & etiam si sit omnino certum, quod innocens sua bona irrecuperabiliter amissurus est, nec aliud sibi remedium ad ea recuperanda suppetat.

6. „ An post Innocen. XI. licitum sit occidere eum, qui dixit *mentiris*, aut contumeliam profert perfecte, ut : *Tu es infamis*, malægentis &c. vel imperfecte, ut : *tu es infam . . . mal . . . gen . . .* Si aliter injuria repelli non potest? *Probabilius* respondeo affirmative.

7. „ Possunt famuli tuta conscientia meretricis, aut pellicis mensæ ministrare cibos non solum communes, sed etiam calidos, & provocantes ad venerem condire.

8. „ Possunt lectum domino, & amasæ citra culpam venialem sternere. Non esset peccatum mortale, domino, & pellici, alias rem habituris, aut lectum procurare hospitio, aut parare meliorem solito, aut floribus fulcire. Ratio est : quia aliud est fornicari, aliud majorem in ipsa fornicatione habere delectationem in genere luxuriz.

9. „ Quod Histriones ex cohabitatione cum mulieribus sint *fere semper in occasione concubinatorum, & adulteriorum, fornicationumve*, cum mulieres istæ semper fere sint malæ, & inordinatæ vitæ, nihil obstat, quominus possint absolvi, si dum ad Confessionem sacramentalem accedunt, habeant illa quatuor quæ supradicta sunt.

10. „ An sit casus, in quo communicari quis sine Confessione, & etiam sine contritione, atque adeo in peccato mortali possit ? Tam benigna sunt viscera misericordiæ Domini, ut non dedigneretur excusare aliquando pervaciam nostram. Invenio enim unum, & alterum casum, in quo quis purissimam communionem in peccato sumere sine peccato possit.

11. „ Cum Magister veritatis sis, adeo humanæ condescendis insectiæ, ut in *tua Veritatis Tribunali ERROR* inculpatus ipsam *coæquet veritatem*.  
„ Eum.

„Eum enim non accusas, sed excusas : non plectis, sed *premiaris* : ipsam  
 „etiam legem habendo pro non-lege : & tuam non-legem habendo pro  
 „lege ; si lex ut non-lex, & non-lex ut lex invincibiliter proponatur.  
 12. „Nullum absurdum est quod Christus Dominus dicat, *Veni Benedi-*  
 „*cte accipere Regnum, quia mentitus es invincibiliter*, putans me in tali  
 „casu præcepisse mendacium.“

III. Duodecim tantum ex sexcentis, quæ in Theologia Christiana recensentur, huc transscripti opiniones, quas Concina appellat *laxas, paradoxas inaudita, quæ horrorem, & scandalum ingerunt, portenta laxitatis in universa Philosophia Paganorum non reperienda*. An forsitan in Platone, in Ethica Aristotelis, in Marco Tullio, in Plutarcho, in Seneca similia commenta occurrunt? Aut vos, ut probabiles, & tutas conscientiarum regulas, præfatas opiniones propugnatis : aut eas ut falsas, & animarum saluti infestas, perniciosasque rejicitis? Si primum, laxitatis patronos vosmetipsos perhibetis. Si secundum, cur Concina accusatis, cur eum criminamini, ut impostorem, & calumniatorem, quod errores, qui Evangelicæ legi hostiliter adversantur, qui horrorem piis auribus ingerunt, scandalumque pariunt gravissimum, oppugnet, derideat, insectetur? Typis quippe publicis editi errores sunt. Auctores, quos vos Doctores gravissimos appellatis, has propositiones docent, seu principia, unde absurda alia proficiscuntur immaniora. Magnam eisdem conciliant auctoritatem, & positus Probabilissimi principiis, probabiles evadunt. Quamobrem Sacramentorum administri ejusmodi libros legentes ; Christianorum animas his doctrinis dirigunt, curant, & in desideriis suis fide bona confirmant.

IV. Quæro te, mi Noceti, missis, ut tu dicis, declamationibus Concinianis, & sarcasmis, blande, & amice parumper invicem colloquamur. Vos Concina accusatis, quod recensitas, & sexcentas similes opiniones acri stylo, & vehementi oratione figuris, salibusque respersa exeeretur, & deridendas, exhibilandasque propinet? At rursus vos ego urgeo. Aut vos *Probabilistæ* præfatas opiniones amore prosequimini, ut probabiles, aut illas, ut falsas rejicitis. Si primum, cur earundem patrocinium respuitis? Si secundum, injuria summa redarguitis Concina, quod easdem insectetur. Quid hisce? Ais, opiniones oppugnet Concina si velit, sed stylo blando, & miti oratione. At reponit ille. Lenis, & blanda disputatio, non plus animos benignitatis hodiernæ illiciis præventos movet, quam tenuis auræ spiritus movere montes queat. Natura ad blanda, & dulcia propensa, communis consuetudo, sectatorum amplissimæ turbæ, benignæ Theologiæ auctoritas apud vulgus summo in pretio habita, & plura alia, quæ silere expedit, impetu vehementi ad laxam vivendi formam impellunt. Excutiendus propterea est acri stylo harum mentium sopor,  
 &

& vehementi oratione, atque acutis figuris perstringendæ obtusæ aures sunt.

V. Ita ne vero? Quid, opponis tu, præscripsit Innocentius XI. in suo Decreto, damnatis thesibus præfixo? En illius verba: *Caveant ab omni censura, & nota, nec non a quibuscumque conviciis contra eas propositiones, quæ adhuc inter Catholicos hinc inde controversantur.* Reponit P. Concina, Pontificem haud loqui de opinionibus erroneis, quas excogitare in dies hic, aut ille casuista potest, alioquin quisque impune evulgare hæreses absque oppositore posset; sed de iis sententiis, quæ defenduntur inter Catholicos, seu inter dissidentes Scholas, ut essent exempli causa, Decreta prædeterminantia, Scientia media, Decreta concomitantia, & his similia. At ego, insists, in meo libro *Veritas vindicata* hanc interpretationem pag. 234. his verbis labefactavi. *Primum si quis JESUITA ueretur hac interpretatione, clamaret statim P. Concina eludi distinguendis Decreta Pontificia.*

VI. Est scilicet, mi Noceti, est JESUITA, & quidem præstantissimus, qui hac utitur interpretatione, eamque omnibus adhibendam præbet. Is est P. Ignatius de Camargo, qui hæc tibi, ut serio perpendas, exhibet. „Hoc nimirum præceptum benigni Recentiores suscepisse quam libentissime, ac liberalissime videntur. Nam cum reliqua fere omnia tamquam „onerosa, ac odiosa, restringenda esse pronuntiant, sive, ut iidem ajunt, benigne interpretanda; hoc tamen Pontificium Decretum adeo severe, „& rigide intelligendum censent, ut nemini liceat post illud opinionem „cujuscumque Viri Catholici vel falsam simpliciter dicere: quin vix prodeat „in lucem liber ullus contra moralem laxam doctrinam, quem non statim „deferant ad Fidei Tribunalia tamquam reum violati Decreti Pontificii. Quo tendat rigor iste benignitatis, difficile non est divinare. . . . „Itaque cum constet, Decreta Pontificia, de quibus hic agitur, ad hunc „finem potissimum dirigi, ut doctrina morales Christianis moribus perniciosæ eliminantur, & ab eorum praxi oves Christi deterreantur, nemo sibi „persuadeat in ea peccare, & non pro illis potius pugnare Theologos, qui „toris viribus conituntur ad ea radicitus convellenda, ex quibus veluti „principiis doctrinas ejusmodi suum traxisse virus arbitrantur. . . . Insuper nemo jure reprehendet eum, qui disputans in sententiam benignam „deduxerit ex ea sequelas plurimas, quas affirmet, aut probet esse longo „horrendissimas, vel hæreticas etiam, aut blasphemias &c. “ (a)

VII.

---

(a) In præf. ad Reg. Mor. pag. 28.

VII. Hic Sapientissimus Jesuita altius loquitur, & secretiores subit recessus, quam Concina ipse. Verum habet; inquis, sed Jesuita iste fuit accerrimus Antiprobabilista. Tyrso Gonzalez suo Præposito Generali adhærens, & Societati insensus, saltem non obsequens ejusdem filius. Jure propterea illius testimonium rejicio. Dabo itaque alium Jesuitam omni exceptione majorem, benignissimum nempe Probabilistam. Is est P. Dominicus Viva. Paucis rem perstringo. Summus Pontifex Alexander VII. peculiare Decretum edidit, quo cavetur, ne quisquam censura notare audeat alterutram opinionem de attritione servili his verbis. *Sanctitas sua hoc presenti Decreto in Virtute Sanctæ Obedientiæ, & sub pœna excommunicationis latæ sententiæ (hanc pœnam non infligit Innoc. Decretum) huic Sanctæ Sedi reservatæ, aliisque pœnis ejusdem Sanctæ Sedis arbitrio taxandis, præcipit cunctis &c. ut si deinceps &c. non audeant, alicujus Theologiæ censure, alteriusve injuriæ, aut contumeliæ nota taxare alteram sententiam sive negantem, sive asserentem diuine dilectionis necessitatem &c.* Qua interpretatione exponit hoc Decretum Pontificium unice in hunc finem editum P. Dominicus Viva? En illius verba. *Prohibitio autem illa Alexandri VII. ne alterutra ex iis opinionibus censureretur, non inserit utramque opinionem esse probabilem, cum hujusmodi prohibitiones SÆPE fiant in bonum pacis, & ad vitandas discordias, NON IN GRATIAM VERITATIS.* (a)

VIII. Audistis mi Noceti? Pax, & Concordia sine Veritate splendent? Decreta Romanæ Sedis *non in gratiam veritatis* prodeunt? Qui hoc docet, non est neque Antiprobabilista, neque Jansenista, sed est P. Dominicus Viva benignus Probabilista. Ego contra, & Concina mecum, intrepide propugno, omnia Romanæ Sedis Decreta *in gratiam veritatis* emanare, & oppositum rejicio ut errorem Sanctæ Sedi injuriosum. Nulla pax vera, nulla Christiana concordia sine veritate. Exempla plurima in hac materia, & vetera, & nova, quæ sileo, tibi minime ignota sunt. Hæc P. Viva interpretandi Pontificia Decreta ratio, tibi ne, P. Noceti, arridet?

IX. Inistis ibidem rursus, & clamas, interpretationem Concina, Caramo, aliorumque Theologorum, atque Episcoporum nullo niti fundamento. Decretum non dicit: *Propositiones, quæ adhuc inter Scholas Catholicas hinc inde controversantur, sed quæ adhuc inter Catholicos.* Quæ ratio est coercendi decretum, & explicandi de solis propositionibus, quæ inter Scholas Catholicas disputantur?

Quæ

---

(a) In Thef. 15. Dam. ab Alex. VII. n. 31.



Quæ ratio coercendi Decretum ad Scholas Catholicas? Maxima, gravissima, validissima. Quænam hæc? Decus Romanæ Sedis, honor, & fama Catholicorum. Te iudicem, mi Noceti, appello. Audes ne asserere, *duodecim theses*, quas modo rescripsi, libere disputari inter Catholicos in utramque partem? Audes ne propugnare doctrinam illarum thesium (idem dicito plus minusve de sexcentis aliis) esse inter Catholicos probabilem, & libere hinc inde eandem oppugnari, & defendi? Alterutrum ergo. Aut confirmare ore tuo interpretationem Concinæ; aut infamare adstringeris Romanam Sedem, & Catholicos omnes, asserendo doctrinam dictarum, aliarumve similium Thesium, esse penes Catholicos indifferentem, quam quisque amplecti, & propugnare pro suo arbitrio valeat. Reponis, dictas theses non esse damnatas. Oppositio hæc tuam non decet eruditionem. Ecclesia Christi area est, quæ triticum, & paleam, frumentum & zizania continet, usque ad ultimum ventilabrum. At non propterea zizania errorum, aut paleas falsarum opinionum approbat. Tolerat illa plures, juxta Christi oraculum, errores. *Sinite utraque crescere usque ad messem* (a). Quid quod ipse Summus Pontifex in illo ipso Decreto, quod opponis, inquit: *Non intendens tamen Sanctitas sua per hoc Decretum alias propositiones non expressas . . . approbare?* In aurem dicas velim, num eo tendant vocæ vestra, ut, nemine reclamante, propugnare quascumque opiniones valeatis?

X. Verum quia argumentum istud dignum est, ut pleno in lumine constitatur, cedo mi Noceti. Cur vos adeo affligit, & altius vulnerat, quod Concina declamet, exaltet vocem, & incitato impetu irruat in opiniones quas refellit? Qui veritatem a se stare certo credunt, gaudent, lætantur, & veluti triumphabundi discurrunt, dum audiant eandem veritatem grandi voce efferri, extolli, propugnari. Jubilant, cum vident doctrinas falsas, bonisque moribus exitiosas, acri stylo, & vehementi oratione improbari, conteri, proculcari. Contra, qui minus probabiles, minus verisimiles sententias defendunt: qui dulcia pollicentur: qui pulvillos sub omni cubitu manus consuunt, submissâ voce, & blandiloquentia tractari omnia vellent, aut suppressi, si possent, ut omnium animos sibi devincirent. Hæ sunt, inquires, figuræ Concinianæ. Pressius ergo disputemus.

XI. Qui docerent, adversus hæreses, quæ Christianæ Religionis dogmata pervertunt, non esse exaltandam vocem; non vehementi, & acri stylo confutandas; non alto clamore excitandos, animandosque Catholicos, ut vigiles sint, & fortes, ut strenue pugnent ad doctrinam evangelicam vindicandam, nec illiciis, fucis, & blanditiis decipi se sinant; non ne in sus-

B pi-

picionem isti venirent, se hæreses istas fovere, atque eisdem patrocinium impendere? Te autem, utpote doctum Theologum, haud latet, æque Moralis Evangelicæ præcepta quæ appetitiones coercent, & voluntatem morum integritate imbuunt, divinitus esse revelata, atque divina fide tenenda, non secus ac speculativa fidei dogmata quæ mentem illuminant. Quare qui theses oppositas Evangelio, sive illæ mores a mandatis Decalogi præscriptos, sive articulos in Symbolo contentos spectent, defendit, hæreses propugnat. Olim contra fidei dogmata, nunc contra Evangelii præcepta errores grassantur. Sed omnes errores isti hæreses sunt, ut Theologi docent. Unum allegare sufficiat S. Thomam (a). *Quicumque enim dicit non esse peccatum id quod est contra præceptum Dei, hereticus judicatur; sicut hereticus judicaretur quicumque diceret, quod fornicatio simpliciter non sit peccatum: est enim contra hoc præceptum Non machaberis, ut Sancti exponunt. Qui in doctrina articulorum fidei a communi Sanctorum Patrum consensu, & Ecclesiæ traditione recedit, hæresis plus & minus notam non declinat. Idem autem dicamus oportet de illis, qui in moribus formandis, communi antiquorum Patrum, & Ecclesiæ doctrinæ se se opponunt. Non me, neque te forsitan latet, P. Valerii Reginaldi Societatis tuæ Theologi sententia, qua contendit, recentiores Casuistas in moribus formandis Patribus Ecclesiæ antiquis præferendos esse. Te oro, obtestorque, ut vitio mihi vertere nolis, si, ut hanc Socii tui mirificam doctrinam explicem, a semita digredi aliquantulum cogor. Ecce illius verba. In definiendis quidem (inquit ille) circa credenda occurrentibus difficultatibus, quo antiquiores fuerint Auctores, eo majoris ponderis censeri ipsorum placita, tamquam vicina traditioni, doctrinæque Apostolorum. In dirimendis tamen controversiis circa agenda enatis, potius ex adverso haberi rationem Doctorum Recentiorum, quos conspiceret excelluisse in doctrina, ac diligentes extitisse in evolvendis, & expendendis aliorum sententiis, atque ponderandis de novo emergentibus agendorum, quæ ex eorum inspectione definienda sunt, circumstantiis: quarum tanta est inconstantia ex varietate personarum, locorum, temporum, ut plerumque nihil aliud in genere statui possit, quam TOTUM ESSE relinquendum prudentis arbitrio, qui illis inspectis, ac ponderatis statuatur, quid RATIONI consentaneum videatur. Qua in re potiores partes MERITO tribuuntur Recentioribus, qui præsentium temporum, morumque conditiones perspectas habent. (b)*

XII. Nullus dubito quin tu ipse, mi Pater, gravem experturus sis commotionem, dum hæc serio recogitaveris. Sanchez ergo, Diana, Caramuel, Tamburinus, Castropalaus, Escobarius, Zanardus, Bonacina, alique Casuistæ

---

(a) Quodlib. 3. a. 12. (b) In Monito ad Lectorem Praxis Fori Pœnitentialis Edit. Colon. 1633.

At peritiores, sapientiores Cypriano, Athanasio, Basilio, Chrysostomo, Ambrosio, Hieronymo, Augustino in dirimendis morum controversiis? Præfati SS. Ecclesiæ Patres, quia viciniore traditioni, & doctrinæ Apostolorum clarius percipiebant speculativa fidei dogmata; verum Sanctitatis Evangelicæ controversias, illis doctius, illis sapientius penetrant *Tamburinus, Castropalaus, Escobarius, Sanchez, Bonacina*? Animadvertas velim, facilius errores in morum, quam in fidei controversiis excogitare homines consuefcere. Mente sola fidei implentur præcepta, & in eadem hæc fi-sunt. Morum mandata bellum acerrimum, continuumque indicunt, & gerunt carni, sanguini, & concupiscentiis. Quare omnes internæ appetitiones, & præsertim vaserrimus ille, & versutissimus amor boni proprii, propriarumque commoditatum sunt eloquentissimi Oratores, qui causam orant humanarum appetitionum, qui rationem obnubilant, & inflectunt, ut præcepta divina temperet, deliniant, accomodetque carni, & sanguini, ambitioni, ceterisque desideriis: & tamen Reginaldo tuo iudice, hac in re potiores partes merito tribuuntur *Recentioribus Doctores Casuistis*? Cur hoc? Quia isti *presentium temporum, morumque conditiones perspectas habent*: Nam tanta est rerum inconstantia, tanta personarum, locorum, & temporum varietas, inquit *P. Valerius Reginaldus*, ut *plerumque nihil aliud in genere statui possit, quam totum esse relinquendum Prudentis arbitrio*. Ille autem prudens Casuista, ad quam normam suam conformare decisionem debet? Ad Regulam Evangelii, Patrum, & traditionis? Quid in his morum controversiis Evangelia, Patres, & Concilia comminisceris? Debent prudentes *Recentiores omnibus inspectis, ac ponderatis statuere quid rationi consentaneum sit*. Exterminanda ergo Evangelia, & omnium SS. Patrum opera, ut superflua: nam hæc omnia morum scientia plena sunt. Quo, quæso, Opera Cypriani, Nazianzeni, Chrysostomi, Basilii, Ambrosii, Augustini, Hieronymi, & aliorum omnium in primis tendunt, nisi ut fidelium mores informet, & Sanctos efficiant Chritianos? Sicut Evangelia Christi, ita & Patres paucis expediunt dogmata fidei: in morum præceptis exponendis, eorumque observantia persuadenda omnes vires exerunt, & eloquentiam occupant. De fidei controversiis tunc disputant, cum refellere emergentes hæreses occurrit. Ceterum præcipuum omnium Patrum institutum eo pertinet, ut fideles in morum doctrina a Christo Jesu, ab Apostolis, & istorum Discipulis accepta instruant. Et Sancti isti Doctores in morum controversiis proponendi sunt *Tamburino, Diano, Caramueli, Castropalaus, Escobario, Lacroix*, aliisque rei casuisticæ peritis?

XIII. Hæc ne, mi Noceti, leni stylo, voce submissa, & languida oratione refellenda? Nihil *plerumque absolute, in genere* de morum integritate statui valet? Plerumque igitur superflua sunt Evangelia Christi, Epistolæ Apostolorum, Conciliorumque Canones? Ad temporum, locorum, & per-

sonarum vicissitudines inflectenda est evangelica lex? Moralium controversiarum negotium prudentis arbitrio derelinquendum est, ut omnibus inspectis, & ponderatis statuatur, *quid rationi consentaneum censeatur?* Hoc Hobbesianum systema redolet, & *Naturalismum* promovet. Non itaque quod legi evangelicæ, non quod antiquæ traditioni, non quod sacris Canonibus, sed quod *rationi consentaneum sit*, definiri debet? Singuli igitur Moralis Evangelicæ Judices erunt, non secus ac Lutherani suo privato instinctu controversias fidei dirimunt. At illi ea decernunt, quæ verbo scripto magis consentanea reputant; iuxta autem *P. Valerium Reginaldum*, ea decernere debent prudentes Casuistæ; *quæ rationi conformia judicabunt*. An heinc non consequitur, Moralem Evangelicam in purum putumque *Academicismum*, & *Pyrrhonismum* recidere? Æque revelata est a Christo Jesu doctrina morum, ac doctrina fidei. Si privati homines judices sederent controversiarum fidei, tot essent fere Religiones, quot homines, ut apud Protestantes plerumque evenit. Ergo si privati homines Casuistæ judices instituantur REVELATÆ a Christo Jesu doctrinæ morum, actum de Morali Evangelica erit, & tot erunt morales opiniones, quot Casuistæ. Aperiantur opera Dianæ, Escobarii, Lacroix, & similia, ut, an aliquid simile adveniret, quisque deprehendat.

XIV. Quid, inquis tu, opiniones Catholicorum cum hæreticorum erroribus confers? Absit, ut Hæresiarchas æquiparem Casuistis. Sed aio, omnes Hæresiarchas, fuisse prius Catholicos. Catholici Arius, Nestorius, Eutyches, Macedonius, Wicleffus, Lutherus, Calvinus, ceterique omnes, qui primum, ut opiniones protulerunt suos errores, deinde perveracia, & obstinatione Hæresiarchæ evasere, & segregati ab Ecclesia fuerunt. Plures Catholici Scriptores errarunt: quia vero bona fide, & docili animo judicio Ecclesiæ se subjecere, Catholici perseverarunt. Verum sicuti veritas a quocumque sit, bona est; ita errores a quibuscumque prodeant, noxii, perniciosi, & malorum fontes existunt, atque adeo manifestandi sunt, ut veritas custodiat.

XV. His latius paululum disputatis, tecum nunc, mi Noceti, colloqui lubet. Tu Concinam redarguis, quod opiniones Casuistarum quas laxas, & perniciosas ipse reputat, *acri declamatione, salibus, jocis, conviciis, nimioque impetu infestatus sit*. At toto oberras, pace tua dixerim, ostio. Evincendum tibi prius est, tales opiniones, neque falsas, neque laxas, neque Evangelicæ Moralis integritati adversas, neque Christianorum saluti perniciosas esse; & postea ignorantia, audacia, temeritatis arguere Concinam jure, & merito vales. Verum tu nec ausus quidem es, ejusmodi opiniones ab errore, a laxitate, & animarum perniciæ purgare. Ergo injuria summa, & manifesta redarguis Concinam, quod easdem vehementer, & acriter profligare studuerit. Perlege, mi Noceti, omnes Scrip-

ptus-

pturas divinas, omnesque Patres, eosque invenies altius exaltasse adversus errores vocem, & vehementi, acrique oratione infectatos fuisse falsas doctrinas. Lege Præfationem ad *Theologiam Christianam*, ubi quinque prolixis capitibus omni argumentorum genere suam styli rationem Concina asseruit. Nusquam legi in Scripturis sanctis Deum redarguisse Prophetas suos, quod æquo fortius, acrius, vehementiusque falsas doctrinas refellerint. Contra frequenter Doctores blandos, molles, benignos severe redarguit. *Popule meus, qui te beatum dicunt, ipsi te decipiunt, & viam gressuum tuorum dissipant: clamat Isaias Propheta (a). Lachrymatur Jeremias: Prophetae tui viderunt tibi falsa, & sulta, nec aperiebant iniquitatem tuam, ut te ad poenitentiam provocarent. (b) Vehementius Deus per Ezechielem. Væ Prophetis insipientibus. Quasi vulpes in desertis Prophetae tui, Israel, erant... Væ qui consuunt pulvillo sub omni cubito manus, & faciunt cervicicalia sub capite univærsæ ætatis ad capiendas animas. (c) Christus Jesus peccatores incredibili mansuetudine tractavit. Falsarum doctrinarum Doctores severissime increpuit. Legantur quæ scribit Evangelista Matthæus adversus Phariseos, qui erant Doctores Casuistici Veteris Ecclesiæ (d). Quid si scribere testimonia Patrum vellem? Verum ne longius sim, releram tantum quæ scribunt duo sapientissimi Jesuitæ, quorum stylum similiter Probabilistis displicuit, ut hinc pateat vetustam esse illis hanc consuetudinem criminandi stylum, cum causam non audeant impetere. P. Michael Elizalde inquit: Sed præter causam ipsam stylus etiam, diſſidioque vehementer displicuit. An vero de ale muscæ compositione quæſtio vertitur, & non de salute in primis nostra, & dein etiam reliquorum, ut quantacumque orationis vi, & efficacia uti non liceat? Num Augustinus, Hieronymus, Chrysostomus, ubi de moribus causa vertebatur, molli oratione fluxerunt? An unus Magister noster adversus falsas morum opiniones Doctorum legis leniter habebatur. (e) Similia P. Camargus scribit, qui ob sanæ doctrinæ defensionem, ad Sacræ Inquisitionis Tribunal semel & iterum, ut ipse testatur, (f) delatus fuit, ejusque styli severitatem ferre adversarii non poterant. Proſeſſo, inquit, SS. Patres Ecclesiæ Augustinus, Chrysostomus, Hieronymus, Cyprianus, Prosper, Bernardus, & alii, qui, sicut in doctrina, sic etiam in modo dicendi primi post DOMINUM magistri nostri sunt, dum similes errores oppugnant, non molli, ac placida oratione fluere, sed torrentis adinstar ruere solent. (g) Sed unum pro omnibus referre sufficiat Cardinalem Baronium splendidissimum Romanæ Ecclesiæ lumen, & ornamentum. Habeo, inquit, Sanctissimos Patres, quorum in scribendo sequar exemplum, qui infraſſa animi conſtantia pro tuenda verita-*

12

(a) c. 3. (b) c. 2. (c) c. 13. (d) c. 23. (e) in Præf. ad 2. part. (f) part. 1. lib. 1. contr. 2. a. 3. n. 23. (g) in præf. §. 2.

se adversus eam pugnantes, non humili enervato, mollique stylo sunt usi, sed gra-  
di, fortique miscentes etiam reprehensionum acrimoniam, in eos sententias acde-  
tas instar fulminis intorserunt. Sunt innumera eorum exempla annis ferre singulis  
in ipsis Annalibus Ecclesiasticis recensita, quorum ex usu, dum lego frequenter,  
atque describo, idem mihi dicendi genus inhebet, quod haud despiciendum puta-  
vi, probe sciens illud dono Spiritus potius, quam humana industria compa-  
ratum (a).

XVI. Alterutrum itaque tibi, mi Noceti, præstandum est. Aut osten-  
das oportet universæ Reipublicæ litterariæ opiniones, quas, ut falsas, la-  
xas, & animarum saluti perniciosas proposuit P. Concina, tales non  
esse; aut si hoc non vales, probare ejus stylum, quo illas confutavit, de-  
bes. An dicturus es leni, blandoque stylo confutandas illas opiniones esse,  
in quibus æternæ salutis negotium periclitatur? Hocce ne propugnare au-  
debis? Tuam hanc, atque tuorum censuram jam in præfatione ad primam  
*Christianæ Theologiæ* tomum penitus in antecessum Concina labefactavit. A-  
nimadvertit ibidem grassari opiniones falsas, & laxitatis plenissimas, do-  
minari scelus monstra, serpere errores gravissimos, laxatam discipli-  
nam, contemptas leges. Lugent docti, indoctique impietatem erecto vul-  
tu, & aperta fronte vexillum explicare. Quid postea? Si aliqui foras erum-  
pant, vocemque extollant: si pro domo Dei stare, & divina tueri jura  
velint: si opiniones falsas seductionis plenas, & benignitatis fucis illitas in-  
trepidè refellant, & deridendas pro meritis propinent: continuo murmu-  
ra, & clamores usquequaque resonant; læsam caritatem, diffamatos Casui-  
tas, obscuratum eorumdem Institutum vociferantur. Quod divinæ veritatis  
facies decolorata, & meretriciis doctrinarum fucis deformata jaceat, quod sa-  
crarum legum depositum prodigatur, & expiletur, quod sulphure vitiorum  
flammæ a quatuor angulis ardeant, bitumina evomant, ultimamque minentur  
ruinam, nec tantillum commovet istos novos misericordes homines; im-  
mo respondent aureum esse *Sæculum nostrum*. Tantum ne Casuistæ laxarum opi-  
nionum Auctores, vel oblique occasione veritatis asserendæ lædantur, omnia  
salva, & tuta sunt. Numquam ergo implendum divinum mandatum? *Clama,*  
*ne cesser, quasi tuba exaltia vocem tuam, & annuntia populo meo scelera eo-*  
*rum, & Domui Jacob peccata eorum* (b). Si dicatur Doctores Casuistas publi-  
cis typis suas evulgando opiniones, universi generis humani iudicio, &  
censuræ illas subiecisse, atque adeo in omnes leges peccare, dum aliorum  
justas subire censuras recusant, nihil efficitur; & quando aliud non habent,  
quod reponant, obmurmurant violari caritatem, ac si haberi caritas sine  
veritate posset. Clamat quippe S. Paulus: *Eo quod caritatem VERITATIS*  
non

(a) Apol. Resp. adv. Card. Colum. Præf. (b) Isai. 58.

non receperunt, ut salvi fierent: ideo mittet illis Deus operationem erroris, ut credant mendacio (a). Verendum profecto, ne qui pro falsitate obfirmate pugnant, huic formidando supplicio obnoxii subiaceant.

XVII. Quid, mi Noceti, si Commilitonum tuorum styli acerbiterem incredibilem, & impetum incitatissimum, quo opera sua adversus libros P. Concina exararunt, describerem? Concina opiniones, quas existimavit falsas, Evangelio adversas, acri stylo confixit, & interdum salibus perficit, atque deridendas, execrandasque perhibuit; eorumdem vero Auctorum piam intentionem, animum rectum prædicavit, ut dixi alias, & dicendum sæpius est. Contra vos ipsam personam, ipsum Concina aggressi estis, illum, ut *Rigoristam, Tutoristam, fanaticum, malignum, impostorem, calumniatorem* traduxistis. Sed parva hæc sunt. Ario, Luthero, Calvino nequiores *Cacodæmone obfessum, triplici spiritu odii, invidia, & maledicendi exagitatum, meritumque, ut igne comburatur*, illum declaratis, & quidem repetitis publicis typis: infortunium tandem non nemo vestrum eidem comminari visus est. Hæc omnia christiana patientia Concina tulit, nullo reposito verbo, quo suam defenderet personam. Et cum hæc ita se certissime habeant, quorum omnium luculentissima documenta Urbi, & Orbi nota sunt; nihilominus styli Concini acrimoniam accusare audetis? Excusatio unica occurrit, quod ab integro sæculo, ut ex Elizalde, & Camargo patet, hoc remedium in usu fuit ad benignam tuendam doctrinam. Audiamus P. Ignatium Camargum id testantem: *At video complures esse Probabilistas sane DELICATISSIMOS, qui cum ipsi AUDACISSIME non modo de nostra sententia, verum & de PATRONIS ipsius, quidvis loquantur, & scribant, benignam tamen suam opinionem vel LEVITER tangi non ferunt* (b). Lege quæso, mi Noceti, Epistolas Eusebii Eranistes, ubi incredibilem conviciorum, scommatum, & contumeliarum congeriem invenies, quam in Personam P. Concina scripserunt socii tui, non secus ac tu, qui illum calumniæ, & imposturæ reum publicis typis traducis, propterea quod ad salivam tuam non ratiocinatur.

XVIII. Alterum propositi argumenti tui punctum paucis expediam. *Exquiritur artificium* (inquis): *quo Jesuitæ nominatim, ac proprie in odium adducuntur, & apud accedentes ad Pœnitentiæ Tribunal in suspicionem vocantur nemo non videt*. Jesuitæ nominatim in odium adducuntur? Te provoco, mi Noceti, ut vel unicum locum, sive ex Theologia Christiana, sive ex aliis operibus Concini designes, in quo Jesuitæ in odium nominatim, & proprie adducantur. Nisi hunc locum designes, falsitatis reum te perhibes. Ea cautela Concina opera sua scripsit, ut numquam sine laudis præfatione Societatis meminerit. Si opiniones Casuista-

rium

---

(a) 2. Theſ. 2. (b) in Præf. §. 2.

rum Societatis improbavit, numquam dixit illos esse Jesuitas. Contra, cum Sapientiorum Societatis Theologorum meminit, tum palam fecit Jesuitarum nomen, quia id cedere in decorem Societatis existimavit. Et ut te, tuosque commilitones omnes ad incitas redigam, responde, si potis sis. Casuistæ, quorum opiniones singulariter refutavit Concina, sunt sequentes: Sanchez, Escobarius, Tamburinus, La-Croixius, Castropalaus, Viva, Gobatus, Terillus, & alii similes. Numquam scripsit istos fuisse aut Jesuitas, aut Societatis Jesu. Theologos quos contra Jesuitas appellat, sunt sequentes: Cardinales Toletus, Bellarminus, Pallavicinus, Præpositi Generales duo: Vitellescus, & Gonzalez, Comitulus, Blancus, Elizalde, Camargus, Munieffa, Antoine. Hos sæpe opportuna distributione appellat Splendidissima Societatis Astra, Ecclesiæ Ornamenta, Sapientissimos, Celeberrimos Jesuitas. Dic sodes, mi Noceti: quznam istius duplicis Jesuitarum classis luculentius eminet in Republica Literaria: secunda, an prima? edisere. Nulla hic ad effugium via patet. Explica sententiam tuam. Audebis ne tu præferre Bellarmino, Toletum, Pallavicinum, Comitulum, Gonzalez, Vitellescum, Elizalde, Camargo, Escobarium, Palaos, Tamburinos, Sanchezios, La-Croixios, Burgaberos, Gobatos, Terillos? Quid præbes responsi? Quid turbaris? Nonne isti Casuistæ Probabilistæ nocturnæ sunt, si cum Theologis a Concina laudatis comparentur, in conspectu Solis? Hoc certum, competentumque est apud universam Rempubliam Literariam. Ergo Sapientiores Theologi Jesuitæ a P. Concina stant, ejus doctrinam confirmant, atque illius causam patrocinantur. Benemeritis igitur de Societate Concina, velis, nolis, est, cum præcipuos ejusdem, & Sapientiores Theologos miris extollat præconiis, eorumque sententias amplectatur. Urgeo te pressius. Bellarminus, Pallavicinus, Gonzalez, Elizalde, Camargus, & alii Jesuitæ eandem ac Concina causam defendunt, doctrinam propugnant; & nulla damnata thesis, nulla æquo rigidior opinio in eorum operibus occurrit. Contra Sanchezii, Tamburini, Castropalai, Escobarii, Gobati, Moyæ, Vivæ, La-Croixii, & aliorum opera plus, & minus opinionibus aut damnatis, aut laxis, & laxioribus scatent. Si hos Casuistas præferatis aliis Theologis, quos Concina extollit; vos ipsi sponte fatemini vos esse laxioris Ethices patronos, & defensores. Si contra, doctrinam Bellarmini, & ceterorum defenditis, rejiciatis, & detestemini simul cum Concina laxas Tamburini, Sanchezii, Gobati, aliorumque opiniones oportet. Nullum hic effugium patet, rima nulla. Aut cum Concina adhærendum Bellarminis, Pallavicinis, Toletis, Gonzalezis, Elizaldis, Camargis; aut pro laxa doctrina in Sanchezii, Tamburinis, Escobariis, Palaos, Gobatis contenta pugnandum. Tempus ad deliberandum exhibeo. Antequam huic Epistolæ finem impono, scias velim, mi Noceti, P. Concinam non adeo insanire, ut stylum suum purgare ab omni nævo contendat. Cum Sancto Augustino fatetur: *Ego me longe*



longe esse sentio ab ista perfectione, de qua scriptum est : Si quis verbo non offendit, hic perfectus est vir. ( a ) At simul cum eodem Sancto Augustino reponit : Numquam errari tutius existimo, quam cum in amore nimio veritatis, & rejectione nimia falsitatis erratur. ( b ) Tandem ejusdem S. Doctoris verbis huic Epistolæ finem impono. Capi non dicere bona, cum timeo ne dicam aliqua mala; & reprehendi consilium meum. Silui enim a bonis, & dolor meus renovatus est. A dolore quippe quodam, quem mihi infixerant calumniatores, & reprehensores, tamquam requieveram in silentio, & cessaverat dolor ille, qui factus erat a calumniatoribus: sed ubi filii a bonis, renovatus est dolor meus. Capi plus dolere tacuisse me quæ dicere deberem, quam delucram dixisse quæ dicere non deberem. ( c ) Fac ut valeas.



C

EPI-

---

( a ) Epist. 151. ( b ) Lib. I. d. mend. c. 2. ( c ) In Psalm. 38.

## EPISTOLA II.

A D

P. CAROLUM NOCETIUM

S O C. J E S U.

A R G U M E N T U M.

*Equidem de ceterorum Ordinum Theologis eandem curam non suscepi : Sed ideo fuit, quia illi, quos hujusmodi res propius contingit, multo quam ego sapientiores sunt : neque mea opera egent, ut idem copiose, luculenterque perficiant. P. Carolus Nocetius pag. 5.*

I. **N**ON scriptis modo, verum etiam voce, consilio, adhortationibus, aliorum Ordinum Theologos, mi Noceti, tu, tuique Socii plures provocastis, ut illi *Leandrum*, isti *Dianam*, alii *Sporerium*, ceteri *Salmanticenses* a calumniis, ut vestra phrasi utar, P. Concinae vindicarent, ut ex transcriptis tuis verbis compertum est. Adhortationum vestrarum pertæsus unus prudentia, & doctrina clarus reposuit : Nos tanta non laboramus stultitia, ut Auctores nostros fallinescios reputemus, aut ut eorundem laxas opinioniones defendamus. Dignum præclaro viro responsum.

II. Sponte itaque, mi Noceti, & libere fateris, P. Concina non solius inclytæ Societatis, sed cujuscumque Ordinis Casuistarum laxas opiniones designasse, atque pro viribus labefactare nîsum esse. Neque solus es, qui hanc sinceram confessionem promas. Fassi sunt ante te & P. Franciscus Antonius Zaccaria (a) iniquens : In catalogis propositionum laxarum, quas singulis dissertationibus præmittit, emicant *Diana*, & *Sporer*, luculentius splendet *Leander a SS. Sacramento, Salmanticenses* : & P. Jacobus Sanvitale, cujus verba latine reddita lubet hic dare, ut ea lectores meditentur., P. Concina asserit, se non minus Casuistarum aliorum Ordinum, quam Societatis laxas opiniones confutasse, & præsertim *Salmanticensium*. Et nihilominus isti silentio litarunt. Si hoc prudens e-

,, xem-

---

(a) Lib. I. Hist. lit. 1. 3. pag. 54.

„ exemplum imitati Jesuitæ fuissent, magnam sibi, & proprio Instituto gloriam, & existimationem comparassent, multumque detrimenti in re literaria declinassent. “

„ Respondetur. *Silentium illud Filiorum S. Theresie alium esse HEROICUM, & Religiosum viris, qui vitam proficiunt austerissimam, & intimam conjunctionem cum Deo naturalem. Quare tanto in pretio habentur ab omnibus, ut nihil a P. Concina maledictis timere possint. Verum ipse P. Concina expectare a Jesuitis ACTUS HEROICOS nequaquam debuerat.* “ Quid? Falleris mi Pater, & quidem summopere. Tam altam de inclita Societate præconceptam existimationem P. Concina habet, ut heroica acta, & mirabilia facinora expectare ab eadem paratus ille semper fuerit. Minus digne scribere de Jesuitis hic videtur P. Sanvitalis, digniusque de iisdem sentit P. Concina.

III. Indiscriminatim itaque, vobis fatentibus, Casuistarum cujuscumque Instituti Concina falsas opiniones refutavit. Cur igitur vos soli ceteris omnibus silentibus, ad arma conclamatis? Cur vos soli, explicatis vexillis, in arenam descenditis, & ad fœdus ineundum adversus Concina, ceteros Sacros Ordines invitatis, allicitis, adhortamini? Quo recidant hæc consilia, & conatus vestri, forsitan ipsi non advertitis; sed quo tendat rigor iste benignitatis facile est divinare, inquit doctissimus Socius vester Camaradam. Pandam ego & manifestabo consuetudinem absurdam, quæ heinc manant. Vos contenditis Casuistas Societatis a laxitatis nota immunes esse: idem de aliorum Ordinum Theologis judicium fertis, cum eisdem in fœdus vocatis, & ad eandem pugnam, quam vos Concinae intentatis, peragendam, animare satagitis. Quid heinc? Necessario consequitur, nullos in Catholica Religione laxioris Ethices Casuistas reperiri, nullos, qui theses a Romana Sede damnatas contineant. Theses istæ sine patre, absque matre, seipsis prodire. Soboles hæc venefica parentes non agnoscit, quia non habuit. Commentitias ergo, & chimericas propositiones damnavit Romana Sedes, cum iuxta vos in nullo reperiantur Auctore. Quam sit hoc absurdum grave, quam Sanctæ Romanæ Sedi injuriosum, ipsi percipitis.

IV. Verum, ut luculentius veritas splendeat, operæ pretium existimo palam facere consilium hoc vestrum cum evidentissima veritate pugnare. Nam communis Episcoporum Gallicanæ, Hispanæ, & fere universalis Ecclesiæ sensus est, in Moralem Evangelicam laxarum opinionum fermentum irrepisse. Testatur Summus Pontifex Alexander VII. *complures opiniones christianæ discipline relaxativas, & animarum perniciem inferentes. . . prodire: & summam illam luxuriantium ingeniorum licentiam in dies magis excrescere, per quam in rebus ad conscientiam pertinentibus modus opinandi irrepti alienus omnino ab evangelica simplicitate.* Hoc confirmat Ecclesia Gallicana, testantur Episcopi Hispani plures, & communis omnium sensus.

fus. Sed testem adducere volo omni exceptione, penes vos, majorem, nempe insignem Probabilistam.

V. Is est P. Antonius Terillus Societatis Jesu, *Probabilissimi* *resensi* Probabilissimo directo longe peioris inventor, & parens, qui hæc in præfatione ad tractatum de conscientia inter plura scribit. „ INNUMERABILES  
 „ sunt, qui a triginta annis summis Casuum, rerumque moralium tractati-  
 „ bus Bibliothecas impleverunt.... Ad nova promenda animosiores effecti  
 „ in opiniones laxiores oculos, animumque conjecerunt, gnari *cus præ omnibus*  
 „ rudiori legentium vulgo placituras... Vidi ego ex hisce recentioribus non-  
 „ nullos viros, ceteroquin egregios, qui cum in rebus summi momenti ad  
 „ Dei legem, & conscientie obligationem pertinentibus ab unanimi  
 „ omnium sententia *ad intolerabilem opinandi laxitatem declinassent*, aliud  
 „ tamen, quo moverentur, quam a simili ductum non habebant. Vidi, &  
 „ exhorui: quis enim non horreret?... Neque hic fletit quorundam *az-*  
 „ *dacia*. Plurimi enim, etsi doctrina longe inferiores, similem quoque ar-  
 „ guendi modum sibi licitum existimantes ex laxis resolutionibus ad alias  
 „ laxiores iter sibi, rectius dixerim, & sibi, & aliis præcipitum aperuerunt:  
 „ atque ita brevi effectum est, ut *plures laxitates vere non ferenda*, in ocu-  
 „ los legentium non sine plurimorum scandalo frequenter incurrerent. Nec  
 „ desuere, qui laudi sibi verterent *laxiores sententias in unum colligere, cas-*  
 „ *que tamquam legitimas conscientie regulas sub specioso PROBABILITATIS*  
 „ *regnine vendit*ure. Cum enim apud Auctores iam in ore vulgi ob *suam*  
 „ *laxitatem celebres* resolutionem aliquam invenissent, illico eam pro vere  
 „ probabili habuerunt... Unde factum est, ut quascumque opiniones ex-  
 „ presse ab Ecclesia non condemnatas apud quemcumque reperissent, eas  
 „ pro vere probabilibus & ipsi haberent, & aliis pro-regula ad conscien-  
 „ tia tranquillitatem opportuna traderent. Immo incredibile non est, eos  
 „ subtili SATANÆ insinuatione deceptos sub humanitatis cujusdam lenocinio,  
 „ mutique bonoris specie, quibusque aliorum dictis probabilitatem ideo attri-  
 „ buisse, ut quam ipsi prærogativam prioribus ultro dedissent, eam ipsi pesti-  
 „ riores non inderent. Hac arte dolosus inimicus postquam doctiores, qui &  
 „ sibi invigilare, & aliis prospicere debuerant, prægestato plausu amplio-  
 „ ris famæ per laxarum opinionum evulgationem sibi certo acquirenda, fascina-  
 „ set, per eos nimis incautos in Campo Moralis Theologiz optimo severa-  
 „ rum opinionum tritico abunde sato, *detestanda laxitatis zizania* superse-  
 „ minavit, & abiit: *conscientius quippe erat, ea absque boni tritici iactura nun-*  
 „ *quam evellenda*. Quid enim? toleranda erunt *scandalosa laxitatis opinio-*  
 „ *nes* noivæ? At hoc ipsum erat, quod omni cura, ut fieret, conabatur.  
 „ Quid ergo? eradicanda erant non tam emergentes gemmæ, quam adul-  
 „ tæ, *vinculataeque cum tritico zizaniorum herbae*? At id absque tritici iactura,  
 „ id est absque sinceræ doctrinæ radicibus non tam convellenda, quam  
 „ „ evell-

9, evellendæ periculo fieri haudquaquam posse non immerito gloriabatur.“

VI. Qui hæc docet, mi Noceti, non est Pascalis, non Arnaldus, non aliquis Jansenista; sed est P. Antonius Terillus Jesuita, Probabilista, immo *Probabilissimi reflexi* Parens, & Princeps. Qui clamores, quæ murmura, quæ turbæ non concitarentur, si Concina, si Antiprobabilistarum quispiam talia scriberet! P. Antonius Terillus testatur *innumerabiles* esse Casuistas, qui moralibus controversiis bibliothecas replevere: qui, *ut ad famam, quam aucupabantur, pervenirent, in opiniones laxiores oculos conjecerunt*. Vidit, & exhorruit Casuistas istos plurimos, qui ex laxis resolutionibus *ad alias laxiores animosiores facti, præcipitiam & sibi, & aliis aperuerunt*. Advertit has *scandalose laxitatis* opiniones sub probabilitatis tegmine venditasse. Terillus igitur ipse laxitatis fontem Probabilissimum designat. Immo subdit: incredibile non esse eos, *subtili Satane insinuatione* deceptos, acquirendæ popularis famæ lenocinio *detestanda laxitatis zizania*, & laxarum opinionum scandala in Campum moralis Theologiæ invexisse. Duo itaque ut certa constituit P. Antonius Terillus. Primum, innumera laxarum opinionum paradoxa, quæ horrorem ingerunt, sub *probabilitatis tegmine* investita in Theologiam Christianam esse. Alterum, Casuistas plurimos, has laxas opiniones, quibus & sibi, & aliis præcipitium præpararunt, excogitasse, ut famam, plausum, & populorum frequentiam, & exiliminationem conciliarent. Concina contra continenter inculcavit, Casuistas istos, pia intentione succurrendi humanæ imbecillitati delinivisse legis evangelicæ severitatem. Quid ergo est quod Concinam traducatis tamquam calumniatorem Casuistarum; Terillum autem vestrum, qui ea de Casuistis scripsit, quorum nec meminit quidem Concina, præconis efferatis? Verum hoc dicis gratia, & id quod præcipuum est causæ argumentum urgeamus.

VII. Compertum itaque est, atque ineluctabile, tum Summorum Pontificum, tum universæ sere Ecclesiæ, tum ipsorum Probabilistarum testimonio, tum denique manifesto librorum Casuistarum experimento, laxarum opinionum zizania immixta esse moralis Evangelicæ tritico. At Terillus neminem designavit Casuistam. Verum habet. At in hoc erravit. Sævit pestis in Civitate, & non sunt manifestandæ domus, in quibus grassatur, ut sani cavere sibi ab eisdem queant? Libri plurium Casuistarum scatent, redundantque, ut demonstratum est, *scandalose laxitatis zizaniis*, ut fateatur Terillus: & monendi imperiti lectores non sunt, quibus in libris serpent zizania ista, quæ animas Christi Sanguine redemptas trucidant, & in Orcum æternum immittunt? Auderes ne, mi Noceti, in conspectu Reipublicæ Christianæ propugnare, tegendos, occultandosque esse libros istos? Auderes ne defendere, non esse laxas ejusmodi opiniones super recta manifestandas, clamandumque, quibus in libris reperiantur? Quid hiscis?

Di-

Dispendio ne , & æternæ animarum damnatione parcendum est libris , quos Casuistæ libere , & sponte publici juris fecerunt , & sicuti P. Antonius Terillus ait , ut plausum amplioris famæ sibi compararent ?

VIII. Jam mihi videre videor te , mi Noceti , his argumentis pressum , duo fateri , nempe & libros morales plurimos opinionibus laxis redundare , & libros istos una cum laxitate opinionum manifestandos esse . His duobus tamquam certis constitutis , tertium patefaciendum superest , quod est invidia , periculique plenissimum . Qui scilicet sint hi Auctores , quinam libri isti ? Ego qui rei Casuisticæ decennium circiter operam dedi sedulam , eos designabo , quos tales inter omnes eminere , ni fallar ipse , deprehendi . Hi autem sunt Thomas Sanchez , Joannes Sanchez , Diana , Caramuel , Burgaber , Tamburinus , Escobarius , Zanardus , Castropalaus , Lacruz , Leander , Gobatus , Bordonius , Antonius a Spiritu Sancto , Bonacina , Sporer , Pasqualigus , La-Croix , Mazzotta , Viva , alique istorum affeclæ . Jam te audio , o Noceti , mihi improperantem , & calumniæ redarguentem , quod his recensitis Auctoribus notam laxitatis affinxerim . Tuum ergo est manifestare , quinam sine Auctoribus a me recensitis laxiores . Jam duo mihi concessisti : unum plurimos esse morales libros laxitatis lue inquinatos : alterum ejusmodi libros designandos esse , æterna animarum salute id postulante . Tertium necessario consequitur , quod nempe nostrum alter designare istos Casuistas , & laxarum opinionum zizaniam debeat . Ego manifestavi illos , quos primos laxarum opinionum reputavi magistros , a quibus ceteri Summistæ , & Casuistæ inferioris subsellii suas opiniunculas transcribunt . Si tu contra a laxitatis nota immunes istos asseris , designa , quinam alii sint Casuistæ , qui morales cursus , ut vocant , ediderint , & laxiores sint iis , quos ego designavi . Evadere hinc nullo modo vales . Duo itaque tibi , mi Noceti , præstanda sunt . Primum retractare consilia , & adhortationes debes , quibus & tu scripto , & Commilitones tui voce , aliorum Ordinum Theologos provocastis , ut & ipsi exemplum vestrum imitarentur , suosque Casuistas a laxitatis nota asfererent . Alterum autem præstes oportet , ad majorem Dei gloriam , nempe : aut Moralistas a me designatos præcipuos esse laxarum opinionum Magistros fateare necessum est : aut tu alios designare Casuistas debes , qui laxiora doceant . Hic est hujusce controversiæ finis unicus : & nulla heinc ad effugium rima patet . Quare , ne te diutius in questione torqueam , plurimam tibi adprecor salutem , ut solidum Reipublicæ Literariæ responsum præbere queas . Iterum vale plurimum .

# EPISTOLA III.<sup>21</sup>

A D

P. CAROLUM NOCETIUM

S O C. J E S U.

A R G U M E N T U M.

*Illud addo: sat est Epistolas Provinciales, Theologiam Moralem Jesuitarum, Henricum a S. Ignatio, Synnichium, Gennetum, paucosque alios severioris disciplinæ Patronos, vel cursim perlustrasse, ut intelligatur, unde hæc tandem fere tota Theologia exscripta sit. P. Nocetius in Præf. pag. 4.*

I. **F**acillimæ decisionis est, mi Noceti, hoc, quod ex tuo libro excerptum est argumentum, quodque non in præfatione modo proponis, sed frequenter in universo tuo libello repetis, & Concinæ exprobras. Epistolæ Provinciales, Theologia Moralis Jesuitarum, opera Henrici a S. Ignatio, Synnichii, & Genneti ex una: & opera P. Concinæ ex altera parte publici juris sunt. Facillime ergo demonstrari, quod objicis, plagium, & furtum potest. Adfirmanti autem probare incumbit, quod evulgat. Surda pertransire aure decreveram hanc, quam tu vocares manifestam imposturam, & invidiosissimam calumniam, sed ego rancidam, & vetustam cansionem appello, quam ab integro fere sæculo canere cœpistis plurimi. Verum dum serio recogito, nullum hodiernum in lucem de morum integritate opus prodire, ex Evangelio, ex Patribus, ex Sacris Canonibus constatum, quod continuo non traducatur ut plagium Epistolarum Provincialium, Theologiæ Moralis Jesuitarum, Sancirani, Vendrochii, Jansenistarumque; deliberavi vos ad incitاس redigere, atque urgere, ut vel hoc factum probetis, vel falsitatem ratrafectis, vel universa Respublica Christiana sciat, vos falsa crimina imponere sanioris Theologiæ vindicibus.

II. Et ut ab Epistolis Provincialibus Paschalis incipiam, præscius Concina hujusce criminationis, cum cœpit suam scribere *Theologiam Christianam*, Epistolas Provinciales e cella sua extraxit, easque P. Vincentio Patuzzio Concellitæ suo consignavit, dicens: Has tu conserva Epistolas, ne Jesuitæ Scriptores vetustam suam cantilenam adversus me recinere de morequeant.

Theo-

Theologiæ Christianæ Auctorem has expilasse litteras. Factum hoc verum est, & testis vivus; non ideo tamen illud narro, ut fidem tu eidem adhibeas, sed ut ceteri illud legentes, parumper rideant.

III. Ut vero te falsitatis revincam, non multis est opus. Epistolarum Provincialium aliæ Jansenii factum tractant, & Molinismum, atque Portus Regii tricas discutunt. Has ne Epistolas expilavit Concina? Video te hic obmutescere. Aliæ Epistolæ plures laxas propositiones Casuistarum Societatis, jocos, salibus perfricant, atque deridendas, & detestandas propinant. Ubinam in Epistolis Provincialibus controversæ morum ex instituto discutuntur, & explicantur? Ad propositiones laxas Jesuitarum quod attinet, olim Socius tuus P. Monti in suo libello inscripto *Difesa della Dissertazione Teologico Morale Critica &c.* nempe Defensio eorum qui in Quadragesima ob piscium nauseam, & incommodum carnes manducant, tum manent in prandio, tum sero in cœna, Concinam accusavit, quod laxas de jejunio opiniones recensitas in suo libro nuncupato *La Quaresima* appellante exscripsisset ex Epistolis Provincialibus, & ex altero Libro inscripto *Artes Jesuiticæ*. Hanc falsitatem Concina evidenter demonstravit in Appendice ad *Tom. II. Hist. Probab.*, & *Rig.* adjuncta, ubi 49. opiniones laxas de jejunio in Artibus Jesuiticis contentas attulit, quarum nec una rescripta erat in libro *La Quaresima* appellante. Obmutuit Socius tuus, nec amplius in arenam descendit. Eodem te nunc argumento aggrediar. Nimium excresceret Epistola hæc, si Paschalis propositiones isthuc transcriberem. Sed te provooco, ut propositiones Provincialium simul cum omnibus propositionibus Theologiæ Christianæ collatas in publicum edas, ut quod scripsisti evincas. Alioquin reus falsitatis apud universam Christianam Rempublicam perpetuo apparebis. Interim perpendas velim quæ adversus Provinciales Epistolas Concina scripsit *Tom. X. pag. 89. Epistolas Provinciales ab Ecclesia damnatas detestor: tum quod Janseniana lue sint inquinatæ, tum quod quorundam Casuistarum laxas opiniones Jesuitis, & ipsi Inclite Societati impingere videantur; quam ego calumniam nullies execratus sum, æternumque execrabor: cum & leges Societatis, & Sapientiores Jesuitæ sicut probabilissimum, ita & laxas, quæ inde veluti ex fonte profluunt, opiniones improbent. Ceterum unum adjicio, Montaltium ut plurimum fide summâ transcribere opiniones Casuistarum & quantum ad verba, & quantum ad sensum. Ad hæc ultima verba tu reponis pag. 283. Offensum fuisse Terrarum Orbis miraculum, nisi P. Concina asseruisset fidem Epistolis Provincialibus, quas, ut suam Theologiam locupletaret, expilavit. Sed non est aptus assertor alienæ fidei, qui tam frequenter deficit in sua. Num Concina, ut tu urbanissime asseris, iura bonæ fidei læserit, Dinellius, & Eusebius Eranisse demonstrarunt, & rursus patetascient. Quod a Paschalio propositiones Casuisticæ sincere relatæ sint, facti veritas est adeo luculenta, ut nemo hætenus integro sæculo evincere oppositum potuerit. In Dialogis Cleandri, & Eudoxii pauca in discrimen ad-*



adducuntur infelici eventu, & Dialogi isti latine editi damnati fuerunt. *Oſtendit orbis miraculum* fuiſſet, niſi, tu mi Noceti, ad hoc Epiſtolarum eſſugium te recepiſſeſ.

IV. Mirifici ſane plures veſtrum eſtis, cum Caſuiſticæ laxitatis cenſoribus invidiam conſlare deliberatiſ. Cum primum Paſchaliſ evulgavit Epiſtolas Provinciales, eum maiores tui, mi Noceti, accuſarunt omnia ab Hæretico Molinæo hauſiſſe, atque, non ſecus Paſchalem Societatem calumniari, ac Calviniſtas inſamare Eccleſiam Catholicam. Vendrochius in notis paucis rem in tuto ponit hiſ verbis. *Eccui enim probatum iri ſperant Jeſuitæ & Molinæi fontibus hæuſta, quæ Montaltius, ex Caſuiſtis proferat, cum illi, quibus frequentius utitur, Amicus, Baunius, Eſcobarius, Cellotius, Sirmundus haud paulo poſt Molinæum ſcripſerint?* (a) Notæ Vendrochii non ſunt, quod ſciam, damnatæ, ut notæ P. Honorati Fabri in ejusdem notas. Hac eadem ratione ego evidentiffime patefacio falſum eſſe, quod tu, mi Noceti, adverſus Concinam ſcribis. P. *Claudius La-Croix, P. Dominicus Viva, P. Pichler, P. Sporer, P. Leander*, quos præ aliis cribrat, & excutit Concina, pluribus luſtris poſt Epiſtolas Provinciales ſua evulgarunt opera. Decretoria hæc ſunt, mi Noceti, contra ea, quæ tu ſcribis adverſus *Theologiam Chriſtianam*. Alterutrum ergo. Aut retractandũ, quod adverſus Concinam ſcripſiſti, tibi eſt: aut ſubeunda injuſtæ criminationis macula. Sed ultra pergamus.

V. *Theologia Moralis Jeſuitarum* aliquam ne controverſiam Theologicam interpretatur? Quid hæc Theologia continet, niſi Epiſcoporum, & Archiepiſcoporum cenſuras in Apologiam Caſuiſtarum evulgatam a P. *Pivot Jeſuita*: & plura alia ſcripta adverſus laxiorem Ethicem Sanchezii, Tamburini, Baunii, & aliorum?

VI. Similiter Vendrochius notas in Provinciales Epiſtolas, diſſertationem in Probabiliſmum adornavit, & laxitatem opinionum moraliũ, quas recensuit Paſchaliſ, validius exagitare ſtudit. Nullum vero Theologiæ Moraliſ tractatum, quod ego ſciam, edidit. Quid igitur ex Vendrochio tranſcripſit Concina?

VII. Joannes Synnichius opus edidit inſcriptum *Saul Exrex* in capita cxliv. tributum. A capite xciv. uſque ad caput cxxiii. ideſt capitibus xxix. adverſus Probabiliſmum, & contra laxitates Tamburini, Caramuellis, aliorumque Neotericorum calamus acuit. Felicius autem, & validius poſteriores Synnichio Theologi, præfertim Baronius, Contentſonius, Gonetus, Elizaſde, Camargo, Tyrſus Gonzalez, alique Probabiliſmum, & Tamburini, Caramuellis, aliorumque laxas doctrinas proſtigarunt. Inepte igitur, & facti veritate repugnante Synnichium obrudis. Quid plura? Non modo Concina quidquam a Synnichio adverſus Jeſuitas non tranſcripſit,

D

ſed

---

(a) Inſ. Not. præamb. n. 2.

sed Jesuitam Tamburinum a laxa opinione quam eidem Synnichius adscribit, vindicat, accusatque Synnichium injuste criminationis. Si hoc verum esset, ajunt omnes, nimio suffundi pudore Nocetius deberet. En splendidissimum veritatis propositum monumentum. P. Concina. *Tom. IV. Theolog. Christ.* pag. 657. num. 111. hæc scribit: *Joannes Synnichius in suo Saule Exrege capite cxix. injuste vexat Thomam Tamburinum, quasi istius opinionis inventorem, atque laxitatis reum postulat. Verum quemadmodum frequenter jussu vapulati Tamburinus a Synnichio, sic in præsens Synnichius immerito, ut ego quidem arbitror, & ut id, quod sentio, nullo partium studio præventus dicam, Tamburinum torquet, cum is talem opinionem a Cajetano, Lessio, aliisque mutuatus sit. Quid ad hæc, mi Noceti? Quid tibi superest, ut honestati tuæ consulas? Non aliud sane, nisi eorum, quæ adversus Concinam scripsisti, sincerissima Palinodia.*

VIII. Non minorem ingerit admirationem, quod ausus fueris in medium asferre Henricum a S. Ignatio, quem ex instituto Concina confutat in præcipuis controversiis, præsertim de operibus Infidelium, de contractibus, aliisque plurimis, ut quisque videre potest. Quid quod non modo Concina refellit plures Henrici a S. Ignatio sententias, sed præterea monet lectores Theologum hunc minus esse sincerum in referendis aliorum Theologorum sententiis, & celeberrimum Theologum Jesuitam vindicat ab ejusdem criminatione? Verum ne hoc? Verissimum. En Concinae verba, quæ licet prima Dinellii Epistola data fuerint vulgari lingua, lubet eadem latine reddita ob oculos revocare. *Cardinalis de Lugo alter est antiquorum Theologorum, qui teste P. Viva, docuit Philosophismum innoxium, ab Alexandro VIII. minime confutum. Ut veritati, & P. Viva equitati faciam satis, fateor doctum hunc Cardinalem loqui in sensu hypothetico, & Philosophismum proscriptum, ut mihi videtur, non docere. Pater HENRICUS A S. IGNATIO peccati Philosophici Auditoribus accenset etiam hunc insignem Theologum, adducitque testimonium excerptum ex Disp. 5. Sec. 5. de incarnat. Proximam sectionem legi, & testimonium non esse sincere transcriptum deprehendi, quoniam doctrine ibidem occurrunt, quibus sano in sensu exponi illud testimonium valet. Fatemur veritatem oportet. Præfatus Henricus a S. Ignatio sepe minus exacte Auctorum sententias refert. Id autem idcirco maxime, ne lectores eidem fidem adhibeant. Haud exiguus defectus est adscribere gravi Theolog erroneam doctrinam. Ne in hunc ego errorem incidam, omnem adhibeo diligentiam; & semper vector, ne par muneri meo studium respondeat: quare sepe in antecessum retracto, quod calamo, voluntate mea repugnante excidere posset. Facilis est in factorum narratione lapsus. (a) Hoc idem confirmat Concina *Tom. II. Appar. ad Theolog. christ.**

(a) Hist. Prob. Diss. 1, c. 5. n. 23.

*Christ. pag. 357.* ubi hæc in defensionem Cardinalis de Lugo contra Henricum a S. Ignatio scribit. *Inter Philosophistas collocat P. Henricus a S. Ignatio etiam Cardinalem de Lugo, cujus textum affert ex disp. 5. Sec. 5. de in-car. sed ut veritati litem, dico integram me legisse citatam sectionem, & nihil invenisse, quod non queat sano in sensu exponi: Lugo siquidem in sensu hypothetico loquitur.*

IX. Celebrem Jesuitam a nota *Philosophismi*, quam eidem affinxerat Henricus a S. Ignatio, Concina vindicat; huic Auctori non esse fidem adhibendam ille inelamat; monetque de hoc lectores; eundem opportune refellit: & tu, mi Nocti, audes hujusce Auctoris exscriptorem Concina evulgare? Nihil reformidas publicum judicium? Cedo. Nonne Paschalis Epistolæ, Vendrochii varia opera, & Henrici a S. Ignatio Ethica amoris, proscripta sunt, tamquam Jansenismi lue inquinata? Si hæc opera Concina expilavit, Jansenismi peste Concina volumina plena essent. Hoc est confectarium quod necessario manat. Cur ergo Concina Jansenismi non accusatis, cum accusatio hæc adeo vobis pluribus familiaris sit? Expurgavit ne Concina istorum doctrinam ab erroribus? Ergo non exscripsit, sed Evangelicam doctrinam errorum expertem docuit. Plurima catholica dogmata, immo omnia, si Jansenismum excipias, docent indicati Auctores, & divina præcepta defendunt. Abjicenda ne propterea sunt? Quæro abs te etiam: cur Episcopi Genneti Theologiam ab omni censura immunem, Paschalis, Vendrochii, Theologiæ Jesuitarum, Henrici a S. Ignatio operibus accensuisti? Eodem ne loco habes Episcopi Genneti Theologiam, ac Epistolas Provinciales, notas Vendrochii, Ethicam amoris, & Theologiam Jesuitarum? Vt ipsis Episcopis insultare non reformidas? Sed argumentum concludamus. Aut tu ostendere, adductis documentis, debes *Theologiam Christianam* ex indicatis fontibus haussam esse: aut illam subire notam adstringeris, cui illi obnoxii sunt, qui falsa crimina honestis viris imponunt.

X. Mutuum sincerumque colloquium instituiamus. Quenam est, mi Nocti, Theologia Moralis, quam amplecti tanta conscientia in Animarum regimine penitentia administri valent? Theologia Probabilistica? Hæc modum opinandi continet, qui per universum corpus serpit, & grassatur, quem si pro recta regula fideles in praxi sequerentur, ingens eruptura esset Christianæ vitæ corruptela, ut testatur Summus Pontifex Alexander VII., & universa Ecclesiæ Gallicana latius declaravit: & reipsa, ut nobis videtur, Theologia Probabilistica Sanchezii, Caramuelis, Dianæ, Tamburini, Castropalai, Leandri, Bonacina, La-Croix, Vivæ, Candidi, Zanardi, & aliorum scatet opinionibus laxis. Contra Theologia Merbessii, Natalis ab Alexandro, Genneti, Antoine nullam continet doctrinam justo rigidiorē. Quod si tu inficiaris, urgeo, ut designes in his Auctoris aliquam sententiam, censura dignam. Conatus omnes exeruit Francolinus, ut rigorismum

D. 2. in

in Merbesio, & Genneto designaret, præsertim quod Merbesius exigit caritatem initialem, & Gennetus propositum constans pro vera, & sufficienti dispositione ad Sacramentum Pœnitentiæ. Verum censura Francolini ab omnibus sanctoris doctrinæ Theologis improbat. Tu acutior Francolino designa aut rigorismum, aut laxismum in quatuor recensitis Auctoribus. Hunc numquam designabis. Nihiloscius veluti ex asse heres effugii, quo majores tui usunt, quælibet tibi Theologia antiprobabilistica, *Rigorismum*, & *Jansenismum* prædicum redolet. Nulla itaque Theologia patet, qua animarum Rectores uti tuto queant. Non probabilistica, quia reipsa opinionibus laxis redundat: non antiprobabilistica secundum vos, quia sævitiæ præfert. Nulla ergo tuta Theologia in manibus Parochorum adest? Paschalis a *Molina Calvinista*, a *Paschali Jansenista* Merbesibus, Gennetus, Synnichi, Concina sua hausere opera. Et huc tandem conatus, & studia vestra recidere videntur, ut nulla Theologia sanam Evangelii doctrinam contineat. Nam, ut illi Theologiæ, quæ Evangelio conformior est, invidiam extremam consletis, notam Rigorismi, & Jansenismi eidem appingitis, eamque ab Hereticis suam trahere originem affirmatis.

XL. Hæc sunt rationum momenta, quæ me cogunt, ut te P. Nocetium provocem, ut, documentis allatis, evincas Theologiam Christianam exscriptam esse ex Epistolis Provincialibus, Theologia Morali Jesuitarum, Synnichio, Henrico a S. Ignatio. Si hoc non præstas, fors eris apud universam Rempubicam Christianam apertissimæ falsitatis. Neque dicas, Epistolas Provinciales, Artes Jesuiticas, Henricum a S. Ignatio plures Casuistarum laxas opiniones collegisse. Quid enim inferre heinc contendis? Et primo numquid Paschalis, Synnichi, Henricus a S. Ignatio recensent laxas opiniones *Vira*, *La-Croixii*, *Mazzotte*, *Sporerii*, *Leandri*, *Salmanticensium*, *Lacruzii*, sicut eas collegit Concina? Præterea numquid opera Tamburini, Escobarii, Castropalai, Amici, Sanchezii, Dianæ, Caramuelis, Baunii, æque Concinae obvia non sunt ac Paschali allisque? An nos Itali, non secus ac transalpini, legere, intelligere, & deprehendere laxas Casuistarum opiniones non valemus? Immo Itali primi fuere, qui ante Sancyranum, ceterosque transalpinos bellum Probabilismo, & relaxatæ Morali indixere. Quid ergo inaniter obtudis, aliquas laxas opiniones Gobati, Tamburini, Escobarii, aliorumque a Paschali, ab Henrico a S. Ignatio recenseri? Ad hoc iam responsum est. Nunc addo, te hinc colligere hoc potius debere: quæ a pluribus testibus afferuntur, communiter vera esse. Verum ut ut res hæc se habeat, Fodina Casuistica adeo vastata, adeo secunda est, ut quisque inde erueret amplam laxitatis copiam queat, quin egeat ministerio vel Paschalis, vel Henrici a S. Ignatio, aut Veadrochii. Quid, quod Concina numerum non duplo, non tri-

triplo, fed quadruplo, & amplius majorem laxarum opinionum collegit quam citati Auctores? Ergo injuria summa illum criminari.

XII. Dicturus forte eris ab Gennetum, Merbesium, Paschalem, Vendrochium, Henricum & S. Ignatio doctrinas plures defendere non diversas ab eis, quas Concina propugnat? Bene habet. Debebat ne propterea, si verè sunt, Concina illas respuere? Decalogum, Symbolum, Trinitatem, Incarnationem defendunt Lutherani, Calviniani, alique Hæretici; repudiandæ ne propterea ejusmodi veritates sunt? Vel ipsi doctiores Philosophi ethnici plures opiniones laxas improbant, quas non pauci Casuistæ defendunt. Ideo ne prætermittere nos veras doctrinas debemus, quia eadem vel a Paganiis, vel ab Hæreticis propugnantur? Eadem est Patrum omnium de moribus doctrina. Propterea ne mutuo se transcripserunt Patres? Ut saniori, & Evangelio propinquiore Theologiæ invidia creetur, ab Hæreticis illam sancti evulgatur. Quemadmodum Julianus Pelagianus Manichæismi postulabat Catholicos, ut testatur S. Augustinus (a); ita Probabilistæ non pauci *Janseuismi*, & *Rigorismi* accusant, & exscriptores Janseuistarum evulgant Sanioris Theologiæ, quam rigidissimam appellant, vindices. Verum difamatio hæc nimium dedecet honestatem, & exhibenda potius, quam confutanda est.

XIII. Ceterum sub huiusce Epistolæ finem ineluctabili argumentatione extrinsecus arcessita te, mi Nocei, stringere volo. Si Concina fidem adhibuisset quibuscunque auctoribus in excribendis opinionibus, quæ recensentur in suis Catalogis, nisi fontes adiisset, duplicis stultitiæ reus fuisset. Et primo insanum se perhibuisset, si libros Casuisticos obvios, & laxarum opinionum plenos, legere neglexisset. Quis est, qui suam, absque ullo gravi incommodo, prodigere famam velit? Nemo nisi aperte insanus. Præterea ignorabat ne Concina quæ sint inclitæ Societatis vires, quæ illius potentia, & quas clientelas habeat? Ignorabat ne quanto studio, quanto virum conatu Societas hæc gloriam, & famam ab integro & amplius sæculo suorum Auctorum propugnare, & qua iustitia severa animadvertere, si velit, in suos adversarios queat? Ex altera parte Concina homuncio, solus, humanis subsidiiis omnino destitutus, & hostium legionibus circumdatus bellum calumniis, & imposturis peragendum tam insigni Religionis intentasset? Quid, quod in ipso certamine talia expertus Concina est, qui nisi clypeo, & armatura veritatis instructus fuisset, in primis velitationibus extinctus periisset? Se vidit libellis famosis, ceu impudentissimum sycophantam tractum, desertumque ab omnibus. Hæc omnia & ante certamen, & in ipsa pugna comperta. Concinae fuere. Stultissimus ei-

go ille fuisset, si falsitate, & imposturis potentissimos hostes aggressus fuisset. Numquid quindecim annorum intervallo bellum continuum intrepido animo sustinuisset veritate destitutus? Numquid Societas adeo potens, adeo sapiens in tam longo intervallo non debellasset homunculum calumniatorem, & impostorem? Credat Judæus appella. Concina adversus hos formidandos, atque potentissimos adversarios intrepide dimicat, quin vel tantillum animos remisit, sed contra robustior, atque valentior evasit. Ergo invictissimo veritatis clypeo obarmatus pugnat. Ergo ab ipso stant justitia, veritas, & æquitas. Si his spoliatus armis manus vobiscum conferuisset Daniel, non secus ac pulvis, quæ ab impetu venti agitata per aerem distrahitur, illo discerptus in partes dispersiisset. In quæstionibus facti, mendacia, & impostura protinus se produnt. Igitur etsi aliæ causæ ad veritatem inveniendam Concina non impellerent, ex sola virium suarum, & Societatis diversitate incredili, intelligeret, quanta vigilantia, diligentia, & dexteritate illi opus sit, ut laxas valeat oppugnare Casuistarum vestrorum opiniones, quin potentiam vestram nihil penitus reformidet. Unum sub istius Epistolæ finem addam nempe, mi Noceti, imitatum omnino esse tuos quinque Socios, Casuistarum Societatis Apologistas, *Pirotum, Danielelem, Mojam, Honoratum Fabri, Raynaudum*, omnes proscriptos. Et sane si liber tuus ad Tribunal deferatur, non meliorem, ut ego quidem arbitror, experietur sortem. Vale.



ERI-

# 29 EPISTOLA IV.

A D

P. CAROLUM NOCETIUM

SOC. IESU.

A R G U M E N T U M.

*Theologia Probabilistica* invecta est a Patribus Dominicanis prater propter post celebratum Concilium Tridentinum. *Theologia Probabilistica* viget in certis quibusdam terrarum Orbis partibus, in certis aliis viget potius *Theologia Probabilioristica*. Utrum abundantior peccatorum torrens inundaverit Christianismum post Concilium Tridentinum an ante: utrum abundantior peccatorum torrens eas regiones inundet ubi viget *Probabilismus*, an alias, ubi viget *Probabiliorismus* judicabunt alii, qui in rebus facti multo magis quam ego, versati sunt. Unum ego dicam, quod a peritis, & fide dignis audiivi: Peccata quorum torrens Christianismum inundat non ea esse, de quibus hinc inde a Catholicis Theologis disputatur utrum peccata sint; sed ea quae Rigorista, Benignista, Probabiliorista, Probabilista, Dofsi, Indofsi, Senes, Pueri, Mares, Femina evidentissime norunt, & concedunt esse peccata. P. Nocetius Verit. Vind. cap. LXII. pag. 147.

L **A**rgumentum hoc tribuo in paragraphos plures, quod gravia, & scitu dignissima puncta contineat. Frequentissime, mi Patet, in hoc tuo libro opponis Concinam invidiam conflas Theologis Jesuitis, occultatis Dominicanis: passim inclamas: a Dominicano Magistro didicit Jesuita Discipulus pag. 67. Iterum repetis eandem cantilenam pag. 102. A Dominicanis Magistris Jesuita Discipuli didicerunt. Rursus pag. 169. En a quibus Magistris (Bannez, & Lopez) didicerunt portenta haec opinionum Lugo, & Pellizarius. Isti tamen Discipuli opinionem illam temperavunt. Vix crederent lectores, nisi paginas indicassem, RR. PP. Jesuitas Fratrum discipulos sese ostentare. Aliquid arcani curbare hic intelligunt omnes. Illud infra patefaciam.

§. I.

## §. I.

*Theologia Probabilistica inveſta eſt a Patribus Dominicanis præter propter poſt celebratum Concilium Tridentinum. Inquit P. Nocetius Jeſuita.*

II. **A** Patribus Dominicanis inveſta eſt Theologia Probabilistica? Quam tantæ narrationis monumenta perhibes? Ubi, quando, quibus in Comitibus, in quo Capitulo, in qua Congregatione Patres Dominicani de Theologia Probabilistica docenda, & propugnanda aut Decretum ediderunt, aut mutuo consensu deliberarunt, aut tacite connivere? Ediffere. Non ne, inquis, P. Bartholomæus Medina Dominicanus in suis commentariis in Primam Secundæ Partis S. Thomæ primus omnium Probabilissimum excogitavit? Negant plures Probabilissimi, *Subjektivum* Medinam Parentem esse. Sed ipse, ceteris liberalior, concedere hunc Dominicanum volo Probabilissimum excogitasse, atque ab altero Dominicano Ludovico Lopez adoptatum eundem fuisse. Propterea ne, mi Noceti, absolute, & indefinite affingere hanc doctrinam Dominicanis non reformidas? Dic fodes: si quispiam laxitates Tamburini, Sanchezii, Escobarii, Mojæ, *Jeſuitæ*, aut *Societati Jeſu* absolute adscriberet, non ne continuo omnes Jeſuitæ jure inclamarent, & cælum terræ miscerent? Quid? Privati hujus, aut alterius Scriptoris errores *universæ Societati* tribuuntur? Invidia omnibus Jeſuitis creatur, omnes *Jeſuitæ* difamantur, ob quorundam Jeſuitarum oberationes. Ut proſcriberetur ejusmodi liber, curarent illi. Tu vero, mi Noceti, Dominicanis absolute Probabilissimum adscribis, quia octo, vel decem ejusdem Ordinis Scriptores talem docuere doctrinam? Cur hæc mensuræ, & statæ diversitas tanta?

III. Quid, quod Probabilissimus a duobus Dominicanis Medina, & Lopezio traditus, & angustis limitibus circumscriptus a primoribus Societatis Jeſu Theologis Valentia, Vasquezio, Sanchezio adoptatus fuit, & sublatis limitibus, dilatatus, atque propagatus? P. Thomas Sanchez Jeſuita, ineunte sæculo decimoſeptimo Probabilissimum in quacumque materia sive Sacramentaria, sive Justitiæ, sive Fidei amplificavit. Ex plurimis unam in transcurso istius Jeſuitæ doctrinam dabo. Dum *Infidelis sibi persuasum habet, suam sectam esse probabilem, quamvis contraria sit probabilior, tenetur utique in articulo mortis constitutus veram fidem, quam probabiliorē judicat, amplecti, utpote qui in eo articulo est constitutus, in quo de extrema salute agitur, ac proinde partem quam tutiorem, & probabiliorē judicat, amplecti tenetur. At extra HUNC ARTICULUM NON TENETUR*, quod adhuc prudenter existimes, se posse in sua secta perseverare, tempusque rei melius examinande supersit. Adde *Mysteria fidei tam sublimia esse, ac Christianos mores adeo carnis, & sanguinis legibus repu-*



repugnare , ut NON *quævis* MAJOR PROBABILITAS *sufficiens* reputetur ad inducendam CREDENDI obligationem . (a) Numquid hic Jesuita discipulus didicit ab aliquo Dominicano Magistro hanc doctrinam, quæ est ultimus veneficus succus Probabilismi, quam Romana Sedes damnavit? Viden', hunc Theologum duplicem excogitasse Theologiam, alteram mortis articulo opportunam, vitæ intervallo consentaneam alteram. Rationem istius duplicis Theologiæ perhibet satis lepidam. Mysteria fidei Christianæ, inquit, *sublimia* valde sunt : mores, quos Evangelia præscribunt, adeo *carnis, & sanguinis* (N. B.) *legibus repugnant, ut non quævis major probabilitas sufficiens* reputetur ad inducendam credendi obligationem . In sua ergo minori probabilitate tranquille derelinquendi Pagani, & Sectarii omnes sunt, dum corporis sanitate fruuntur, ut carni , sanguini , & voluptati, quibus nimium infesti sunt Christiani mores, indulgere queant. Ceterum in mortis articulo, cum tempus amplius non sit deliciis carnis vacandi, *major probabilitas* inducit obligationem, veram Religionem carni , & sanguini infestam suscipiendi. Quid tibi , mi Noceti, de hac duplici Theologia videtur? Quid respondes? Quid boni sperari a Theologis, qui talia paradoxa docent, potest? Et tu similitum Theologorum persuadere lectionem Confessarii audes? Non te terret, non te deprimit hoc inventum? Vitæ tempore Theologia Probabilistica, seu minus probabilis, quæ carni, & sanguini conformis sit? Mortis vero articulo Theologia *Probabilior*, severiorque, quia tunc tempus voluptatis transiit? Oro te, mi Noceti, obtestorque, ut alta recogitare mente velis inauditum hoc duplicis Theologiæ genus, quia plurima, quæ dicere ipse possem, alto præterire silentio decrevi. Sanchezii, Vasquezii, Valentæ, aliorumque Societatis Theologorum auctoritate munitus Probabilissimus universas fere Casuistarum Scholas invasit. P. Mutius Vitelleschi Inclitæ Societatis Præpositus Generalis, ut ejusdem cursum in sua Religione abrumperet, hanc anno 1617. Epistolam ad Superiores scripsit. *Nonnullorum ex Societate Sententiæ in rebus præsertim ad mores spectantibus, plus nimio liberæ, non modo periculum est ne ipsam evertant, sed NE ECCLESIA ETIAM DEI UNIVERSÆ insignia afferant detrimenta .* Omni itaque studio perficiant , ut qui docent , scribuntve , minime hac regula , & norma in delectu sententiarum utantur : Tueri quis potest , Probabilis est , Auctore non caret . Non modo præclarissimus iste Generalis Præpositus nihil profecit, sed post hanc Epistolam , Jesuitæ præ ceteris Probabilissimum propagarunt . Vix Dominicanum unum reperio , qui extra Hispaniam , hoc Probabilissimi commentum ex instituto docuerit. Contra Casuistæ Jesuitæ per universam ferme Europam eundem evulgarunt, aut

E repa-

(a) Lib. 2. in Decal. c. 1. n. 6. pag. 87.

repararunt, nempe *Filliucius*, & *Baldellus* in Italia : *Laymanus*, & *Gobatus* in Germania : *Reginaldus*, & *Bauius* in Gallia : *Lessius*, & *Conink* in Belgio : *Fagundez* in Lusitania . Sed ne videar Jesuitis invidiam confiare, transcribam ipsius *P. Antonii Escobarii* Celebris Jesuitæ verba. Edidit ille Summam XXIV. Doctorum ex Societate, qui pro Probabilismo strenue dimicant, & contrarias doctrinas propugnant. Hanc Summam XXIV. Seniorum comparat *P. Escobarius* quinto capiti libri *Apocalypseos*, inquiens : „ Joannes videns *Apocalypseos* cap. v. methodum meo operi indulget, ut „ Theologiæ Moralis tractatio positivæ sapiat interpretem. Agnus JESUS „ Theologiæ moralis librum obsignatum ostentat. Septem Sigillis, leges, „ peccata, Justitiæ, Censuræ, Virtutes, Status, ac Sacramenta occluduntur : quæ quatuor animantibus Bovi fortissimo agri versatori *Suario* : „ volanti Aquilæ *Vasquez*; prudenti juris Homini *Moline* ; ac Leoni adversus Hæreses rugienti *Valentia* referavit . Confident Lestores viginti „ quatuor Jesuitæ Seniores quidem, non ætate solum, sed scientia, videlicet „ *Sanctius*, *Azorius*, *Toletus*, *Henriquez*, *Lessius*, *Rebellus*, *Conink*, *Avila*, „ *Reginaldus*, *Filliucius*, *Salas*, *Hurtado de Mendoza*, *Gaspas Hurtado*, *Laymanus*, uterque *Lugo Franciscus*, & *Joannes sanguine*, & sapientia germani. Hunc virtutes, & sapientia ad Sacra Romane Ecclesiæ Principatum venerunt. *Becanus*, *Fagundez*, *Granados*, *Castropalaus*, *Gordonius*, *Baldellus*, *Sa*, ac *Meratius*. Legunt & *Præpositus Grethserus*, *Turrianus*, *Polanus*, *Busseus*, *Fernandez de Cordova*, & alii &c.“ Summa hæc Escobariana tanto plausu excepta a Probabilistis est, ut intra paucos annos quadragies edita fuerit. Quoniam in qualibet re probabiliter controversa Christiani alios Seniores Jesuitas habent probantes hanc actionem esse honestam, & simul habent alios Seniores Jesuitas eandem omnino actionem, ut inhonestam reprobares. Evidentiorum Pyrrhonismum, ut mihi videtur, desiderare nemo potest.

IV. Sacer Prædicatorum Ordo, ex variis, dissitisque Orbis Terrarum regionibus, in Comitibus Generalibus Romæ anno 1656. congregatus, & primum vidit Probabilismi confectaria absurda, & perniciofa, solemne Decretum edidit, quo novus hic opinandi modus ab universa sua Religione exterminaretur, tamquam fermentum veneficum, quod maximam Theologiæ partem controversam adulterat, atque corrumpit . Præterea Summus Pontifex Alexander VII. huic Sacro Ordini significavit, se rædere novatum opinionum hoc sæculo ad moralem materiam introducatum, quibus Disciplina Evangelica resolvitur, ac conscientia cum gravi animarum periculo illudatur, maximeque velle a Theologis Ordinis Prædicatorum in Ecclesiæ hoc morbo laborantis remedium opus parari, ex severiori, & tuta *S. Thomæ* doctrina, qua hæc morum licentia, quæ in dies grassatur, quasi cauterio cobiberetur. Pontificium Decretum non modo *Baronius*, *Gonettus*, alique Dominica-

ni, sed etiam Sapientes Jesuitæ Elizalde, Gonzalez, Camargo referunt, extollunt. Quæro te ne graveris audire quæ hac de re scribit Celebrerrimus Cardinalis AGUIRRE, in præfatione ad Concilia Hispana. *Sed laudandus est, inquit, maxime inter Regulares Clarissimus. Ordo S. Dominici, qui hortatu laudati Alexandri VII. vexillum extulit adversus Moralem laxam per doctissimos alumnos suos Joannem Martinez de Prado, Julium Mercorum, Vincentium Baronium, Vincentium Contensonum, Picinardum, Gonettum, aliosque similes amplissimo fructu. Et merito quidem ita se gessit, cum nihil aliud discere potuerit, ab incomparabili suo Magistro Doctore Angelico, immo ab Augustino, ac ceteris Patribus, quorum germanam mentem circa fidem, ac mores ille divino ingenio, admiranda claritate explanavit, atque in methodum redegit. Pro eo, quo ego erga Inclitæ Societatem tuam amore, & obsequio seror, vellem, mi Noceti, ut, quemadmodum tot. Summi Pontifices insignia & intelligentia Jesuitarum merita datis diplomatibus jure commendarunt, extuleruntque; ita in posterum unus esset Pontifex futurus, qui Societatem vestram celebratissimam hoc singulari titulo commendaret, quod scilicet laxiori Ethicæ doctissimi Jesuitæ, ejusdem Societatis in Comitibus Generalibus Congregatæ nomine, bellum implacabile denuntiarent, & reipsa gererent. Hoc unum deesse ad completam Societatis vestræ gloriam videtur. At in semitam, unde paululum discessi, revertor. Solutis Generalibus Comitibus, Patres Ordinis ad proprios lares remigrantes, tam solemnne Religionis Dominicanæ Decretum, quam Pontificium mandatum, ac votum, per universum fere Orbem evulgaturæ. Lege promulgatæ, Theologi Dominicani Evangelicæ Doctrinæ amore succensi, continuo, tum e Cathedris, tum e Suggestis, qua voce, qua scriptis novam Probabilismi doctrinam resellere, & penitus labefactare satagerunt. Explicatis Vexillis in arenam præ ceteris descenderunt Julius Mercorius, & Piccinardus in Italia: Martinez de Prado in Hispania: Petrus Labat, Vincentius Baronius, Baptista Gonettus, Vincentius Contensonius, Ludovicus Bandellus, Dominicus a S. Dominico in Galliis. Posteriores Theologi Dominicani omnes tribus, aut quatuor demptis ab integro fere sæculo Probabilismo bellum denunciarunt implacabile, omni prorsus radice funditus ex hoc Dominicano solo avulsa. Dixi supra, te injuria summa Probabilissimum a paucis privatis Dominicanis Hispanis inestum, & a Jesuitis per Orbem propagatum adscriptisse Ordini Dominicano, qui numquam tanta laboravit dementia, ut privatorum Fratrum suorum errata defenderet. Nunc ultra pergo, & luculentius evinco criminationis tuæ gravitatem. Disputant Theologi num culpa præscriptione deleatur? Adfirmant omnes. Finge, Probabilissimum adoptasse Dominicanos. Ab integro fere sæculo solenni Decreto eundem ejurarunt, errore cognito. Cedo. An tu, Probabilista cum sis, negabis integrum, præscriptionis sæculum satis esse ad abluendam maculam, quam*

E. 2

cx.

ex Probabilismo contraxissent Dominicani? Consule Theologos omnes, siue laxioris, siue severioris Disciplinae: invenies eos unanimi consensu gravis culpæ reum damnare, qui crimen a sæculo patratum, & a sæculo publica pœnitentia improbatum, proximo exprobrat. Peccares itaque fingendo Dominicanis Probabilismum, etiamsi integer Ordo eundem docuisset, quod a sæculo integer Ordo illum proscripserit, & longæva præscriptione contrāctam eluerit maculam. Nunc ipse Judex sede, & sententiam dicito, cujusnam gravitatis sit criminatio tua, qua indefinite Dominicanis vanum Probabilismi commentum adscribis, cum isti numquam Probabilismum adoptaverint, sed illico, deprehensa ejusdem noxia pernecie, publico Decreto exterminarunt.

## §. II.

*Responsum genuinum, & nitidum a P. Carolo Nocetio Jesuita Theologo enixe imploratur ad id, quod mox proponam.*

V. **T**U, Noceti Pater, veritatis vindicator, passim in tuo libello; ut jam dixi, Concine exprobras quod *Jesuitæ Discipuli didicere a Dominicanis Magistris Probabilismum, & quod Theologia Probabilistica invecta a Dominicanis ad Jesuitas immigraverit*. Nihil in præsentia dico de hoc inaudito humilitatis portento, quo Jesuitæ se Dominicanorum discipulos ostentant. Quid? Vos Reverendi Patres, Fratres, & quidem Fratres Dominicanos, ut Magistros colitis? Vos Fratrum esse discipulos jactatis? Serio ne hoc dicitis, an irrisorie? Si secundum, causa caditis. Si primum, aliquid sane hic arcani redolet. Nec qui in vivis sunt, nec fera posteritas tantam animi demissionem crederent, nisi in libro tuo, mi Noceti, pluries id legerent. Verum hoc nunc prætermisso, te enixe rogo, ut hisce meis interrogatiunculis germana præbere, & nitida responsa velis. Vos octo, aut decem, plus, minusve, Dominicanos privatos a via veritatis aberrantes, ut Magistros, tum in Probabilismo, tum in ejusdem laxis confectariis sequuti cæco obsequio estis? Tantum apud vos decem Dominicanorum errantium, & laxæ de Morali Evangelica scribentium valet auctoritas? Sed cur, amabo vos, integrum Ordinem Dominicanum Probabilismum cum omnibus confectariis suis solemnī Decreto ejurantem, atque Pontifice Summo Alexandro VII. animante, & hortante, contra Probabilismum strenue dimicantem, sequuti non estis? Cur his vestigiis non insististis? Pluris ne apud vos fuit decem circiter Probabilistarum Dominicanorum exemplum, quam gravissima universi Ordinis auctoritas, qui Summi Pontificis consilio directus; & voto animatus Probabilisticam Theologiam execratur, atque terra, marique eam exterminare cum.

cum laxis opinionibus inde proficiscentibus satagit studio summo? Simplex ego a te, mi Noceti, expecto responsum. Et interim ultra pergo. Quid quod non modo nonnulli vestrum Inclitæ Societatis vestræ Præpositorum Generalium Vitelleschi, & Gonzalezii Consiliis hoc de argumento non paruerunt, nec universi Prædicatorum Ordinis egregium imitati exemplum sunt, sed præterea ultra omnes limites prætergressi, novum, & quidem periculosiorem *Probabilismum*, nempe *Reflexum* post hæc omnia novissime excogitarunt? Hic *Probabilismus Reflexus* non extrinsecus a Dominicanis prodiit, sed intra Societatis viscera conceptus, natus, educatusque universam Theologiam morum contentiosam penetravit, ut ipsi Sapientissimi Jesuitæ basilice testantur. Hujusce *Probabilisimi Reflexi* Parens est *P. Antonius Terillus Jesuita*, qui duas voluntates, seu leges in Deo excogitavit: alteram *directam*, qua peccata vetat, & detestatur; alteram *reflexam*, qua eadem peccata probat, & æterno præmio digna efficit, posita ignorantia invincibili in humana mente. In hoc sistemate error æquat veritatem, & media probabilitate, æque meretur, qui mentitur, ac qui veritatem profert. Adversus hunc novum *Probabilismum* vehementer invehitur doctissimus Jesuita Camargus. Hoc, inquit, *primum portentum est, quod nova lex Terilli trudit in mundum.* (a) Provocat vos omnes socius vester, ut aliquem Terillo antiquiorem istius *reflexi Probabilisimi* inventorem promatis. Prodat Terillus nobis, aut Recentior alius pro ipso, vel unum saltem Antiquum, aut Modernum clari, aut obscuri nominis Theologum, qui memoratam legem existentem in Deo, non dico exprefferit, vel affirmaverit, sed vel leviter quidem aliquando meminerit. (b) Et post plenam Terilli doctrinæ expositionem exclamat Camargus: *Quid possum objicere Benignæ Theologiæ Terilli ultro admittenti peccatum honestum, Deo placens, ut illud etiam præcipiat, aut consulat? Tot, & tanta Terillus miscet absurda, etiam aperte secum pugnantia, ut modernum sustineat Probabilismum.* (c) Et paulo ante testatur Camargo: *Horrendum dictu esse, quod excogitavit Terillus. Hunc Terilli Probabilismum reflexum, hac lege indirecta, seu consequente Dei munimentum, acceptarunt ambabus manibus posteriores Jesuitæ Probabilistæ, Segneri, Casnedi, La-Croix, Viva, & alii sere communiter. Nec est quod opponas, inquit P. La-Croixius, absurdum esse Deum dicere: Venite benedicti Patris mei, percipite Regnum, qui furati estis, qui mentiti estis, qui sequuti estis Arium, Lutherum, Calvinum. Respondet enim intrepide. Absurdum est dicere, quod voluntas mentiendi possit PER SE loquendo a Deo exigere præmium, Concedo. PER ACCIDENS, si mendacium invincibiliter representetur ut*

bo-

(a) Lib. 1. contr. 10. ar. 2. §. 1. n. 31. (b) loc. cit. (c) ibid. 2. §. 64.

bonum, & obligatorium; Nego. (a) Clarius, & animosius id exprimit Cagnedi, inquit; (b) Ita quoque, nullum est absurdum quod Christus Dominus dicat: Veni benedicti accipere Regnum, quia mentitus es invincibiliter, putans me in tali casu præcepisse mendacium. Sed alia mirabiliora audiamus. Siquidem Tom. 2. in dedicatione ad Christum Jesum hæc scribere non dubitavit, utpote Probabilissimi reflexi consuetudinis legitima: Cum Magister veritatis sis, adeo humane condescendis infirmitatibus, ut in Tuo Veritatis Tribunali ERROR inculpatus, ipsam COÆQUET VERITATEM. Eum enim non accusas, sed excusas, non plectis, sed PRÆMIARIS, ipsam tuam legem habendo pro non lege, & tuam non legem habendo pro lege; si lex ut non lex, & non lex ut lex invincibiliter proponatur.

VI. Hæc omnia in solo, non Dominicano, sed probabilistico concepta, sata, & propagata sunt. Quibus constitutis, interrogatiunculas meas instauro. Omnes Jesuitæ Probabilistæ a paucis Dominicanis Probabilissimum coercitum, & angustis limitibus circumscriptum, se accepisse jactant; quem Probabilissimum ipsi postea propagarunt, amplificaverunt, atque novis, & inauditis, ut Jesuita Camargus dicit, paradoxis, & commentis obarmatam ultra omnia confinia dilatarunt. Cur ad conspectum totius Ordinis Prædicatorum, ad Summi Pontificis Alexandri VII. adhortationes, & vota, Probabilissimum non ejurastis? Si paucos errantes Dominicanos sequi tamquam Discipuli Magistros estis; cur universum Prædicatorum Ordinem paucorum Dominicanorum aberrationes improbantem, & saniorum Evangelicam doctrinam strenue ex instituto propugnantem non estis imitati? Arcanum hoc referate. Cur contra post hanc Prædicatorum Epocham, nempe post annum 1656. vehementius pro Probabilismo veluti pro aris, & focis pugnare viribus instauratis persecuti estis? Cur, ut patrimonium vestrum constituistis, sicuti asserunt P. Claudius La-Croix, P. Fibus, & alii, quod solemnibus Decreto Dominicani repudiarunt, improbarunt, & æternum ejurarunt? Cur Jansenismi, & Rigidissimi notam post dictam Epocham impingere omnibus illis coepistis, qui Probabilissimum, & inde laxas opiniones manantes una cum Dominicanis oppugnare vehementer, acriterque improbare, atque penitus contere: satagunt? Cur Generalem vestrum præstantissimum Gonzalez de folio detrudere, quod Probabilissimum evellere e Societate studuerit, tentastis? Cur Elizalde, & Camargo Sapientissimi Jesuitæ adeo male de Societate meriti sunt, propter oppugnationem Probabilismi, ut Camargus ipse testatur non semel ob id ad Inquisitionis Tribunal se delatum fuisse? Cur tanto amoris æstu Probabilissimum prosequimini, ut, vel ipsis juvenibus, qui Logicam addiscunt, eundem scri-

(a) Lib. 1. n. 24. (b) Tom. 1. disp. 6. sect. 1. §. 3. pag. 192.

Scripto didicistis, & animo imprimere conemini? Cur omnes fere Jesuitæ in hanc Theologiam Probabilisticam ab integro Prædicatorum Ordine ejuratam, hortante ipso Pontifice Alexandro VII., qui eam ab Evangelica simplicitate, Patrumque doctrina alienam declaravit, & ab universa Ecclesia Gallicana diris devotam manibus, pedibusque itis? Quamobrem lectores tui, mi Noceti, haudquaquam excipiunt hanc tuam deprecationem, quam cap. 73. pag. 180. iisdem porrigis: *Rogo Lectores, ut commiserationem aliquam adhibeant Jesuitis, si hos Magistros Fumum, & Tabienam Dominicanos secuti sunt: præsertim cum Magistrorum Sententiam temperaverint.* Nul- lam, crede mihi, adhibere commiserationem volunt Probabilistis, quia contempta universi Prædicatorum Ordinis, & S. Patriarchæ Ignatii, & duorum Præpositorum Generalium auctoritate, adhærescere octo aut decem Dominicanis errantibus obfirmare malunt.

VII. Plurimi, mi Noceti, quorundam vestrum summopere admirantur dexteritatem, sublimem rei politicæ rationem, & ad omnem eventum constantiam. At ego hocce in negotio, ut tibi candide cor meum aperiam, nihil horum in hac re video. Id forsitan eveniet, quod nimium obtusa sit ingenii mei acies. Sed præter ea, quæ tibi proposui, audias velim alia, quæ nunc adjicio. Quid causæ est, cur natum in Societate Probabilismum inficiamini, & adoptatum fere comunitè a Jesuitis eundem confiteri minime erubescitis? Quid vobis præsidii affert, quod a Dominicanis mutuati Probabilismum sitis? Illud enim unice discutiendum occurrit, ut alias vobis dictum fuit, num Probabilismus Doctrina vera, an falsa, sana, an venefica sit? Num ad cælum ducat, vel ad infernum impellat? Si primum, cur vos pudet esse veritatis, & sanioris doctrinæ Auctores? Cur in Dominicanos regeritis doctrinam hanc? Ut Dominicanorum Ordo splendidus resurgat? Hæc vestra adscribendi Dominicanis Magistris hanc Probabilismi doctrinam nimia sollicitudo, & studium argumento prudentibus est vos de istius doctrinæ veritate, & sanitate diffidere. Sic enim ratiocinantur. Si Theologia Probabilistica vera, & sana esset; numquid Jesuitæ plures per universum Orbem clamarent, Dominicanos esse istius veritatis inventores? Tanto ne Dominicanæ gloriæ fervore hi Jesuitæ ardent, ut cum proprii decoris dispendio plaudere Dominicanis velint? Cur itaque in hac controversia continenter clamitatis, Dominicanorum Discipulos esse Jesuitas? Aliquid hic, & quidem præter naturam, arcani est. Quid autem? Cogitatio, & quidem gravis animum subit, ut Jesuitæ Probabilistæ suspectam habeant hanc Probabilismi doctrinam, ejus odium, & invidiam in Dominicanos rejiciunt. Verum enim vero, si hæc Probabilistica doctrina falsa sit, & venefica ( si enim vera, & sana non est, falsa, & venefica sit oportet ) quid Jesuitis his prodest, quod Dominicani illam docuerint? Qui venenum hominibus propinant, numquid excusare se valent, quod alii prius

prius illud hibendum præbuerint? Si illorum, qui nos præcesserunt, crimina, nostra honestarent flagitia, nulla in Mundo scelera essent. Alterum ergo. Aut Doctrina Probabilistica vera, & sana est: & hac in hypothesi Dominicanorum scuto vobis opus non est, ut illam propugnetis. Aut est falsa, & pestifera: & tunc patrociniū Dominicanorum inutile vobis est. Quia hac in hypothesi, eo est crimen vestrum gravius, quo, repudiato integri Prædicatorum Ordinis exemplo, vos præ ceteris omnibus, Probabilissimum & studio, & auctoritate, & Ordinis vestri splendore propagare, ut docti ajunt, & amplificare in dies conamini. His omnibus, Dinellio relicto, respondere prompte debes.

## §. III.

*ContraHus, sædusque reciprocum Dominicanos inter, & Jesuitas, omni equi-  
vocationis simulatione sublata, inrundum proponitur.*

VIII. **C**Enties, mi Noceti, in tua *Veritate vindicata* Concinz exprobra-  
sti, quod occultatis Dominicanorum laxis doctrinis, solas Je-  
suitarum propalaverit. Plura ille reposuit, & primum, quod ex Domini-  
canis hodie duo tantum Moralistæ Natalis ab Alexandro, & Wigandt  
communiter legantur. In his autem vix unica opinio laxa occurrit. Adje-  
cit data occasione, Dominicanorum opiniones se consultasse. Præmisit tomo  
secundo Apparatus Monitum Generalis *Turco*, quo prohibet lectionem o-  
perum P. Candidi, licet Sacri Palatii Magistri; subjunxit Medinam, Lo-  
pezium, Ledesnam, Mercadum, Lacruzium, Zanardum, Bannesium, Ser-  
ram, aliosque paucos Scholasticos latitare in Bibliothecis, quorum vix no-  
mina comperta Confessariis sunt. Accedit istos omnes Probabilistas fuisse,  
& ideo in laxas opiniones lapsos fuisse. In hos scopulos impingant Pro-  
babilistæ omnes necessum est. Verum cum fere omnes præfati Dominicani  
ante Epocham Capituli Generalis an. 1656. sua opera evulgaverint, illos,  
ceu errantes in morum scientia, rejicit Prædicatorum Ordo. Insuper  
adjecit Concina Probabilistas Jesuitas paucas Dominicanorum laxas opinio-  
nes magnopere auctas, & multiplicatas in populis innumerabilium Casui-  
starum ministerio disseminasse. Et postremum concludit, ideo opiniones  
Casuistarum præsertim Societatis, quas laxas reputavit, oppugnasse, quia  
vos fere soli arma stringitis, & bellum intentatis illis, qui Probabilisticam  
Theologiam labefactare student. Vos soli pro Doctrina, quam reputatis  
benignam, conclamatis ad arma, & calamum acutis, & trahere in partes  
vestras satagitis plurimos, qui suam extollere, dum vobis adherent, fortu-  
nam sibi blandiuntur. Tu reponis hæc a Vendrochio accepta esse. Carone  
ne opus est, ut hæc concipiantur? Nil amplius vobis superest, nisi, ut di-  
ca-



catis, sanioris doctrinæ defensores bibere, manducare, dormire; sperare a Vendrochio, ab Arnaldo, a Quesnello, a Janfenitis didicisse. Reipublicæ literariæ respectus nihil vos, dum talia scribitis, tangit? Soli ne Janfenistæ ratione præditi? An ignoratis, vos summis laudibus Janfenistas efferre, illo ipso tempore, quo deprimere illos intenditis? Quid enim ad Janfenistarum gloriam magis accedit, quam illos Magistros declarare omnium illorum, qui pro saniori doctrina pugnant? Continenter quippe vos adversariis vestris obruditis: Hæc *Paschalis*, hæc *Vendrochius*, hæc *Arnaldus*, hæc *Duguetus*, hæc *Janfenistæ* docuere. Hi sunt fontes, unde haustæ Sententiæ istæ sunt. Gaudent, lætantur, triumphant Janfenistæ, dum talia scribi a vobis audiunt. Et nihil vos angit tantum lætitiæ, & exultationis argumentum præbere Janfenistis, ut alios adversarios pungatis?

IX. Verum ego, ut hæc omnia de medio tollam, rationem excogitavi, qua invicem controversiam hanc transigatis reciproco utriusque partis gaudio, & universæ Ecclesiæ commodo. Consilium meum tibi, mi Noceti, tuisque candide aperio. Concina Casuistarum Societatis laxas doctrinas excerptis, & didendas lectoribus proposuit. Vos Casuistarum Ordinis Dominicani summa diligentia, & severitate easdem colligite. His laxis doctrinis Dominicanorum, Jesuitarum, Franciscanorum, & quorumcumque Ordinum, simul conquestis, Dominicani, & Jesuitæ mutuo consensu, & consilio summum adite Pontificem, & enixis precibus implorate, ut omnes istas opiniones sive Dominicanorum, sive Jesuitarum, sive quorumcumque Ordinum anathemate configat, & flammis devoteat. Deinde, datis dextris, viribus, animisque fœderatis, simul certate adversus hostes humani generis. Antequam tamen fœdus hoc utrinque signetur, vos Decreto Solemni evellatis, atque exterminetis oportet, quemadmodum præstiterunt Dominicani, Probabilismum. Quamdiu enim planta hæc radices egerit, tamdiu laxitas, quæ inde necessario proficiscitur, regnet necessum est. Evulso Probabilismo, & actibus retractatis adversus Præpositum Generalem Gonzalezium, ejusque adhærentes, tunc reciprocum fœdus vestrum solemnî ritu signabitur, atque uno Divino Spiritu animati meliora, & sanctiora charismata æmulabimini.

X. Quid est Viri Fratres, Patresque, quod retrahere ab hoc ineundo mutuo fœdere nos debeat? An æmulatio prævalendi, & dominandi in Clero? Absit. Hinc enim reprobatio Phariseorum manavit. An respectus, ne mundus dicat, nos tandem *aperuisse oculos*, & *mutata doctrina, veritatem demum agnovisse*? Si hæc intestina ambitio a laxa doctrina exterminanda, mutuoque contrahendo fœdere nos abduceret, actum de utriusque partis salute æterna esset. Quid? Mundo, & omnibus quæ Mundi sunt, nuncium remisimus, atque præter fidem in baptismo datam, novo, & solemnî Sacrificio animas nostras Deo immolavimus. Corpora, appetitiones,

nes, & concupiscentias nostras jejuniis, vigiliis, laboribus coercere, affligere, atque continuo studio frænare satagimus : & ut hoc assequamur, non precibus, non sollicitudini, & gravissimis incommodis ferendis parcimus. Conflictus istos laboriosissimi nos quotidie sustinemus, incommoda hæc gravissima continenter patimur, ut carnem nostram cum suis concupiscentiis, quibus nihil intimius nobis est, crucifigamus. Et post hæc omnia, adeo infelices erimus, ut ob vanum illud famæ Ordinis, Societatisque Idolum, ob illudentis illius gloriæ, & splendoris simulacrum inestimissimum, animas nostras æternum damnandas exponere velimus? Ut eas salvemus, quæ intra nos sunt, nobisque carissima cruciamus; easdem vero perpetuis tormentis subjiciemus, cur? Ut quæ extra nos sunt, quæ nos, nonnisi longius tanguant, ut denique Communitatis nostræ vanissimam gloriam, & chimericam famam sustineamus, & conservemus? An in Mundo reperiri infirmitati nostræ similis posset? Et eo est imbecillitas nostra funestior, quo nos non modo nostras, sed fidelium quoque animas in Orcum detrudimus. Disputant Medici, & Ægroti moriuntur. Controverfantur Theologi, & animæ Christi sanguine redemptæ æternum pereunt. Altera enim pars erret necessum est, cum oppositæ doctrinæ veræ esse simul nequeant. Lex autem Divina veritas est. Falsitas, quacumque probabilitatis larva induta, ingredi Cælum nequit. Unica est veritatis via arcta, & angusta, quæ ducit ad vitam, ut Christus Jesus nobis testatur. Heinc est quod S. Paulus his verbis nos alloquatur : *Obsecro autem vos, Fratres, per nomen Domini nostri Jesu Christi, ut idipsum dicatis omnes, & non sint in vobis schismata, sitis autem perfecti in eodem sensu, & in eadem sententia.* Etiam tunc alii dicebant : *Ego quidem sum Pauli : Ego autem Appollo : Ego vero Cæphe : Ego autem Christi :* Hos graviter redarguit Paulus inquit : *Numquid divisus est Christus? (a)* Una est Christi doctrina, una sola vera, una sola, quæ omnem falsitatem execratur : cum Paulo clamat S. Augustinus : *Sumus enim, inquit, Christiani, non Petriani, non Pauliani;* atque adeo non Dominicani, non Franciscani, non Ignatiani, quoties Christi doctrina periclitatur : sed singuli proprii Instituti rationibus contemptis, pugnare pro Christi doctrina debemus, & contra Fratres nostros errantes, si opus fuerit, calamum acuire, ut & nostras, & aliorum animas liberare a damnationis periculo valeamus.

XI. En, mi Noceti, apertum consilium meum, en contractum, en fœdus, quod reciproco consensu celebrandum, & publico ritu signandum & tibi, & sociis tuis omnibus, sincero animo, & Universi Ordinis Prædicatorum nomine offero, atque subijcio. Ad hunc ineundum contractum, ad  
hoc

---

(a) I. Cor. c. I.

hoc reciprocum fœdus celebrandum urget, nos propriæ æternæ salutis negotium : urget salus æterna populorum, qui ex contrariis doctrinis nostris æternum periclitantur : urget professio nostra, urget illud, quod pro stemmate habemus, *Major Dei gloria*. Dominicani contractum hunc sincero corde offerunt. Fœdus istud, ut reciproce celebretur, summopere cupiunt, enixe orant, & obsecrant. Si vos contractum hunc rejicitis, si fœdus istud respuitis, si preces, & obsecrationes Dominicanorum contemnitis, universæ Reipublicæ Christianæ denunciatis, vos retinere blandæ & benignæ doctrinæ patrimonium velle. Hanc vestram repulsam, & repudiationem oblato mutui fœderis afflicto, mœstoque animo Dominicani, ut malum quod avertere non possunt, patientur. Illud dumtaxat amaritudinis suæ mœrorem paululum deliniet, quod nihil eorum, quæ ad reciprocam pacem vobiscum firmandam requiruntur, prætermisum ab illis sit. Nec propter hanc recusationem vestram Canes muti erunt, animosque despondent; sed contra, instauratis viribus, & novo spiritu roborati, Bellum Domini præliabuntur, ac si tempus ab Apostolo Paulo prædictum advenisset. *Erit enim tempus cum sanam doctrinam non sustinebunt*. Bellum adversus Probabilismum a sæculo inceptum invicto animo persequentur, Pontificiis adhortationibus animati. Oppositiones, & contradictiones vestræ nec tantillum a proposito illos abducent.

## §. IV.

*Theologia Probabilistica viget in certis quibusdam terrarum Orbis partibus, in certis aliis viget potius Theologia Probabilioristica. Utrum abundantior peccatorum torrens inundaverit Christianismum, post Concilium Tridentinum, an ante: utrum abundantior peccatorum torrens eas regiones inundet, ubi viget Probabilismus, an alias ubi viget Probabiliorismus: judicabunt alii, qui in rebus facti multo magis quam ego, versati sunt. P. Carolus Nocetius pag. 147.*

XII. **Q**uid est, mi Noceti, quod palam loqui non audes? Quid est, quod sub figurarum velamine, quæ dicis, obumbrare satagis? Non detrahā dictis tuis figuras, & tropos, sed testos sermones persequor. *Optim* quidam veteris Ecclesiæ Doctor, hoc pacto Deum orabat: *Deus, gratias ago tibi, quia non sum sicut ceteri hominum*. Sed Deus illi respondit: *Omni qui se exultat humiliabitur, & qui se humiliat exaltabitur*. Alibi inundat torrens, ut tuis verbis utar, carnalium criminum, fornicationum, adulteriorum. Sed alibi etiam inundat torrens spiritualium flagitiorum, superbiz, invidiz, ambitionis, avaritiz. Hæc secunda pejora primis, quia mentis aciem fugiunt, & virtutis inducere larvam consueverunt,

fecurius decipiunt, atque ampliorem parere ruinam adfirmant omnes. Sed ut de hoc res se se habeat, missis figuris, quæ aperte prodīs, sub examen veniant.

XIII. *Theologia Probabilistica viget in certis quibusdam terrarum Orbis partibus, in certis aliis viget potius Theologia Probabilioristica.* Quænam sunt, amabo te, istæ Orbis partes, in quibus viget Probabilistica Theologia? quænam aliæ, ubi Probabilioristica Theologia dominatur? Num regiones istæ Turcarum sunt? Num Synensium? Num Japonensium? Cur has regiones files? Cur eas patefacere reformidas? Ego me in illa Orbis parte degere fateor, quam peccatorum torrens inundat, & Antiprobabilismus dominatur; nihiloscius continenter clamo: *Deus propitius esto mihi peccatori.* (a) Sed rem ipsam ingrediamur. Pelagiani sola lege extrinsecus illuminante caveri posse peccata contendebant. Hæresim hanc damnavit Ecclesia. Doctrina Evangelica requiritur ad hominum sanctificationem, sed hæc sola haud sufficit: gratia præterea efficacissima Dei adsit oportet, quæ culpas deleat, quæ intus sanet vulnera nostra, atque vires roboret, instaurerque. Fieri utique potest, ut quis veram, sanamque doctrinam defendat, sitque corruptis moribus inquinatus. Quid inde? Propterea ne sana doctrina superfluit? In pauca contraho sermonem tuum, qui huc recidit. Sive Theologia Probabilistica dominetur in Ecclesia Catholica, sive Probabilioristica, nihil omnino confert ad morum sive integritatem, sive laxitatem. Hoc clarius exponis pag. 284. inquit: *Quod demum ait P. Concina laxas opiniones ex Probabilismo, veluti ex fonte, profuere, alias dixi, & aperte iterum dico, SCIOLIS, & imperitiis hoc artificio potest imponere.* Quid scripsisti, mi Noceti! *Scioli* ergo Patres Gallicani, & *imperiti*, qui in publicis Comitibus anno 1700. celebratis declararunt adducta auctoritate Alexandri VII., & Concilii Generalis Viennensis, Probabilissimum esse omnium corruptelarum fontem, & caput? *Scioli* ergo, & *imperiti* ne, mi Noceti, Patres Concilii œcumenici Viennensis, qui Probabiliorē doctrinam amplectendam decreverunt? *Scioli* ergo, & *imperiti* Summi Pontifices, Alexander VII., & Innocentius XI., qui Probabilissimum alienum ab Evangelica simplicitate, & Patrum doctrina manifestarunt; qui plures ejusdem ramos præciderunt, & anathemate confixere? Et tu, mi Noceti, audes iterum repetere pag. 306. *Sæpe diximus PROBABILISMUM nullam cognationem habere, nulloque nexu contineri cum sententiis DIRECTIS, seu laxæ sint, seu non laxæ.* Hæc tua doctrina, mi Noceti, ni fallor ipse, damnata ab Ecclesia est. Probabilismus nullam cognationem habet cum opinionibus laxis, sive in administrandis Sacramentis, sive in dirimendis justitiæ con-

tro-

---

(a) Luc. 18.

troverſiſſi! Nullam habet Probabiliſmus cognationem cum his ſimilibus materiis! Dic ſodes, mi Noceti. Sapientior ne tu Patre tuo Thoma Sanchezio Probabiliſta, qui vi Probabiliſmi adminiſtrari Sacramenta poſſe docet, juxta opinionem minus probabilem? Sapientior ne tu Patre tuo Leonardo Leſſio, qui Judicem ſerre ſententiam juxta minus probabilem poſſe defendit, & in favorem amici? Hæ duæ ſententiæ ex Probabiliſmo genitæ ſunt, ut doctiſſimi iſti Probabiliſtæ cum plurimis aliis docent. Sententiæ quæ & cognationem, & conſanguinitatem non ſecus ac filii cum parentibus, cum Probabiliſmo habent, damnatæ ſunt. Ergo damnata eſt quoque aſſertio tua, mi Noceti. I nunc, & ſcribe. *Ad hanc opellam, qualiſcumque ſit, conſueſta diverticula, mordaces declamationes, ſcommata, ultrices Satyras, quas ipſe appellat plautinos ſales, expecto: reſponſiones ad rem, reſponſiones nimirum, quibus ſuperiora Capita percurrendo doceat quodnam ſit, in quo modo plus, modo minus a bona fide non deſecerit, non expecto.* Quid quod reiſſa Probabiliſtæ Sanchez, Eſcobarius, Moja, Gobat, Tamburinus, Leſſius, Diana, Caramuel, Leander, & centum ſimiles ſeant opinionibus laxis, damnatis, & dammandis, ut ego quidem arbitror. Contra Antiprobabiliſtæ Merbeſius, Pontasius, Gennetus, Natalis ab Alexandro, Antoine, & alii ſimiles immunes ab ejuſmodi laxitate ſunt, & a rigore æquo rigidiores. Provoco te, Noceti Pater, ut aliquas ex his Auſtoribus opiniones laxas designes. Ego vero ex Probabiliſtis tuiſſe centas ſpondeo. Et nihilominus tanta præſidentia vel in aſſiſtiſſimis cauſis loqui Probabiliſtæ ſolent? Errare utpote homo Concina potuit: deficere a bona fide non potuit, niſi prius in ſtultitiam inciſiſſet. Laxæ quippe opiniones plurium Caſuiſtarum adeo ſunt obvia, frequentes, & abundantes, ut dementiſſimus eſſet, ſi habita uberrima laxitatum copia, ſanas adulterare, aut detruncare doctrinas tentaviſſet. Verum hæc dicis gratia, & interim expecto, ut tu, nullam cum laxitate Probabiliſmum habere cognationem evincas. Et ut ſublimis ingenii tui facere periculum ſecurius in hac controverſia valeas, tibi recordeor Probabiliſmum, licitum defendere uſum duplicis opinionis contradicторiæ, quarum, ſi una vera eſt, altera falſa ſit oportet. Probabiliſmus ſororem habet falſitatem, non ſecus ac veritatem. Et ſororem non habet laxitatem? Urgeo preſſius. Probabiliſmus magis amat minus probabilem, quam probabiliorem doctrinam: Doctrina minus probabilis eſt minus veriſimilis, & magis diſtat a veritate, quam a falſitate: Probabiliſmus ergo magis amat falſitatem, quam veritatem. Falſitas, quam amore proſequitur Probabiliſmus non eſt rigida, ſed blanda, dulcis, conſentanea carni, & ſanguini. Ergo eſt falſitas laxa, & morum corruptrix. Ergo Probabiliſmus non modo cognationem habet, & conſanguinitatem cum laxitate, ſed eſt ejuſdem parens ſecundiſſimus, ut Pontifices Summi, & Sapientiſſimi Eccleſiæ Gallicanæ Patres docent.

XIV.

XIV. Antequam huic paragrapho finem impono, quæro abs te, quid significet, *Probabilissimum nullo nexu contineri cum sententiis directis*? quia Probabilistæ his voculis tegere sensus suos, consueverunt. Probabilissimus non conjungitur cum *sententiis directis*, sive *laxæ sint*, sive *non laxæ*? Cur non dixisti, sive *veræ sint*, sive *falsæ*? Cur semper Probabilistæ a veritate abstrahunt? Nullum forsitan illis cum veritate commercium? Absit. Cur ergo semper per rigidum, & laxum, per blandum, & durum, quæ lecti proprietates sunt, inquit doctissimus Elizalde Jesuita, non per verum, & falsum, quæ doctrinæ prærogativæ extant, controversias dirimunt? Probabilissimus nullam habet cognationem cum *sententiis directis*, sive *laxæ sint*, sive *non sint*. Et cum *sententiis reflexis* laxis habet ne consanguinitatem? Sententiæ directæ sunt regulæ Sententiarum reflexarum. Ergo si cum istis, etiam cum illis cognationem Probabilissimus habet. Verum quo tendat doctrina tua, mi Noceti, mox in sequenti paragrapho clarius explicabo.

## §. V.

Unum ego dicam quod a peritis, & fide dignis. audivi. *Peccata quorum torrente Christianismus inundat, non ea esse de quibus hinc inde a Catholicis Theologis disputatur, utrum peccata sint; sed ea quæ Rigoristæ, Benignistæ, Probabilioristæ, Probabilistæ, Docti, Indocti, Senes, Pueri, Mares, Femine evidentissime norunt, & concedunt esse peccata.* P. Carolus Nocetius pag. 147.

XV. Tempus jam est, mi Noceti, ut universæ tuæ doctrinæ, quam in quinque distribui paragraphos, censum plenius exponam, & quo tandem hæc tendat, luculentius patefaciam. Ut mea minima præfert opinio (argumentum ab absurdo in Theologia frequentissimum) eo hæc tua doctrina recidit, ut de medio tollat ipsum Evangelium. Jesu Christi. Ecce exaggerationem Conciniam. Quæro te, ut exaggerationibus sublati, rem tranquillo animo, & pedetentim discutiamus.

XVI. Sensus primus, & obvius doctrinæ tuæ ejusmodi est. Sive doctrinæ rigidæ, sive blandæ, sive veræ, sive falsæ, sive laxæ, sive severæ, vigeant in Ecclesia Catholica, perinde est. Cur? Quia peccata, *quorum torrente Christianismus inundat, non sunt ea, de quibus a Catholicis Theologis disputatur, utrum peccata sint.* Ergo sive doctrinæ Theologorum Catholicorum disputantium falsæ sint, sive veræ, sive laxæ, sive rigidæ, negotium eodem recidit. Quoniam Theologi Catholici non disputant de peccatis, quorum torrente Christianismus inundat. Hæc peccata esse fatentur & Rigoristæ, & Benignistæ. Ergo sive Evangelium vigeat, sive secus, perinde est. Proba  
con-

consequentiam. Peccata, quorum torrens Christianismus, Ethnicismus, & universum Mundum inundat, sunt fornicationes, adulteria, injustitiæ, sunt peccata concupiscentiæ, & cupiditatis. Habes ne quod opponas? At de his peccatis neque Ethnici, neque Judæi, neque Turcæ disputant: Ergo sicut superflue per te sunt doctrinæ, siue veræ, siue falsæ sint, ita superfluum erit Evangelium. Quandoquidem sine Evangelio, peccata, quæ Orbem inundant, omnes, siue Docti, siue Indocti, siue Probabilistæ, siue Probabilioristæ, siue Rigidistæ, siue Benignistæ, siue Mares, siue Feminae, siue Turcæ, siue Judæi, siue Lutherani, siue Calviniani fatentur esse peccata.

XVII. Tu respondes, mi Noceti, *te a peritis, & fide dignis id audivisse*. Sed cujus rei periti sunt viri isti? Artis amatoriarum, voluptatum, convivandi, conversandi, ludendi, saltandi, tripudiandi? Sint autem in quacunque arte periti, rei certe Christianæ, si talia fantur, periti non sunt. Et ne plus justo sermonem protraham, seductionem, quæ, te non advertente, in hac doctrina continetur, patefacere lubet. Ne commoveare, mi Noceti, quoniam ea est Probabilissimi vis, & efficacia, ut vel sapientiores huc malorum detrudat. Audias tranquillo animo velim sequentem argumentationem.

XVIII. Verum habet, nullam inter Theologos Catholicos haberi disputationem de fornicationibus, de adulteriis, de injustitiis, quæ per universum Orbem grassantur, sicuti ante ipsum Christi adventum, saltem inter cultiores gentes de his peccatis vix disputabatur. Christus nihilominus suum prædicavit Evangelium, ut hunc torrentem exsiccaret. Siquidem universum Mundum docuit, comprimendam esse jejuniis, pœnitentiis carnem, & concupiscentiam, ut Castitas conservetur: contemnendas divitias, honores, ceterasque mundi præstigias, ne justitia lædatur. Docuit vitanda pericula, occasionem promiscuas seminarum, atque sine intermissione orandum, & toto corde, totisque viribus Deum amandum continenter esse: profundaque humilitate divinam gratiam incessanter implorandam. Hæc, & plura alia Evangelium Christi inculcat, suadet, & præcipit. Quæ si ad amissum servarentur, protinus arefceret, & exsiccaretur torrens peccatorum, quæ Christianismus inundant.

XIX. Vis autem scire, mi Noceti, quodnam discrimen Probabilistæ inter, & Antiprobabilistæ sit? Paucis explicabo. Probabilistæ Doctrinæ Evangelicæ severitatem delinunt, & tantum non auferunt. Præceptum amandi Deum, quod est universæ Christianæ Religionis fundamentum, alii de medio sustulerunt, alii ejusdem obligationem ad quinquennium, alii ad biennium, alii ad mortis articulum limitant: idemque præstiterunt de aliis virtutibus theologicis. Jejunia, quibus crucifigitur caro, aut sustulerunt, aut ita extenuarunt, ut irriterent potius concupiscentiam, quam do-

ment.

ment . Probabilistæ e publico Suggestu docent posse Christianos hodiernâ adire Theatra, in quibus mimi, & mimæ causam amoris orant; juvenes, & puellas ducere choreas posse; conversationes promiscuas amalos inter, & amasiunculas permittunt. Probabilistæ hos omnes Christianos ad Sacramenta suscipienda admittunt : & quamquam in eadem frequenter relabantur peccata, eosdem absolvunt, nullo imposito perpetuæ separationis debito. Probabilistæ Nobilibus, & Magnatibus, qui debita solvere negligunt, qui luxum, fastum, & pompas fovent, atque in triumphum deferunt, qui mercenariorum sanguine madent, qui mercatores opprimunt, Sacramenta administrant . Et ecce rivuli quibus inflatur, & tumescit iniquitatis torrens. Hos rivulos exficcare, & occludere Probabilistæ nolunt, & ideo flagitiorum torrens inundat Christianismum.

XX. Contra Antiprobabilistæ severa Jejunia secundum Ecclesiæ disciplinam, preces, vigilias, præscribunt. Abstinendum a Theatris, a Choreis, a promiscuis conversationibus Virorum, & Mulierum docent, & pœnitentibus suis id in mandatis dant. Succurrendum pauperibus, visitandos ægros, & cetera misericordiæ opera implenda inculcant . Verum quia hæc dura, & humanis appetitionibus incommoda sunt, Christiani renunt ea exequi, & hos Theologos, ut *Rigoristas, fanaticos, & inhumanos* detestantur : & turmatim adeunt suos Benignos Probabilistas, a quibus Sacramenta recipiunt, quamquam inter mundi illecebras, & præstigias ducant dies suos . Paucis diebus quibusdam devotionibus, & piis operibus dant operam, & totius anni reliquum suis saturandis desideriis impendunt.

XXI. Multa in pauca contraho. Quid ad hæc, mi Noeti? Inficiari ne audebis ideo flagitiorum torrentem inundare Christianismum, quia fideles implere recusant, quæ Christus in suo Evangelio præcipit? Hoc sane non negabis: alioquin assereres Christum non præbere opportuna remedia, quibus flagitia vitentur, & mores ad sanctitatis normam instituantur. Fateare ergo velis, nolis necessum est, ideo torrentem scelerum, fractis aggeribus, usquequaque inundare, quia Christiani vitare pericula, & occasiones peccandi, comprimere pœnitentiæ severitate concupiscentiam, & prava desideria, orare, meditari, se se quotidie exercere in Theologicis Virtutibus, & cetera, quæ Christus Dominus jubet, prætermittere se posse credunt, ita docti a Magistris benignæ Ethicæ sectatoribus. Hæc omnia certa, luculenta, & inconcussa sunt. Ergo a falsis, & laxis doctrinis pendet, quod torrens iste flagitiorum intumescat. Contra si doctrinæ veræ, & severæ, quas Evangelium Christi docet, ubique prædicarentur, & executioni demandandas unanimiter omnes docerent, fortasse decreveret iniquitatis flumen. Ergo retractes doctrinam tuam oportet. Theologia Antiprobabilistica, & Probabilistica invicem hostiliter pugnant. Si una vera est, altera fal-



falsa sit oportet. Falsa Theologia non modo morum honestatem non inducit, sed ipsos honestos mores corrumpit. Falsa itaque, & rejicienda est sententia tua, quæ docet nihil ad morum reformationem, & auferenda peccata referre, sive probabilistica, sive antiprobabilistica Theologia vigeat. Ambæ istæ Theologiæ falsæ, & antievangelicæ esse nequeunt, alioquin nulla esset in Ecclesia Christiana Theologia vera. Ambæ Evangelicæ esse non queunt, cum sint oppositæ, & contradictoriæ. Evangelium autem Christi contrarias, & invicem pugnantes doctrinas non continet. Ergo si una est Evangelica; Antievangelica altera sit, necessum est. *Qui non est mecum, contra me est.* Matt. 12. Ergo evidenter falsum est, quod tu asseris, nihil videlicet referre, quod una præ altera in Christi Ecclesia vigeat. Hæc omnia, mi Noceti, luculenta sunt, & nulli cavillationi obnoxia, atque tuam sententiam penitus labefaciunt. Utique qui docent Theologiam Antiprobabilisticam, & Evangelicam, abuti eadem possunt & flagitia patrare gravissima. At quid hinc? Defectus hi sunt non doctrinæ, sed Doctorum. Illud autem certum, absque doctrina vera, & Evangelica morum sanctitatem splendere non posse.

XXII. Priusquam huic Epistolæ finem impono, aliud dictum tuum in proposito argumento contentum, expendere clarius volo. *Utrum abundantior peccatorum torrens inundaverit Christianismum post Concilium Tridentinum, an ante*, aliis judicandum relinquis. Scelera ante Tridentinum larva posita incedebant. Concubinatus, Simonix, homicidia, & cetera crimina grassabantur; sed crimina esse compertum omnibus erat. Flagitiosi homines a Sacramentis Christi abstinere, & veluti Antichristiani habebantur. Splendidissimam morum, & Disciplinæ reformationem invexit Sacrosancta Tridentina Synodus, plurimæque abolevit corruptelas. At elapso sæculo decimosexto, continuo amplificari per universam Europam Probabilismus cœpit, & tunc vitia virtutis larvam induere. Amiserunt scelera horrorem suum, & Probabilismi cæmento incrustata domestica, & familiaria evaserunt. Ætate nostra, tremendum, funestumque Isaïæ Oraculum obtinet: *Væ qui dicitis malum bonum, & bonum malum: ponentes tenebras lucem, & lucem tenebras . . . Væ qui sapientes estis in oculis vestris, & coram vobismetipsis prudentes.* (a) Tempus prænunciatum a S. Paulo Apostolo advenit: *Erit enim tempus cum sanam doctrinam non sustinebunt, sed coacervabunt sibi Magistros PRURIENTES auribus, & a veritate quidem audium avertent, ad fabulas autem convertentur.*

XXIII. Duo hic animadvertas serio velim, mi Noceti. Primum. S. Paulus prædixit tempus futurum esse, in quo & Magistri, & Discipuli sa-

G

nam

---

(a) Cap. 5.

*nam doctrinam non sustinebunt* . Corrupti sana doctrina nequit, nisi per contrariam falsitatem. Doctrina enim vera sana quoque est. Falsitas, quæ sanam doctrinam corrumpit, aut est nimia severitatis, aut nimia laxitatis. Hæc extra disputationem constituta sunt. Alterum quod altius animo tuo insculptum volo, hoc est. S. Paulus non minatur, futuros fore Magistros Rigoristas, Sævos, Missantropos, Crudeles, qui perterrefaciant, qui auribus terrorem, & horrorem ingerant; sed Magistros venturos prædixit Apostolus, qui auribus *pruriant*, qui veritate neglecta, fabulas, idest humana commenta, evulgent, & opiniones hominum, & seminarum desiderii, & appetitionibus consentaneas propugnent, & in animarum regimine adhibeant. Has falsas doctrinas ætate nostra obtinere evinco. A qualitate fructuum dignoscendam plantam Christus ipse docet. Fructus adeo corrupti, atque pessimi numquam præcedentibus sæculis visi fuere. Cedo mi Noceti. Impietas, quæ quamlibet de medio aufert Religionem, & est omnium malorum ultimum, & supremum, non ne ætate nostra erecta fronte incedit? Revolvito omnium Christianorum Volumina: percurrere singula Religionis nostræ sæcula, numquam invenies, quemadmodum diebus nostris, tot versuta commenta adversus Religionem divinitus revelatam. Rifu, & cachinnis exhibatur Religio Divina. Hæreses exsaturare non valent amplius hominum concupiscentias. A Catholica Religione ad schismata; a schismate ad hæreses; ab hæresi ad impietatem, seu ad omnium iniquitatum cumulum, & extremum dilapsi prævaricatores sunt. Edisserito. Quondam tot libri e Christianorum sinu prodire, qui ex institutis aut omnem Religionem divinitus revelatam impugnarent, aut Religionem proprio cerebro fabricatam promulgarent? Torrens, te satente, flagitiorum Christianismum inundat: impietatis lues dire grassatur. Religio Sancta derisui habetur; a quatuor angulis in Domo Dei incendium excitatur: & nihilominus vos Probabilistæ sæculum nostrum aureum esse deprædicatis, defenditis, & eos, qui contra asserunt, ut Rigoristas, ut Fanaticos, ut Tustoristas depingitis? At scias oportet, & Scripturas Divinas, & Patres Sanctos uno ore clamare, falsos Doctores dulcia, & placencia polliceri. Contra Christum suos Apostolos instruens ait: *Vos estis sal terræ*, idest, exponit S. Joannes Chrysostomus, *non adulantes, neque palpanes, sed asperæ, acriterque agentes, sicut sal . . . Illud enim salis est opus, ut molles mordeat, & pungat* (a). Testatur Princeps Apostolorum Petrus, futuros Magistros mendaces in Ecclesia nostra esse, non secus ac in Veteri: *Fuerunt Pseudoprophete in populo, sicut & in vobis erunt Magistri mendaces*. (b) Subdit Magistros istos ambicio-

---

(a) Homil. 16. in Matth. c. 6, (b) Epist. 2. c. 2.

tionis, avaritiæ æstu abreptos negotiaturos fore salutem nostram : & in avaritia fidei verbis de vobis negotiabuntur . (a) Infinitus essem, si omnia Scripturarum oracula , quæ huc pertinent, rescribere vellem . Unanimi consensu Patres clamant : *Pseudoprophete semper dulcia pollicentur* . Tu contra, mi Noceti, nullos esse Magistros mendaces contendis; nihil referre , quod alterutra Theologia sive vera , sive falsa , sive rigida , sive blanda prævaleat.

XXIV. Si proluxa Epistola hæc fuit, argumentum nimis secundum quod tu subministraſti, mi Noceti, in causa fuit . Paucis tamen eam concludo . Grassantem impietatem post Concilium Tridentinum inficiari nullo modo vales . Ergo confiteare necessum est post Tridentinum, atque adeo post inventum amplificatumque Probabilissimum torrentem flagitiorum, quæ inun-  
dant Christianissimum, intumescere, despumare, omnesque aggeres prætergressum esse, Consequentiam hanc legitimam, atque ineluctabilem, neque in disputationem adducere potes . Ergo retractanda est doctrina illa tua sæpius repetita : *Sciolis, & imperitiis connexa laxarum opinionum cum Probabilissimo suaderi potest, Doctis non potest* . Hanc tuam doctrinam injuriosam Summis Pontificibus, Ecclesiæ Gallicanæ, & ipsi comuni sensui repugnantem retractes, & detesteris oportet . Has argumentationes, quæ certe nullam solidam excipiunt responsionem, more tuo, appellabis *ultrices satyras, scommata, & acres declamationes* ! Sed certus sis, secus ratiocinari Sapientes . Vale.

G. 2. EPI-

(a) ibi .

50  
EPISTOLA V.

A D

P. CAROLUM NOCETIUM

SOC. JESU.

ARGUMENTUM.

*Etis ergo causis adductus sum, ut hanc opellam emitterem, suamque innocentiam NOSTRIS Auctoribus falso accusatis assererem.*

P. Nocetius in Præfat. pag. 5.

I. **N**emo est, mi Noceti, qui non adfirmet, probetque sanctum esse consilium tuum, quo Auctoribus tuis falso, ut tu contendis, accusatis, innocentiam asserere deliberasti. Quid enim sanctius, quam innocentiam a falsis criminibus vindicare? Illud in discrimen vertitur, num falso accusati Auctores tui fuerint, & tu opere exequutus, quod animo intendebas, fueris. Hac ego Epistola demonstrandum, & quidem, nisi me omnia fallunt, evidenter suscipio, & Auctores tuos jure summo accusatos fuisse, & hanc accusationem a temetipso, mi Noceti, evidentissime confirmari. Quid? commoveris forsitan, quod tam aperte asseram, te ipsum obstrictum esse, ut, velis, nolis, confitearis, jure laxarum opinionum postulatos fuisse Auctores tuos? Immo addo, te jam apertissime hoc falsum esse. Nisi id evincam tam luculenter, quin nec hiscere ipse valeas, amittere sponte causam meam velim.

II. Tu, mi Noceti, imitatus Chirurgum illum es, qui singularis infirmicurationem suscipit. Ægrotus vulneribus mortiferis, profundis ulceribus, gangrænis dilaceratus semivivus jacet; testa tamen sua putrida ulcera, & letalia vulnera fasciis, & vestibus custodit. Chirurgus, dissimulatis ulceribus, quæ Ægroti vitæ insidiantur, navos nonnullos, quos in fasciis, & vestibus deprehendit, auferre satagit. Hac curationis suæ studium unice confert. Hoc idem tu peregisti. Ex centenis opinionibus laxis, quæ in Catalogis *Theologicæ Christianæ* cuilibet fere Libro præmittuntur, vix undecim carpere infelici conatu ausus es, & istæ omnes, de quibus tu vitil itigas sinceritate summa relatæ sunt, & jure laxitatis accusatæ. Quid de illis dicam, quæ in universo *Theologiæ* corpore ut laxæ improbantur? His vul-

ne-

neribus mortiferis, & multiplicatis ulceribus prætermisissis, & alto silentio testis, tu mi Noceti, novos quosdam in disputationem adduxisti, nempe citationes nonnullas, graviorum Theologorum testimonio fultas, verborum indices, argumentationes, & ratiocinia, quæ tibi non arident. Nihil grave, nihil solidum expiscari in duodecim Christianæ Theologiæ Tomis potuisti, quod objiceres. Quare etiam si vera essent, quæ opposita a te sunt, non propterea a laxitatis nota immunes essent Auctores tui. Nam laxiores opiniones, quæ in distis Catalogis, & in universo Theologiæ corpore recensentur, tuo alto silentio publice, & solemniter salsus es sincere relatas, & nulli exceptioni, aut cavillationi esse obnoxias. Non me latet, te in præfatione scribere quæ sequuntur. „ Alias permultas, ut sancte assero, firmo, paratas apud me, & digestas habeo, quas huc conjiciendas non esse duxi propterea quod. longam habeant, & litigiosam disputationem. Nullus dubito, quin integra duodecim Christianæ Theologiæ volumina tibi, & Probabilistis omnibus displiceant. Ex his, quæ hæcenus opposuisti, colligere quisque valet, ejus naturæ sint opiniones aliarum, quas digestas tenes. Si ipsas syllabas, particulas, & verborum significatus, & vocum indices repetitis vitilicationibus opposuisti, quid superesse tibi, nisi quisquiliarum sarrago, potest? Si hæcenus nihil præter mera aut sophismata, aut vana commenta obtrudere tibi concessum est, quid objicies impolterum nisi, quod *habeat* ( ut tu ipse confiteris ) *longam, & litigiosam disputationem*? Ex ore tuo te judico.

III. Interim nullam *Theologiæ Christianæ* approbationem tam solemnem, tam authenticam, tam numeris omnibus absolutam expectare, aut desiderare *Concina* potuit, quam tuam hanc, mi Noceti, tuorumque Sociorum censuram. Vix Liber aliquis hæcenus tam studiose, & lente, tantaque severitate excussus, atque cribratus fuit, sicut duodecim *Theologiæ Christianæ* volumina discussa a vobis sunt. Illa ad Supremum Tribunal detulisti. Non labori, non industriæ, non arti parcitum fuit, ut anathemate configerentur. Primus iste conatus, & præcipuum studium frustra concidit. Secundum Libri tui evulgandi consilium magis *Theologiæ Christianæ* sinceritatem confirmavit. Quisque nunc inoffenso pede legere opus istud valet, hac P. Noceti & Sociorum censura expensum, atque probatum. Labefactis enim censuris vestris, omnia, quæ in hoc opere remanent, aurum purum, & vestro publico judicio probatum, confirmatumque est. Nemo impolterum suspicari poterit minus sincere esse recensitas centenas & centenas laxas Casuistarum Societatis opiniones, quas tu, MI NOCETI, tuique Socii severissime expendisti, & nihil vel cavillationis obtrudere potuisti, nihil vel quod antecedit, vel quod subsequatur ad minuendam propositionis laxæ invidiam. Verborum apices vellicare non prætermisisti, & paradoxa inaudita profundo silentio tecta a vobis prætermissa erunt?

IV. II-

IV. Illud nunc superest ut distinctis paragraphis referibam propositiones laxas Casuistarum Societatis in *Theologia Christiana* collectas, & contra quas nihil omnino habuistis, quod opponeretis. Quoniam vero sæpe conqueris, mi Noceti, quod in verborum indicibus eadem opinio laxa bis repetita fuerit, compensationem dabo redundantem. Ducentæ & quinquaginta præter præter in solis Catalogis relatæ sunt, præter alias plurimas, quæ in Theologiæ Christianæ corpore continentur. Ex his, ut sæpius jam dixi, vix undecim carpere ausus es. Ceteræ omnes ducentæ triginta. & octo, te satente, & factis confirmante, sinceritate summa rescriptæ sunt. Porro istæ satis superque evincunt Casuistarum tuorum laxitatem. Verum, ut luculentius hanc Casuistarum, pro quibus tu pugnas, laxitatem patefaciam, alias nunc ducentas & amplius adjicio, propositiones, laxas quæ nulla indigent *litigiosa disputatione*. Nisi has quadringentas & quadraginta tres opiniones a laxitate purges, vani sunt conatus tui. Ordini, quem in resellendis tuis opinionibus servatus est, inhærebo in rescribendis propositionibus laxis, quas intactas, & supra omnem disputationis aleam constitutas, reliquisti. Scias tamen velim, me non ut censores notare, sed ut privatum Theologum sequentes omnes opiniones, quas descripturus sum, sapientum, & eorum, ad quos attinet, iudicio humillime subicere. Fac ut valeas.

## §. I.

*Patris Francisci Amici Societ. Jesu propositiones laxæ.*

» **N**egari non potest, quin saltem honorem, samamque illam, quæ ex  
 » virtute, & sapientia nascitur, quique verus honor est, juste de-  
 » fendere Clerici, & Religiosi valeant, & sæpe debeant, cum hic sit pro-  
 » prius Professionis ipsorum, quam si amittant, maximum bonum amit-  
 » tunt. Nam per hoc redduntur summopere æstimabiles, & conspicui seculari-  
 » bus, quos sua virtute dirigere, & juvare possunt, quo sublato, nec illos diri-  
 » gere, nec juvare poterunt. Ergo saltem hunc honorem poterunt Clerici,  
 » ac Religiosi cum moderamine inculpatæ tutelæ etiam cum morte in vaso-  
 » ris defendere. Quin interdum lege saltem caritatis videntur ad illum  
 » defendendum teneri, si ex violatione propriæ famæ integra Religio in-  
 » fametur. « *Tom. V. Disput. 36. num. 118. Edit. Ant.*

## §. II.

## §. II.

P. Roderici Arriaga Soc. Jesu propositiones laxæ.

I. „ **P**robabiliorē censeo secundo sententiam *Moline*, quā facile in-  
 „ de probō. Nam, ut supra ostensum est, non est veritas per se  
 „ nota Deum existere. Debet ergo &c. . . . Ego sane vix dubito, quin  
 „ multi possint inveniri, in quibus, nec per umbram similis excitetur ra-  
 „ tiocinatio. Poterunt ergo habere ignorantiam invincibilem Dei. “ *Tom. 1.*  
*Disput. 2. Sec. 3. nu. 17. pag. 31. Edit. Lugdunen. 1669.*

2. „ Ultimo objicies. Ergo talis homo ignorans Deum non peccabit  
 „ mortaliter, etiamsi alium occidat, & putet, se malefacere. Nam pecca-  
 „ tum mortale definitur communiter: *Est dictum, factum, vel concupitum*  
 „ *contra legem æternam Dei*. Ille autem eam legem ignorat. Ergo non  
 „ peccat, licet noscat, se contra rationem agere. *R.* De hoc egi in materia  
 „ de actibus humanis, ubi proprius est illius locus: *dixique talem non prome-*  
 „ *riturum per illud factum penam æternam, sed temporalem gravem ad mo-*  
 „ *dum quo a Republica sufficienter punitur furtum*, quatenus est contra  
 „ illam, vel virgis, vel suspendio. Nam ratio promerendi penam æter-  
 „ nam, solum desumitur ex eo, quod aliquis homo saltem in confuso no-  
 „ scat se offendere Deum summum, quod in id ignorante non reperitur.  
 „ *Nec inconveniens est in tali concedere eam actionem non esse æterna pena*  
 „ *dignam ex ignorantia illa invincibili*. “ *Ibidem. num. 22.*

3. „ Et hoc est valde considerandum in præsentī nos hic agere de igno-  
 „ rantia culpabili. *Non est autem omnis ignorantia vincibilis culpabilis*. Ratio  
 „ est, quia multæ sunt res, de quibus mihi occurrit ratio dubii, non tamen  
 „ pecco non ulterius inquirendo, sunt enim res, quarum mea non interest: &  
 „ de his non teneor amplius inquirere, ut per se patet. Quo posito et-  
 „ iamsi aliquod dubium suboriatur in multis barbaris hominibus, an sit  
 „ aliqua causa V.G. quæ produxerit Cælos, non tamen propterea excitatur  
 „ species quod illa sit legi islator, vel veneratione aliqua digna, quod illa  
 „ dederit præcepta, quæ ego debeam inquirere. Immo forte sæpe in con-  
 „ trarium ad me talia discutere non pertinet, nec utile est. Sicut si jam  
 „ excitetur dubium in aliquo quo pacto arbores crescant, non peccat certo  
 „ ulterius non inquirendo causam. Unde inferitur non esse culpabilis in tali igno-  
 „ rantia, etiamsi fuerit vincibilis physice. “ *Ibidem p. 32. n. 21.*

Descriptæ sunt hæc opiniones Tom. 2. App. ad Theolog. Christian. Nihil op-  
 „ posuit P. Nocetius, sed obmutuit. Ergo sincere relatæ.

## §. III.

## §. III.

*P. Joannis Azorii Soc. Jesu opiniones laxæ.*

I. „ **P**ostrema est eorum sententia qui volunt extremo vitæ tempore caritatis præceptum suam obligationem inducere . Sic Angelus , „ Tabienfis , Navarrus , Sotus locis supracitatis , & alii . Quorum tamen „ sententiam ea ratio videtur nonnihil posse infringere , infirmare , & evertere , quod aliquando accidit , ut is , qui vicinus est morti , justus sit „ vir , gratia , & caritate præditus , aut saltem *probabiliter* opinetur , se „ Dei caritatem minime amisisse . “ *Tom. 1. Lib. 9. cap. 4. q. 1. columna 849. Edit. Lugdun. anno 1625.*

2. „ Præterea quid , si aliquot ante obitum diebus , fuerit omnia sua peccata rite confessus , & detestatus ? Arbitror sane hosce Auctores solum docere voluisse eo tempore esse ex præcepto , & lege actum caritatis præstandum , quando quis est letalium criminum conscius .

„ Sed nec hoc omnem ex animo plane dubitationem erellit . Quoniam „ tunc pœnitentiæ præcepto obligamur ad peccata omnia odio habenda , & detestanda ; quod quia sine actu caritatis in Deum præstare , ut oportet , non possumus , ideo ad actum caritatis adstringimur , ratione præcepti pœnitentiæ , *non autem præcise lege caritatis.* “ *Ibidem.*

3. „ Nos autem in præsentī quærimus quo tempore præcise præcepto caritatis cogamur elicere amorem in Deum . Profecto videtur , ut quæstionem solvamus , ejusmodi præceptum esse constitutum eo modo , quo diximus esse datum , & impositum divinitus Fidei præceptum , & Spei , nimirum tamquam remedium ad justificationem impii . Quare iis temporibus suam obligationem assert quibus improbum hominem oportet sua peccata per veram pœnitentiam odio habere , & detestari , ut obtenta venia ad divinam gratiam revocetur . “ *Ibidem.*

4. „ An lucrum cessans possit solvi anticipata solutione ? Respondetur , ex communi omnium consensu non posse solvi . Sed notandum est hoc intelligi sic . V. G. Titius mutuatur Cajo centum , & quia convenit inter eos , ut ratione lucri cessantis Cajo solvat Titio quinque , dicitur anticipata solutio , si Titius solum det Cajo nonagintaquinque , & ratione lucri cessantis retineat sibi quinque . Hoc omnino est illicitum , quia est usura manifesta , nam perinde est , ac si mutuet nonagintaquinque , ut postea sibi reddantur centum . “ *3. par. Lib. 5. c. 5. quæst. 3. columna 369.*

## §. IV.



## §. IV.

*P. Hermannii Busembaum Soc. Jesu propositiones laxæ.*

1. „**R**ustici, alique homines simpliciores in Germania, qui hæreticis habentur, & tamen pertinaces non sunt, possunt absolvi a suis Parochis. Ratio est, quia non sunt Hæretici formales, habentque fidem catholicam in Baptismo acceptam, quæ non perditur, nisi errando pertinaciter.“ *Lib. 2. Cap. 4. Dub. 3. n. 5. Edit. Patav. 1708. pag. 48. Relata est Tom. I. Theolog. Christian. pag. 248.*

2. „Hinc quoque si quis injuste lædit famam tuam, nec potes eam tueri, nec recuperare alia via, quam imminuendo quoque famam illius, id licet, dummodo falsa non dicas, hoc enim prohibetur ab Innocentio XI. proposit. 44. inter damnat. intantum quantum ad tuam famam conservandam necesse est: nec magis lædas, quam lædaris, collata tua, & alterius persona. Vide Card. de Lugo num. 50. “ *Lib. 3. Tract. 6. Cap. 1. nu. 6. pag. 271. ejusd. edition. Relata est Tom. IV.*

3. „Remedia conscientiz scrupulosæ sunt. 1. Scrupulos contemnere, contra illos agere . . . 4. *assuescere se ad sequendas sententias mitiores* & minus etiam tutas. Filliucius *Lib. 1. Tract. 1. Cap. 3. de Conscient.* “ *Apud la Croix. numer. 511. Resp. 4. pag. 11. ejusd. edit. Relata est Tom. 9. Theolog. Christian.*

4. „Verba turpia, lectio obscenorum, spectatio comædiarum turpium, cantiones inhonestæ, gestus, litteræ, & dona amatoria, si tantum fiant ex curiositate, vel vano solatio, non sunt mortalia: secus tamen si fiant vel animo inhonesto, sive venereo, vel cum periculo ruinæ spiritualis sui, vel aliorum. Sanchez de Matr. Lib. 9. Dist. 46. 9. 3. ar. num. 31. Filliucius Tr. 30. cap. 10. q. 3. “ *Lib. 3. Tract. 4. Cap. 2. num. 8. pag. 17. apud la Croix n. 887.*

5. „Oscula, amplexus, compressiones manuum, & similia non obscœna, si fiant tantum officii, aut amoris patrii, aut amoris honesti, vel benevolentiz augendæ causa, etiam si delectatio venerea suboriatur (modo in eam non consentiatur) non sunt peccata. “ *ibi n. 3. pag. 169.*

6. „Si vero ista fiant ex aliqua veniali vanitate, joco, curiositate, levitate, petulantia, immo etiam sensualitate, sive affectu sensuali ac naturali, (dummodo non cum delectatione venerea, nec ejus causa, etsi præter intentionem suboriatur, ea repulsa, ac tunc abstinendo ab illis) venialem culpam non excedunt, ut Filliucius hic. Lessius num. 62. Sanchez loco citato. Diana pag. 4. K 136. Contrarium tamen est tutius. “ *Ibidem n. 4. pag. 170.*

H

Tres

Tres istæ sunt in compensationem.

7. „ Hinc probabile est quod doceat Nav. Tolet. & non repugnat Layman, secluso scandalo, & aliis, veniale tantum esse usque ad vomitum se cibo, & potu implere: idque etiam si quis vomat, ut iterato possit bibere; quod tamen V. comedere, Sa, alique multi putant mortale. “ *Lib. V. cap. 111. dub. 5. n. 2. pag. 390.* Relata est Tom. X. Theolog. christ.

8. „ Si quis post potum discernere adhuc possit inter bonum & malum, licet non nihil phantasia turbata sit, aut sequatur vomitus, lingua titubet, pedes vacillent, oculi cernant duplicia, vel domus gyrari videatur, nondum plena est ebrietas, ideoque tantum peccatum veniale, quamvis ex gravioribus, si deliberate sit commissum. Vide Layman loc. cit. “ *Ibidem art. 2. n. 7. pag. 393.* Relata est Tom. X.

9. „ Si in scamno communicantium recorderis peccati mortalis, quod oblitus es confiteri, nec sine nota, aut scandalo gravi possis recedere, ut habet Nav. Filliuc. Reginald. Lugo n. 112. & alii, porrigenti autem Eucharistiam confiteri non expedit nec decet: quo casu etiam si ne possis quidem elicere contritionem, excusat a peccato Hurtad. loc. citat. immo quidam Doctores apud Henriquez excusant laicum ante confessum etiam præcisa nota & scandalo non recedentem, eo quod is dicatur justificatus, & probatus per confessionem; quam sententiam probat Tamburinus in exp. Commun. cap. 1. §. 8. potestque servire pro scrupulosis. “ *Lib. VI. Tract. 3. cap. 11. dub. 2. n. 6. pag. 448.*

### §. V.

P. Caroli Casnedi Soc. Jesu propositiones laxæ.

1. „ **Q**Uare Cella Dei (P. Michael Elizalde Jesuita) concordat cum Jansenio, & Bajo in hoc, quod error positivus de honestate objecti, etsi sit invincibilis, non sit satis ad honeste, & meritorie operandum. “ *Tom. I. disput. 5. sect. 2. n. 129.*

2. „ Cum Magister veritatis sis, adeo humanæ condescendis inficitæ, ut in tuo veritatis Tribunali error inculpatus ipsam COÆQUET veritatem. “ *Tom. II. in Dedic. ad Christum Jesum.*

3. „ Eum enim non accusas, sed excusas, non plectis, sed præmiaris, ipsam tuam legem habendo pro non lege, si lex ut non lex, & non lex ut lex invincibiliter proponatur. “ *Ibidem.*

4. „ Do damnari sententiam generalem de licito usu minus tutæ minus probabilis. Numquid cohibita erit laxitas opinandi? Numquid Christianorum mores reformari? nihil minus. Quia pejus errabitur. “ *Tom. II. dif. 11. sect. 6. §. 1. n. 143.*

5. „ Quare ego semper ejus sententiæ fui, quod questio, quæ hodie  
 „ tanto calore inter Probabilistas, & Probabilioristas agitur, num liceat  
 „ usus minus tutus, certo tamen probabilis, sit in ordine ad coercendam  
 „ opinandi libertatem prorsus inutilis. “ *Ibidem.*

6. „ Hinc Caramuel, & P. Terillus, quibus *ineptia* esset in his præci-  
 „ pue fidem negare, cum inter Jansenistas diu vixerint, eorumque doctri-  
 „ nas apprime noverint, censent opinionem negantem licitum usum opi-  
 „ nionis practice probabilis e Jansenii *Ferretre* vitam hausisse. “ *Tom. I. disput. 4. in Proem. pag. 94.*

## §. VI.

*P. Ferdinandi Castropalai Soc. Jesu propositiones laxæ.*

1. „ QUINTO asserunt alii, instante periculo mortis, etiamsi peccati  
 „ mortalis conscius non sis, immo etiamsi illius conscius sacramen-  
 „ taliter confitearis, te obligatum esse Deum super omnia diligere. . . . Fa-  
 „ teor hanc obligationem esse satis probabilem, & in praxi semper consu-  
 „ lendam. At non est omnino certa, si peccati mortalis conscius non es.  
 „ Nam illam rejiciunt Azorius, Sanchez. “ *Tract. 6. disp. 1. punct. 4. n. 9. pag. 419. edit. Lugdunen. anno 1682.*

2. „ SEPTIMO alii dicunt obligare hoc præceptum primo, cum marty-  
 „ rium subeundum, vel aliud egregium, difficileque opus aggredicadum,  
 „ quia expedit tunc firmare animi Dei obsequio. . . . Sed esto conve-  
 „ nientiam agnoscam, obligationem improbo, quia nullo fundamento ni-  
 „ titur; oratione enim, aliisque virtutum actibus te munire potes. “  
*Ibidem.*

3. „ HAC ergo obligatione existimo quemlibet adultum teneri, non  
 „ singulis annis, ut placuit Petro de Ledesma, quia hoc est *nimis*  
 „ *durum*, & nullo firmo fundamento nititur, sed aliquoties in vita  
 „ . . . . Reputarem autem dilationem trium annorum esse gravem. “  
*Ibidem n. 10*

4. „ NIHILOMINUS credo, si cum debita moderatione facias, te posse absque  
 „ peccato mortali de vita alicujus tristari, & de illius morte naturali  
 „ gaudere, illam inefficaci affectu petere, & desiderare, non qui-  
 „ dem ex displicentia personæ, sed ob aliquod temporale emolumentum  
 „ inde secutum. Sic docere videtur Emanuel Sa *Verb. Caritas*, in utraque  
 „ editione num. 8. ubi absolute dicit te proximo posse optare malum cor-  
 „ porale ad salutem animæ, & mortem ob Reipub. bonum, & hosti tibi  
 „ aliqui valde nocivo, mortem, non odio, sed ad vitandum damnum  
 „ tuum; item de morte ejus gaudere ob bonum inde secutum. Azorius

„ p. p. Summæ libi 3. cap. 2. quest. 2. & Bonacina disp. 3. quest. 4.  
 „ p. ultimo n. 7. affirmant licere Matri mortem Filiarum optare, eo quod  
 „ ob deformitatem, vel inopiam non possit eas juxta suum desiderium  
 „ nuptui tradere; & idem esse dicunt, si ob illarum causam male tracta-  
 „ retur a Marito, posset illarum mortem optare, ut ab illo damnolibera-  
 „ retur. Consentit iis Joannes Sanchez disput. select. n. 9. ubi inquit. Lici-  
 „ tum est optare tibi, vel proximo mortem ob evitandam molestiam, in-  
 „ firmi- tatem, mendicitatem, vitam pœnalem a Marito inflictam, & alia  
 „ hujus generis, dummodo desideres ut a Deo infligenda, non ab homine  
 „ injuste, vel a Dæmone. Ratio est, quia hujusmodi desiderium, & gau-  
 „ dium de malo proximi non jam est desiderium, & gaudium de malo il-  
 „ lius, quam de bono inde secuturo : ergo non habet malitiam : quia il-  
 „ lam habere non potest, nisi finis illius malus sit, cum tota species actus  
 „ inefficacis ex fine desumatur. “ *Trad. 6. Disput. 4. punct. 1. n. 11. p. 455.*  
 Relatæ hæc sunt Tom. I. Theolog. Christ.

5. „ Conink vero... credit ob nullum metum licere pingere Idolum,  
 „ vestem Sacerdotalem facere ad petitionem infidelis . . . . At credo gra-  
 „ vissimo metu excusari posse, si a te non expostulantur fieri in contem-  
 „ ptum Religionis, neque scandalum adsit, te ita contemnere. Nam fabri-  
 „ catio idoli, & concubinæ pictura intrinsece mala non est, sed sæpe ho-  
 „ nestari potest. “ *Trad. 6. punct. 12. n. 7. p. 483.* Relat. Tom. II. Theolog.  
 Christ.

6. „ Si indifferentia proximiora peccato subministres, & aliam cau-  
 „ sam gravio- rem honestandi administrationem expostulo, qualis esset, si  
 „ pater torvis oculis te aspiceret, & timeres male tractari : vel si domi-  
 „ nus a domo sua te expelleret, & expulsus cogereris mendicare, vel  
 „ penuriam pati, præcipue cum non ita facile, alium dominum invē-  
 „ nias, qui familia, vel pejora ministeria non perat : vel si in ejus domo  
 „ te sustinet id sit te objurgando, & increpando, vel debita mercede defraudan-  
 „ do. Si enim aliquod ex iis damnis tibi provenit, eo quod non ministres  
 „ actiones indifferentes de se, & pravo usui ex malitia domini deservien-  
 „ tes, poteris illa ministrare, quia tunc non censeris peccato illius coope-  
 „ rari, sed potius permittere. Unde licet tibi, tali urgente occasione  
 „ presso, concubinam portare, signare locum domino ubi sit. Item dicere  
 „ concubinæ : Dominus meus dicit, ut illum hac nocte expectes, vel eum  
 „ videas. Item domino ascendere volenti per fenestram ad rem haben-  
 „ dam cum femina, poteris pedem sustinere, scalam apponere, quia sunt  
 „ actiones de se indifferentes, & ita tradit Navarrus. “ *Trad. 6. Disput. 6.*  
*punct. 11. n. 5. p. 481.* Relata est Tom. 2. Theolog. Christiana.

7. „ Hæc scribere, vel deferre non videntur intrinsece mala, & absit  
 „ a te malus finis. Turpia enim verba scribi possunt, sicuti scribunt Do-  
 „ „ do-

„ flores ad ponderandam malitiam illorum, qui ea ex malo sine profe-  
 „ runt, possuntque scribi, & dici non tamquam ex proprio Marte, sed ex  
 „ alieno: item non serio, sed irrisorie. Ergo scribere hæc verba turpia  
 „ de se non est intrinsece malum: quia solum sunt turpia, & mala, qua-  
 „ tenus a pravo animo procedunt, & in pravum finem diriguntur. Ergo  
 „ secluso hoc animo, & hoc pravo fine, mala non esse videntur: & a  
 „ fortiori neque erit intrinsece malum scripta illa deferre ad concubinam: poterat  
 „ enim illa deferre, non ut moveatur ad coitum, sed ut illa irrideat, & com-  
 „ burat. Ergo illa actio deferendi quatenus a te procedit, bono usui de-  
 „ servire potest: & idem esse videtur de scriptis ad duellum provocanti-  
 „ bus. Et ideo Emanuel Sa verb. *peccatum* n. 9. excusat famulos has lit-  
 „ teras amatorias deferentes. . . . hæc sub dubitatione dicta sint.“ *Tract.*  
 6. *Disp.* 6. *punct.* 11. n. 7. p. 481. Relata est Tom. II. Theolog. Christian.

8. „ Quid de voto abstinenti a vino? obligat sub gravi culpa, ne bi-  
 „ batur in ea quantitate, quæ vino temperate utentibus sufficeret pro una  
 „ comestione.“ *Tract.* 15. *Disp.* 1. *punct.* 12. n. 21. p. 82. Sporer ad hanc  
 Castropalai opinionem *tract.* 3. in 2. præcep. Decal. cap. 2. sect. 3. §. 2.  
 n. 86. inquit: *Certe nimis laxè etiam Germanorum sensu Castropalæus requirit*  
*eam quantitatem, quæ alicui temperate utenti sufficeret pro uno prandio.* Re-  
 lata est Tom. III. Theolog. Christian.

9. „ Mercatores, qui non possunt iustum pretium ab emptoribus ob-  
 „ tinere, nisi jurant tanti, vel tanti sibi mercem stare, cum de facto non  
 „ stet, jurare quidem possunt tanti sibi stare, subintelligendo, computatis o-  
 „ mnibus expensis, vel tanti sibi stare cum alia merce, quam habent domi, vel  
 „ alibi emerant.“ *Tract.* 14. *Disput.* p. p. 7. n. 3. pag. 12. Relata est Tom.  
 III. Theolog. Christ.

10. „ Si enim aliqua causa honesta occultandi veritatem intercedat, qua-  
 „ lis esset, si ad tuam, tuorumque salutem, honorem, rem familiarem  
 „ tuendam conveniret occultatio: aut si conveniret, ne annueres interro-  
 „ ganti injuste, nullam culpam committis sic amphibologice jurans... Quod  
 „ verum habet, tamen non rogatus jures, sed te offeras ad jurandum; si  
 „ tamen jurandi; occultandique veritatem honesta causa intercedat.“ *Tom.*  
 3. *tract.* 14. *Disp.* 1. *punct.* 7. n. 4. p. 11. Relata est Tom. III. Theolog.  
 Christian.

11. „ Primo rogatus de delicto, quod saltem sub opinione probabili non  
 „ teneris manifestare, vel ex eo, quod non juridice rogaris, vel ex eo  
 „ quod tibi grave nocumentum ex manifestatione provenit; negare pote-  
 „ ris secisse, subintelligendo in carcere, vel ad dicendum.“ *Idem ibidem*  
 Relata est Tom. III. Theolog. Christian.

12. „ Quarto Rogatus an promiseris matrimonium, a cujus obligatione  
 „ secundum opinionem probabilem immunis es, jurare poteris non promisisse  
 „ sub-

„ subintelligendo, ut tenearis.“ *Ibidem*. Relata est Tom.III. Theolog. Christian.

13. „ Quinto, Exemptus *probabiliter* a Gabellæ solutione, jurare poteris, te non portare talem, aut talem rem, *esto portes*, subintelligendo, ita ut Gabellam debeas. Quia hic est finis, vel saltem debet esse interrogantis.“ *Ibidem*. Relata est Tom. III. Theolog. Christ.

14. „ Pro supradictis est maxime advertendum, utentem aliqua ex dictis amphibologiis debere scire, saltem in genere se posse absque mendacio veritatem tegere. *Non tamen opus est in particulari cognoscere modum, quo debet regi*. Quo circa si intendat jurare, eo sensu, quo vir doctus verum reperiet, & sciat verum reperiri posse, sufficiet ad excusationem perjurii.“ *Ibidem pag. 12*. Relata est Tom. III. Theolog. Christian.

15. „ An sit aliqua causa excusans præbentem munera concubinæ judicis, ab illaque petentem, ut judicem in negotio interpellet . . . . Si negotium grave sit, videasque judicem non tibi esse propitium, speres autem intercessionē concubinæ, gratum fore, neque alia via appareat, qua possis illum ad servandum tuum jus inflectere: crederem tibi licere petere a concubina ut in tali negotio intercedat . . . Quod vero media illa intercessione concubina, & judex periculo peccandi exponantur, non obstat quo minus id licite fieri possit, urgente gravi causa.“ *Tom. 1. Tract. 6. Disput. 6. punct. 15. p. 484*. Relata est Tom.IV. Theolog. Christ.

16. „ Etiam si rogans omnem æquivocationem vellet excludere, & ultra de re facta petat juramentum de calumnia, exigatque juramentum dicendi veritatem sincere absque ulla æquivocatione: adhuc poteris jurare amphibologico juramento, & restrictione facta: quia subintelligere potes te juraturum absque æquivocatione injusta. Nulla enim propositio ita ample sumi potest, quin aliquam restrictionem habere possit in mente.“ *P. 3. Tract. 14. disp. p. punct. 7. n. 5. pag. 12*. Relata est Tom.IV. Theolog. Christian.

17. „ Quarto inseritur impediens a venatione, piscatione, aut segetis aliorum injuste comburentem, aut damnificantem, non teneri Ecclesiæ restituere decimam partem illarum, quia Ecclesiæ solum debentur decimæ de fructibus collectis, & perceptis, non de colligendis.“ *Tract. 10. disp. unica punct. 2. n. 9. p. 75*.

## §. VII.

*P. Claudii La-Croix Soc. Jesu propositiones laxæ.*

„ 1. **P**robabilius videtur, quod etiam in Germania sint Hæretici tantum materiales. Inveniuntur enim aliqui ita simplices, vel præventi doctrina suorum Ministrorum, ut firmiter existiment, se non debere dubitare de fide sua : simulque ita sincere procedunt cum Deo in conscientia sua, ut si scirent fidem suam esse falsam, statim admitterent nostram. Tales autem non sunt hæretici formales, sed materiales tantum. Et tales esse multos testantur Confessarii plurimi in Germania, auctoresque experientissimi. “ *Lib. 2. tract. p. c. 4. n. 94. p. 105. edit. Venetæ 1734.* Relata est Tom. I. Theolog. Christian.

„ 2. Si voluisti redimere jacturam temporis, comprehendisti ludum etiam moderatum, itemque lusum pro alio : quia vere ludes cum jactura temporis. Poteris tamen per alium ludere, licet aspiciendo perdas tempus . . . Si eo fine vovisti, ut vitares rixas, blasphemias, juramenta . . . licebit tibi ludere nomine alieno, vel per alium, immo & ludere licebit per alium; licet hæc incommoda timeantur, quia reipsa non ludis. “ *Lib. 3. p. 1. n. 454. p. 175.* Relata est Tom. III. Theolog. Christian.

„ 3. Non teneris fugere inuasorem, si per hoc incurras gravem ignominiam. “ *Lib. 3. p. 1. n. 803. p. 207.* Relata est Tom. IV. Theolog. Christian.

„ 4. Taberna . . . dicit puellam non peccare, si ob evidens periculum mortis, vel ingentis infamiz, non adhibeat omnia omnino media ad depellendum stupratorem, v. g. si hunc, cum posset, non occidat, si non inclamet viciniam, sed mere patiatur coitum, tamen secluso omni periculo consensus : & licet hanc propositionem editis Libris teneant AA. plures quam 50. . . tamen non expedit eam publice proponere, aut defendere, quia apta est causare abusus, præsertim apud rudes. “ *Lib. 3. p. 1. n. 916. p. 219.* Relata est Tom. IV. Theolog. Christian.

„ 5. Si necessitas gravis siturgens, recte docent Lugo, Lessius &c. . . privato esse licitum surripere necessaria ad illam sublevandam. “ *Lib. 3. p. 1. n. 957. p. 224.* Relata est Tom. IV. Theolog. Christian.

„ 6. An opinio, quæ dicit satisfieri, si successive audiantur duæ meditationes (Missæ) sit adhuc probabilis uti, v. g. si quis ad elevationem unius Missæ veniat in templum, & postea audiat sequentem Missam, usque ad elevationem tantum . . . Dicendum est opinionem illam ad huc

„ huc manere probabilem. “ *Tom. 1. Lib. 3. p. 1. de Obser. Feſt. n. 611. p. 188.* Relata eſt Tom. V. Theolog. Chriſtian.

„ 7. An ille, qui ſub Miſſam per longum tempus conſtitetur, Miſſam „ audiat, variz ſunt ſententiz . . . . Alii dubitant . . . . Alii abſolute ne- „ gant . . . alii abſolute affirmant . . . . alii diſtinguunt . . Omnes hæ ſen- „ tentiz ſunt probabiles. “ *Ibidem n. 655. p. 191.* Relata eſt Tom. V. Theo- „ log. Chriſtian.

„ 8. Multi negant propter lucrum notabile poſſe omitti Miſſam; adfir- „ mant tamen Azor. Baſſ. Jord, Tamb. n. 7. Gobat a n. 492. qui etiam „ putat, ſi ſis tenuis fortunæ, te excuſari ob lucrum duorum ducatorum, „ ſi ſis vere pauper, unius ducati; quia hoc lucrum reſpectu illorum eſt „ notabile, quo non cenſetur Eccleſia velle eos privari. “ *Ibidem n. 682. p. 195.* Relata eſt Tom. V. Theolog. Chriſtian.

„ 9. Si Miſſam negligas, ut iter agas cum aliquo, qui faciet expenſas „ itineris, aut multum ſublevabit, excuſant te Suar, Dicaſtil. & alii cum „ Gobat. Immo (ſecundum aliquos) ſola dereliſtio ſociorum itineris vi- „ detur eſſe cauſa ſufficienter excuſans. “ *Ibidem n. 682. p. 195.* Relata eſt „ Tom. V. Theolog. Chriſtian.

„ 10. Aurigæ qui per conſuetudinem habent jus vehendi aliqua die fe- „ ſto, etiam habent jus omittendi Miſſam, ſi hac audita vehere non poſ- „ ſunt . . . . Addunt aliqui, etſi tu poſſes veſturam omittere ſine notabili „ damno, tamen pleroſque non poſſe, & ideo te poſſe cum illis uti pri- „ vilegio conſuetudinis. “ *Loc. cit. n. 684. p. 195.* Relata eſt Tom. V. Theo- „ log. Chriſtian.

„ 11. An peccet mortaliter, qui die feſto mandat ſex famulis, ut ſin- „ guli una hora laborent. Reſpondeo, ſi mandet ut laborent ſimul, ſe- „ cluſo ſcandalo, eſt veniale tantum. “ *Loc. cit. n. 580. p. 185.* Relata eſt „ Tom. V. Theolog. Chriſtian.

„ 12. Excusat item, ſaltem a gravi peccato parvitas operis, ſeu tem- „ poris. Unde grave non videtur una hora laborare (die feſto) . . . Im- „ mo durum videtur mortalis damnare, ſi quis duas, aut tres horas im- „ pendat. “ *Lib. 3. p. 1. n. 583. p. 186.*

„ 13. Quid dicendum ſit in caſu quo eſt ſpeciale præceptum & in loco e „ quo exit, & in loco ad quem venit? . . . Plures cum Caſtopalao dicunt teneri, „ ſed Joannes Sanchez, Tamburinus, & Burgaberus probabiliter negant: quia „ in primis non tenentur ratione ſpecialis præcepti in ſuo territorio ex quo „ exit . . . Deinde nec tenentur ratione ſpecialis præcepti in altero territorio, ad „ quod venit: quia non eſt ſubditus juridiſtioni horum Superiorum. Ergo „ neutro præcepto tenetur: & conſequenter ſi abiſt ſcandalum, poterit „ non jejunare, nec audire Miſſam, ſed indulgere ſervilibus. “ *Lib. 1. cap. 2. Dub. 3. n. 686. p. 68.* Relata eſt Tom. VI. Theolog. Chriſt.



14. „Dicendum est . . . eum non peccare mortaliter, qui in mortali  
 „formam sacramenti inchoat, dummodo ante expressionem ultimæ par-  
 „tis essentialis sit in statu gratiæ, quid quid in contrarium dicant Aver-  
 „sa, & alii.“ *Lib. 6. p. 1. n. 102. p. 62.* Relata est Tom. VIII. Theolog.  
 Christian.

15. „Quid præterea notandum sit circa necessitatem, & ceremonias  
 „Confirmationis? Resp. Fuisse olim præceptum Ecclesiasticum, ut susci-  
 „peretur confirmatio, colligit Dicastillo hic n. 105. ex variis Concilijs  
 „& dictis SS. PP. recte autem docet dub. 10. cum communi perdesuetudi-  
 „nem nunc desisse illud præceptum.“ *Lib. 6. p. 1. dub. 3. n. 395. p. 90.*  
 Relata est Tom. VIII. Theolog. Christian.

16. „Docent Suarez, Vasq. Say. Marchant. Nugn. Lugo n. 150. Diana  
 „p. 2. t. 14. ref. 61. Dicastil n. 155. Avvers §. 5. Jo. Sanch. d. 31. n.  
 „12. Gob. n. 440. Pelliz. de Regul. T. 6. c. 1. n. 69. Leander n. 385.  
 „& in hoc conveniunt fere omnes, inquit Moya t. 4. q. 6. §. 1. citans  
 „valde multos, quod sacerdos non teneatur hoc præcepto, si habens copiam  
 „Confessarii non sit confessus ex malitia: quia licet gravius peccet, tamen  
 „in præceptis positivis, non valet argumentum a minori ad majus, vel  
 „ad simile, uti cum Communi Lugo in Resp. Moral. L. 4. Dub. 47. n. 5.  
 „Tridentinum autem tantum loquitur de eo, qui necessitate urgente cele-  
 „bravit sine confessione prævia. Sed si fuerit copia Confessarii, non fuit  
 „necessitas urgens celebrandi absque confessione prævia. Ergo nec tunc  
 „tenebitur ad confitendum quam primum. Hæc sententia est probabilis.“  
*Lib. 6. par. 1. de Euch. n. 546. §. 4. p. 105.* Relata est Tom. VIII. Theolog.  
 Christian.

17. „Pontifices sciunt sententiam, quæ ejusmodi obligationem (atten-  
 „tionis internæ) negat, defendi; & tamen, cum facile possent, non con-  
 „tradiciunt. Ergo agnoscunt legem illam non esse certam: ergo nec ob-  
 „ligat; sed libertas nostra est in possessione contra eam.“ *Lib. 4. n. 1341. p.*  
 486. Relata est Tom. VIII. Theolog. Christian.

18. „Mors, exustio domus, privatio rationis, motus venereus dicuntur  
 „effectus peccati: & de illis quæritur, an, & quando secuti sunt, etiam  
 „sint simul explicandi in confessione: an e contra satis sit dicere: Trans-  
 „fodi, intendens mortem proximi, Incendi domum proximi, Potavi  
 „prævidens periculum ebrietatis, Locutus sum turpia prævidens motus  
 „venereos, tacendo quod omnia ista reipsa secuta sint.

„Probabilius videtur non esse obligationem per se loquendo confitendi  
 „talem effectum peccati. Ita Vasq. Salas, Granad, Lugo, Bonac. &c. .  
 „. . . Licet effectus fuerit in peccato, veluti in causa prævisus, aut etiam  
 „intentus, tamen talis effectus proprie dici non potest peccatum, uti pro-  
 „batum est *Lib. 5. n. 33.* cum neque in se sit peccatum, neque etiam

„ externe compleat peccatum secundum dicta 943. Ergo non est obligatio  
 „ illum confitendi , quia non est obligatio confitendi aliud quam pecca-  
 „ tum. Nec obstat quod non retractarit causam . Nam si retractavit ,  
 „ siue non, effectus manet suo modo æqualiter imputabilis , non tamquam  
 „ culpa , sed tantum tamquam effectus culpæ præteritæ , uti explicatum  
 „ est *Lib. 5. n. 42.* Et consequenter talis homo satisfaciet dicendo : Proje-  
 „ ci breviarium , prævidens me tanto tempore non posse orare , Porrexi  
 „ proximo venenum intendens ejus mortem : tacendo an horas non ora-  
 „ rit , & an mors sit secuta , nec ne. “ *Lib. 6. p. 2. n. 944.* Relata est  
 Tom. IX. Theolog. Christian.

19. „ An illa , quæ ex consuetudine mortaliter mala , postea inadvertenter  
 „ fiunt , sint confitenda ? Resp. n. 974. si supponamus , quando ista fiunt ,  
 „ nullam prorsus adesse advertentiam malitiæ , talia non habebunt ullam  
 „ novam maliciam formalem , uti constat ex dictis *Lib. 5. a n. 16.* &  
 „ consequenter cum ista in se non sint peccata , nec externe compleant  
 „ peccatum aliquod internum , sed tantum sint effectus peccati secundum  
 „ dicta n. 944. non est obligatio , ista confitendi. . . . Quod verum est secun-  
 „ dum multos cum Dicastil. quamvis illa consuetudo non sit retractata. “  
*Lib. 6. p. 2. n. 975. p. 206.* Relata est Tom. IX. Theolog. Christian.

20. „ Qui sine ullo desiderio personam venereæ aspicit , non tenetur di-  
 „ cere ( in Confessione ) qualis persona fuerit. “ *Lib. 6. p. 2. n. 1030. p.*  
*211.* Relata est Tom. IX. Theolog. Christian.

21. „ Qui sine desiderio venereæ attigit puellam , secundum Dianam . .  
 „ . . . satisfacit dicendo se toties attigisse turpiter , nihil dicendo de par-  
 „ tibus in quibus attigit , alii probabiliter dicunt exprimendum , si partem  
 „ turpem attigerit. “ *Lib. 6. p. 2. n. 1031. p. 211.* Relata est Tom. IX. Theo-  
 log. Christian.

22. „ Qui fornicatus est cum tribus diversis , vel ter cum una , satisfacit  
 „ dicendo , se ter fornicatum , nec tenetur dicere , an fuerit una , an plu-  
 „ res , an fuerint meretrices an aliz , dummodo non sit cooperatus ad im-  
 „ pediendam generationem. Bonacina , Tamburinus. “ *Ibidem n. 1040. p.*  
*212.* Relata est Tom. IX. Theolog. Christian.

23. „ Probabile est quidem quod oscula , tactus , aspectus , turpiloquia ,  
 „ etiam publice facta in loco sacro , non habeant rationem sacrilegii ; ideo-  
 „ que opus non sit dicere esse ibi facta , uti tenent Sanchez , Avversa , &  
 „ alii cum Diana. “ *Lib. 6. p. 2. n. 1072. p. 214.* Relata est Tom. IX.  
 Theolog. Christian.

24. „ Rigoristæ dicunt causam relaxandi disciplinam quoad poenitentes  
 „ esse refrigerentem caritatem fidelium . Sed contra est : nam potius in-  
 „ ter causas fuit . 1. ne confessio ab hæreticis impugnata velut impossibilis ,  
 „ per duras poenitentias magis redderetur odiosa . 2. quia successu tempo-  
 „ ris ,

ris, plures fuere Sacerdotes, apud quos frequentarentur confessiones ad emendationem utilissimæ, & qui in hoc foro interno aliter mederentur peccatis per medicinas benigniores. 3. quia animadversum est *benignas pœnitentias* plus prodesse, quam rigidas, quod per benignas magis *alligantur* fideles ad Sacramentum pœnitentiæ, & Eucharistiæ. 4. Quia occasione belli sacri contra Turcas *inductus est usus indulgentiarum*, qui . . . est modus satisfaciendi pro peccatis *utilior, ac certior*, quam *observatio canonum pœnitentialium*. 5. Quia successu temporis instituti sunt Ordines Religiosi, qui sunt status pœnitentium utilissimi. Vide Francolin. Cler. Rom. p. 2. Cap. 1. "*Lib. 6. p. 2. n. 1255. p. 232.* Relata est Tom. IX. Theolog. Christian.

25. „ Putant *Lamas, & Stoz* ad hoc munus (Confessarii) satis DOCTOS esse illos, qui integram *Summam casuum* diligenter legerint, vel attente audierint *explicari*. Quod si quis de se ipso dubitet, sistat se examinatoribus ab Episcopo vel Superiore constitutis; qui si eum satis scire judicent, potest acquiescere, & cum fiducia in Deum aggredi functionem, quamvis omnium maximam, & gravissimam. Stoz. "*Lib. 6. pag. 2. num. 1788. pag. 284.* Relata est Tom. IX. Theolog. Christian.

26. „ Recte notat Gobat tract. 7. num. 321. Confessarium debere scire sententias plures, quæ vere probabiles sunt circa materias morales, eo quod sæpe, ubi non agitur de valore sacramenti, non possit, nec expediat pœnitentes dirigere SECUNDUM UNICAM DOCTRINAM. "*Ibidem num. 1791. pag. 284.* Relata est Tom. IX. Theolog. Christian.

27. „ Gobat num. 10. putat in Germania licitum esse in Monasteriis per famulos vendere vinum, & panem, id enim proprie non esse habere tabernam, aut negotiari, sed sua vendere transeuntibus. "*Lib. 3. p. 2. n. 1000. p. 330.* Relata est Tom. X. Theolog. Christian.

28. „ Quamvis prævideatur quod monitio sit profutura, si tamen conjuncta sit cum gravissimo incommodo alterius, v. g. prolium, Confessarius non tenetur monere, sed potest permittere eos in bona fide. "*Lib. 6. p. 3. §. 3. n. 541. p. 452.* Relata est Tom. X. Theolog. Christian.

29. „ Qui probabiliter putat matrimonium esse validum, licite petit debitum: tum quia est possessio pro illo, tum etiam quia aliquis potest hic, uti & alibi, sequi sententiam probabilem... *Addique resse Aversa*, etiam si opinio pro invaliditate esset probabilior; & hoc est conforme dictis *Lib. 1. a. n. 268. de licito usu opinionis probabilior*. "*Lib. 6. pag. 3. n. 299. p. 387.* Relata est Tom. X. Theolog. Christian.

30. „ Si matrimonio, bona fide contracto superveniat dubium de valore, & post inquisitionem nihil resciri, nec dubium deponi possit; prima sententia, quam tenet S. Thomas, S. Bonaventura, S. Antoninus, P. Soto, Ledesma, Val. Vasq. Azor. Rebell. Pont. Hurr. Turr. Arr. Averf.

„ & alii 17. cum Schild. dicit, posse quidem reddere debitum, sed non  
 „ petere, quia ita videtur esse decisum C. *Inquisit.* de Sen. Excom. . .  
 „ Secunda sententia, quam tenet D. Soc. Veracrux, Viñt. Lopez; Suar.  
 „ Con. Laym. Bon. Reg. Less. Lorc. Bressi. Lug. Bos. Bardi, Sanch, Dian,  
 „ Dicasti, Terill. Carden. dicit posse etiam petere debitum . . . Atque  
 „ *hæc secunda sententia videtur, saltem spectata ratione, esse probabilior.* „ *Lib.*  
 „ *6. p. 3. n. 302. p. 387. Relata est Tom. X. Theolog. Christian.*

## §. VIII.

P. Antonii Escobar Soc. Jesu propositiones laxæ ..

1. „ **Q**uod si sæpe videar me laxioribus opinionibus adhærescere: id cer-  
 „ te non est definire quod sentio, sed exponere quid sine conscien-  
 „ tiæ læsione docti poterunt, cum eis visum fuerit expedire ad sedandos  
 „ pœnitentium animos, ad praxim adducere. „ *In Idea Operis, seu summe*  
 „ *in fine. Edit. Lugdun. an. 1659.*
2. „ Rogo an concubitus hic hominis soluti cum muliere soluta possit  
 „ fieri sine peccato mortali? Peccatum: quidem est, sed dari posse de eo  
 „ invincibilem ignorantiam, Tannerus 1. 2. quæst. 9. Dub. 1. affirmat,  
 „ quia naturalis commixtio est. „ *Tract. 1. Exam. 8. Cap. 3. n. 49. p. 140.*
3. „ Scio attactus manuum in Choreis secundum consuetudinem non esse  
 „ illicitos, sicut nec oscula urbanitatis gratia ubi hujusmodi consuetudo  
 „ viget. Rogo num femina agnosceus unum, aut alterum, non sine bonestæ  
 „ geri, teneatur aut osculum, aut manuum contrectationem abnegare? Mi-  
 „ nime, dum proprii consensus periculum abest, quia actio illa indifferens  
 „ accidentaliter deturpatur a complice. Filliucius Tom. 2. lib. 30. cap. 10. n.  
 „ 198. „ *Ibidem num. 65. pag. 144.*
4. „ Pono opus esse illicitum, sed non in genere luxuriæ, & rogo, an  
 „ inde sequens prævisa pollutio sit peccatum lethale? V. G. peccat quis  
 „ mortaliter in nimio cibo, aut potu, tenetur ne se reum pollutionis se-  
 „ quentis habere? Minime, si præter intentionem accidit. Vasquez. „ *Ibi-*  
 „ *dem num. 77. pag. 146.*
5. „ Quid si opus illicitum sit in genere luxuriæ, sed leve, V. G. levis  
 „ tactus manus, visio, verba, lectio aliquantulum immodesta? Pollutio in-  
 „ de prævisa, sed non intenta veniale solum peccatum est. „ *Ibidem nu.*  
 „ *78. pag. 146.*
6. „ Colligo seminam, quæ dum confabulatur eum viro sibi in matri-  
 „ monium jungendo verba amatoria profert, solummodo peccati venialis  
 „ rea, venialiter etiam peccare, si pollutionem patitur absque scandalo, &  
 „ consensus periculo. Sanchez. „ *Ibidem n. 78. pag. 147.*

7. „ Li-

7. „ Licitane oscula , & tactus inter sponfos de futuro? Hurtado illicita  
 „ asseruit . . . Attamen Sanchez D. 46. num. 50. & alii multi affirmant  
 „ licere, si absit pollutionis, & consensus in rem illicitam periculum, quia  
 „ sponsalia tamquam inchoatio matrimonii justificant tactus , & oscula ,  
 „ quæ sunt quædam *conjugalis copulæ inchoatio*. Tactus, inquam, qui non sint  
 „ nimium impudici, hi enim semper interdiciuntur ob nimiam commotio-  
 „ nem. “ *Ibidem pag. 145. n. 74.*

8. „ Circa verba quæsierim, an peccaret mortaliter , qui feminam solli-  
 „ citaret sine intentione executionis: ob solam ostentationem amoris, si  
 „ sciat certo illam minime ad assensum alliciendam? Peccat plane , quia  
 „ ad scandalum illam affert. Quod si tam effrænata libidinis sit, qui sol-  
 „ licitat, tantaque jam infamia circa libidinem laboret , ut nullatenus  
 „ femina ad scandalum afferenda sit , non delinquet mortaliter. “ *Ibi-  
 dem n. 89. p. 149.*

9. „ Num Bulla Pii V. contra Clericos Sodomitas obliget in foro con-  
 „ scientiæ. Henriquez sentit usu non esse receptam probabiliter, nec in fo-  
 „ ro conscientiæ obligare. “ *Ibidem n. 102. p. 151.*

10. „ Quonam tempore per se obligat præceptum Caritatis ad Deum ?  
 „ Addo ex Filliucio probabile esse non quinquennis singulis rigoroſe obli-  
 „ gare, sed sapientum arbitrio. “ *Tract. 5. Exam. 4. n. 8. p. 600.*

11. „ Clerici Beneficiis Ecclesiasticis fruents obligationem exprimas . . .  
 „ Eorum, quæ post congruam sustentationem superfluum, probabile est non  
 „ habere dominium, debereque operibus piis impendere sub onere restitu-  
 „ tionis. *Sed probabilius reputo cum Lessio, & aliis, eorum absolutos domi-*  
 „ nos esse , nec obnoxios restitutioni futuros, licet ea profane expen-  
 „ dant, sed tamen gravi crimine illigari. “ *Tract. 5. Exam. 5. numer. 60.  
 pag. 610.*

12. „ Unde colligo teneri superflua illa pauperibus erogare, inter quos Tole-  
 „ to auctore possunt propinqui præferri, accipientes quidem plus ceteris, etiam in  
 „ status incrementum, non solum juxta qualitatem eorum, sed & juxta dan-  
 „ tis Episcopi, Pontificis, Parochi, qualitatem etiam ex Majoratus aut  
 „ vinculi institutione, modo absit scandalum, & notabilis fugiatur. exces-  
 „ sus. “ *Ibidem pag. 611.*

13. „ Invasorem quis potest licite occidere? Respondet Molina . . . pos-  
 „ se aggressum per se intendere mortem aggressoris, quando videt id ne-  
 „ cessarium esse ad illius impetum evadendum. “ *Tract. 1. Exam. 7. Cap.  
 3. 3. num. 34. pag. 117.*

14. „ Teneor ne fugere? Non si nobilis, si miles es. “ *Ibidem num. 35.  
 pag. 117.*

15. „ Licet ne occidere eum, qui non invadit astu, sed decrevit inva-  
 „ dere? Docet Molina Tom. 4. Tr. 3. Disp. 12. n. 2. posse præveniri, quan-  
 „ do

- „ do ex aggressiōis decreto vita tua periculo maximo capitali est obno.  
 „ xia. “ *Ibidem* num. 36. pag. 117.  
 „ 16. „ Quæsierim quanti valoris debeat esse res pro cuius conservatiōe  
 „ possum furem occidere? Non debet esse res parva, nisi, ut defendat  
 „ fur rem parvam velit repetentem invadere, vel res parvi momenti in se,  
 „ magna sit in virtute V. G. lapis medicus, vel tolleretur cum injuria. Les-  
 „ sius. “ *Ibidem* n. 43. pag. 119.  
 „ 17. „ Regulariter autem Molina Tom. 4. De Just. Tract. 3. Disp. 16.  
 „ num. 7. unum aureum assignat. “ *Ibidem* pag. 119.  
 „ 18. „ Aggreditur quis virum nobilem seu alapa, seu baculo percutere:  
 „ licebit ne ei prius occidere aggressorem? Affirmat Lessius Lib. 2. Cap.  
 „ 9. Dub. 12. num. 77. quia maximum in aliquibus regionibus dedecus est  
 „ alapas, vel baculi verbera absque vindicta relinquere. Limbo tamen sen-  
 „ tentiam ad viros nobiles. “ *Ibidem* n. 46. pag. 119.  
 „ 19. „ An liceat post impactam alapam percutientem insequi, & interi-  
 „ mere? Aliqui negant... At Lessius licere existimat *speculative*, sed in  
 „ praxi non consulendum ob periculum odii, vindictæ, & excessum pu-  
 „ gnarum, & cædium in reipublicæ perniciem. Alii seclusis his periculis  
 „ in praxi probabilem, & tutam judicarunt. Henriquez Lib. 14. Cap. 10.  
 „ num. 3. Ratio est, quia quamdiu damnum illatum manet in suspensio,  
 „ semper est locus defensionis, ut patet in eo, qui furem insequitur fugien-  
 „ tem ad recuperandum ablatum. Nam quamvis honor non sit apud per-  
 „ cussorem, sicut ablata res apud furem; potest tamen non secus, ac res  
 „ furtiva recuperari ostendendo signa excellentiæ, & æstimationem apud  
 „ homines captando. *An non alapa percussus censetur tamdiu honore priva-  
 „ tus, quamdiu adversarium non interimit?* “ *Ibidem* n. 47. p. 120.  
 „ 20. „ Num liceat contumeliosum, seu profantem *mentiris* honorato vi-  
 „ ro internecare. Negat Azorius? . . . At Baldellus Lib. 3. d. 24. num. 24.  
 „ putat licitum esse occidere contumeliosum; sed in casu, quo aliter ar-  
 „ ceri non potest, ne detur licentia improbitati optimos viros contu-  
 „ meliis afficiendi, quam facta acerbioribus. “ *Ibidem* numer. 48.  
 „ pag. 120.  
 „ 21. „ Licet ne aliquando *Mentiris* jactitare? Afferit Petrus Hurtado de  
 „ Mendoza falsum, seu verum occultum crimen objicienti posse respon-  
 „ deri: *Mentiris*. At si hoc non sufficit ut adstantes credant illum esse  
 „ mentitum, objici ei posse alia vera crimina. “ *Ibidem* n. 49. p. 120.  
 „ 22. „ Potest ne quis vir nobilis acceptare duellum in nobilitatis defen-  
 „ sionem? Potest, si ex illius recusatione honorem, aut munia publica es-  
 „ set amissurus. “ *Ibidem* n. 95. p. 130.  
 „ 23. „ Accusator injustus me calumniis efficit morti addici: licitumne  
 „ eum ad certamen provocare? Ita quidem, si non est alia via injustæ mor-  
 „ tis

„tis evadendæ: quia hujusmodi provocatio locum habet inculpatæ tute-  
 „læ. Nihil enim refert quod accusator, non per se, sed per judicem ag-  
 „grediatur. Ita Hurtado . . . Addit Sanchez Tom. 1. Lib. 2. quæst. 39.  
 „num. 7. tali in casu licere accusatorem occulte occidere. “ *Ibidem num.*  
 96. pag. 130.

24. „ Quando nam hoc præceptum (diligendi Deum) sub mortali obli-  
 „gat? Cum sit affirmativum, non pro quocunque obligat tempore. Exi-  
 „stimo itaque solum obligare pro eo tempore in quo homines tenentur  
 „actui contritionis operam dare. “ *Tract. 1. Exam. 2. Cap. 2. numer. 10.*  
 pag. 61.

25. „ Dixisti præcepto caritatis teneri nos aliquando Deum actu çeli-  
 „cito diligere: quoties, & quando tenemur? Putat Vasquez 1. 2. Tom.  
 „4. quæst. 86. art. 2. sufficere si diligamus in fine vitæ. “ *Ibidem Cap. 4. n.*  
 21. pag. 63.

26. „ Si tantum hujusmodi æquivocatio sit in mente, nec eam verba ipsa  
 „includant, probabilis sententia est haud licitum esse jurare. Sed probabi-  
 „lius illicitum non esse. “ *Tract. 1. Exam. 3. cap. 4. n. 16. pag. 69.*

27. „ Licet ne aliquem inducere ad jurandum falsum, quod tamen ipse  
 „juraturus ex ignorantia verum putat? Negat Azor . . . Affirmat autem  
 „Petrus Hurtado. “ *Ibidem Cap. 7. n. 31. pag. 73.*

28. „ A Judice interrogatus cum juramento, an Franciscum interfece-  
 „ris? Si illum in propriam defensionem interfecisti, negare potes, subin-  
 „telligendo de homicidio criminoso. Lessius lib. 2. dub. 9. n. 47. “ *Ibi-*  
*dem n. 34. pag. 73.*

29. „ Si est probabilis opinio quod taxa alicujus rei sit injusta, & pro-  
 „pterea venditor falsis ponderibus, vel alias injustitiam sibi compensat,  
 „a judice postea interrogatus potest id totum jurejurando negare subin-  
 „telligendo se injuste non egisse. Sanchez Tom. 1. Summ. Lib. 3. cap.  
 „6. num. 29. “ *Ibidem. p. 73.*

30. „ Aliqua tibi necessaria bona abscondis; ne a creditore capiantur,  
 „& cogaris mendicare: potes interrogatus a judice jurare te nulla ab-  
 „scondita habere, subintelligendo quæ tenearis manifestare. “ *Ibidem*  
*pag. 73.*

31. „ Quid si dubito me peccasse cum assensu probabili in utramque  
 „partem, & sit æque probabilis assensus? Non teneris hujusmodi piaculum  
 „confiteri, quia cum probabile sit, te non deliquisse, vel jam peccatum  
 „esse confessum, potes hanc sequi opinionem. Suarius in 3. par. Tom.  
 „4. Disp. 22. Sect. 9. n. 6. “ *Tract. 7. Exam. 4. num. 109. p. 784.*

32. „ Probabilius si judico, me deliquisse, aut non esse confessum, quid  
 „geram? Afferit Conink . . . confiteri te debere cum dubio, & gradu pro-  
 „babilitatis, ne te periculo exarandi circa Confessionis integritatem expo-  
 „nas

„ nas Alii probabiliter affirmant, non teneri, quia potest quis opinionem „ probabilem relicta probabiliori sequi. “ *Ibidem n. 110. p. 784.*

33. „ Consuetudine quis gravatur aut jurandi mendaciter, aut volunta- „ rio polluendi? Si ægre ferat, haud ei absolutio differatur, præcipue cum „ non adest spes reversionis ad Confessarium. “ *Ibidem numer. 224. pag. 802.*

34. „ Profecto quoties aliqua adest causa notabilis, qua separatio fie- „ ri non potest, voluntaria occasio non erit., & præmissa dispositione, „ & prudentia ad cautionem futuram Confessoris adhibita, absolvi pote- „ rit. “ *Ibidem n. 227. p. 803.*

35. „ Quid si affectus sit ingens, labilis poenitens, exigua spes emen- „ dationis? Absolutio differatur. Quod si non omnino emendatus rur- „ sum accedat, si tamen Confessarius cognoscat effectum aliquantulum fri- „ gescere, aliquamque abstinentiam adhibitam &c. sæpius potest eum absol- „ vere. “ *Ibidem p. 803.*

36. „ Quam immerito aliqui mærore afficiuntur, quod in re morali tot „ diversæ sententiæ a Doctoribus exponantur, cum potius solatii mate- „ ries accrescat! Nam ex opinionum varietate jugum Christi suavius „ deportatur. “ *n. 13. in Præloq. ad Volum. I. Problem: cap. 3. p. 4. Edit. Lugdun. 1652.*

37. „ Frequenter in problematibus unius Doctoris mens sufficit mihi, ut „ opinionem probabilem esse constituam, cujus causam expendo. “ *Ibi- dem Cap. 4. num. 25. pag. 6.*

38. „ Si res pro qua est opinio, ab Auctoribus agitata non sit, nemi- „ ni potest esse dubium dictum unius gravis auctoris pii plane, quem ra- „ tione firma video moveri, sufficere ad opinionem probabilem tam si- „ bi, quam aliis constituendam. “ *Ibidem pag. 6.*

39. „ Ad hæc monuerim problematum titulos primo aspectu, quam- „ dam veluti contradictionem objicere. V. G. *Est, & non est; sufficit, & non sufficit; potest, & non potest; excusat, & non excusat; infert, & non infert:* hu- „ jusmodi contradictionum speciem non facit mea sentiendi inconstantia, „ sed auctorum probabiliter opinantium diversitas, Unde semper propo- „ sitio illa, quæ contradictionem importare videtur, sic separanda tibi. *Est, sufficit, potest, excusat, infert* ex aliquorum sententia. *Non est, non sufficit, non potest, non excusat, non infert* ex aliorum opinione. “ *Ibidem numer. 29. pag. 7.*

Vin' Pyrrhonismum, & Scepticismum luculentior? Plurimas alias ex sex Voluminibus horum problematum transcribere laxas opiniones possem, sed brevitatis gratia prætermitto.



## §. IX.

P. Vincentii Filliucii Soc. Jesu *propositiones laxæ.*

1. „ **D**ico quinto sententiam, quæ censet satis esse dignos eligere ad Beneficia, quæ non dantur in concursu, esse probabilem ex Tridentino *Sess. VII. Cap. 3. de Reformat.* dicente: *Conferantur dignis*; & universali æstimatione in creatione Beneficiariorum, ut Cardinalium, Episcoporum, Abbatum &c. qui si inter dignos habeantur, laudatur Elector, & Electio: non landaretur autem communiter, si mala esset, & peccatum mortale. “ *Tract. 41. in Append. cap. 4. n. 181. pag. 31. Relata est Tom. X. Theolog. Christian.*

2. „ Quando aggressus teneatur fugere, vel non occidere aggressorem? Respondeo, & dico primo: Si aggressus sit persona cui dedecus est fugere, non tenetur, sed potest consistere, & aggressorem occidere. Talis est quilibet nobilis, miles, & similes. “ *Tract. 29. c. 3. n. 41. pag. 285. Edit. Lugdun. 1633.*

3. „ Si tantum verbis impugnetur alterius honor, *etsi speculative probabilis sit* sententia Petri Navar. . . . licere contumeliosum occidere, quando aliter ea injuria repelli nequit, quam *valida ratione confirmat Lessius*; tamen practice non est sequenda. “ *Ibidem. n. 49. pag. 285.*

4. „ Si factis, connitendo alapam, vel sustem impiingeret, probabilis est sententia Doctorum dicentium fas esse viro honorato occidere talem invasorem. “ *Ibidem. n. 50. pag. 286.*

5. „ Si illata injuria, invasor fugiat, etsi probabile sit speculative posse invasorem incontinenti actione reperi, & in eum cursitando tantum verborum, vel vulnerum infligi, quantum putatur necessarium ad honorem recuperandum: ut Nav. Pet. Nav. Victor, Henriquez, & alii apud Lessi. n. 79. quorum sententiam multis rationibus ipse confirmat: tamen practice verius est non licere. “ *Ibidem n. 51. pag. 286.*

6. „ Provocans in casu posito ad Duellum est invasor honoris provocati. At quando non possit aliter consuli honori, nisi invasorem occidendo, licet utique occidere; ergo &c. Secundo quia invaso fas est invasorem occidere, ut honorem tuteatur, quando fuga sibi ignominiosa est, ut supra diximus. “ *Ibidem Cap. 8. n. 145. pag. 294. Subdit tamen n. 147. veriorum esse contrariam sententiam, sed admissio Probabilissimo vanæ sunt ejusmodi additiones.*

7. „ An si sola mente amphibologia intelligatur sit licitum juramentum? . . . Dico secundo probabilius est, quod liceat etiam in tali casu jurare. “ *Tract. 25. Cap. 11. n. 325. & 326. pag. 161.*

K

8. „ Di-

8. „ Dico tertio ejusmodi restrictionem, quæ mente concipitur, non debere esse ad libitum, sed proportionatam verbis, & materiæ, de qua agitur, ita ut, si verbis exprimeretur efficeret verum sensum, & congruum. „ Talem esse ait Suarez illam: *non comedi* intelligendo hodie, cum interrogans putet alioquin numquam comedissem rem illam.“ *Ibidem n. 327. pag. 161.*

9. „ Item illam, *Petrus non est domi*, cum tamen revera sit: verbum enim est sumitur a dicente pro comedit; idemque dici potest de aliis similibus.“ *Ibidem pag. 161.*

10. „ Dico secundo locutionem hanc per amphibologiam, & præsertim, cum *refrictio mentalis est*, non esse usurpandam, nisi iusta de causa . . . Quale peccatum sit uti amphibologia absque rationabili causa? Respondet deo, & dico primo, probabile esse, quod sit mendacium, atque adeo perjurium si confirmetur juramento . . . Dico secundo probabilius videri rigore non esse mendacium, neque perjurium “ *Ibidem n. 329. 330. 331. pag. 161.*

11. „ An in articulo mortis ratione dubij probabilis num attritio sufficiat cum sacramento, teneatur quis habere contritionem? Respondeo ex vi iustitiæ ad Deum homo attritus cum sacramento non tenetur conteri in articulo mortis, quia opinio de sufficientia attritionis cum sacramento est præstite certa post Tridentinum; ideoque homo cum ea satisfecit quantum debuit. Ex caritate tamen erga Deum, & erga se ipsum tenetur habere majorem dispositionem.“ *Tract. 6. Cap. 8. n. 197. pag. 123.*

12. „ Quod si contingeret hominem, mori sine amore vel contritione, recepto tamen sacramento cum astritione . . . nihilominus salvabitur, quia non est talis actus necessarius necessitate medij, sed præcepti, a quo excusatur ob aliquam ex causis dictis.“ *Ibidem. pag. 123.*

13. „ Si Confessor non speraret fructum, sive quia poenitens non faceret id, de quo admonendus esset, sive quia non posset, nisi cum gravi incommodo, potest, & debet tacere.“ *Tract. 7. c. 12. n. 364. pag. 163.*

14. „ Qua prudentia agendum sit cum recidis? Respondeo, & dico, primo Confessarios non debere esse admodum difficiles in iis absolvendis: tum quia ut plurimum in iis non adest, nisi remota occasio: tum quia non minus tenetur quisque vitare omnia mortalia, quam singula: & tamen si quis SEMPER in aliquod mortale incidat, facile solet absolvi “ *Tract. 7. in Brevi instructione pro Confess. excipiend. Cap. 3. pag. 171.*

15. „ Esto sint hac de re opiniones, tamen communior, & probabilior est, posse, & debere Confessarium sequi opinionem in praxi probabilem ipsiusmet poenitentis.“ *Ibidem C. 4. pag. 172.*

16. „ An autem liceat feminæ, quæ nondum absolvit, viro jam abstracto a copula excitare se motu corporis, vel tactibus ut compleat? Res est potius

„tius servanda in sinu Doctoris, quam passim aperienda, ut allicastus particularēs in hac materia. Utrumque apparet probabile ex iis, quæ Sanchez.“ *Traclat. 10. Part. 1. cap. 9. n. 330. pag. 247.*

## §. X.

*P. Georgii Gobat Societ. Jesu propositiones lane.*

1. „**P**robabilius multo est essentiam orationis vocalis consistere cum perpetuis voluntariis distractionibus, seu evagationibus mentis. Ita Cardinalis de Lugo ex instituto, Tamburinus. “ *In experim. Theol. vol. 1. Tracl. 5. n. 820. p. 310. edit. Venet. 1678. Relata est Tom. II. Theol. Christian.*

2. „Probabilius est non teneri ad ullam restitutionem, qui cum voluntariis, & perpetuis distractionibus recitavit horas omnes. “ *Tracl. 5. Disp. 2. n. 842. p. 311. Relata est Tom. II. Theolog. Christian.*

3. „Quando est solum probabile te succubiturum tentationi, etiam communiter probabile est, te non succubiturum. Atque sicut in plurimis aliis materiis fas tibi est ex utralibet sententiarum speculative probabiliū deducere practicam conclusionem tibi gratam; ita licebit hic ita argumentari. Occurrunt mihi graves rationes, ob quas vir prudens sapienter iudicare potest me lapsurum in novum crimen mortale, si accessero hanc domum. Vice versa sunt alix rationes etiam graves, ob quas alius æque prudens probabiliter pronuntiaret me non lapsurum. Ergo possum sine nota temeritatis, & imprudentiæ me committere illi occasionī, certo non commissurus, si liquido scirem me in illa admissurum istud grave peccatum. Atque adeo fas est per se loquendo committere se periculo probabili peccandi mortaliter. “ *Vol. 1. Tracl. 7. Cap. 16. n. 536. Relata est Tom. IV. Theolog. Christian.*

4. „Liquido scio crebro fieri, præsertim inter plebejos, & rusticanos, ut eodem in lecto aliquot horas induti, & exuti cubent, & tamen nihil omnino impudicum agant, vel non nisi oscula, & turpes atrevelationes exercent.

„Unde iudico non posse a Confessario negari absolutionem omnibus illis puellis plebeis (aliud ob varias considerationes sentio de nobilibus,) quæ non videntur habere propositum numquam amplius admittendi in lectum prociū suū; sed si qua, ut quandoque fit, asserat illum sexies, vel octies secum in eodem lecto jacuisse, verum nihil mali petiisse, aut fecisse, absolvendam videri, esto non proponat non amplius illum admittere. “ *Vol. 2. Tracl. 5. C. 32. Sect. 3. n. 19. & 20. p. 344. Relata est Tom. IV. Theolog. Christian.*

K 2

Hæc

Hæc opinio. velit, nolit P. Carolus Nocetius, laxissima est, etiamsi turpes actiones non succederent, quia istæ cubationes puellæ exutæ cum proco exuto natura sua occasiones proximæ sunt.

5. „ Si concubinus nequeat dimittere suam concubinam sine jactura centum aureorum, seu ducatorum, poterit Confessarius pro re nata amplecti sententiam vel Joannis Sanchez, vel Ovidi paulo ante relata. „ *Tracl. 7. Cap. 16. n. 532. pag. 422.* Joannes autem Sanchez *disp. 16.* docet illum qui suæ concubinæ dedit mutuos centum aureos, quos si eam dimitteret, esto versetur in proximo periculo relabendi in peccatum cum illa, si non dimittat. „ Relata est Tom. IV. Theolog. Christian.

6. „ Si ipsa est ita effrons, ut dimissâ propalatura sit occultum concubinum, retinere eam volenti patrocina buntur plerique ex citatis; sed utique muniendus erit peculiaribus propositis, & aliis mediis: sicut & patrocina buntur, si ipsa sit ejus ancilla, & nequeat aliam adipisci absque pari periculo; cum tamen haud possit ullo modo carere ancilla omni. „ *Ibidem num. 532.* Relata est Tom. IV. Theolog. Christian.

7. „ Dominus, qui habet oratorium, non tenetur rogare, aut ullo stipendio conducere sacerdotem, qui faciat sacrum sibi non valenti adire Ecclesiam, „ *Tracl. 6. n. 350. p. 252.* Relata est Tom. V. Theolog. Christian.

8. „ Pridie festi laesi nimio potu valetudinem, ut nequirem. altero die ædem sacram subire, hancque impotentiam orituram prævidi. Resp. Tametsi perægre suscipio patrocinium lurconum; attamen illum de quo ponitur hæc questio; excusæ a mortali, in quantum præcise ponit impedimentum Sacri de jure audiendi die sequenti. „ *Loc. cit. n. 425. p. 256.* Relata est Tom. V. Theolog. Christian.

9. „ Dico 2. nemo obligatur pridie Festi non ponere impedimenta sacri postridie audiendi. *Sic docui cit. Cap. 27. n. 35.* cum Suasio, Becano, Bonacina, Palao, Dicastillo, quos ibidem refero, ubi etiam expressi, licet impedimentum ponatur per actionem pessimam, non tamen esse necesse in confessione quidquam dicere de omisso sacro. . . Confirmo hanc doctrinam resolutione casus, quem Tamburinus in *Dicalog. Lib. 4. Cap. 2. §. 3. n. 9.* recenset de duobus adolescentibus, destinantibus proficisci die Sabbati ad vocationem instituendam loco tamen remoto ab omni Ecclesia, ut fuerit impossibile die Dominico audire Missam . . . . . Casus Venatorius.

„ Quidam ex Congregatione nobilium selecti adolescentes (Verba sunt Tamburini loc. cit.) ad seras in remoto nemore venandas fere egressuros, ut sit ex compacto decreverunt; quo in nemore opportunitas audiendi sacrum nequaquam suppetebat. Agebatur autem dies veneris illius hebdomadæ, & die consequenti iter arripere cum contenderent, interrogaverunt a. P. Societatis Præfecto, an illis id liceret, quandoquidem

„ dem

„dem fore prævidebant ut, die Dominico instanti, in eo loco ab Ecclesiis remotissimo, Missæ non essent interfuturi? Respondit Pater *sine culpa licere* . . . .

„Verum adolescens quidam ex illis, paulo ceteris Religiosor hujus Patris consilio non acquiescens, P. Rectorem ejusdem Collegii, quid de hoc ipse sentiret, interrogavit, qui *nequaquam licere respondit* . . . .

„Hactenus non solum narratio, sed etiam judicium P. Tamburini, qui licet utrumque responsum merito habeat pro probabili, *ego tamen pro probabiliori habeo* Præfidis utpote nixi & melioribus rationibus, & auctoritate quinquæ DD. “ *Tract. 5. n. 447. & seq. p. 258.* Relata est Tom. V. Theolog. Christian.

10. „Dico sexto. Probabile quidem est nullum extare præceptum de contritione per se loquendo elicienda ante articulum mortis; contraria tamen sententia (abstrahendo a perceptione sacramenti) est verisimilior, & in praxi sequenda. Prima pars probatur auctoritate, & rationibus, quas pro ea adserunt Suarez *Disput. 5. sect. 6.* atque Dicastillo *cit. Disput. part. 3. dub. ultimo*, qui Dicastillo mordicus defendit illam prior rem partem, Suarezio habente eam solum pro probabili. “ *Tract. 6. n. 139. p. 333.* Relata est Tom. IX. Theolog. Christian.

11. „Non contrahitur, adeoque confitenda non est malitia circumstantiæ *mutantis speciem*, nisi poenitens, quando peccatum committebat saltem dubitavit, an non adesset circumstantia talis, & an non contraheretur propter illam peculiare peccatum. Ita fert communior sensus Theologorum. *Utere mi bonæ vir* frequenter hac regula, præsertim in excipiendis confessionibus rudium, & nominatim quando malitia circumstantiæ effectus nota soli Doctorum vulgo. “ *Tract. 7. n. 324. p. 400.* Relata est Tom. IX. Theolog. Christian.

12. „Negat P. Conink *loc. cit. n. 98.* esse probabilem opinionem arbitrantium, quando adest tanta multitudo confiteri volentium pro aliquo celebri festo, ut Sacerdos nequeat omnibus satisfacere, audiendo omnes integre, posse singulis dicere, ut aperiant solum graviora e mortalibus, reliqua differant in aliud tempus. Censeo ego, salvo meliori judicio, eam opinionem posse probabiliter sustineri, casu, quo multi e longinquo advenissent, obtinendæ alicujus grandis indulgentiæ confessionem, & communionem requirentis causa. “ *Tract. 6. n. 479. p. 358.* Relata est Tom. IX. Theolog. Christian.

13. „Certum est apud omnes DD. oscula, tactus, amplexus non impudicos licite fieri inter sponso, quando fiunt secundum consuetudinem patriæ: in signum benevolentis ad conciliandum, & fovendum mutuum amorem in ordine ad matrimonium. Ita loquitur P. Perez . . . Et quidem sunt ob finem prædictum liciti hi actus, licet adsit periculum pollu-

tionis

tionis , modo non sit periculum consensus . . in veneream delectationem. " *Tract.* 10. n. 671. p. 744. Relata est Tom. X. Theolog. Christian.

14. Sánchez *loc. cit.* n. 49. utentem quidem nomine delectationis sensitivæ, sed per hanc certo intelligi ventream , ut pat. ex n. 5. .... Fateor tamen non raro fieri, ut Confessarius cogatur in praxi supponere sententiam Petreii; nisi velit tales sponso dimittere sine absolutione, utpote quibus ægre persuadebit, aut illos amplexus, oscula &c. esse mortalia, aut ut agnoscentes esse mortalia, formant propositum se emendandi . " *Tract.* 10. n. 672. p. 745. Relata est Tom. X. Theolog. Christian.

15. " Quid faciet Confessarius, si videat pœnitentem ex invincibili ignorantia obnoxium v. g. molliæ, cujus gravitatem edoctus, ob habitum pravum hinc abstinere? His ipsis verbis proposita fuit illa quaestio, applicataque huic peculiari vitio, cum posset pluribus . Respondi autem ex scriptis illo cap. 37. n. 61. si, probe consideratis circumstantiis illius pœnitentis, omnino judicetur nihil plane, profuturam monitionem, sed cognito a se committi grave scelus, nihilo rarius patratum illud, quam fecit ignarus turpitudinis tantæ, coram Deo dissimulandam esse manifestacionem veritatis. " *Tract.* 7. n. 315. p. 399. Relata est Tom. X. Theolog. Christian.

16. " Et vero non semel didici, esse qui inculpabiliter ignorent mortalem in omni casu malitiam hujus flagitii . . . Igitur practice loquendo, non tam querendum est de illo, qui plane nunquam peccatum illud committit ob cognitam turpitudinem, quam de illo solo, qui vix omittet, seu vix abstinere, ut loquuntur illæ litteræ, idest qui quandoque, et si rarissime, abstinere, sicut, proh dolor! gémunt Confessarii, se nactus complures hujus scdissimi simul & fortidissimi fursus. De hoc quoque cenfeo intelligendam sententiam D. Augustini: moraliter enim non, tam prodest, quam obest ILLA MONITIO, quæ tantum impedit sex, octo, decem peccata formaliter mortalia, causabit autem ducenta, trecenta itidem formaliter mortalia. " *Tract.* 7. n. 317. p. 399. Relata est Tom. X. Theolog. Christian.

17. " Qui iter agit, excusatur, si audiendo, sacrum sit amissurus socios, qui vel sint duces itineris ignoti, Bonacina n. 6. aut infesti latronibus, Henriquez cum communi: vel qui persoluturi sint expensas itineris Suarez *cit. ver.* Tertium ex communi, aut necessarij ad illas tolerandas: Tannerus n. 87. aut generatim allaturi aliquod notabile commodum, Suarez, & Dicaflillo n. 178. aut præstituri societatem necessariam vel utilem. Silvester *loc. cit.* seu bonam societatem; Rodriguez *loc. cit.* adeoque levaturi tedium viæ longæ. Henriquez n. 10. atque Escobar lib. 43. n. 297. Quamvis Suarez, Nugnus, Bonacina, Tannerus, Jordanus, Bas-

ssus,

„sæus, ac D. Reding. n. 23. exprimant, te non excusari, si eos cum ja-  
 „ctura sacri sequaris solum ad levandum cædium viæ, seu, ut habebas sine  
 „cium itineris. *Sed assentior Henriquezio*, quia scio ita solere fieri sine  
 „gravi scrupulo, nec posse sine gravi, & notabili incommodo aliter fie-  
 „ri. Quin Tamburinus n. 5. *absolute* excusat itinerantes, *ex eo etiam ca-  
 „pitæ ne amittant socios*. Vere est permolestum iier agere toto die sine  
 „comite, si possis habere, & jubearis carere. Ergo hoc ipso adest titulus  
 „expressus, atque auctoritate sufficiente probatus a nobis supra n. 442.  
 „Secus si tantum pauculas horas oporteret carere dulci vehiculo, idest  
 „bono, & jucundo comite. “ *Tracl. 5. n. 496. & 497. p. 262.*

18. „ *An repetendæ communionis onus impendat illi, qui Paschalem percepit  
 „indigne reus corporis & sanguinis Domini?* Resp. Probabilius est non im-  
 „pendere, Suarez, Tannerus, Card. de Lugo Disp. 16. de Eucharist. &  
 „aliis adversus Durandum, & alios. “ *Tom. 1. Tracl. 4. n. 43. & 44.  
 p. 188.*

19. „ *At nonne Lateranense diserte decernit esse Christum reverenter sumen-  
 „dum? Quæ autem adest reverentia, quando sumitur cum tanta irreverentia  
 „ut a sumente avertat vultum abhorrentem, sicuti noster casus restatur?* Resp.  
 „Suadet illa Synodus reverentiam internam, non præcipit: nam sicut  
 „de occultis non potest Papa divinare . . . ita nec illa mandare. S  
 „Thomas 1. 2. q. 91. a. 4. Vide Card. de Lug. loc. cit. “ *Ibidem num.  
 44.*

20. „ Accedit, quod Alexander septimus, qui damnavit opinionem scri-  
 „bentium, Confessionis annuæ præcepto satisfieri per sacrilegam, nihil au-  
 „tem statuerit de communione itidem sacrilega, videatur fuisse conten-  
 „tus sacrilega, argumen. vulgaris doctrinæ desumptæ ex C. Non ne de  
 „præsumption. “ *Ibidem p. 188.*

21. „ Viennæ moriebatur Vir dives, & probus, qui tamen fuerat in  
 „Religione Lutheri educatus. Adfunt Lutherani, & Catholici, &  
 „dum utrique illum ad se attrahere satagunt, ille inelamavit: Deus! in re  
 „tanti momenti non me possum resolvere: moriar in vera Religione:  
 „utra talis sit nescio. Tu sis, & sic devixit.

„ Sic, inquam, devixit teste Caramuele Fund. 46. n. 1040. Hic fuit  
 „incapax absolutionis, quia non apparet ex hac narratione doluisse de  
 „peccatis, nedum ostendisse exterius ullum dolorem: si autem illis ver-  
 „bis subdidisset verba publicani, *Propitius esto mihi Deus peccatori*, vide-  
 „tur potuisse absolvi. Verba enim illa superiora, quæ refertur protulisse,  
 „satis demonstrabant, non fuisse pertinacem in Lutheranismum, sed damna-  
 „xat materialiter hæreticum. “ *Tom. 1. Tracl. 7. n. 618. p. 439.*

22. „ P. Fagundez Lib. IX. in Decal. cap. 1v. n. 22. sic loquitur. Licetum  
 „est Filiogaudere de parricidio parentis a se in ebrietate perpetrato pro-  
 „pter

„pter ingentes divitias inde ex hereditate consecutas.... illa P. Fagundes doctrina, quæ paradoxa videri possit, veritatem habeat speculativam, etsi practice periculosam. “ *Tom. III. Tract. 5. cap. 1x. sect. 8. n. 54. pag. 253.*

23. „Sicuti licitum est gaudere, quod hi, aut illi mali effectus evenerint inculpabiliter tempore ebrietatis: ita etiam fas esse optare, ut eveniant, si quo casu contingat aliquem vino deponi. Vasquez... Lessius... Ratio est, quia quod est obiectum honesti gaudii, est etiam obiectum honesti desiderii. “ *Ibidem. n. 57.*

24. „Quamvis autem scripserim paulo superius n. 567. Germanos non esse communiter pronunciandos reos usuræ, quando dicunt, se huic, aut illi dare centum e. g. aureos cum conditione, ut post annum illam summam, & præterea quinos aureos pro censu restituant: *non ausim tamen hoc dicere de aliis nationibus, nominatione Gallis.* “ *Tom. I. Tract. 7. n. 570. pag. 430*

25. „Conveniunt DD. excepto Petro Soto, & Joanne Wiggers mox reserendo, nullum esse præceptum suscipiendi extremam unctionem, quamvis addit opportunitas, aut commoditas illam suscipiendi. Ita expresse loquitur Hurtadus... Itemque Palaus... nam revera nullum potest exhiberi. “ *Tract. 2. n. 816. pag. 561.*

26. „Ergo per se loquendo, nec venialiter quidem delinquet, qui volens prudens omittit? Non est mala consequentia spectatis legibus positivis folis. Nam verba S. Jacobi loquentis de hoc sacramento possunt apte intelligi de sólo consilio. “ *Ibidem pag. 561.*

27. „Si cui præbui venenum, ex quo extinctus is est, satisfacis, per se loquendo, præcepto Christi de confessione, dicendo præcise: *Præbui voluntarie seu studio alicui venenum, animo illum necandi.* Et quando te vino placere inebriasti, sufficienter confiteberis dicendo: *Bibi ex voluptate vinum prævisso ebrietatis periculo.* “ *Ibidem n. 352. pag. 348.*

28. „Furatus mille aureos sufficienter confitetur dicens: Commisi furtum mortale. Navarrus, Vasquez, Bonacina, Megala, Zanardus.... sequuntur Diana, Lugo, Dicastillo, & Leander... extendens hanc doctrinam cum Vasquez, Lugone, Dicastillo, Velasco ad casum, quo illi mille aurei uno actu sublati, spectabant ad plures Dominos. “ *Ibidem n. 378. pag. 350.*

29. „Qui unico actu voluntatis desideravit, vel proposuit occidere decem homines, aut peccare cum decem mulieribus (satisfacit) si dicat: *habui propositum occidendi aliquos, desiderium quoque fornicandi.* “ *Ibidem n. 385. pag. 351.*

30. „Qui uno actu voluntatis statuit non jejunare tota quadragesima, nunquam toto anno vel recitare Breviarium, vel audire sacrum, reus est



est tantum unius peccati. P. Vincentius Fillucius *Tract.* 27. n. 87. ....  
 contra Dianam. .... Ideo recte confitebitur dicens: habui propositum  
 non jejunandi, non audiendirem divinam, non recitandi Breviarium. "  
*Ibidem* n. 410. pag. 353.

31. " Tuto stabis opinioni inficiantium opus esse ut postquam depre-  
 hendisti te certo contraxisse illum numerum peccatorum mortalium, de  
 quo te accusaveras subdubio per particulam *circiter*, seu *plus minus*, di-  
 cas Confessario quid quam amplius de illo numero. Ratio est, quia id infi-  
 ciantur gravissimi Doctores, Sotus, Vega, Ledesma, Suarez, Vasquez,  
 & alii, quos nominat Card. de Lugo *Disput.* 16. n. 78. testans esse hunc  
 communem sensum. "*Ibidem* n. 419. pag. 353.

32. " Tametsi recte asserunt Medina, Suarez, & alii cum, & apud  
 Dicastillum esse repetendam Confessionem, in qua omisum est ex  
 mortaliter mala negligentia, vel ignorantia aliquod peccatum mortale:  
 est quippe valde difficile capere quomodo possit Sacramenti hujus va-  
 tor, seu essentia consistere cum peccato *formaliter* mortali: quia tamen  
 contraria opinio Cajetani, Soti, Victorie apud Dicastillum l. c. & ple-  
 rorumque Thomistarum, ut testatur Diana... eos sequens, ac defendens,  
 nequit adhuc vocari improbabilis, ideo non immerito dixi in Alphab.  
 Confess. n. 278. non esse facile quemquam adigendum ad repetendam  
 Confessionem ob culpam negligentie admissam in exequenda conscien-  
 tia. "*Tract.* 6. n. 568. pag. 363.

33. " Quando tuus ordinarius pœnitens omisit *sacrilege* per tres, quatuor,  
 aut plures annos aliquod peccatum mortale, denique autem tactus divi-  
 nitus aperit tibi ulcus, nequaquam opus est, ut repetat omne Confes-  
 siones, peractas toto illo quadriennio. "*Ibidem* n. 561. pag. 363.

34. " Quando es confessus aliquod peccatum mortale vestitum circum-  
 stantia mutante speciem, quam tamen omisisti per oblivionem, aut  
 culpabilem negligentiam in discutienda conscientia.... *non est opus*, ubi  
 proxime confiteberis, exprimere una *cum circumstantia* actum *principalem*.  
 Suarez &c. "*Ibidem* 573. pag. 363.

35. " Deducet Confessarius lethalis noxæ non esse damnandum illum,  
 qui per actiones ex se vel nullo modo, vel tantum leviter turpes dat oc-  
 casionem his motibus (sensualitatis) nec statim cessat, dummodo non  
 sit periculum consensus, Lessius Lib. IV. cap. 111. n. 102. cum multis.  
 Suadenda tamen est vitatio talium actionum quoad commode potest. "  
*Tract.* 7. n. 330. pag. 401.

36. " Inter agrestes vigent verba, modique loquendi valde alieni a lin-  
 guis, seu Dialectis, quas solas norunt illi Confessarii, & excipiunt illas  
 Confessiones etiam communibus per annum festis, cum tamen sit cer-  
 tum, quod primis mensibus quandoque errent, *intelligentes quid pro quo*,  
 L „ im-

„ immo interdum nulla ratiōne possint extorquere explicationem sufficien-  
 „ tem nonnullorum: quia, inquam, video, audio ista factitari a tot Superio-  
 „ ribus, tot inferioribus virtute, & doctrina spectandis, judico nullum in-  
 „ ferio rem debere, non dico detrectare, sed nec multum deprecari, si pe-  
 „ ritus tantum unius Dialecti in alia exponatur ad excipiendas Confes-  
 „ siones utentium *alia admodum*, non tamen extreme diversa.“ *Tracl. 7. n. 486. pag. 418.*

37. „ At illa cum qua peccavit ( Confessarius ) est sanguine proxime  
 „ juncta, & præ pudore non audet alteri manifestare sacrilegum incestum?  
 „ Resp. ob hanc ipsam causam respondi uni jam pridem ad plures evoca-  
 „ cato, posse ipsum omnino excipere confessionem talis complicitis.“  
*Tracl. 7. n. 582. pag. 434.*

38. „ Quidam vir nobilis est in mora solvendi debitum unciarum ducen-  
 „ tarum ex contractu. *Sæpius confitetur*, & non solvit, habet tamen ani-  
 „ mum solvendi. Quærit Confessarius an sit illi absolutio neganda, maxi-  
 „ me cum creditor multoties ab illo petierit solutionem. Videtur mihi  
 „ non ita rigide procedendum esse. Nam quando debitor *habet animum sol-*  
 „ „ vendi, neque creditor patitur ex dilatione solutionis damnum, morta-  
 „ lis culpæ minime damnandus videtur. Talis enim dilatio non est ipsi  
 „ creditori adeo injuriosa, ut debitor judicandus sit lethalis criminis reus.  
 „ Non auferem sequi hanc sententiam, nisi patronos haberem Molinam  
 „ de justitia, & jure Tom. III. Tracl. 2. Disput. 753. n. 1. & Bonacinam.  
 „ de contract. disp. 1. quæst. 6. n. 4. Notent hanc decisionem Confessarii,  
 „ quia tollit multos scrupulos, maxime in confessionibus nobilium, qui  
 „ per multos menses, sine justa causa, differunt restitutionem, sed ur-  
 „ geant semper propter solutionem maxime quando foret magna, & com-  
 „ mode posset fieri restitutio.“ *Tracl. 7. n. 563. pag. 428.*

39. „ Latro excitaret dolorem de suis furtis, seu latrociniiis, idest gra-  
 „ fationibus ob infamem quidem mortem decretam a Latrunculatori,  
 „ seu judice rerum capitalium; at decretam a Deo, tamquam supremo  
 „ vindice omnium scelerum; nequaquam dubitandum foret, quin foret ve-  
 „ ra, & supernaturalis attritio; & consequenter juxta ea, quæ concludere  
 „ mus num. seqq. proportionata obtinendo effectui sacramenti poenitentia,  
 „ cui jungitur.“ *Tracl. 6. n. 47. pag. 325.*

40. „ Nunc primum autem diximus hæresim Lutheranam aut Calvi-  
 „ nianam communiter, nec directe, nec indirecte officere valori Matrimo-  
 „ nii: idcirco Ludovisiam illam, *per se loquendo*, non potuisse nostra  
 „ opinione transire ad secunda vota vivente suo Calviniano Isaac. Si ta-  
 „ men *reipsa* transiit, non esse prorsus necessario ipsi movendum scrupu-  
 „ lum, quia nostram Thesim nec facimus omnino generalem, nec statui-  
 „ mus tamquam certam, sed solum ut longe probabiliorem: & quia non  
 „ du-

„dubitamus, quin aliquod viri docti, ac sapientes approbent suo calculo responsum illius Doctoris. “ *Tract. 9. n. 241. & 242. pag. 606.*

41. „Radegundis maritata juvenis Jovialis genii, & calidi, maritum habet jam jam septuagenarium... jam senio confectum, & impotentem, Radegundis urgetur stimulis gravibus: maritus illam amat, & quia non potest aliter, rem agit tactibus. Radegundis etiam amat maritum, patitur, polluitur semel, bis, ter.... Respondi ex jam dictis, cum illi tactus videantur facilitari ordinarie sine pollutione, tamen hęc quandoque sequatur præter directam utriusque intentionem, cum deinde appareat fieri, non ex mera libidine, sed ad testandum, fovendum amorem conjugalem, qui ceteroquin facile frigescit in tam impari connubio: ideo ex sententia Sanchezii, & Filliucii non videri delinquere mortaliter illis tactibus. “ *Tract. 10. n. 668. & 669.*

42. „Confirmo auctoritate Dianę, qui absolute, & sine limitatione respondit consultus, non peccare conjuges, qui in signum amoris conjugalis se amplectuntur, quamvis prævideatur secutura pollutio. “ *Ibidem pag. 744.*

43. „Quia rectissima opinio fert Confessarium teneri accommodare se opinioni probabili pœnitentis; idcirco Confessarius non tantum licite potest, sed etiam tenetur omittere injunctionem pœnitentię vindictivę, quando pœnitens id petit ob indulgentiam a se paulo ante propebabiliter obtentam, vel probabiliter mox obtinendam. “ *Tom. III. Tract. 4. cap. xxxix. n. 719. pag. 221.*

44. „Licet probabile sit id quod jam primum ex Bonacii retuli, negare tamen non possum quin etiam sit probabile pœnitentem non teneri tempore indulgentię plenarię, quam lucrari decrevit, ullam etiam medicealem pœnitentiam ( nisi illam, quam forte ipsum jus naturę citra omne Confessarii præceptum præscribit ) admittere, nam ita fuisse doctet Cardinalis de Lugo. “ *Tom. III. Tract. 3. cap. xxv. num. 174. pag. 94.*

45. „An Eunuchus, qui poterat penetrare vas, non autem immittere procreandum semen, fuerit spoliatus jure petendi debitum quod acquisierat, quando adhuc integer inivit conjugium? Respondi ac respondeo id quidem negari a Petro Ledesma.... at rectius asseri ab eodem Sanchez, Perez. “ *Tract. 10. n. 606. pag. 736.*

46. „At est ne illa nostra generalis doctrina vera, etiam casu, quo aliquando opinio habetur probabilis, non communiter a doctis, sed tantum ab aliquo privato? Respondet contra Salas, & Averfam affirmative P. Tamburinus... cum Vericelli. “ *Tract. 7. n. 116. pag. 378.*

47. „Vera ne etiam est, tunc quando probabilitas versatur circa solum factum; ut quando est probabile Episcopum dedisse mihi facultatem

„absolvendi a reservatis, cum tamen ne cogitavit quidem? Respondens  
 „iidem Tamburinus, & Verricelli post Mascardum, contra Averfam,  
 „ac Salas rursus *affirmative* ob paritatem rationis cum probabilitate  
 „juris. Ego nequeo negare probabilitatem illis duobus responsis assertivis.  
 „abstineo tamen ab absoluta approbatione. “ *Ibidem pag. 378.*

48. „Est ut plurimum culpa venialis petere debitum uxore menstruâ  
 „laborante, at non mortalis, quamvis conjuges credant fore ut Monstrum  
 „gignatur. Sanchez Disput. 21. .... Hactenus audivimus P. Thomam San-  
 „chezium virum plane virgineum. “ *Trad. 10. n. 595., & n. 596.*

49. „Tametsi Navarrus... satis aperte excusat a mortali maritum, qui  
 „volens legitime copulari uxori, quo se excitet, vel majoris voluptatis  
 „captandæ gratia, inchoat cum ea copulam sodomiticam, non animo illie  
 „consummandi (foret enim tunc apertissime culpa lethalis) sed consummandi  
 „in vase naturali: Viri tamen doctissimi a me, inquit P. Sanchez, con-  
 „sulsi, consent, & merito quidem esse culpam lethalem inchoatæ Sodo-  
 „miæ Disp. 17. n. 5. Quod si vir in superficie dumtaxat vasis præposte-  
 „ri uxoris refricaret sua verenda, vel in os ejus intromitteret, cessante  
 „omni pollutionis periculo, non crederem esse lethale. “ *Trad. 10. n. 586. p. 734.*

50. „Scribitur Polygonus ideo impedivisse simultaneam effusionem semi-  
 „nis, ut hac ratione evitaret, seu impediret generationem prolis; *proba-*  
 „*bilius* non deliquit. Nam non solum non adest præceptum procurandi  
 „illam simultaneam seminationem, .... sed etiam immunis culpæ lethalis  
 „est vir, tactibus irritans venerem, sciens se sic effecturum, ut seminet  
 „prius, quam mulier. “ *Ibidem n. 597. p. 735.*

### §. XI.

*Didaci Hurtado, Hurtado de Mendoza, Henriquez Soc. Jesu propositiones luxu -*

1. „ **H**Æc omnia demonstrant quam confuse, & indigeste illa proposi-  
 „tio (scil. 17. damn. ab Innoc. XI.) fuerit tradita tot diversis  
 „casus comprehendens pari regula, cum sint valde dispares, & quantis ad-  
 „ditamentis, limitationibus, fulcrisque indigeat ut ad praxim secure re-  
 „vocetur. “ *In Theolog. Reform. Dis. 23. cap. 1. n. 5.* Relata est Tom VII.  
 Theolog. Christian.

2. „Quæ autem de Famulis diximus, & ad quosvis alios stipendiarios  
 „extendimus, servata proportionem locum habent in Sacerdotibus, qui Mis-  
 „sas celebrant, in vinea namque Domini operantur: & sicut alii opera-  
 „rii digni sunt sua mercede. Quapropter si merces justa, & recepta lege,  
 „consuetudine, aut conventione taxata eis non persolvatur, optimo jure  
 „se

„ se se compensare poterunt, & quod iusto deest, sibi occulte accipere ex  
 „ aliis pecuniis ejus, qui ipsis Missas commendavit, servatis his, quæ in  
 „ istis compensationibus ab aliis servari debent.“ *Ibidem* Disp. 23. cap. 5.  
 n. 4. Relata est Tom. VII. Theolog. Christian.

3. „ Gravis tamen insurgit difficultas, num scilicet is Sacerdos, cui re-  
 „ compensatio ex iustitia debebatur, supplementumque exigui stipendii,  
 „ possit se indemnem servare non offerendo tot Missas, quot promisit ini-  
 „ quo contrahenti, sed pauciores, & eas solum, quæ diminutis stipendiis  
 „ simul sumptis respondent iusto stipendio.... (Post multa, quæ brevitate  
 „ studio omittuntur, respondet) Sicut alii operarii injuste læsi in contractu  
 „ locationis circa stipendii iustitiam, bisariam sibi consulere possunt, cum  
 „ alia media deficiunt: nempe vel exhibendo totam operam promissam  
 „ dignam majori stipendio, & sibi accipiendo occulte, quod iusto stipendio  
 „ deest, saltem usque ad gradum infimum; vel potius minuendo operas,  
 „ nec præstando nisi illas quibus ad æqualitatem correspondet stipendium,  
 „ quod tribuitur: ita pariter huic Sacerdoti similiter injuste læso circa sti-  
 „ pendium Missarum licebit sibi consulere, quocumque ex prædictis me-  
 „ diis: neutrum enim est injustum &c.“ *Ibidem* n. 43. Relata est Tom. VII.  
 Theolog. Christian.

4. „ De sculptura, aut pictura idoli est dubium: & quidem ex est licita,  
 „ quando nec queritur, nec timetur idololatria, cum autem timetur dico  
 „ peccatum contra Religionem, qui eam præbet absque urgentissimo  
 „ damno. Probatur tunc ex lege caritatis; tum quia omnis virtus obli-  
 „ gat, ut vitentur omnes occasiones eam violandi... Si autem non possum  
 „ ego non præbere *idolum* absque gravi damno proportionato, non pecco in  
 „ eo dando.“ Hurtado de Mendoza in. 2. 2. Disp. 66. Sess. 6. §. 88. *apud*  
*Dianam Coord. Tom. VII. Tract. 5.* Relata est Tom II. Theolog. Christian.

5. „ Qui cum attritione per absolutionem justificatur, non tenetur ad  
 „ præceptum connaturale de contritione formali, quia jam remedio per se  
 „ instituto, & compensativo ex applicatione meritum Christi consecutus  
 „ est remissionem, & in *æquivalenti* implevit priori, & meliori ratione  
 „ finem totum, in quem contritio ordinatur. Contritio enim non remittit  
 „ peccatum, nec compensat, nisi ut includit votum, & vicem sacramenti  
 „ pœnitentiæ. Quare compensatione per sacramentum applicata magis con-  
 „ tentus est creditor Deus, quam compensatione contritionis. Alias si con-  
 „ tritio, dum haberi potest, esset necessaria, obligaret PER SE, etiam dum  
 „ suscipitur absolutio, quia tunc haberi potest. Ac subinde Christus in le-  
 „ ge Evangelica non LEVIGASSET ONUS, SED ADJECISSET GRA-  
 „ VE ONUS CONFESSIONIS præter necessariam contritionem.“ Hen-  
 „ ricus Henriquez Lib. 4. Sum. cap. 6. n. 5. p. 155. edit. Venet. 1596. Relata  
 est Tom. IX. Theolog. Christian.

## §. XII.

P. Pauli Layman Soc. Jesu *propositiones laxæ.*

1. „ **S**I vir equestris in Aula regia, officio, dignitate, Ducis, aut Principis favore ob ignaviz suspicionem excidere debeat, nisi identidem provocanti (ad duellum) se sistat; non audeo damnare eum, qui meræ defensionis gratia paruerit.“ *Lib. 3. Tract. 3. part. 3. cap. 3. p. 317. edit. Venet. 1662. Relata est Tom. II. Theolog. Christian.*

2. „ Idemque sentiendum, si ad pugnandum laeffens alterum, crebra convicia, & contumelias adjiciat; a qua ille molestia, & subeundo dedecore aliter liberare se non possit, nisi armis congrediatur. Nam si ob defensionem bonorum hominem mutilare, vel occidere fas est; multo magis, si ita necesse sit ad defendendum honorem, vel avertendam contumeliam: quod quidem honor pluris valet, quam fortunæ bona, & injuria personæ major est quam fortunarum damnum.“ *Ibidem. Relata est Tom. II Theolog. Christian.*

3. „ Fas est famulo feminam cum qua Herus peccaturus est, per januam intromittere, facem præferre, lectum sternere, sicuti docent Sanchez..Navar. Rodriguez Azorius. “ *Lib. 2. Tract. 3. cap. 13. p. 214. Relata est Tom II. Theolog. Christian.*

4. „ Licet Navar. Philiar. Azor. existiment etiam conjugatum peccare mortaliter, si *voluntarie* delectetur commotione sensitiva, ac venerea, orta ex conjugis absentis apprehensione; eo quod talis commotio tunc ordinari non possit ad actum conjugalem, sed potius ordinetur ad pollutionem; opposita tamen sententia probabilitate non caret. “ *Tom. I. Lib. 1. Tract. 3. Cap. 6. n. 14. p. 35. Relata est Tom. IV. Theolog. Christian.*

5. „ Si aliquem qui injustum damnum alteri inferre decreverat, confilio, vel hortatu **MAGIS ETIAM** confirmasti, utrum ad restitutionem damnificato tenearis? Respondeo probabiliter negari posse. Quia non fuit causa efficax ( allegatur ratio, ut Nocetius obmutescat ) ut damnum absolute, & secundum substantiam inferretur, quando alter per se ipsum satis incitatus erat ad inferendum, ut etiam absque suasu tuo intulisset. “ *Lib. 3. Tract. 2. cap. 5. n. 5. p. 262. Relata est Tom. IV. Theolog. Christian.*

6. „ Neque obflare videtur, etsi hortatu tuo causa fueris ut citius, aut expeditius damnum inferretur. “ *Ibidem. Relata est Tom. IV. Theolog. Christian.*

7. „ Aliquis ludendo falsis aleis pecunias lucratus est, earumque partem „ ali-

„ aliquam Socio suo donavit , quamvis *scienti* , tamen non cooperanti ad  
 „ fraudem committendam. *Recte* dici potest socium ad nullam restitutionem  
 „ obligari , si lusor ille pecunias *ludo iniquo* acceptas cum propriis miscue-  
 „ rat. “ *Lib. 3. de Just. Traß. 4. cap. 17. §. 3. n. 23. p. 382.* Relata est  
 Tom. IV. Theolog. Christian.

8. „ Civis majore anni parte pecunias paratas habere debet ex quibus  
 „ indigentibus opificibus , præsertim textoribus , mutuum dare possit , *reli-*  
 „ *quo ipsi in securitatem solutionis pignore v. g. sela.* Cum autem , recepto pi-  
 „ gnore , solutio facienda est , post annum medium in singulos florenos  
 „ mutuo datos austarium adjiciendum est , V. G. unus *parius*. Consideran-  
 „ dum enim est austarium istud non accipi ratione mutui , sed ratione  
 „ obligationis , oneris , ac curæ , quam Civis ille ob gratiam textorum  
 „ in se suscipit , ut toto ferme anno pecunias pro illis in promptu ha-  
 „ beat , quocumque tempore in domum suam adventantes intromittat ,  
 „ pecunias numeret &c. quæ obligatio pretio æstimabilis est. “ *Lib. 3. Traß.*  
*4. Cap. 16. p. 373.* Relata est Tom. VII. Theolog. Christian.

9. „ Ex dictis etiam colligitur eum , qui ex inveterata consuetudine ,  
 „ velut quodam necessario impetu rem malam agit , V. G. materiales blas-  
 „ phemias , vel perjuria effundit , tunc non peccare , nec proprie blasphemie  
 „ manere , vel pejorare. *Lib. 1. Traß. 2. c. 3. p. 16.*

10. „ Si quis verba blasphemias proferat animo nec actualiter , nec *vir-*  
 „ *tualiter* advertente , puta in ebrietate , non esse blasphemiam proprie di-  
 „ ctam , sed tantum materialem ; *nihil obstante quod homo sciverit se in e-*  
 „ *brietate.* talia verba effutire solitum , & nihilominus se inebriavit , sicuti  
 „ docet Vasquez Lessius , Turrianus . *Lib. 4. Traß. 10. Cap. 6. numer.*  
*3. pag. 667.*

11. „ Confessarius absolutionem a peccatis Diviti non facile nega-  
 „ re debet , quod communes pauperum miseria per eleemosynam subleva-  
 „ re monitus *recuset*. “ *Lib. 2. Traß. 3. Cap. 6. n. 5. pag. 198.*

12. „ Sententia , quod explicita fides de Sanctissima Trinitate , & Incar-  
 „ natione Christi neque post factam Evangelii promulgationem necessa-  
 „ ria sit necessitate medii , seu ad veram justitiam , seu ad gloriam æter-  
 „ nam consequendam , non minus probabilis , & facile defendi posse vide-  
 „ tur. “ *Lib. 2. Traß. 1. Cap. 8. pag. 170.*

13. „ Usura non est nolle mutuare alteri pecunias v. g. nisi is etiam  
 „ aliquod beneficium præstet , v. g. frumentum mutuo det , vacans sæcula-  
 „ re officium conferat , vel nisi simul alium contractum , V. G. venditionis ,  
 „ locationis pretio , seu pensione justa celebret. Ita sentiunt Adrian : An-  
 „ gelus , Major , Petrus Navarra , & sumitur ex S. Thom. . Lessio , Moli-  
 „ na .. Requiritur tamen , ut sit mera conditio , *cum qua , & sine qua* non  
 „ mutuandi ; non autem *proprie* in pactum deducatur cum obligatione ju-  
 „ stitiæ

„ stitiæ mutuatorio imponenda, ad vicissim mutuandum, vendendum. “ *Lib. 3. Tracl. 4. Cap. 10. num. 3. pag. 370.*

14. „ Doctor alteri consulenti, consilium dare potest, non solum ex propria, sed etiam ex opposita probabili aliorum sententia, si forte hæc illi *favorabilior*, seu exoptatior sit. “ *Lib. 1. Tracl. 1. Cap. 5. §. 2. num. 9. pag. 5.*

15. „ Immo arbitror nihil a ratione alienum fore, si doctor consultus significet consulenti opinionem a quibusdam viris doctis tamquam probabilem defendi, quam proinde sequi ipsi liceat. Quamvis idem Doctor ejusmodi sententiam speculative falsam esse certo sibi persuadeat, ut proinde ipsemet in praxi eam sequi non possit. Cum enim consulens in re dubia jus habeat se conformandi opinioni, quæ a quibusdam viris doctis defenditur, nihil obstante quod aliqui alii contradicant, & speculative sententiam improbabilem judicent, hoc ipsum jus consulenti Doctor indicare non prohibetur. “ *Ibidem.*

16. „ Atque hinc existit, quod vir doctus diversis secundum *oppositas* probabiles sententias, *opposita consilia* dare possit, servata tamen *discretionis* ac prudentia. “ *Ibidem.*

Quid? Venenum ne sine discretionem propinandum est, & absque prudentia? Si enim uni consulenti Doctor veritatis poculum præbeat, alteri falsitatis calicem, propinet, necessum est teste ipso Ethnico Cicerone, dicente: *Alterum fieri profecto potest, ut earum (opinionum) nulla; alterum certe non potest, ut plus una vera sit.* De Nat. Deor. Lib. 1.

Præfatam doctrinam a Pyrrhonismi labe purget, si valet, P. Carolus Noetius.

### §. XIII.

P. Leonardi Lessii Soc. Jesu propositiones laxæ.

1. **T**Una solum scandali reas mulieres efficit cum veste adeo pellucida utuntur, ut pudenda appareant. „ Tertio ratione scandali, ut si quis uteretur veste adeo tenui, vel ita conformata, ut per eam pudenda non satis tegerentur. “ *Lib. 4. de Juslit. Cap. 4. dub. 14. n. 112. p. 666. Edit. Lugdun. 1653.*

2. „ Pingere faciem; eique varios colores inducere (loquitur de feminis) non est per se malum, sed indifferens: similiter per hoc intendere pulchritudinem, & artificio juvare, ac exornare opus naturæ. Ergo nihil hic est mali, nisi ratione excessus in affectu & usu rei indifferens. “ *Ibidem. n. 3.*

3. „ Scripturæ illæ (divinæ) vel continent exhortationem, cum nullo  
„ lum



„Ium verbum præceptum habeant, vel si continent præceptum, agitur  
 „de illis, quæ se ornabant, ut aliis placerent, ut notat D. Thomas ex  
 „glossâ, vel certe propter ædificationem Ethnicorum expediebat illo tem-  
 „pore præcipi. “ *Ibidem numer. 114.* Relatæ sunt Tom. II. Theolog.  
 Christian.

4. „Fas est etiam viro honorato occidere inuasorem, qui fustem, vel  
 „alapa mictur impingere, ut ignominiam inferat; si aliter hæc ignomi-  
 „nia vitari nequit. “ *Lib. 2. Cap. 9. Dub. 12. n. 77. pag. 81.*

5. „Si contumeliis afficias, sive per verba, sive per signa; hic etiam  
 „est jus defensionis. Nam ex sententia omnium licet contumeliosum oc-  
 „cidere, quando aliter ea injuria arceri nequit (quamquam ipse armis  
 „non invadat) ait Petrus Navarra Lib. 2. Cap. 3. n. 376. Etsi autem id  
 „non inveniam apud Auctores expressum, tamen videtur ex illis posse  
 „colligi (præciso scandalo, & aliis incommodis gravibus) quando con-  
 „tumeliæ sunt atroces, & alia ratione vitari nequeunt. “ *Ibidem nu-  
 mer. 78.*

6. „Si illata alicui alapa cessas, vel etiam fugias; multi DD. censent  
 „in hoc casu, si vir nobilis, vel honoratus hujusmodi injuria sit affectus,  
 „posse statim repercutere, vel fugientem insequi, & tantum infligere  
 „verberum, vel vulnere, quantum putatur necessarium ad honorem  
 „recuperandum .... Hæc sententia est speculative probabilis, tamen in  
 „praxi non videtur facile permittenda. “ *Ibidem num. 79. & 80.* Relatæ  
 sunt Tom. IV. Theolog. Christian.

7. „Ufus vestis alieni sexus non est intrinsece malus, unde ob causam  
 „justam fieri potest. V. G. si alia desit, vel opus sit occultari ab hoste,  
 „vel causa representationis, ut in Comœdiis. “ *Lib. 4. Cap. 4. Dub. 14. n.  
 114. pag. 666.*

8. „Si, re accepta fugias; tunc possum insequi, & ferire; vel si neces-  
 „se sit, eminus telo petere; si invadas res meas per famulum, vel arte  
 „magica per dæmonem, nec alia ratione, quam nece tua possit impedi-  
 „ri; si conjuraveris in mea damna; si impediās inique meos creditores,  
 „ne mihi satisfaciant; si falsa accusatione, vel falso testimonio me for-  
 „tunis coneris evertere, nec alia ratio impediendi suppetat. “ *Lib. 2. d  
 Justit. Cap. 9. Dub. 2. n. 73. & 75. pag. 81.*

9. „Si tu alium injuste infamasti, qui te antea infamaverat, non tene-  
 „ris ei ad restitutionem, si ipse tibi restituere nolit; sed potes uti com-  
 „pensatione, servata tamen æqualitate, quantum fieri potest. “ *Lib. 2.  
 Just. cap. 11. Dub. 25. n. 133. pag. 111.*

10. „Etsi opus malum, pro quo dedit, non sit æstimabile pretio,  
 „qua malum; tamen qua delectabile, vel utile uni, & alteri detrimen-  
 „tosum; periculosum, laboriosum, inter homines pretio æstimatur: er-

M

„go

„go quod hac ratione pro eo est acceptum, non est restituendum, nisi  
 „forte quis communem æstimationem exceßerit, ut si meretrix, quæ usu-  
 „ram sui concedere solet uno aureo, ab aliquo juvene extorserit 50. tan-  
 „quam premium. Hoc tamen locum non habet in ea, quæ putatur honesta,  
 „ut si Matrona aliqua, vel filia 100. aureos pro usura corporis accipiat ab  
 „eo, qui dare poterat, retinere potest. Nam tanti, & pluris potest suam  
 „pudicitiam æstimare. Res enim, quæ certum pretium non habent, nec  
 „ad vitam sunt necessariæ, sed voluptatis causa quærentur, arbitrio ven-  
 „ditoris possunt æstimari, ut probabiliter docet Petrus Navarra, & a-  
 „lii. “ *Lib. 2. de Just. Cap. 14. Dub. 8. n. 52. pag. 145.* Relata est Tom.  
 VII. Theolog. Christian.

11. „Dices. D. Augustinus Epistola quinquagesima quarta ad Macedo-  
 „nium ait: *sceleratius accipi pecuniam pro sententia injusta, quam pro justa,*  
 „*pro testimonio falso, quam testimonio vero.* Atqui pecunia accepta pro sen-  
 „tentia justa est restituenda. Ergo & pro sententia injusta. Ita Sotus.

„Resp. negando consequentiam. Non enim quia aliquid est sceleratius,  
 „ideo magis, vel æque obligat ad restitutionem. Hæc enim obligatio  
 „non sequitur magnitudinem sceleris, sed damnum per injuriam da-  
 „tum. *At qui accipit pro sententia injusta, nullam infert injuriam danti,* si-  
 „cut is, qui pro justa. Porro illud est sceleratius quam hoc: tum quia  
 „pejus est ferre sententiam injustam (ad quam ferendam jam habet ani-  
 „mum qui pecuniam accipit) propter injuriam, quæ fit alteri parti,  
 „quam accipere pecuniam pro sententia justa ferenda: tum quia, (ut ibi-  
 „dem Augustinus ait) sceleratius datur pro injusta, quam pro justa,  
 „quamvis detur voluntarie, & libenter. Loquitur enim de sententia fe-  
 „renda. Adde, ibidem Augustinum significare, pecuniam istam, etsi sce-  
 „leratius acceptam, non esse opere impleto restituendam, dum dicit *da-*  
 „*tam a volentibus.* Volenti enim non fit injuria. Secus si data sit pro sen-  
 „tentia justa, quia censetur data *coacte*, metu sententiæ injustæ. “ *Lib. 2.*  
*de Justit. Cap. 14. dub. 8. num. 55. pag. 145.* Relata est Tom. VII. Theo-  
 log. Christian.

12. Tertio si heres ab intestato retineat hereditatem, & legata, possunt  
 „illi, quibus aliquid per tale testamentum erat relictum, uti occulta com-  
 „pensatione: nam revera res illæ erant ipsorum. Silvester Verbo Here-  
 „ditas. “ *Lib. 2. Cap. 19. dub. 3. nu. 22. pag. 197.* Relata est Tom. VII.  
 Theolog. Christian.

13. „Tertio heres ab intestato potest illud retinere: & si alter possi-  
 „det, repetere in judicio. Quarto quod si non possit ob potentiam ad-  
 „versarii, uti potest occulta compensatione. “ *Loc. cit. n. 30. p. 198.*

14. „Quando famulus nihil petit stipendii, immo expresse respuit in suo cor-  
 „de omnem intentionem petendi; & servit sperans a domino aliquod officium,  
 „ vel

„ vel beneficium sibi procurandum, quando dominus id procuraverit, etsi  
 „ nihil obtinuerit, non potest quidquam vel petere, vel compensare. Si  
 „ vero dominus nihil procuraverit, quia vitandæ labis simoniacæ causa pro-  
 „ curare noluit, aut ob alias causas, potest petere stipendium more pa-  
 „ trisæ consuetum, & si non det, licite sibi consulat honesta compensatio-  
 „ ne.... Secunda pars. prob. quia etsi habuerit intentionem non petendi  
 „ quidquam: tamen cum ea intentio non sit *verum*, per eam non ademit sibi  
 „ potestatem acquirendi id ad quod jus habet. Gars. & Lessius apud  
 „ Matthæum Moja. „ *Tom. II. select. qq. Tract. 6. Miscel. Disp. 4. quest. 3.*  
*pag. 317. edit. Matrui 1695.*

15. „ Huic quæsito, *utrum compensari infamia possit occultæ pecuniarum*  
 „ *retentione, vel surreptione?* Respondet. Probabile est hanc compensatio-  
 „ nem fieri posse: quia *probabilis est* ea sententia, quæ asserit infamiam  
 „ pecunia esse compensandam, quando in suo genere non restituitur. “  
*Lib. II. cap. 11. dub. 25. n. 136.* Relata est *Tom. VII. Theolog. Christian.*

16. Si aliquid accipiat (Judex), ut hanc potius, quam illam in judi-  
 „ cando sequatur, videtur non peccare... „ Quia non tenetur ad alteram  
 „ determinatæ; sed liberum ei est sequi quam maluerit. Ergo si aliquid  
 „ accipiat, ut hanc sequatur potius, quam illam, non facit ulli injuriam.  
 „ Consequentia patet. Quia cum res non est debita, non est contra justitiam,  
 „ si solum sua naturæ spectemus, exigere pro ea pretium, si aliquin  
 „ pretio sit æstimabilis. Tertio quia non accipit pretium pro justitia  
 „ sententiæ, sed quia in hac causa hanc opinionem præfert isti, ad quod  
 „ nullo modo tenebatur. Hoc autem est pretio æstimabile: tum quia uti-  
 „ lissimum parti, tum quia sequendo hanc opinionem omittit favorem alte-  
 „ rius partis, cui potuisset gratificari. “ *Lib. II. cap. XIV. Dub. 9. n. 64. pag.*  
*146.* Relata est *Tom. VII. Theolog. Christian.*

17. „ Adverte tamen hunc modum contrahendi sæpe non carere culpa:  
 „ in mercatore, qui ex COMPOSITO ita vendit, ut pretio infimo re-  
 „ dimat. Nam primo peccare potest contra caritatem; ut si cogat mise-  
 „ rum aliquem hominem emere merces, quibus non eget, magno illius  
 „ dispendio, cum possit illi facile, & absque suo incommodo mutuum da-  
 „ re. Secundo peccare potest præbendo malum exemplum. Nam contra-  
 „ ctus ille habet speciem mali, & suspicionem usuræ. Tertio se ipsum,  
 „ & suos infamando. *Non tamen tenetur ad restitutionem, ut inquit Navo-*  
 „ *rus: quod ineligi non tenei ex justitia, sed fieri potest ut teneatur ex ca-*  
 „ *ritate.* “ *Lib. II. c. XXI. Dub. 16. n. 131. p. 241.* Relata est *Tom. VII.*  
*Theolog. Christian.*

18. „ *Utrum ratione carentiæ pecuniæ, seu obligationis non repetendi ante*  
 „ *certum tempus aliquid exigi possit?*.. Num. 123. Tertio probatur hæc sen-  
 „ tentia. Quia sicut aliis rebus, & oneribus potest aliquid pretium im-

M. 2.

„ po-

poni, ita etiam oneri *carendi* sua pecunia tanto, vel tanto tempore.  
 „ Cum enim pecunia sit instrumentum negotiandi, & private se instru-  
 „ mento suæ artis sit pecunia æstimabile: cur non etiam mercatores po-  
 „ terunt carentiæ pecuniæ pretium aliquod communi consensu imponere,  
 „ præsertim si ratio boni communis id postulet. *Addit tamen:* quia sententia  
 „ illa videtur nova, nec illam apud Auctores reperio, ac proinde in re  
 „ morali tanti momenti, non facile admittenda. “ *Lib. II. cap. xx. Dub. 14. pag. 216.* Relata est Tom. VII. Theolog. Christian.

19. „ Adverte tamen, si revera ex mutuo tibi damnum impendeat, v. g.  
 „ si ex mutuo 100. aureorum certo sis accepturus detrimentum aureorum  
 „ decem, non erit usuræ peccatum, etiamsi, *non monito* mutuuario de  
 „ hoc damno, pacificaris tibi reddendi 110. “ *Lib. II. cap. xx. Dub. 10. n. 74. pag. 210.* Relata est Tom. VII. Theolog. Christian.

20. „ Tertius modus est. Si pecuniam destinarem negotiationi, non ab-  
 „ solute, sed dumtaxat sub conditione; ut si dicam vellem negotiari, ni-  
 „ si multi mutuum peterent: de quo modo est difficultas. Quidam enim  
 „ Doctissimi viri putant etiam tunc posse aliquid exigi ratione lucri cess-  
 „antis. “ Post quinque rationes in præsidium hujus opinioni allatas sic  
 „ concludit num. 95.

„ Ob has rationes hæc sententia mihi olim visa est probabilis; & et-  
 „ iam nunc videtur, præsertim speculative considerata, modo ille non exi-  
 „ gat amplius quam spes illa lucri, detracta laborum, & expensarum  
 „ æstimatione, valebat; & semper retineat animum negotiandi illa pec-  
 „ cunia, si mutuum non peteretur. In praxi tamen ob periculum pal-  
 „ liandi usuras non est facile admittenda, post factum tamen non au-  
 „ sim cogere ad restitutionem. “ *Loc. cit. Dub. 11. n. 90. pag. 213.*

21. „ Quidam DD. existimant id esse injustum, & palliatam usuram,  
 „ quando idem redimit, qui vendidit. *Sed verius est non esse injustum*, etiam  
 „ si redimat ipse venditor, modo intra limites justii pretii consistat. . . .  
 „ Ratio est, quia & venditio *prima* justa est, cum fiat justo pretio, quam-  
 „ vis summo, & *secunda* etiam justa est, quia eadem mercem revenduntur.  
 „ Nec refert, quod hac revenditio fiat pretio infimo: tum quia pretium  
 „ infimum est etiam justum, præsertim in numerata pecunia: tum quia  
 „ merces, quæ a venditore ingeruntur, vilescunt. Nec etiam refert quod idem  
 „ sit emptor, qui ante erat venditor. Quia si alius quisvis poterat illo pretio  
 „ emere, cur non & ille, qui vendidit? “ *Lib. 2. Cap. 21. Dub. 16. n. 130. p. 241.*

22. „ Petes utrum id, quod campforibus debetur ratione provisionum, &  
 „ interesse, possit ab ipsis continenter adjici fortè ut cambium augeant?  
 „ Resp. id fieri non posse, nisi moraliter certi sint se illud lucrari. Tunc  
 „ enim ratione lucri cessantis possunt illud fortè unire ad cambii augmen-  
 „ tum. “ *Lib. 2. cap. 23. dub. 9. n. 85. p. 266.*

Hc.

Hæ autem relatæ sunt Tom.VII. Theolog Christian. in Catalogo.Unam.  
infelici conatu tentavit defendere P. Carolus Nocetius.

## §. XIV.

*Cardinalis Joannis de Lugo Societatis Jesu propositiones læne.*

1. „ **D**ubium tamen est an quando sub jure jurando promissisti debitum  
„ solvere, possis adhuc compensatione uti. Negant plures Juri-  
„ stæ, quos refert, & sequitur Gutierrez de jur. confirm. part. 3. cap. 6.  
„ a num. 3. Quod probant primo ex Cap. *ad nostrum* de jurejurando. Se-  
„ cundo quia qui juramento promissit solvere usuras, tenetur ex vi jura-  
„ menti eas solvere usurario, ut constat ex Cap. *Debitores* de jurejurando,  
„ licet eas ex justitia retinere possit: ergo juramentum impedit compen-  
„ sationem alioquin licitam. Contrariam sententiam docent Bartolus in  
„ leg. *amplius* rem ratam haberi. Panorm. in dicto Cap. *ad nostram*, & alii,  
„ quos refert, & sequitur Covarru: in Cap. *quamvis pactum* part. 1. §. 4.  
„ n. 9. Alii melius distinguunt. Si enim promissisti explicite, vel implici-  
„ te non solum solvere, sed etiam non uti compensatione, plane juramen-  
„ tum ad id totum obligat. Si autem solum promissisti solvere, & hoc ju-  
„ ramento confirmasti, adhuc poteris compensatione uti. Ita Molina ubi  
„ supra n. 9. cum Joanne Medina cod. de vestit. quæ 3. causa 12. Ratio  
„ est, quia si voluisti te obligare ad non compensandum, etiam secluso  
„ juramento, ad id teneris, ut diximus; ergo multo magis accedente ju-  
„ ramento. Porro eam fuisse tuam mentem colligi poterit aliquando excir-  
„ cumstantiis, in quibus ad securitatem creditoris, qui forte timebat ne pro-  
„ pter compensationem ipsi non solveres, hanc promissionem petiit. Si ve-  
„ ro de compensatione excludenda non cogitasti, juramentum licet addat  
„ novum vinculum, non tamen obligat ad aliud objectum novum. Solum  
„ enim confirmat promissionem: ergo ad id solum obligat quod erat ob-  
„ jectum promissionis. Promissio autem solvendi non excludit compensa-  
„ tionem: nam qui compensat vere solvit, ut supra diximus: ergo satisfacit  
„ etiam juramento, quo se ad solvendum obligavit. “ *Tom. I. de Justit. &*  
*Jure Disp. 16. Sect. 6. n. 117. p. 444. edit. Lugdun. 1646.*

2. „ Utrum valeas uti compensatione præsentis pro debito futuro? ●  
„ Respondet, aliquando tamen licere creditori prævenire, & compensare  
„ sibi nunc pro eo quod Petrus nondum debet, *sed debet post mensem v.*  
„ & prudenter creditor timet, non sibi solvendum. Affirmant Tannerus  
„ 2. 2. Disp. 4. q. 6. Dub. 14. n. 406. & Dian. dicta Resol. 48. . . Cete-  
„ rum quidquid sit de foro externo, in quo lex illa procedere videtur, in  
„ foro interno probabilis videtur sententia illorum Doctorum, ut possit cre-  
„ di-

„ditor compensare sibi ante tempus pro debito futuro duplici conditione  
 „posita. “ *Tom. I. De justit. & jure Disp. 16. Sect. 5. n. 93. p. 437.*

3. „ Insuper tertio, neque etiam reddi injustum hunc contractum (*moba-*  
 „ *træ*) ex natura rei per hoc, quod venditor suam intentionem manifestet  
 „ emptori dicendo: Ego libere tibi credito vendo has merces, si tamen  
 „ volueris eas postea, viliori pretio mihi vendere ad habendam pecuniam  
 „ presentem, ego paratus sum ad eas emendas; dum tamen aliquod pa-  
 „ ctum implicitum sub hac manifestatione, non includatur. “ *Tom. 2. De*  
*Just. Disput. 26. Sect. 13. n. 208.*

4. „ Ceterum cum hoc stat, quod ipsum periculum sit damnum diver-  
 „ sum a sorte, & pro quo possit aliquid ex pacto præcedenti exigi. Nega-  
 „ ri enim non potest, quod licet debitum, postea recuperetur, molestiam  
 „ tamen mutandi attulerit, periculum illud, & timor amittendi sortem.  
 „ Sicut ergo mutuum quod dari non potest sine corporis, vel mentis labo-  
 „ re, vel molestia affert titulum ad exigendum, aliquid ultra sortem pro  
 „ illo labore, vel molestia; ita si in his circumstantiis non potes mutua-  
 „ re sine molestia, & timore amittendi sortem, poteris pro hac molestia sub-  
 „ eunda aliquid exigere.

„ Ratio autem a priori est: quia labor, & dolor mentis licet non sint in  
 „ genere bonorum fortunæ, & ideo injuriæ circa illos illatæ non obligent  
 „ ex se ad compensandum pecuniis, sunt tamen aliquid, quod in pactum de-  
 „ duci potest, ut pecuniis compensetur. Sicut enim: pro labore corporis  
 „ potes pretium exigere, ita & pro labore mentis; & sicut potes exigere  
 „ pretium, ut aliquis sit tibi causa doloris capitis, quanti doloris illius mo-  
 „ lestia æstimari possit; ita pro molestia, & angore mentis subeundo pote-  
 „ ris, pretium exigere, cum non minus, sed magis aliquando crucietur quam  
 „ dolor corporis. Si ergo posses ultra sortem exigere quando mutuum futurum  
 „ tibi esset causa doloris capitis, poteris etiam exigere, quando mutuum futurum  
 „ tibi esset causa doloris, & timoris interni propter periculum sortis amittendæ:  
 „ quia dolor ille, & timor prout contradistinctus a sorte ipsa, est aliquid, quod  
 „ in pactum possit pro pretio afferri. “ *Tom. 2. De Justit. & Jure Disput. 25. Sect.*  
*81. n. 6. p. 257.*

5. „ Cum enim ratio licite exigendi aliquid propter periculum, sit, quia  
 „ mutans non potest hic, & nunc mutua; quin subeat molestiam illam,  
 „ & timorem; parum videtur referre, quod res ipsa, vel indoles mutuan-  
 „ tis, & ejus dispositio talem molestiam afferat. Quia si ego, quia claudus  
 „ v. g. sum, debeo subire peculiarem molestiam, ut pecunias ex domo afferam ad  
 „ tibi mutuandum, quam molestiam alii non subirent, possum bene (N. B.)  
 „ peculiare pretium exigere pro illa molestia a me subeunda. Si ergo similiter, quia  
 „ meticulosus sum, & pavidus, non possum tibi mutua sine magno angore & ti-  
 „ more amittendæ sortis, videtur quod possum aliquid exigere pro hac molestia, &  
 „ ene-

„onere, sine quo ego tibi mutuare non possum. Hoc tamen aliorum iudicio relinquo.“ *Loc. citat. n. 85. p. 258.*

6. „Circa eandem conditionem quaeritur secundo, an dicatur lucrum cessare mutui causa, ita ut pro eo possit aliquid a mutuuario exigi, quando aliquis servavit aliquam pecuniam apud se, quam ideo noluit ad negotiationem applicare, ut haberet ad manus pecuniam pro iis, qui mutuo peterent. ....

„Lessus n. 88., & sequentibus hunc casum dividit in alios duos.

„Primus est, quando scio te postea petiturum mutuum, & in gratiam tui subtraho negotiationi pecuniam aliquam, ut possim tibi postea mutuare, in quo casu dicit posse ultra sortem exigi. ....

„Secundus casus est, quando non scis de aliquo in particulari mutuum petituro; sed quia multi postea multo indigebunt, subtrahis pecuniam negotiationi, ut possis iis quicumque sint mutuare: quo casu dicit probabile videri, quod possit postea exigi lucrum cessans, praesertim speculativo loquendo, si animus retineatur negotiandi, si pecunia illa non mutuo daretur &c. ....

„Claritatis gratia possumus primum casum in alios duos subdividere. ( Post multa respondet n. 93. ) Unde ad rationem dubitandi dicere possumus, etiam tunc mutuum esse causam lucri cessantis, quod dupliciter explicari potest.

„Primo in genere causae finalis: ideo enim a negotiatione, & lucro praesenti cessas, ut postea possis mihi mutuare. Nec videtur requiri quod mutuum sit causa efficiens, & antecedens PRIORITATE REALI cessationem lucri; sed videtur sufficere quod in genere causae finalis sit causa cessandi a lucro: sicut etiam NOSTRA salus & justificatio dicitur causa passionis Christi, quia fuit finis propter quem Christus mortuus est. Nec minus gratus esse debeo ei, qui damnum patitur, ut me liberet, quam si me petente id patiatur; licet in primo casu mea liberatio sit causa finalis, & in secundo meae preces sint causa moralis efficiens.

„Secundo addere possumus, voluntatem mutuarii futuram praevisionem esse causam moralem efficientem desistendi a lucro negotiationis. Nam licet non movearis a mutuo praevisto futuro absolute ad subtrahendam pecuniam: non enim ideo desistis a negotiatione, quia mutuaturus es, sed ideo mutuaturus es, quia desististi a negotiatione; sed tamen moveris a praevisa voluntate mea futura petendi mutuum. Quare vere mea voluntas, & petitio mutui est causa moralis cessantis lucri, quod sufficit ad exigendum interesse &c.“ *Disp. 25. Sect. 6. §. 1. n. 90. 91. p. 260.*

7. „His suppositis circa utramque partem prioris casus dicendum videtur consequenter, in posteriori etiam posse exigi lucrum cessans, quando nullus in particulari praevидetur mutuum petiturus, sed aliqui in com-

„mu-

„ mutui, in quorum gratiam pecuniam a negotiatione subtraxisti, prout  
 „ absolute, & sine scrupulo id concessit Malderus . . . . . Ratio ex di-  
 „ ctis colligi potest : quia inter hunc secundum casum, & primum ea sola  
 „ differentia esse videtur, quod in primo ego in particulari prævius fue-  
 „ rim mutuum petiturus : in secundo autem non sim ego prævius in  
 „ particulari, sed aliqui in confuso, & indeterminate. Hoc autem ad pro-  
 „ positum parum referre videtur . . . . . Quod explicari potest exemplo supra  
 „ adducto PASSIONIS CHRISTI. Licet enim Christus ante voluntatem  
 „ patiendi, non præviderit determinate peccatum futurum hujus hominis,  
 „ sed aliquos homines mortaliter peccaturos, ad quorum justificationem  
 „ voluit sanguinis pretium persolvere : adhuc vere dicitur peccatum hujus  
 „ hominis fuisse causa, ut pateretur. Ratio autem est, quia sub illa distin-  
 „ ctione cognoscuntur omnia futura disjunctim, & ita volendo mori pro  
 „ his liberandis, qui peccaturi erant, voluit mori pro hoc, si hic de facto  
 „ peccat. Si ergo vis reservare pecuniam pro illo, qui petiturus est, qui-  
 „ cumque ille sit, prævicens aliquem petiturum, pro illo de facto voluisti  
 „ reservare, quamvis indeterminate cognito. “ *Loc. cit. n. 94. p. 261.*

8. „ Ille, qui per plura perjuria comparat consuetudinem pejerandi, eo  
 „ ipso constituit se in periculo, & occasione proxima pejerandi postea, &  
 „ peccandi iterum. Ergo debet in confessione explicare illam circumstan-  
 „ tiam consuetudinis, quatenus includit periculum morale, & occasionem  
 „ proximam ad peccata subsequencia . . . . .

„ Adhuc tamen regulariter non videtur necessario explicanda illa cir-  
 „ cumstantia : *tum quia homines non attendunt communiter ad illud periculum*  
 „ *morale sequentis peccati*, quando aliquod peccatum committunt, nec faci-  
 „ le discerni potest, quando consuetudo perveniet ad eum gradum, ut in-  
 „ ducat jam occasionem moralem proximam aliorum subsequantium pec-  
 „ catorum : *tum etiam quia exponere se periculo fornicationis v. g. non ha-*  
 „ *bet malitiam speciei diversam ab ipsa fornicatione*. Cum ergo explicuit in  
 „ confessione præcedenti suam fornicationem, jam explicuit totam malitiam  
 „ specificam illius peccati. *Nam circumstantia illa periculi, quod subit alteri*  
 „ *fornicationis*, non addit malitiam speciei diversam, licet aggravet  
 „ intra eandem speciem. Unde regulariter non videtur obligandus pœni-  
 „ tens ad satendam necessario consuetudinem, nisi interrogetur. “ *Disp.*  
 16. *Señ. 4. §. 7. n. 202. de pœnit. p. 341.*

9. „ Major difficultas esse potest de consuetudine posterioris generis,  
 „ quæ scilicet est causa faciendi postea similes actus absque deliberatione  
 „ sufficienti, vel advertentia. In quo casu certum in primis videtur actus  
 „ subsequentes sine deliberatione præsentis factos, non esse nova peccata,  
 „ sed solum esse peccata in sua causa, nempe in consuetudine præcedenti  
 „ libere volita, seu esse effectus peccati, ut eum aliis probat Thomas  
 „ San-



„ Sanchez... Suarez... *Unde non erit necesse juramenta sequentia absque ad ver-*  
 „ *tentia prolata in confessione explicare, sed solam causam culpabiliter antea*  
 „ *positam, nempe consuetudinem illam volitam, aut permissam, ut no-*  
 „ *tat idem Sanchez. “ Ibidem n. 204. 341.*

10. „ De circumstantia sollicitantis feminam ad fornicationem, an sit  
 „ explicanda; an vero sufficiat fateri fornicationem; placet, quod cum a-  
 „ liis docet Vasquez, non esse explicandam illam circumstantiam: quia  
 „ illa malitia habetur, licet non ita gravis, quando aliquis non sollicitat:  
 „ adhuc enim participat cum illa in suo peccato, & est causa coope-  
 „ rans ad ejus ruinam. “ *De pœnit. Disput. 16. sect. 3. n. 142. pag. 330. Rela-*  
 „ *ta sunt omnes Tom. VII. & IX. Theolog. Christian.*

## §. XV.

P. Ludovici Molina Soc. Jesu propositiones laxæ.

1. „ **E**T quidem Epicurus, ut est apud Ciceronem Lib. I. de natura  
 „ Deorum, in ea fuit sententia, ut affirmaverit gentes omnes per-  
 „ ceptionem quamdam ( quam ipse proleptim appellat ) habere, quod Deus  
 „ sit, naturaliter hominum animis sine lege, sine more, sine instituto, aut  
 „ sine doctrina insertam, quam sententiam sequitur eo in loco Tullius. “  
*In prim. part D. Th. quæst. 2. art. 1. edit. Lugdunen. 1593.*

Verum hæc Epicuri, & Ciceronis doctrina nimis rigida illi visa est :  
 idcirco subdit.

2. „ Ex dictis colligi potest tam rudes, & incultos posse aliquos homi-  
 „ nes esse, ut maxima cum probabilitate affirmare possimus, in eis *ignorantiam*  
 „ *invincibilem Dei* posse reperiri. Quod primo, & secundo cum  
 „ de ignorantia ageremus, observavimus. Porro ea ignoratione ex-  
 „ cusabuntur a peccato infidelitatis, & quod Deum non colant, nec  
 „ ei honorem debitum exhibeant, non erit eis culpæ tribuendum. “ *Ibidem*  
*pag. 39.*

3. „ Quando unus alterum injuste infamavit, neque, ut tenebatur, vel-  
 „ let eam famam illi restituere, tunc injuste infamatus, qui damnum in  
 „ fama alteri non dedisset, posset in pecunia compensare damnum famæ  
 „ in quo est, idque non solum non solvendo debitum aliquod occultum,  
 „ quantum ad æqualitatem sufficere judicaretur ad competentem compen-  
 „ sationem famæ in qua est, sed etiam occulte accipiendo de novo, quan-  
 „ tum sibi satis esset ad eandem compensationem, dummodo non interveniret  
 „ scandalum, & aliter commode obtinere non posset restitutionem suæ fa-  
 „ mæ, & denique dummodo intervenirent conditiones omnes requisitæ ut  
 „ licite in conscientia foro fiat occulta compensatio debiti. “ *Tom. IV. De*  
 N  
 just.

*just. & jur. Disput. 49. n. 5. pag. 492. edit. Colon. Allobrog. Relata est Tom. VII. Theolog. Christian.*

Hinc inferitur, quod si domini servorum famam denigrent contumeliosis verbis; isti tantum surripere dominis pecuniz valeant, quantum sat est suæ famæ redintegrandæ.

4. „ Nos pro nostra tenuitate rationem totam aptam conciliandi libertatem arbitrii cum divina gratia, præscientia, & prædestinatione, quam tot art. 13. quæst. XIV. & art. 6. quæst. XIX. & quæst. XXII. & tota hac quæstione tradidimus, sequentibus principiis, ex quibus eam deduximus, quæque in variis locis tradidimus, inniti judicamus. *Quæ si data, explanataque semper fuissent, forte neque Pelagiana hæresis fuisset exorta,* neque Lutherani tam impudenter arbitrii nostri libertatem fuissent ausi negare, obtendentes cum divina gratia, præscientia, & prædestinatione coherere non posse. *Neque ex Augustini opinione concertationibusque cum Pelagianis tot fideles fuissent turbati, ad Pelagianosque defecissent.* Facileque reliquæ illæ Pelagianorum in Gallia, quarum in Epistolis Prosperi, & Hilarii sit mentio, fuissent extinctæ, ut patet ex iis, in quibus homines illos cum Catholicis convenisse, & ab eis discessisse eadem Epistola testantur. Concertationes denique inter Catholicos facile fuissent commpositæ. *In Concord. quæst. XXIII. art. 4. & 5. memb. ult. pag. 394. edit. Antwerp. an. 1695. & in appendice ad 1. 2. in p. p. D. Th. diſſæ edit. pag. 857. Relata est Tom. VI. pag. 182.*

## §. XVI.

*P. Matthæi Moya Soc. Jesu propositiones laxæ.*

1. „ **L**icitum esse delectationem moderatam gustus ( sicut & olfactus, & auditus ) directe intendere, & propter illam captandam comedere, bibere, docent non pauci, nec infimæ notæ Doctores. Quorum sententia probabilis mihi est. *In quæst. Select. Tract. 6. Miscel. Disp. 2. q. 111. §. 1. n. 5. p. 450. edit. Matrit. 1695. Relata est Tom. I. Theolog. Christian.*

2. „ Quamvis plures, & gravissimi Doctores sentiant desiderium inefficax mortis alienæ ob utilitatem propriam, v.g. ob hereditatem capiendam, vel ob alia motiva longe minoris momenti vitæ proximi esse peccatum mortale.... nihilominus contraria sententia est mihi probabilior. *“ Ibidem Tom. I. Tract. 6. Disp. 6. q. v. §. 2. n. 8. pag. 541. Relata est loc. cit. Theolog. Christian.*

3. „ Potest enim ab initio invasus non fugere, ut honoris jacturam non faciat, licet fuga extremum vitæ periculum vitaret. *“ Tom. I. Tract. 6. Disp. 6. pag. 6. quæst. IV. §. 5. n. 26.*

4. „ An

4. „ An liceat inducere aliquem ut juret quod putat esse verum, licet inducens sciat esse falsum?... Prima, & communis Doctorum sententia illicitum putat... ceterum contraria est probabilis.... & ego puto in praxi securam. “ *Ibidem Tom. II. Tract. 2. de Relig. Disp. 1. q. VII. n. 1. & 2. pag. 116.* Relata est Tom. III. Theolog. Christian.

5. „ Prima sententia asserit habentem occasionem proximam absolvi non posse, nisi prius eam reliquerit, nec ejus proposito fidendum... Contrariam vero sententiam tuentur viri doctissimi Suarez Disp. 32. Sect. 3. Joannes Sandius in selectis Disp. 10. §. 4. Tabiena Verbo concubinatus n. 2. Quam verioreni censeo. “ *Tom. I. Tract. 3. Disp. 7. quest. v. num. 5. pag. 300.*

6. „ Non est cur ob metum saltem mortis non liceat simulatione hujusmodi in omnibus sacramentis uti. Hinc si hæreticus ( non in odium fidei ) minaretur mortem Sacerdoti, nisi omnem panem in foro existerentem consecraret, posset ille consecrationis verba proferre absque intentione consecrandi, absque ullo peccato contra religionem, vel justitiam, & absque ulla mendacii labe. “ *Quest. Select. Tom. I. Tract. 4. Miscell. quest. 11. §. 3. n. 13. & 14. pag. 352.* Relata est Tom. VIII Theolog. Christian.

7. „ Unde facile diluitur fundamentum asserentium esse peccatum veniale, eo quod sit spiritualis quxdam prodigalitas se privare tanto fructu hujus sacramenti, ( Confirmationis ) quando quis commodè percipere potest. Quæ quidem ratio nimium probat, ac proinde nihil. “ *Quest. Select. Tom. p. Tract. 4. Miscell. de Sacramen. quest. XI. n. 7. p. 386.* Relata est Tom. VIII. Theolog. Christian.

8. „ Ex eo quod non detur præceptum Confirmationis per se loquendo, inferunt non esse venialem ejus omissionem. Ergo ex eo quod nullum detur præceptum prohibens suscipere Ordines, non præcedente Confirmatione, inferunt similiter non esse veniale ante Confirmationem illos recipere. “ *Loc. cit. n. 11. pag. 387.* Relata est ut supra Tom. VIII. Theolog. Christian.

9. „ Dum infidelis sibi persuasum habet suam sectam esse probabilem, quamvis contraria sit probabilior, tenetur utique in articulo mortis constitutus veram fidem, quam probabiliorē judicat, amplecti, utpote qui in eo articulo est constitutus, in quo de extrema salute agitur, ac proinde partem, quam tutiorem, & probabiliorē judicat, amplecti tenetur. At extra hunc articulum non tenetur, quod adhuc prudenter existimet se posse in sua secta perseverare, tempusque rei melius examinandæ superstit. “ *Tom. II. Tract. 6. p. 5. quest. 2. §. 1. n. 1. pag. 345.*

10. „ En quot Doctores militent pro sententia Tanneri, cujus unius autoritas ad efficiendam probabilem juxta doctrinam Doctissimi Marci

„ Serræ ex Ordine [Prædicatorum 1. 2. quæst. XIX. art. 6. . . . ubi ait  
 „ ( Quamvis unus solus sit talis opinionis Auctor, si tamen Sapiens ma-  
 „ xime cognitus, & probatus sit, sufficit ad illam probabilem efficiendam,  
 „ nisi alias constet ab omnibus improbari.) Hæc ille, & merito. Nam u-  
 „ nicum gravem Doctorem constituere opinionem extrinsece probabilem  
 „ docent quatuor supra viginti Doctores, quos citatos sequitur Vericel-  
 „ li. “ *Ex Tract. de opinion. Prob. Prop. 1. sub nomine Amadzi. Gui-*  
*menii.*

Hanc doctrinam confirmat in *Qq. Selectis Tract. 1. quæst. IV. §. 3. n. 10. pag. 8.*

Plurimas exhibere ex hoc Auctore laxas opiniones possem: verum cum severissime proscriptus ab Apostolica Sede sit, ejusque opera flammis addicta, non expedit ut alias transcribam.

## §. XVII.

*P. Thomæ Sanchez Soc. Jesu. propositiones laxæ.*

1. „ **F**T quidem in praxi existimo nunquam, aut rarissime denegan-  
 „ dam absolutionem ob doctrinæ Christianæ ignorantiam: quia rusti-  
 „ ci ignorantes non habent commode doctorem, & Confessor potest illos  
 „ instruere, nec ipsi majorem addiscendi capacitatem habent, immo ( ut  
 „ n. 23. dicemus ) hæc perfecta instructio non est necessaria ad eos absol-  
 „ vendos . . . . n. 23. Immo in rigore etsi pœnitens bona valetudine uta-  
 „ tur, non tenetur Confessarius eum instruere, procurando, ut tunc ad-  
 „ discat. “ *Lib. II. in Dical. cap. 5. n. 21. & 23. edit. Venet. 1612.*  
*pag. 100.*

2. „ Dum infidelis sibi persuasum habet suam sectam esse probabilem, .  
 „ quamvis contraria sit probabilior, tenetur utique in articulo mortis con-  
 „ stitutus, veram fidem, quam probabiliorē judicat, amplecti, utpote qui  
 „ in eo articulo est constitutus, in quo de extrema salute agitur, ac proin-  
 „ de partem, quam tutiorem, & probabiliorē judicat, amplecti tene-  
 „ tur. At extra eum articulum non tenetur, quod adhuc prudenter exi-  
 „ stimet se posse in sua Secta perseverare: tempusque rei melius exami-  
 „ nandæ super sit. Adde mysteria fidei tam sublimia esse, ac Christianos  
 „ mores adeo carnis, & sanguinis legibus repugnare, ut non quævis ma-  
 „ jor probabilitas sufficiens reputetur ad inducendam credendi obligatio-  
 „ nem. “ *Lib. II. in Dical. cap. 1. n. 6. pag. 94. Relata est Tom. I. Theolog.*  
*Christian.*

3. „ Quarto deducitur incurrere ( excommunicationem ) legentem, ac  
 „ retinentem. Librum Hæretici nondum Typis excusum... Addit Ugol-  
 „ linus

linus.... idem dicendum esse, si quis legat Epistolam Hæretici Hæreses continentem... Sed non placet, ac ita credo non incurere legentem, aut retinentem, aut imprimentem Epistolam, Concionem, aut aliam papyrum hæretici solutam, nec in Tractatus formam redactam. "*Lib. II. in Decal. cap. x. n. 28. & 29. pag. 125.*

4. Tertium tempus est mortis articulo... Ceterum hoc non placet, ut pote quod nulla ratione aut textu probatur. Et ideo ex hac sola articuli mortis ratione non teneretur ad fidei actum quispiam eliciendum, nisi concurrerent aliæ circumstantiæ, quæ tunc obligarent, ut graves fidei tentationes. "*Lib. II. in Decal. cap. 1. n. 3. pag. 93.*

5. "Quantum tempus est semel singulis annis... sed nec hoc tempus placet. Non enim ex voluntate Ecclesiæ, quæ illis Sacramentis recipiendis tempus anni præfixit, colligitur præcepta alia juris Divini affirmativa obligare semel in anno. Quippe hæc obligatio non est ex Ecclesiastico præcepto: nullibi enim reperitur, nec etiam ex divino. "*Ibidem pag. 93.*

6. "Ultimum tempus est, quando tenetur quis gratiam amissam recuperare... hæc tamen obligatio actus fidei tunc eliciendi, non est per se, & ex vi hujus præcepti, sed per acciden ratione præcepti gratiæ recuperandæ tunc occurrentis. "*Ibidem.*

7. "Si objicias hunc infantem baptizatum ac nutritum inter infideles, vel hæreticos, quando post rationis usum adorat idola, vel hæreses profert, peccare, atque fidei habitum in Baptismo receptum amittere. At nequit in baptizato amitti, nisi per hæresim. Respondeo hunc peccare adorando idola contra jus naturæ diſtans unum Deum colendum, & similiter proferendo hæreses, quæ juri naturæ adversantur, ut si dicat licere fornicari, nisi adeo rudis esset, ut invincibiliter hæc opponi juri naturæ ignoret. At minime peccaret contra fidem quam invincibiliter ignorat, atque proinde non amitteret habitum fidei, donec illi sufficienter propositum tam respiceret. "*Ibidem n. 8. pag. 94.*

8. "De præcepto spei... Varia igitur tempora assignantur a Doctoribus obligationis hujus præcepti. Primum tempus est, cum primum rationis usum puer assequatur... At verius est tunc non obligare. "*Lib. II. cap. xxxiii. n. 3. pag. 293.*

9. Secundum tempus est cum obligatio occurrit pœnitentiæ de anteaſta vita ad gratiam Dei obtinendam... At in omnibus his eventibus non obligat præceptum spei per se, & ex vi hujus præcepti, sed per accidenſ. "*Ibidem pag. 293.*

10. "Tertium tempus est semel singulis annis. Ita Petrus Ledesma ibi Conc. 6. sicut idem dixit de præcepto fidei (ut ex ipſo retuli D. C. n. 1. n. 3.) ubi & id reprobaſi. Quare hoc non placet. "*Ibidem p. 293.*

11. 3) U-

11. „Ultimum tempus est, quando aliquis gravi desperationis tentatione vexatus in succumbendi periculo est, nisi actu spei contrario animi confirmet . . . At tunc non obligabit præceptum spei *per se ex vi hujus præcepti* ; sed per accidens ratione præcepti superandæ illius tentationis. “ *Ibidem pag. 293.*

12. „Quo tempore hoc præceptum dilectionis obliget, duplex est difficultas enodanda. Prior est, an id præceptum obliget statim, ac puer usum rationis assequitur. Posterior, quibus aliis temporibus obliget. Circa primam difficultatem quidam censent *tunc* obligare hoc præceptum . . . At multo probabilius est id præceptum se tunc ad Deum convertendi non esse, ac proinde nec præceptum diligendi tunc obligare. “ *Lib. 2. in Decal. Cap. 35. n. 6. & 7. pag. 298.*

13. „Secundum tempus est, cum: adultus baptizatur . . Sed non placet tunc obligare dilectionis Dei præceptum, etiam cum hac limitatione. “ *Ibidem n. 9. pag. 299.*

14. „Tertium tempus est cum quis contritionem habere tenetur . . At tunc non obligat præceptum hoc per se, & ex vi hujus præcepti, sed per accidens. “ *Ibidem pag. 299.*

15. „Quartum tempus est cum singulari beneficio a Deo afficitur . . . At merito hunc casum reprobant Navar . . & Azor. “ *Ibidem.*

16. „Quintum tempus est quando alicui Martyrium subeundum est . . . Sed nec hoc tempus placet : quia satis est se oratione munire petendo a Deo auxilium ad id opus, Martyriumve. Martyr enim esse quis potest, etiamsi tunc dilectionis actum minime eliciat. “ *Ibidem pag. 300.*

17. „Octavum tempus est cum mortis articulus instat, quia cum tentationes Dæmonis, & machinationes acerrime infestent, tenetur homo actus dilectionis Dei præsidio adversus ea se communire . . . Sed jure optimo id reprobant Azor. . . quia aliis remediis potest se adversus eas communire. “ *Ibidem pag. 300.*

18. „Ultimum tempus est cum graves odii Dei tentationes instant, & periculum illis succumbendi adest, nisi tentatus actus amoris Dei eliciat ; & in HOC EVENTU existimo obligare præceptum hoc dilectionis Dei super omnia, PER SE, & ex vi hujus præcepti. “ *Ibidem pag. 300.*

Utrum hæc doctrina damnata, nedum laxa sit, judicet P. Carolus Norciths. Si consulantur Evangelica verba, quibus Caritatis præceptum imponitur, relatæ propositiones horrorem (ut mihi videtur, ingerunt. Externant enim, sin exterminent theologiarum virtutum exercitia, & officia. Indicata hæc omnia sunt Tom. I. Theolog. Christian.

19. „Decimo deducitur non peccare famulos aperientes jussu heri jam  
„nam

„nuam domus concubinæ, nec docentes ubi herus sit . . . Et similiter  
 „licere, si herus ascendere velit per fenestram ad rem habendam cum fe-  
 „mina, pedem sustinere, ut ascendere possit, aut scalam admovere,  
 „eamque tenere, aut humeris sustinere; dummodo tamen vitatio alicui  
 „juri magni damni in famulo concurrat. “ *Lib. 1. in Decal. Cap. 7. nu. 30. p.*  
 27. Indicata est Tom. II. Theolog. Christian.

20. „Undecimo deducitur licere alicui mutuo dare nummos alteri, aut  
 „cubiculum *accommodare petenti ad fornicandum*, quando absque gravi de-  
 „trimento proprio proportionato denegare nequit. “ *Lib. 1. Cap. 7. num.*  
 31. *pag. 28.*

21. „Tandem deducitur pingentem imaginem puellæ petitione Ama-  
 „sii, quem credit probabiliter abusurum, peccare. Sic Azor . . . Sed in-  
 „tellige juxta dicta, nisi causa legitima excuset. “ *Ibidem numer. 40.*  
*pag. 29.*

22. „Quod si loquamur de pretio accepto pro hoc judicio ferendo :  
 „Gratianus *Cap. Qui habetis 14. q. 5.* docet pauperibus restituendum tan-  
 „quam turpe lucrum. Sed distinguendum est sic. Si nullam operam ap-  
 „posuit, *ut arte diaboli* id sciret astrologus ille, quod nullo alio pacto sci-  
 „ri potuit, sive effectus evenit, sive non, tenetur pretium restituere  
 „danti : quia nullam diligentiam adhibuit, sed casu effectus evenit, aut  
 „non evenit. At pecunia datur propter operam ab illo impensam, &  
 „quidem utilem ad effectum consequendum . . . Sicut si medicinæ prorsus  
 „ignarus, aut inutilia ægro applicaret, teneretur pretium curationis ægro  
 „restituere, quamvis casu liber a morbo evaserit. Et quamvis consulens  
 „Astrologum in ea re deliquerit offerens pretium pro re turpi, prior  
 „sententia habet restituendum ipsi donec per sententiam condemnetur,  
 „ut id pretium amittat. *Si vero Astrologus ille, vel divinator operam suam*  
 „*apposuit, Et arte DIABOLIVS ita evenit, non tenetur pretium restituere, quia*  
 „*ipse suam operam etsi turpem apposuit: & acceptum pro opere turpi non*  
 „est obnoxium restitutioni juxta veriore sententiam. Atque hæc omnia  
 „docet Navar. *ibidem. num. 163. & 164. & Manuel 1. Summæ 2. edi-*  
 „*tione cap. 7. num. 4. Salas 1. 2. q. 9. art. 7. Tract. 5. Disput. 11. Sec.*  
 „8. num. 79. in fine. Adduntque indistincte teneri pretium restituere,  
 „quando res non ita evenit. *Sed id non credo quando ipse diligentiam ad-*  
 „*bibuit arte DIABOLI ad eum effectum necessariam: sicut medicus quando*  
 „*juxta artis præcepta medicatus est, non tenetur pretium restituere ægro*  
 „*pereunti: quia ea diligentia a Mago illo apposta (N. B.) est pretio aestima-*  
 „*bilis.* Nec in hoc casu tenetur damna, & expensas consulenti restituere,  
 „sed tantum quando nullam operam impendit, aut ejus DIABOLICÆ ar-  
 „tis ignarus erat. “ *Lib. 2. in Decal. Cap. 38. num. 96. p. 320.* Relata est  
 Tom. III. Theolog. Christian.

23. „ Ad veritatem autem hujus juramenti assertorii exigitur, & satis est, ut jurans ita rem se habere arbitretur prudenter, & non levi conjectura ductus, sed certa, aut *verissimi*, atque *probabili*, ac proinde secundum judicium jurantis consentaneum rationi, sive id a parte rei verum, sive falsum sit, quia hoc est moraliter certum esse. “ *Lib. 3. in Decal. Cap. 4. num. 10. pag. 15.*

Ergo ex principiis Probabilissimi jurare poterit duo contradictoria vera esse.

24. „ Possunt quoque absque mendacio ea verba usurpari, etiam si ex sua significatione non sint ambigua, nec cum verum sensum admittant ex se, nec ex circumstantiis occurrentibus; sed tantum verum sensum reddant ex aliquo addito mente proferentis retento, quodcumque illud sit, ut *Si quis* (hic incipit propositio *damnata ab Innocen. XI.*) vel *solus, vel coram aliis sive interrogatus, sive propria sponte, sive recreationis gratia, sive quocumque alio sine juret se non fecisse aliquid, quod revera fecit, intelligendo intra se aliquid aliud, quod non fecit, vel aliam viam* (Sanchez habet *aliam diem*: & hæc est vera lectio: mendum siquidem irreptit in propositionem *damnatam vel quod vis aliud additum verum; revera non mentiur, nec est perjurus.*) (Hucusque propositio *damnatæ*.) Sed tantum (persequitur Sanchez) non diceret unam veritatem determinatam, quam audientes concipiunt, ac verba illa ex se significant, sed aliam veritatem disparatam. “ *Lib. 3. in Decal. cap. 6. n. 15. p. 27.*

25. „ Causa vero justa utendi his amphibologiis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens, ac studiosa. “ *Ibidem numer. 19. pag. 28.*

26. „ Potest testis prædictis æquivocationibus uti, etiam si alias juridice rogetur, quotiescumque non tenetur ob aliquam causam ferre testimonium, ut quia notabile damnum ipsi sequeretur &c. Quia cum ea causa excusante non teneatur; vere dicit se nescire, non vidisse, nec audisse, se, intelligendo, ita ut dicere teneatur. “ *Ibidem num. 24. pag. 29.*

27. Quando taxa alicujus rei est injusta, si pluri vendens, aut defraudans in pondere, & mensura, ita ut sibi satisfaciatur pro pretii injustitia, & reddat correspondentes merces pretio dato, potest hic rogatus a iudice, an pluri vendiderit, vel defecerit in pondere, & mensura, id negare, asserereque se pretio taxato vendidisse, & integre pondus, & mensuram tradidisse intelligendo hæc: *ita ut pluri vendens, aut deficiens in pondere, & mensura deliquerit. Quippe absque delicto utrumque fecit.* Atque ita vere dicit se integre tradidisse, nempe quatenus tenebatur eo pretio accepto, nec excessisse delinquendo. Atque ad



„ ad hoc satis est *opinionem esse probabilem, eam taxam non obligare.* “ *Ibidem num. 29. pag. 30.*

28. „ Quinto deducitur eum, cui licitum est aliqua bona abscondere, eo quod illis ad vitam sustentandam egeat, ne a creditoribus capiantur, & sic cogatur mendicare, posse rogatum a iudice jurare se nulla bona abscondita habere (atque idem possunt jurare id scientes, dummodo ipsis confiteri, licite eum abscondere ad hunc finem) intelligendo. „ secum non habere bona abscondita, quæ iudici manifestare teneatur. “ *Ibidem num. 31. pag. 30.*

29. „ Sexto deducitur, quoties quispiam a cujusvis debiti obligatione liber est, posse rogatum a iudice de illo id negare intelligendo intra se, *ita ut debeat*, quia respondet ad debitam iudicis mentem. Qua ratione optime Covarruvias, Cepola, & Azorius docent eum, qui numeros mutuo acceptos solvit, posse a iudice rogatum de mutuo, jurare se illud non accepisse, intelligendo, *ita ut teneatur solvere.* Idem docent Suarez, Paraludus, *Atque idem dicendum est, si quacumque alia ex causa ab eo mutuo solvendo liber esset.* Atque idem credo, si tunc non teneretur solvere, eo quod terminus ad quem mutuum datum fuit, non est impletus, vel præ paupertate excusatur debitor a tunc solvendo. “ *Ibidem num. 32. pag. 30.*

30. „ Nono deducitur, creditorem virtute instrumenti publici exigentem coram iudice debitum, vulgo *executando per la deuda* posse iurejurando asserere quantitatem in eo instrumento contentam esse sibi debitam prout jurare jubetur . . . etsi pars illius summæ debitæ soluta sibi sit; si tantundem pecuniæ, quantumdem solutum est, sit alia via sibi debitum, de quo nullum est instrumentum publicum, virtute cuius exigatur . . . Hoc tamen intellige, nisi esset præjudicium alterius creditoris. “ *Ibidem num. 36. pag. 31.*

31. „ Decimo deducitur, si per injuriam extorqueatur promissio jurata alicujus pecuniæ dandæ, licere juranti uti hac æquivocatione: *Juro tibi me numeraturum pecuniam*, intelligendo, ut ille casus *tibi regatur a verbo juro*; ita ut sensus sit: *Tibi juro fore ut numerem pecunias, sive tibi, sive alteri*: quod ea oratio patiat utrumque sensum. “ *Ibidem num. 37. pag. 31.*

32. „ Sed an liceat tunc jurare, retinendo mente hanc conditionem: *juro me daturum, si tibi secluso juramento sum debitor?* Aliqui negant, ducti, quod ea verba hanc amphibologiam non patiantur in communi hominum sensu. Cajetan. Aragon. Soto. At retenta nostra sententia numero *decimo quinto* tradita, dicendum est *id licere.* Quia nihil refert verba eam amphibologiam non pati, & cogit necessitas ea uti. “ Porro n. 15. citato docet „ Cur ergo erit mendacium uti verbis ex se non ambiguis,

O

„ si ex

„ si ex conditione in mente retenta verum sensum efficiunt ? . . Hoc est  
 „ utilissimum ad tegenda multa, quæ regere opus est, nec tegi absque men-  
 „ dacio possent, nisi modus hic esset licitus, quia verba ex se ambigua  
 „ non passim inveniuntur. “ *Ibidem num. 38. pag. 33.*

33. „ Undecimo deducitur coactum aliquam accipere in sponsam,  
 „ quam ducere non tenetur, posse jurare se accepturum, intelligendo  
 „ intra se: *si teneor*, vel *si postea placuerit mihi*. “ *Ibidem numer. 39.*  
*pag. 32.*

34. „ Decimo tertio adulteram rogatam a marito, an adulterium ad-  
 „ miserit, posse jurare, se non fregisse matrimonium . . . Similiter po-  
 „ test jurare, se non fecisse, intelligendo intra se, ut tibi revelem. “ *Ibi-*  
*dem num. 41. pag. 32.*

35. „ Decimo quinto deducitur eum, a quo mutua pecunia petitur,  
 „ quam revera habet, posse jurejurando affirmare se eam non habere in-  
 „ telligendo intra se, *ut mutuo det*, quando non tenetur mutuare. Ita Na-  
 „ varrus Philarcus, Sayro . . . At contrarium tenet Corduba, Lopez, Hen-  
 „ riques . . . . At credo priorem sententiam esse veriorum, quo ad hoc,  
 „ ut ille non sit perjurus, quia in suo sensu verum dicit; cum sensus sit:  
 „ Non habeo, ut tibi mutuare velim. *Quare ad veritatem hujus jura-*  
*menti nihil refert an ille teneatur mutuare, nec ne: & ita non oportet addere*  
*illam limitationem, quam prædicti Doctores addunt, quando non tenetur mu-*  
*tuare.* “ *Ibidem num. 43. pag. 32.*

36. „ Ultimo deducitur penitentem temere rogatum an hoc, vel illud  
 „ peccatum passus sit, posse jurare, se non confessum, intelligendo, *ita ut*  
*teneatur illi explicare.* “ *Ibidem num. 44. pag. 32.*

Relatæ sunt Tom. III. Theolog. Christian.

37. „ An invincibiliter ignorans actum internum esse peccatum, cogno-  
 „ scens tamen actum externum esse peccatum, excusetur a culpa actum  
 „ solum internum admittens, ut si rusticus a viro exillimato docto, ac  
 „ pio audisset fornicationem, & furtum externa esse peccata, ac licere for-  
 „ nicandi, aut furandi desiderium, quibusdam *Neotericis doctis* videtur,  
 „ hanc ignorantiam minime excusare, quod hic libere velit objectum ex-  
 „ ternum, quod esse peccatum novit . . . . Quamvis hoc probabile sit,  
 „ probabilius tamen credo, illum actum internum excusari omnino a ma-  
 „ litia. “ *Lib. 1. in Decal. Cap. 16. num. 16. & 17. pag. 77.*

38. „ Quoties sive vere, sive fide promittens matrimonium, immunis  
 „ est ob *aliquam causam* ab implendi obligatione, (probavimus,) posse  
 „ eum a iudice vocatum *jurare* se non promississe, intelligendo ita ut *te-*  
*neatur implere.* Quod . . . . dicimus procedere non tantum, quando est  
 „ certa causa non implendi; sed *etiam quoties sapientum iudicio est pro-*  
*babilis non teneri servare.* Quia potest *amplectendo opinionem probabilem*  
 „ exi-

„existimare se tuta conscientia non obligatum. “ *Lib. 3. in Decal. Cap. 6. num. 32. pag. 31.*

39. „ Clericus rogatus a custodibus, an aliqua portet eo fine, ut gabellam solvere compellatur, potest jurare se nihil portare, intelligendo ex quo gabellam debeat. “ *Ibidem loc. citat. p. 31.*

40. „ Et item credo quoties laicus aliqua portat, aut habet, aut vendidit, ex quibus gabellam aliqua ratione non debet, aut non debet integram juxta probabilem opinionem. Potest enim juramento rogatus negare, se habere, portare, vendidisse eam solam quantitatem, et qua gabellam non debet, intelligendo intra se ita ut ex illa debeat. “ *Idem loc. citat. pag. 31. Relata sunt Tom. IV. Theolog. Christian.*

41. „ Vere impleret audiendi Sacri præceptum, illud ex contemptu audiens. Ergo a fortiori cum intentione non satisfaciendi. “ *Lib. 1. in Decal. Cap. 13. num. 13. pag. 70.*

42. „ Concionatores, qui in quadregesima concionantur ter, vel quater in hebdomada, communiter, & regulariter excusantur, ita ut in nullo die quadregimæ teneantur jejunare . . . Quia hoc videtur requisitum ad robur necessarium ad bene, & fructuose concionandum. “ *Lib. 5. Concil. Cap. 1. Dub. 13. num. 6. pag. 100. edit. Lugd. 1681.*

43. „ Existimo tamen probabilius esse licere in sacramentorum administratione uti opinione minus probabili relicta probabiliori, ac tuta, non obstante irritandi sacramenti periculo, cum duplici tamen limitatione. Prior est, ut sit in re, quæ non est contra communem Ecclesiæ usum præscribentem, ut eo modo, & non aliter administrantur Sacramenta . . . Posterior est ne pars minus tuta quamvis probabilior sit, deroget obligationi caritatis, & misericordie respicientis remedium proximi. “ *Lib. 1. in Decal. cap. 9. num. 33. p. 35.*

44. „ Quando opiniones circa jurisdictionem Sacerdotis ad audiendas Confessiones versantur, atque opinio probabilis docet illam habere, probabilior autem negat. Talis enim Sacerdos nullo modo peccabit audiens Confessiones, ut optime ait Suarez. “ *Ibidem numer. 35. pag. 36.*

45. „ Sexto deducitur licere famulis cibos condire, ad mensamque ministrare, lectum sternere Concubinæ heri, quod bene docent Petrus de Ledefma, Emanuel Sa: & similiter fas esse ornare heram meretricem, tradunt bene Navarra, Emmanuel Sa, Azorius. “ *Lib. 1. in Decal. cap. 7. num. 24. pag. 26.*

46. „ Septimo deducitur quid dicendum sit de adductione Concubinæ in heri domum, aliumve locum, in quo peccaturus est. Id tanquam intrinsece malum damnat Angles . . . At id excusat Azorius. Sed dicendum est, id tripliciter posse contingere. Primo modo nullum internun-

„ tium heri deferente famulo , sed tantum concubinam comitanti , quia  
 „ jam de adventu inter eos ipsos conventum erat : & in hoc casu , cum  
 „ sit merus comitatus , & nihil reſerat , utrum illorum comitetur , idem  
 „ dicendum eſt , quod diximus num. 22. de comitantibus ipſum . Secun-  
 „ do modo contingit , non tantum comitando , ſed active deferendo , ut  
 „ in ſella quadam . Et hoc proxime accedit ad peccatum , & ideo non  
 „ ſufficeret communis ratio famulatus , ſed damnum notabile famuli eum  
 „ herum deferendo exigitur . At in hoc casu id liceret . “ *Ibidem num. 25.  
 pag. 26.*

47. „ Sicut ex cauſa juſta liceret aurigæ deferre meretricem ab uno lo-  
 „ co in alium , quamvis illuc petere norit ad inviſendum amatum , & lu-  
 „ crum meretricium parandum . “ *Ibidem .*

48. „ Octavo deducitur quid dicendum ſit de famulis deferentibus ſcri-  
 „ pta , vel internuntia ad heri concubinam . Quidam hoc tanquam in-  
 „ trinſece malum damnant . . . . Alii vero excuſant a peccato famulos ,  
 „ qui ratione , famulatus hæc internuntia , aut ſcripta deferunt , in quibus  
 „ herus petit a concubina , ut ea nocte ad ſe veniat , eſſi norint velle ,  
 „ ut veniat ad fornicandum . “ *Ibidem num. 26. pag. 27.*

49. „ Probabilius exiſtimo ad ignorantiam , inadverſentiam , ſeu oblivio-  
 „ nem ſive juris , ſive facti cenſenda invincibilia ſufficere , ut nulla no-  
 „ titia , nec ſpecialis , nec confuſa , nec aliqua dubitandi ratio in uni-  
 „ verſum , aut peculiariter occurrat . “ *Lib. 1. in Decal. Cap. 16. num.  
 21. pag. 78.*

50. „ Quare nullum eſſe peccatum mortale in voluntatis conſenſu cenſeo ,  
 „ niſi cogitatio aliqua præceſſerit , & *conſideratio expreſſa , quam actualem*  
 „ *vocant* malitiæ moralis , vel periculi , vel ſaltem expreſſa aliqua dubi-  
 „ tatio , vel ſcrupulus . Itaque , ut quis peccet mortaliter , debet con-  
 „ ſiderare , vel opus illud eſſe malum , vel ibi eſſe malitiæ pericu-  
 „ lum , vel dubium , vel ſcrupulum ſaltem aliquem habere : quod ſi ni-  
 „ hil horum præceſſerit , ignorantia , inadverſentia , ſeu oblivio cenſentur  
 „ omnino naturalia , & invincibilia , & ſic juxta hanc ſententiam , *non*  
 „ *ſatis eſt cognitio illa virtualis* ſeu interpretativa , quam ſufficere dicebat  
 „ ſententia numero præcedenti relata . Hanc ſententiam optime tuetur  
 „ Vaquez . “ *Ibidem pag. 78.*

51. „ Probabile eſt valere diſpenſationem Pontificis in matrimonio ratio-  
 „ abſque juſta cauſa conceſſam . . . Et ratio eſt , quia eſt probabile in-  
 „ diſſolubilitatem talis matrimonii eſſe de jure humano . “ *Lib. 2. de Ma-  
 trim. Diſp. 15. num. 5. pag. 152. edit. Ven. 1606.*

52. „ Limitant aliqui hanc ſententiam , niſi adirent ea loca in frau-  
 „ dem Decreti Tridentini , ut ibi poſſent libere abſque Parocho , & te-  
 „ ſtibus matrimonio copulari : tunc enim ajunt eſſe invalidum . . . Cete-  
 „ rum

rum displicet mihi hæc limitatio, & credo licet adirent eo fine, ut possent libere asque Parocho, & testibus contrahere esse, ratum matrimonium. Primo. Nam qui utitur jure suo, non potest dici fraudem committere, ut ea ratione effectus impediatur. " *Lib. 3. Disp. 18. num. 29. pag. 269.*

53. Tertia conclusio. Culpa venialis est ea verba (ego conjungo vos &c.) omittere. Probatur, quia materia non est gravis, cum ea verba non sint forma sacramenti, nec *pertineant ad solemnitatem magni momenti*, nec includant aliquod mysterium magnæ significationis. Præterea, quamvis Tridentinum utatur verbis præceptivis; at sub illo præcepto non continetur tantum, ut Parochus ea verba proferat, sed alia magni momenti, nempe ut præmittantur denunciationes, & ut matrimonium celebretur coram Parocho, & testibus, ut habeat librum &c. " *Loc. Citat. Disp. 38. num. 7. pag. 329.*

54. Secundum communem sententiam liciti sunt amplexus & oscula inter sponso de futuro, eo quod sponsalia sunt initium quoddam matrimonii, ac proinde concedunt jus utendi *voluptate præambula matrimoniali*. Ergo per sponsalia acquiritur jus in corpus, alias nullus illius usus concederetur, & consequenter violans hoc jus per fornicationem, reus erit ultra fornicationem injustitiz admittæ necessario aperiendæ in confessione. Et hæc sententia est valde probabilis. " *Lib. 1. Disp. 11. num. 5. pag. 6.*

55. Oscula, & amplexus, aliique tactus non impudici excusantur a culpa mortali inter sponso de futuro ratione contractus sponsalium inter ipsos initi. Ratio est, quoniam sicut matrimonium ipsum cohonestat copulam; ita sponsalia, quæ quoddam matrimonii initium sunt, cohonestare debent hujusmodi tactus, qui *inchoatio quædam sunt copule* præsertim quia sic magis fovetur amor ad matrimonium. . . . num. 45. Atque hæc Conclusio vera est, quamvis sponsi *intendant eam delectationem sensitivam*, quæ ex ipsis amplexibus & osculis oritur. Quia sponsalia, quæ matrimonii initium sunt, excusant a mortali hanc delectationem, quæ copulæ inchoatio est, & in omnino solutis esset culpa mortalis. " *Lib. 9. Disp. 46. num. 48. pag. 327.*

56. Quod si vir in superficie tantum vasis præposteræ uxoris refricaret sua verenda, vel in eos ejus intromitteret, cessante omni pollutionis periculo, non crederem esse lethale. " *Lib. 9. Disp. 17. nu. 5. pag. 222.* Relatæ sunt iste Tom. X. Theolog. Christian.

57. Excipi debent loca, in quibus hæretici non denunciati, nec notorii Clericorum percussores cum Catholicis permixti conviunt, ut in Germania, Gallia, Polonia: in iis enim ex consuetudine recepta, & tolerata licent conjugia catholicæ personæ cum hæretica, dummodo Catholicis.

„ tholica libere permittatur, & absque perversionis periculo in fide permanere; quia ea conjugia ineuntur instar aliorum contractuum civilium. “  
*Lib. 7. De Matr. Disp. 72. num. 5. pag. 234.*

58. „ Hinc deducitur minime culpæ lethalis reum esse virum tactibus irritantem venerem, scientem se ob id præmaturius semina seminare; quia concursus utriusque seminis minime ad generationem desideratur, ut numero, præcedenti probavimus. Sic viri sapientissimi e Societate Jesu, & Henriquez. “ *Lib. 9. Disp. 17. num. 10. pag. 223.*

59. „ Gravius dubium est, num ubi vir semine intra vas emissio, membrum virile extraxit, liceat semini, quæ nondum effudit tactibus, se excitare donec seminet? Id enim minime licere suadet. . . . Verum id licere inde mihi persuadeo, quia illa provocatio seminis est, actus conjugalis perfectio, ac consummatio. “ *Ibidem numer. 12. pag. 222.*

## §. XVIII.

*P. Thome Tamburini Soc. Jesu propositiones. lxx.*

1. „ **A** Dverto primo in bene moratis; vel confiteri solitis supponi posse semel hæc mysteria credidisse; semel, inquam; nam ex necessitate medii semel sufficit. “ *Lib. 2. in Decal. cap. 1. n. 3. pag. 39. edit. Venet. 1702.*

2. „ Vel primo sermo est de actu fidei necessario necessitate salutis. Et hunc quidem semel in vita elicere satis esse modo vidimus. n. 3. “ *Ibidem n. 8. pag. 39.*

3. „ Vel secundo sermo est de actu fidei ex necessitate PRÆCEPTI, quò scilicet obligamur credere ea quæ diximus num. 5. Sane nondum obviam habui Doctores, qui id explicando mihi satisfecerint. Unde omnibus perpensis (subdendo tamen ut hoc, ita & alia omnia mea S. R. E. judicio) puto PER SE, & DIRECTE numquam obligari fideles ad credenda prædicta Mysteria, nec implicite, nec explicite ex vi necessitatis præcepti fidei (nam medii simul, & præcepti jam modo dictum est, quia ratione semel & ad quæ mysteria credenda sit obligatio) sapissime vero obligari per accidens ex vi aliorum præceptorum. “ *Ibidem n. 9. pag. 39.* Quid ad hæc P. Carole Noceti?

4. „ Confirmatur primo nostra sententia ex Azorio . . . qui docet Caritatis præceptum tunc solum obligare, quando tenemur justificari, & non habemus aliam viam, qua justificari possimus; quia hoc præceptum non videtur obligare, nisi ut medium justificationis, vel ut dispositio ad illam. Hæc ex illo. Ex quibus colligo similiter dici posse de  
 „ fidei

fidei actū, & consequenter de actū spei, ( ut cum de spe infra cap. 11.  
 §. 1. & cum de caritate agam huc me remittens, rursus innum infra cap.  
 3. §. 2. n. 2. ) “ *Ibidem* n. 10. p. 39

5. „ Laborant Doctores in assignando tempore, quo debet fidelis ex obliga-  
 „ tione, actum positivum amoris elicere circa Deum; variaque tempora,  
 „ ut varia sunt ingenia hominum, assignant. Primum tempus, quod aliqui  
 „ assignant, est initium usus rationis. Secundum, finis vitæ. Tertium, tota  
 „ vita indeterminate sumpta, ut saltem semel in ea ametur Deus. Quar-  
 „ tum omnes dies Festivi, in quibus debemus Deo specialiter vacare.  
 „ Quintum, tempus, quo adultus suscipit Baptismum. Sextum, tempus,  
 „ quo quis suscipit Eucharistiam. Septimum quando forte sumitur mar-  
 „ tyrium. Octavum, quando a Deo magnum accipis beneficium. Nonum,  
 „ quando audis aliquem contra Deum blasphemantem. Decimum, quando  
 „ gravi urgeris tentatione præsertim odii Dei cum periculo consensus, nisi  
 „ ad Deum per amorem te convertas.

„ Mihi placet doctrina Azorii.... qui docet hoc præceptum Caritatis  
 „ impositum fuisse ob justificationem impii: solum igitur tunc obligare,  
 „ quando impius, quia sacramentum poenitentiae non est in promptu, non  
 „ habet aliam viam, qua se justificet, nisi eliciat actum contritionis, quæ semper  
 „ aliquo tandem modo actum amoris Dei super omnia dilecti involvit  
 „ Consequenter igitur, & indirecte ratione suæ justificationis ad actum  
 „ Caritatis fideles obligantur. Vide supra cap. 1. §. n. 10. ubi idem loquen-  
 „ di modus mihi placuit de præcepto actus fidei, & spei: nam per ibi-  
 „ dem dicta & confirmabitur hæc Azorii doctrina, & impugnari poterunt  
 „ tempora modo assignata numero præcedenti. “ *Lib. 2. in Decal. cap. 3. §.*  
*3. n. 1. & 2. pag. 52.*

6. „ Confirmatur, quia licet communis sententia doceat, dari præceptum  
 „ speciale de amando Deo in illis verbis: *Diliges Dominum Deum tuum*, &  
 „ alibi; tamen non ignobiles Doctores docent hoc præceptum non esse speciale  
 „ & specialitè tempore implendum, sed generale imbibitum in omnibus præ-  
 „ ceptis; sicut secundum præceptum de dilectione proximi non est spe-  
 „ ciale, sed in præceptis Decalogi contentum: nam propterea dicitur: *in*  
 „ *his duobus præceptis*, idest dilectione Dei, & proximi, *universa lex pen-*  
 „ *det & Propheta: & qui habet præcepta mea, & servat ea, illi est, qui dili-*  
 „ *git me; & plenitudo legis dilectio.* Si enim qui servat præcepta diligit,  
 „ quique diligit servat, jam unum ex his continetur in alio, & conse-  
 „ quenter præceptum caritatis indirecte solum, & ratione alterius obliga-  
 „ bit. “ *Ibidem* n. 3. pag. 52.

7. „ Probabilis ergo, & tutissima sententia est illorum, qui negant fide-  
 „ les *initio usus rationis*: Sic Castr.... cum Azor. Val. Sanch. Suar. Conin-  
 „ ch. ab eodem cit. & *fine vitæ*, sic idem ibi n. 9. cum Azor. & Sanch. ab

„ eodem citat. *obligari* ad se convertendos ad Deum, illum amando: ponere enim ejusmodi obligationem, quæ certe solido fundamento non innititur, nihil aliud est, nisi scrupulos ingerere, non quidem indoctis, quia hi ad eam obligationem minus advertunt, sed doctioribus &c. “*Ibidem* n. 4. pag. 53.

8. „ An possit filius mortem patris optare, vel de illa gaudere, non ut malum patris ( hoc enim esset odium execrandum ) sed, ut ipse filius paternam hereditatem fruatur ? An Mater possit desiderare mortem filii, ne illam alere, vel dotare cogatur ? An possit subditus mortem cupere sui Prælati, ut Prælaturæ ipse succedat, vel ut ab eo Prælato sibi infenso liberetur ? & similia. Si solum desideres, vel cum gaudio excipias ejusmodi effectus, hereditatem, molestiæ carentiam, prælaturam &c. facilis est responsio : licite enim hæc optas, vel amplecteris : quia non gaudes de alterius malo, sed de proprio bono.... Deinde n. 30. Rursus. Si desideres sub conditione, facilis item est responsio, licite posse. Si quis enim hunc actum eliciat : *Si meus Pater moreretur, ego hereditate potior* : *si filia mea occumberet, ego molestia liberarer* ; & gauderet tunc ille, non de patris, vel filii morte, sed de hereditate, deque carentia molestiæ : culpam odii non committeret.... n. 31. Denique si absolute desideres in hunc modum : *Cupio mortem patris, non ut malum patris est, sed ut bonum meum, seu ut causa mei boni* ; nimirum quia ex illius morte ego ejus hereditatem adibo : vel sic : *Utinam moriatur mea filia ; nam sic sexcentas sollicitudines excutiam* &c. si, inquam, sic desideres, major est resolvendi difficultas : quia tunc eligis velle malum illis, quamvis ut causam tui commodi : quod non videtur culpa vacare. Et ita quidem putat Bonacina... Nilominus Castr. t. 1. tract. 6. d. 4. circa 4. Dec. præc. q. un. pag. 3. n. 3. postquam firmavit, posse malum proximo desiderari propter bonum justitiæ, vel bonum publicum, vel ipsius proximi.... sic addit. *Credo si cum debita moderatione facias, te posse absque peccato mortali de vita alicujus tristari, & de illius morte naturali gaudere ; illamque inefficaci affectu petere, & desiderare : non quidem ex displicentia persone, sed ob aliquod temporale emolumentum inde secutum..... ex quibus vides opinionem Castropalai esse satis probabilem.* “ *Lib. 5. cap. 1. d. 3. num. 29. 30. 31. 32. 33. pag. 150.*

9. „ Inquires secundo an, sicut aliis, ita sibi ipsi possit quis modo dicto malum optare, v. g. mortem, ad ærumnas vitæ hujus evitandas ? Respondeo, ita : propter easdem rationes, quia tunc bonum sibi optat, non malum. Ita Vasquez, Sa, Turrianus Navar. apud Bonac.... Sunt apud nos non pauci rudes, qui tanquam de mortali se accusant, sibi mortem optasse, quo incommoda vitæ hujus effugiant. Ejusmodi penitentes, eorumque Confessarii sunt admonendi, illi ut conscientia erronea „ libe-



„liberentur, hi, ut sollicitiores sint in docendis poenitentibus. Nam pro-  
 „fecto admirans sæpius adverti, aliquos solitos frequentissime confiteri,  
 „hac erronea conscientia laborasse. Deus immortalis! Numquam ne Con-  
 „fessarius sibi scrupulo vertit, se teneri ex Caritate; ex officio, Docto-  
 „ris munus erga poenitentes exercere? Medicus est Confessarius, judex,  
 „& magister. “ *Ibidem* n. 34. pag. 150. Relatæ sunt Tom. I. Theolog. Chri-  
 stian.

10. „An si amicus meus velit, ut ego seram munuscula, & similia,  
 „turpis scilicet amoris incitamenta; quæ ipse mittit ad suam concubi-  
 „nam, possim ego sine peccato deferre? Responso fuit absolute negativa:  
 „quia ex una parte hæc actio, licet alias indifferens, est conjuncta cum  
 „peccato amici, ejusque concubinæ, & ex alia parte non adest causa ex-  
 „cusans ducta ex famulatu. ( hoc enim famulis concedit ) vel ex alio de-  
 „trimento, ut supponimus. Nec enim si adest quidam modicus rubor, vide-  
 „tur esse regulariter tanti momenti, ut satis excuset. Fateor tamen, si tibi ma-  
 „gni sit ejusmodi amicitia, ac vere timeas eam amittere, excusari te pos-  
 „se: quia tum notabilis nocuementi justus metus accedit. “ *Lib. 5. in Decal. cap.*  
*I. §. 4. n. 20. pag. 152.*

11. „Qui ex officio læticas humeris portant, vel rhedas agunt, possunt  
 „ne licite, pretio conducti puellam scienter ad lascivum adolescentem ad-  
 „ducere? Aio non posse, quia id nec excusat ratio famulatus ( hi enim  
 „famuli, seu subditi non sunt ) nec amissio lucri, quia hoc est satis exi-  
 „guum.... Habet tamen unum apud Navarrum.... ex quo aliquid benignius  
 „colligi probabiliter potest. Ex his, inquit, videtur colligi ratio defendendi mul-  
 „tos a peccato saltem mortifero; modo ut in casu proponitur, non placeat eis  
 „peccatum, & faciant obsequia prædicta ob aliquem bonum finem, puta eo quod,  
 „exhibeant illa officii sui causa, vel ob justam mercedem; licet enim hæc officia,  
 „& obsequia sint valde conjuncta peccato; non tamen sunt secundum se, & sua-  
 „pte naturæ peccata, & ideo sejungi possunt a peccato per finem diversum, &  
 „sejunctum. Hæc ille. Nota illud officii, vel ob justam mercedem. “ *Ibi-*  
*dem* n. 30. pag. 154.

12. Idoli, ejusque Templi fabricatio, ut item idoli jam facti venditio,  
 „cum sint ordinata ad idololatriam, non possunt ex se licite præstari...  
 „Urgentissima tamen existente causa ( ut esset semel aut iterum juxta di-  
 „cta num. 38. magna paupertas artificis ) peccatum vitaretur. Ita Casro-  
 „palæus... Tannerus.... “ *Ibidem* n. 28. p. 154.

13. „Simile quid erit, si a te amicus petat, ut cubiculum ei accommo-  
 „des, in quo scis eum fornicaturum: nisi enim notabilis necessitas te  
 „excuset, peccabis, si illi morem geras. “ *Ibidem* n. 20. p. 153.

14. „Et notabiliorem quidem posco, si in tuo cubiculo securius, &  
 „confidentius sit amicus peccaturus ob rationem modo dictam. “ *Ibidem* p. 153.

P

15. „Si

15. „ Si ii vestores, seu bajuli adeo sint religiosi, ut nolint se suasque o-  
 „ peras locare in ejusmodi vestationibus, facile in suo lucro notabiliter  
 „ læderentur. “ *n. 31. p. 154.*

16. „ Ipsa communis famulatus, & obsequii ratio, est proportionata cau-  
 „ sa, cur excusetur famulus, filius, uno verbo subditus sequentia opera  
 „ ex se indifferentia faciens. Ita Sanchez. Primo si jussu heri usurarii pe-  
 „ cuniam numeret, deferat, recipiat, referat mere in libros. “ *Ibidem n.*  
*18. p. 153.*

17. „ Secundo, si ejusdem jussu, quem scit ire ad adulterandum, sternat  
 „ equum, ipsum mere comitetur, mereque expectet ante fores ( mere, in-  
 „ quam, hoc est, non ut custodiat, animosioresque ad peccandum red-  
 „ dat) sternat lectum, cibos condiat, ministretque concubinæ, eamdemque  
 „ mere affociet, ducendo ad locum ubi dominus peccaturus est, januamque  
 „ aperiat eidem ingressuræ. “ *Ibidem p. 153.*

18. „ Tertio, si ornet suam meretricem, si deferat scripta, & in-  
 „ ternuntia solius urbanitatis plena, si deferat mumuscula, & esculenta,  
 „ præstetque alia officia, quæ alius famulus æque præstaret. “ *Ibidem*  
*pag. 153.*

19. „ Subditus non ex sola famulatus ratione, sed metu notabilis detri-  
 „ menti ( quale esset, si quis timeret, ne dominum hunc deferens, co-  
 „ gatur alium cum sua molestia, & damno querere; ne a domino male  
 „ tractetur, ne torvis oculis aspiciatur, ne e domo cum suo detrimento ex-  
 „ pellatur ) subditus, inquam, excusabitur, si referat adulteræ, vel ini-  
 „ mico, ut tali hora ad domum heri, vel ad conditum locum accedat  
 „ ( sed ne dicat, ut accedat ad peccandum, vel ad pugnandum in du-  
 „ ello: hæc enim sunt intrinsece mala ) si jussu heri insequatur puellam,  
 „ visurus, vel requisiturus, ubi ea habitet, & nihil aliud: si jussu ejusdem  
 „ non aperiatur modo januam, sed doceat ubi herus sit, si dominum adju-  
 „ vet ad ascendendum per fenestram, quo ingrediatur in locum ubi peccatu-  
 „ rus sit. “ *Ibidem n. 19. p. 153.*

20. Ego hic sentio, quod supra *cap. 1. §. 1. n. 8.* dixi de præcepto Fidei,  
 „ Spei, & Caritatis, non dari scilicet certum tempus, & determinatum  
 „ in quo directe ( præceptum religionis ) obligat; sed esse illud, in quo  
 „ obligat indirecte, quando scilicet urget necessitas alicujus boni acqui-  
 „ rendi, vel mali, seu tentationis avertendæ quæ acquirere, vel avertere  
 „ sine Dei auxilio, nos non posse tunc animadvertimus. “ *Lib. 2. in Decal.*  
*c. 4. §. 2. n. 4. p. 54.*

21. „ Dicemus infra Lib. 2.... Beneficiarium tenue beneficium possiden-  
 „ tem non obligari ex probabili sententia ad horas Canonicas persolvenda.  
 „ das. Quid ergo erit, si quando, omnibus expensis, ambigatur utrum be-  
 „ neficium sit tenue, nec ne? Resp. Puto probabile cum Vasquez.... obli-  
 „ gari

„gari, & item probabile non obligari cum Caramuel... Quare alteram  
 „ex his sententiis, quam tibi libet, amplecti licet.“ *Lib. 1. in Decal. c. 3. §.*

7. *Verb. Beneficiarius n. 2. p. 21.*

22. „Itaque, qui dum Missam ex praecepto audit, vel officium divinum  
 „perfolvit, quæstionem philosophicam secum mente voluntario obvolve-  
 „ret, vel sua negotia cogitaret, modo externam attentionem haberet,  
 „quia scilicet non poneret distractiones externas ejus generis, quas dixi-  
 „mus n. 1. ex probabili dicta opinione præceptum satis adimpleret.“ *Lib.*  
*2. Meth. celeb. Miss. c. 6. n. 5. p. 467.*

23. „Dico secundo, excusari communitatem Religiosorum a choro, si  
 „constet solum ex quatuor, vel quinque, ita Bordon. apud Pelizar.....  
 „Ratio est, quia tamen quatuor, vel quinque, immo & duo sufficient  
 „ad rigorem chori: tamen cum sit probabilis opinio plures requiri ad  
 „constituendum chorum ex obligatione, ut scilicet cum aliquo decore  
 „alternatim cantetur, ne tantum onus quotidianum tam paucis ex obli-  
 „gatione imponatur, potest communitas Religiosorum, hanc opinio-  
 „nem sequendo a dicto onere se tunc liberare.“ *Lib. 2. in Decal. c. 5. §. 1.*  
*n. 12. p. 55.*

24. Verba contra Deum in ebrietate, vel phrænesi, vel ex inadver-  
 „tentia orta, ex inveterata consuetudine, blasphemiarum nequaquam sunt.“ *Lib.*  
*2. in Decal. cap. 6. §. 4. n. 17. pag. 75. & Lib. 2. Meth. Conf. c. 3. §. 3. n. 23. Et 25. p. 386.*

25. „Per quæcumque verba, etiam perspicue Deum continentia, mul-  
 „tis magis dubie, emittatur juramentum, erit omnino, & semper in foro  
 „conscientiæ ad intentionem jurantis attendendum, si velimus deprehen-  
 „dere an vere juratum sit. Vel enim (quæcumque tandem verba profe-  
 „rantur, ) intendit quis primo positive invocare Deum, vel secundo po-  
 „sitive non invocare, vel tertio ( sive quia non advertit, sive quia ne-  
 „scit ) præscindit ab ejusmodi invocatione, hoc est nec intendit, nec  
 „non intendit invocare. Partitio videtur adæquata, continet enim con-  
 „tradictoria, & præcisionem ab ipsis. Jam si primum, certe erit juramen-  
 „tum, ut ex se patet. Si secundum, certo juramentum non erit, ut sa-  
 „tentur communiter Doctores.... Licet enim ego dicam *juro per Deum*,  
 „si nolim per hæc verba Deum ut testem mei dicti implorare, utique  
 „non implorabo, nisi valde materialiter, sicuti pſticus a magistro edocſus  
 „eadem verba proferret. Certo in Sicilia ignobiles viri unoquoque verbo  
 „( *Par Dio* ) jurant. Quis autem dicat eos ignobiles vere jurare, cum  
 „nec ipsi aliquando sciant, quid significet illud ( *Par Dio* ) videtur au-  
 „tem ex sua notione significare *per Deum*. Denique si tertium, certo item  
 „juramentum non erit, quia non invocat Deum. Cum enim hic abstrahat ab  
 „invocatione, clare apparet invocationem non exhibere.“ *Lib. 3. in Decal.*  
*c. 1. §. 3. m. 7. p. 78.*

26. „ Quì ex inveterata consuetudine advertenter jurat falso, satis ne est sic dicere, *semel juravi falso*, an potius necesse erit, etiam addere id fuisse ex mala consuetudine? Respondeo non esse necesse. . . Idem dic, ut id semel hac occasione dicam, de inveterata consuetudine fornicandi, blasphemandi, & ceterorum similium: par enim est ratio. “ *Met. expedit. Confessi. Lib. 2. cap. 3. §. 3. n. 21. p. 386.*

27. „ Certum est... jurare sine animo jurandi, sive res sit levis, sive gravis, vel jurare verbis æquivocis non esse licitum sine causa, licitum esse cum causa. “ *Lib. 3. c. 3. §. 2. n. 1. p. 82.*

28. „ Quæstio est, an liceat juranti accipere verba in alio sensu ab illo, quem ea præferunt. Juro v. g. per Deum me hac nocte non dormivisse, intelligendo vestitum... Resp. licere... At est ne saltem veniale sic per æquivocationem jurare? Resp. si aliqua subit causa... nullum est peccatum. . . . Si nulla sit causa, veniale erit. “ *Ibidem cap. 2. §. 2. n. 1. p. 82.*

29. „ Quando verba nullo modo ex se patiuntur talem æquivocationem, seu mentis restrictionem; licet ne aliud intelligere solum ex mea mera voluntate? Juro v. g. me non dormivisse, intelligendo me non comedisse. Quo pacto materialiter solum dico me dormivisse, non significative. Resp. Sanchez negat licere, quia non est in cujusvis arbitrio significationem vocibus imponere. Verum hæc ratio non me potest avellere a probabilitate quod liceat. “ *Lib. 2. in Decal. c. 2. §. 2. n. 4. p. 82.*

30. „ At hoc modo loqueris contra pactum Reipub. quod in constitutione linguæ inter homines tacite initum fuit, ut significative proferrentur verba, non vero solum materialiter. Lege Sfortiam Pallavicinum in sua Theologia Lib. 3. dist. 2. n. 17. apud Tancredum. . . . Respondeo hujusmodi pactum nimis speculative ab ingeniosissimo excogitatum esse. Addo, esto assuisset conventionem, ut per illas voces possent aperire homines conceptus suos; at contendendo numquam assuisset pactum, quo minus iidem possent (quando vellent) illas materialiter efferre. Certe sic efferunt infantes, sic adulti, quando incipiunt discere linguas exterarum, sic scriptores, & typographi quando exhibent, vel imprimunt verba alterius linguæ. Cur ergo non in aliis occasionibus quando homini libuerit? “ *Ibidem c. 2. §. 2. n. 6.* Relata sunt Tom. III. Theolog. Christiani.

31. „ An cum indignis possint filii licite contrahere, patre, vel genitrice dissentientibus? Et quidem licet aliquibus videatur non posse . . . fateor tamen probabile item esse, ac tutum, quod possint. Ratio præcipua est modo dicta: filium scilicet omnino liberum esse, nec alicui subijci hac in re. “ *Lib. 5. in Decal. cap. 2. §. 3. n. 5. p. 159.*

32. „ Dicendum a nobis, dari rationem naturalem id certo (simpliciter) cen-

„cem fornicationem esse veritam) probantem, sed ingenue fateri nos  
 „debere eam a priori nondum clare esse compertam.“ *Lib. 7. in Decal. c.*  
*1. §. 2. n. 1. p. 184.*

33. „Si tu dum occulte tibi compensas debitum, praevides alicui ter-  
 „tio id, tamquam furtum ab ipso fuisset commissum, fore imputan-  
 „dum, non obligaris id praecavere, nisi facile possis.“ *Lib. 8. in Decal.*  
*6. §. 1. n. 5. p. 220.*

34. „Furatus es v. g. decem aureos nudius tertius, utique cum pecca-  
 „to, verum hodie existens in gravi necessitate, puta in gravi morbo, si-  
 „ne ulla spe habendi pecuniam, illos ad vitam conservandam expendis,  
 „obligaberis ne ei ad meliorem fortunam rediens ad restitutionem? . . .  
 „Non est improbabilis sententia, te tunc liberans ab omni restitutione.“  
*Lib. 8. in Decal. Traß. 2. c. 6. §. 2. n. 3. p. 222.*

35. „Ad tormenta, damnaque gravia vitanda posse quemlibet sibi sal-  
 „sum grave crimen imponere, etiamsi mors sit sibi secutura.“ *Lib. 9. in*  
*Decal. cap. 3. §. 6. n. 6. pag. 293-*

36. „An si alio modo te ab injusto teste tueri nequeas, licite falsa  
 „crimina illi possis objicere, quanta sufficiant ad tuam iustam defensio-  
 „nem? Duo assero. Unum mihi satis probabile, alterum satis incer-  
 „tum. Probabile mihi est te si id facias non peccare contra iustitiam:  
 „unde nec obligari ad restitutionem . . . . . Incertum mihi est, an id  
 „possit fieri licite sine ulla culpa.“ *Loc. cit. cap. 2. §. 2. n. 4. 5. & 6.*  
*pag. 288.*

37. „Si sit necesse publicas scripturas ementiri, posset ne Notarius pu-  
 „blicus ad hoc induci, si Notario constaret mea innocentia? Quid ni?  
 „respondebis. Id enim non est esse infidelem Reipublicae, sed maxime  
 „fidelem, dum ejusdem Reipublicae innocentes sic defenduntur. Verum si  
 „aperiatur hujusmodi ostium, quomodo stabunt publica judicia? Invenian-  
 „tur, respondebis, testes veri, ut sancta requirunt tribunalia. Dum enim  
 „falsi testes quacunque arte repelluntur, publica judicia firman-  
 „tur, non infirmantur. Sed ego iterum audio, quia tamen adhuc durum au-  
 „dio, libenter nodum hunc in aliud tempus evolvendum refero.“ *Loc.*  
*cit. num. 7.*

38. „Gaudebat quidam Sacerdos se per inculpabilem oblivionem matu-  
 „tinum diei hefterni non recitasse. Et reprehendebatur ab alio nimis Re-  
 „ligioso Sacerdote. Huic dixi, potuisse illum gaudere de carentia illa la-  
 „boris, quae tunc nullo modo peccaminosa fuit; atque adeo tale gaudii  
 „objectum erat ab omni malitia separatum, nedum separabile.“ *Lib. 10. in*  
*Decal. Cap. 5. §. 1. num. 2. pag. 399. Relatæ sunt Tom. IV. Theolog.*  
*Christian.*

39. „Notat hic Sanchez *Lib. 1. in Decal. Cap. 4. num. 12.* & Bonacina mox

„ci-

„ citandus n. 3. non esse mortale, singulis Festis per duas operari horas,  
 „ quamvis animo fixum teneas, id toto anno efficere velle, & de facto  
 „ efficias. Ratio est, quia unus dies festus non adnectitur cum alio, ad  
 „ hujus materiz gravitatem efformandam. “ *Lib. 4. in Decal. c. 3. §. 2. n. 2. p. 130.*

40. „ Non absimili modo advertit Bonacina... Dominum injungentem  
 „ laborem duarum horarum viginti v. g. Famulis simul, non peccaturum  
 „ mortaliter, quia unius opus nequaquam unitur cum opere alterius.  
 „ Idemque erit ex Portelli... si singuli successive per modicam horam  
 „ in eodem die laborent, etiamsi uno post alterum, laborante totus dies  
 „ occupetur, quia pari modo unius opus cum alio non connectitur. “ *Lib. 4. in Decal. c. 3. §. 2. n. 2. p. 130.*

41. „ Qui noctu dormire per notabile tempus non potest, nisi cœnet;  
 „ nimis enim est onerosum sic jejunare. Ita *Fag. Loc. citat. Jo. Sanc. d. 54. num. 13. Layman Lib. 4. Cap. 3. num. 4.* Neque hunc obligo mane  
 „ jentare, seque fero plene reficere: quo pacto jam jejunium, factum te-  
 „ stum, ut ex supradictis patet, conservaret. Non obligo, inquam, licet  
 „ id commodè facere queat: quia nemo in jejunando est obligandus ad  
 „ extraordinaria remedia, & ad relinquendum suum jus comedendi circa  
 „ meridiem. “ *Lib. 4. Cap. 5. §. 7. num. 14. pag. 141.*

42. „ Dico denique propter auctoritatem Doctorum esse probabile: *nullos*  
 „ *artifices, atque adeo nec suores* obligari ad jejunia: quia Eugen. vel con-  
 „ cessit (ajunt) iis privilegium non jejunandi, vel declaravit eos non  
 „ comprehendi a lege jejunii. Ita Trull. l. c. nu. 9. citans *Fag. & Sa. Azor.*  
 „ *p. l. 7. cap. 17. quæst. 8.* “ *Ibidem num. 28. pag. 142.*

43. „ Si precibus, aliove modo posset conjux removere alterum a pe-  
 „ tendo debitum, adhuc tamen non teneretur uti hoc remedio, atque  
 „ adeo posset non jejunare, & sic reddere. Ita, Thom. Sanch. Ratio est,  
 „ quia personalis obligatio reddendi est ex justitia, quæ non obligat, nisi  
 „ ad reddendum personaliter debitum, non vero adquirenda, vel  
 „ ponenda remedia, ne alter petat. “ *Ibidem num. 37. pag. 142.*

44. „ Dispensatus ad carnes edendas liber est a jejunio... Hinc illi,  
 „ cui conceduntur ob dispensationem carnes, licet fero cœnare, immo plu-  
 „ ries in die se reficere. “ *Ibidem Cap. 5. §. 1. num. 2. pag. 133.* Relatæ  
 sunt Tom. V. Theolog. Christianæ.

45. „ Si prævideat Confessor pœnitentem non restitutum, si illi dete-  
 „ gatur nullitas tituli, quem pro se adesse pœnitens putat, non erit ex  
 „ Sanchez talis nullitas illi a Confessario non interrogato patefacienda,  
 „ quamvis sit in præjudicium tertii, qui suo carebit: Tertii, inquam, par-  
 „ ticularis: nam si esset in damnum publicum; cum tunc præponderare  
 „ debeat bonum publicum bono privato pœnitentis, videtur aperienda. Sed

„ con-

„ contra hoc ultimum , quæso te , si prævides pœnitentem non restitutum ,  
 „ quamvis item advertas , id esse in damnum publicum , cur tu sis  
 „ obligandus ad admonendum , quandoquidem prævides , adhuc tua moni-  
 „ tione illum non fore restitutum , atque adeo non fore amovendum  
 „ damnum publicum ? Certe frustra erit talis monitio , immo nocens ipsi  
 „ admonito , bono autem publico nequaquam favens . “ *Lib. 3. Meth. Conf.*  
*Cap. 4. num. 5. pag. 400.*

46. „ Quando rationabiliter timetur periculum , vel difficultas , vel ex-  
 „ pensæ in recuperando mutuo , atque hæc oriuntur ratione personæ mu-  
 „ tuatarii ; potest aliquid exigi proportionatum supra sortem . . . Si peri-  
 „ cula timeantur ex sola pusillanimitate , negant plerique . . . Verum de  
 „ Lugo innuit posse , licet denique aliorum iudicio relinquat . Ratio , in-  
 „ quit , tur possit quid exigi , est angor , & molestia , quæ mutuans passurus  
 „ est toto v. g. anno propter timorem amittendi sortem , quæque subire ipse  
 „ non obligatur sine pretio . At hæc jam in eo pusillo addunt : ergo &c. “  
*Lib. 8. in Decal. Tract. 3. Cap. 8. §. 4. num. 1. pag. 268.*

47. „ Dixi jam posse pro hoc titulo promissionis non repetendi pecu-  
 „ niam mutuam , pro quolibet anno licite in nostra hac ætate PECUNIO-  
 „ SA exigi quinque pro centenario . Ita Caramuel . “ *Ibidem §. 5. num. 18.*  
*pag. 269.*

48. „ Si habes domi aliam pecuniam otiosam , hanc tamen , quam mu-  
 „ tuas , negotiationi destinaveras , adhuc potes si hanc destinatam mutues ,  
 „ exigere lucrum cessans ; quia revera ratione mutui cessat tibi ejusmo-  
 „ di lucrum ex hac destinata pecunia . “ *Lib. 9. Tract. 1. Cap. 3. §. 4. num. 2.*  
*pag. 179.*

49. „ Nos aliqua remedia , seu justa artificia tradidimus Lib. 8. in Decal.  
 „ Tr. 3. Cap. 8. §. 3. n. 17. quorum auxilio aliquid anticipato sumi possit . “  
 „ Artificia ista tradita loc. cit. hæc sunt . „ Fiant duo contractus , alter mutuatio-  
 „ nis , alter venditionis ; & sic poterit mutuans sumere nunc decem , seu sal-  
 „ tem octo , vel sex . Explico . Mutuans nunc mutuatur centum aureos cum spe ,  
 „ ut recipiat hinc ad annum ex lucro licito præter sortem , alia decem .  
 „ Vendat nunc anticipato hanc spem denarii lucri ipsi mutuatario , quæ spes  
 „ valebit , v. g. omnibus ab experto viro expensis , sex , vel octo aureis :  
 „ nam statim nunc poterit sine labe usuræ hos sex , vel octo aureos sume-  
 „ re , non quidem ex vi mutui , sed ex vi venditionis sperati a se lucri ,  
 „ & venditi mutuatario . “ *Lib. 8. Tract. 3. Cap. 8. part. 3. numer. 17.*  
*pag. 267.*

50. „ Lessius Lib. 2. Cap. 20. Dub. 2. num. 100. ab eadem difficultate  
 „ sic se liberat . Mutuet quis tibi centum , ita ut mutuet cum interesse so-  
 „ lum 91. & 9. sine interesse . Nam mox hæc 9. reddere mutuanti po-  
 „ tes sine ulla ipsius injustitia pro interesse debito illis 91. Tunc enim tu  
 „ mu-

„mutuatarius non solves lucrum ex ipsa summa mutuata cum interesse,  
 „sed ex alia, quo pacto plus æquo non gravaberis. Dices: Gravabor ex  
 „eo quod anticipato solvo quod nondum debeo. Responderem sic pro Les-  
 „sio. At certo debebis, & ex alia parte molestia dandi nunc, quod de-  
 „bebis postea, compensari sufficienter videtur ex eo quod mutuans gra-  
 „tis mutuat tibi, & sine interesse illa novem. “ *Ibidem numer. 18.*  
*pag. 167.*

31. „Primus Titulus est, quia campfor carebit pecunia quam tibi ipse  
 „tradit, post tres, vel plures menses, unde privabitur, etiamsi non sit  
 „mercator, opportunitate, & libertate aliquid lucrandi cum illa pecunia  
 „a te reddenda, per alias *forte* negotiationes se se offerentes. “ *Lib. 9.*  
*Traff. 3. Cap. 5. §. 1. num. 6. pag. 206.*

52. „*Venditio sententiæ probabilis.* Occurrit hic non absimilis difficultas  
 „in Iudice. Supponamus probabilem esse eam opinionem, de qua la-  
 „te dixi *Libr. 1. Capit. 3.* quam præter citatos sequitur Dicastillo *Lib. 2.*  
 „*de Justit.* ... Licere iudici ex duabus opinionibus æque probabilibus unam  
 „eligere, & juxta illam proferre sententiam: jam inquiri licite ne &  
 „iuste accipiet iudex pecuniam, ut potius illam eligat, quæ mihi faver,  
 „quam illam, quæ meo adversario? R. Cum illam sententiam improba-  
 „bilem ego judicaverim ... eam tamen legat qui velit apud Lessium ...  
 „Valentiam, ... Saloniæ ... ac probabilem iudicat Fagundez. “ *Lib. 8. Traff. 3.*  
*Cap. 7. §. 3. num. 13. pag. 248.*

53. „Resp. primo cum immediate antea Concilium videatur esse con-  
 „tentum de dignis, vel primo videtur per hoc (digniores) non aliud si-  
 „gnificare velle, nisi dignitatem eligendorum *sumpto comparativo pro pos-*  
 „*tivo:* vel secundo locutione minus propria ponit digniores, ut excludat  
 „indignos, non vero dignos, quos paulo ante admiserat: vel tandem ter-  
 „tio loquitur quando fit concursus. “ *Lib. 8. Traff. 3. Cap. 4. §. 4. num.*  
*8. pag. 232.*

Ad solamen P. Caroli Nocetii addo Tamburinum oppositam judicare pro-  
 babiliorē. Sed quid id refert Probabilissimo admisso?

Relatæ sunt Tom. VII. Theolog. Christianæ.

54. „Non tamen iidem peccant nec mortaliter, nec venialiter, si ci-  
 „tra contemptum, vel quid simile data occasione id negligent; quia de  
 „hoc nullum apparet præceptum; quæ est sententia Suarii ... contra  
 „Cajetanum, & alios nonnullos, putantes, esse veniale. Unde non est fi-  
 „des habenda Leandro ... qui trahit ad se Suarium, quasi concedentem  
 „esse veniale. “ *Lib. 3. de confirm. Cap. 3. §. 4. num. 2. pag. 18.*

56. „In casu dubio, an verba aliqua legis præceptum obligans impor-  
 „tent, an consilium, *tamquam regulam certam* ponunt Doctores reputan-  
 „da esse consilia, & non præcepta. Et ratio est, quia cum lex sit gra-

„vis,



vis, & onerosa, SEMPER in benigniorem fuditorum partem est intelligenda. Adde, quod in dubio melior est conditio possidentis. Ergo in dubio, lex ne sit obligans, an non obligans, melior erit conditio humanæ libertatis, quæ a tali obligatione immunis est.

„Tertio, quia *optabile* est, ut enixe optat Navarr. . . . a legislatoribus, neminem obligari ad peccatum, & juvat tot humanas leges sub præcepto obligantes diminuire, ne tanta præceptorum multitudine Hebræis peiores efficiamur. Quare hoc, de quo agimus, præceptum (confitendi, quam primum) etiam diminuire operæ pretium est. “ *Lib. de Method. Commun. Cap. 1. §. 6. num. 50. & 51. pag. 419.*

57. „De Laico non est difficultas, satis enim est, si eliciat immediate ante ipsam sumptionem: & quia sumptio, seu manducatio substantialiter fit, cum cibum deglutimus, seu trajicimus, non autem dum ille est in ore, quando solum initiative est sumptio; ideo *probabilissimum* puto, satis esse, si actus contritionis fiat cum in ore habetur sacratissima hostia. Ita de Lugo de Eucharist. Disp. 12. num. 22. Hurtad. Disp. 8. aliique. “ *Loc. cit. §. 7. n. 56. pag. 419.*

58. „Quamvis nonnulli cum Layman asserant Sacerdotem mortali crimine deturpatum mortaliter delinquere, si Eucharistiam fidelibus porrigat, tamen aliqui merito id negant, ut Vasquez, quem citat, & sequitur de Lugo Disp. 8. de Sacr. in com. sec. 9. quia tunc Sacerdos non conficit Sacramentum, sed solum dispensat consecratum, ad quod tanta dignitas nequaquam requiritur. Idemque est de Diacono, quando ex speciali Sacerdotis commissione sacram Eucharistiam aliis porrigit, siquidem tunc non conficit, sed solum dispensat. Si ergo probabile id est, quanto magis probabile fiet mortalem culpam non esse solum attingere? “ *Loc. cit. num. 59. pag. 420.*

59. „An sit casus, in quo communicare quis sine Confessione, & etiam sine contritione, atque adeo in peccato mortali possit . . . . Tam benigna sunt viscera misericordiae Domini, ut non dedignetur excusare aliquando perveraciam nostram. Invenio enim unum, vel alterum casum in quo quis purissimam communionem in peccato sumere sine peccato possit. “ *Ibidem §. 10. num. 71. pag. 421.*

60. „Etenim ex supradictis constat Sacerdotem, qui incepta bona fide Missa recordatur se mortalis culpæ reum, debere elicere actum saltem a se existimatæ contritionis. Sed jam si non possit, seu experiat actum illum sibi valde esse difficilem, quid agat? Confiteri non potest, contenti nequaquam valet: Sacrificium inchoatum relinquere ob infamiam inde sibi resultantem difficillimum est . . . . Quid ergo ab anima sic affecta superest extorquendum? Probabile esse ex aliquorum sententia iudico, hunc non peccaturum mortaliter, si cum hujusmodi conscientia pec-

Q

„cati.

„cati mortalis, & cum eo dolore, quem tunc potest elicere, Missam prosequatur, consecret, communicetque. Ita Vaquez de Euch. Disp. 207. c. 1. num. 34. Hurt. Disp. 9. de Euch. diff. 1. de Lugo de Sacram. Disp. 9. sect. 1. num. 8. Ratio est, quia præceptum digne communicandi non videtur tam arcte fideles adstringere, ut cogat Sacerdotem cum tanto suo dedecore ab incepto sacro discedere. Tum autem ejusmodi Sacerdos non acquirit gratiam, sed tamen non peccabit. “ *Ibidem num. 72. pag. 420.*

61. „ Idemque erit de Laico, qui jam recepturus sacram synaxim ante linteam, nec sub aliquo prætextu se se removere valens, peccati mortalis recordetur, nec conteri possit. Ita ibi. Par enim est ratio. Notent hanc Doctrinam scrupulosi, animoque semper timidi. “ *Ibidem num. 73. pag. 420.*

62. „ Si quis, cum sit procurator, ut centum v. g. Missæ celebrentur, quæ Missæ in hac urbe solent dici v. g. pro ducentis Juliis: si quis, inquam, per industriam suam mittat, seu eat ad aliam urbem, ubi intra expostulatum tempus dicantur pro centum Juliis: puto enim non esse improbabile posse talem Procuratorem retinere sibi alios centum. Ratio est, quia sumi potest paritas a servo, qui per extraordinarium industriam (nam ad ordinariam, & moralem obligatur ex ipso famulatu) per suum laborem emit res minoris, quam valent communiter in foro: potest enim retinere quod superest, utpote fructum suæ industriz. Pari ergo modo in casu nostro. “ *Lib. 3. Meth. Miss. celebr. Cap. 1. §. 5. num. 15. pag. 495.* Relatæ sunt Tom. VIII. Theolog. Christian.

63. „ Inter motiva attritionis, de quibus num. 4. diximus, licet aliqui non admittant aliud quartum, idest timorem mali temporalis, atque adeo quo peccata execraretur propter timorem infamiz, carceris, ægritudinis, & similibus, quæ propter peccata incurri solent, legitimum dolorem pro sacramento confessionis per hos Doctores non asserret; quia hujusmodi dolor naturalis est (ajunt) non autem supranaturalis, & pro ut oportet ad gratiam supernaturalem obtinendam: tamen in sententia probatissima etiam hoc motivum est sufficiens, si hujusmodi mala temporalia timeantur, ut a Deo inflicta, seu infligenda. “ *Lib. 1. Meth. Confess. Cap. 1. §. 4. num. 11. pag. 374.*

64. „ Unde quando advertis poenitentem tuum valde alicui crimini adjectum, ne inculces doloris actum circa illud peculiare peccatum. Periculum enim suberit, ne illud ex animo detestetur, dum ejus specialis memoria reficitur, quod in universum, & simul cum aliis detestandi difficultatem, vel nullam semiet, vel exiguam. “ *Loc. cit. §. 2. num. 5. pag. 373.*

65. „ Dico probabile esse, nec consanguinitatem ab affinitate ex S. Th.

„ 2.2.

„ 2. 2. quæst. 16. art. 9. & Cajet. ibidem, nec unum gradum ex hisdifferre  
 „ specie ab aliis. Sic Filliuc. dicens esse opinionem S. Th. Cajet. Soti,  
 „ & sere Thomistarum. Gripius . . . Megala . . . uterque apud Dianam.  
 „ Unde licet sine dubio gravius sit contra unum gradum delinquere v.  
 „ g. contra primum cum Matre, qua contra alium v. g. cum confobri-  
 „ na: tamen, quia non mutatur species, puto non esse ea speciatim ex  
 „ necessitate patefacienda.“ *Lib. 2. Meth. Confess. Cap. 7. §. 7. n. 48. pag.*  
*391.*

66. „ Aliis vero videtur esse probabilis ( opinio illa quæ docet pœ-  
 „ nitentem non teneri acceptare pœnitentiam ) etiam post Tridenti-  
 „ num, quia non videtur Tridentinum dammare voluisse opinionem  
 „ quam doctissimi viri sequebantur . . . Ex qua opinione sequitur, quod  
 „ si esset pœnitens aliquis qui nollet acceptare, paratus in purgatorio sol-  
 „ vere, non esset ex hoc præcisè censendus indispositus ( nisi forte recu-  
 „ saret pœnitentiam etiam parvam, quod esset signum non veri doloris )  
 „ nec propter hoc solum esset sine absoluteione dimittendus, quia sequitur  
 „ opinionem, quam tanti viri sequatur. “ *Lib. 4. Meth. Cap. 2. num. 7.*  
*pag. 407.*

67. „ Si ignorantia inculpabilis quæcumque, sive facti, sive juris, & si-  
 „ ve juris divini, sive humani non est contra pœnitentem ( idest quan-  
 „ do pœnitens non putat esse mortale, quod tale est ) & nihil pœni-  
 „ tens interrogat de hoc Confessarium; distinguendum est: si enim Confes-  
 „ sarius prævidet pœnitentem ignorantia ablata non difficulter relicturum  
 „ id quod reipsa peccatum est, tenetur ex Sanchez veritatem aperire propter  
 „ bonum pœnitentis, & ne pœnitens peccet contra legem Dei, etiam  
 „ materialiter. At si prævidet non relicturum, potius taceat, ne in majus  
 „ damnum illum conjiciat. “ *Lib. 3. Meth. Confess. Cap. 4. nu. 3. pag. 400.*

68. „ Idem esse dicendum: quando quis est in occasione proxima, & non  
 „ speratur emendatio, docet Pellizarius. “ *Ibidem pag. 400.*

69. „ Quando pœnitens sub peccato mortali tenetur ad aliquid adeo  
 „ difficile, ut non credatur tunc æquo animo recepturus, & alia vice ma-  
 „ lius suscepturus esse judicetur: poterit enim tunc prudens Confessor re-  
 „ linquere illum in bona fide, quæ a peccato excusat, & monitionem in  
 „ tempus opportunius differre ne scilicet territus pœnitens a Confessione  
 „ se abstineat, majusque detrimentum patiatur. *Hoc notetur permaxime pro*  
*Confessariis Mercatorum, & Principum.* “ Non ne præclarum Monitum?  
*Ibidem num. 7. pag. 400.*

70. „ Tertia Regula si pœnitens, sive quia prudenter dubitat, sive  
 „ quia rationabili scrupulo angitur, interrogat Confessorem de re aliqua  
 „ an sit peccatum, vel an ad aliquid obligetur nec ne? Tunc Confessor  
 „ veritatem aperire omnino debet. Ita Sanchez, & alii. Ratio est, quia si

Q. 2.

,, tace-

„taceret, illud silentium esset erroris approbatio: id quod nunquam licet.  
 „Dixi rationabili scrupulo, nam si sit mere scrupulus, idest sine funda-  
 „mento, quia id non tollit bonam fidem, posset tacere Confessarius, ut  
 „explicat Sanchez. “ *Ibidem num. 8. pag. 400.*

71. „Affero secundo omnia beneficia sive majora, ut Cardinalatus, Episco-  
 „patus, sive minora, ut Canonicatus, & Capellania, sive curam ani-  
 „marum habentia, ut Abbatia, & Parochia, sive non habentia, ut præ-  
 „dictus Canonicatus, & Capellania, cetera beneficia, quæ simplicia no-  
 „minantur, abstrahendo ab his, quæ dantur in concursu (de quibus mox  
 „nu. 14.) assero, inquam, satis esse ad evitandum mortale, si conferan-  
 „tur dignis, & idoneis esto prætermittantur digniores, vel dignissimi. “  
*In Decal. Tract. 2. Lib. 8. Cap. 4. §. 4. num. 5. pag. 291.*

72. „Sponsis de futuro valde probabiliter sine peccato licent quedam  
 „amoris signa, qualia sunt oscula, tactus, aspectusque pudici, ac locu-  
 „tiones amatoriarum, etiam propter delectationem in illis residentem, sed sine pe-  
 „riculo pollutionis, vel consensus in illam, vel in copulam, at nullo  
 „modo impudici. Ita Thomas Sanchez . . . . Unam excusationem invenio  
 „in sponso eas actiones pudicas exercentes cum pollutionis periculo præ-  
 „vise, sed non intento, & sine periculo consensus in illam. Nam si in  
 „occasione esset, ut INURBANUS haberetur, si ab illis abstinere, posset  
 „eas usurpare: quia jam adest rationalis excusatio. “ *Lib. 7. in dec. Cap.*  
*3. §. 5. num. 61. pag. 193.*

73. „Quando doleo de bono alterius, ut est diminutivum meæ excel-  
 „lentiz, non doleo de bono alterius absolute, sed formaliter de malo  
 „meo, seu de diminutione meæ excellentiæ, quæ mihi mala est . . . Sic-  
 „ut enim si gauderem de malo alterius, v. g. de morte patris, ut cau-  
 „sante immediate bonum meum, puta hereditatis successionem, non es-  
 „se peccatum, juxta omnes, supra vidimus: sic contra, si doleam de bo-  
 „no alterius, ut causante immediate malum meum, culpa non erit. “  
*Lib. 5. in Decal. Cap. 1. §. 3. num. 37. pag. 151.*

74. „Et S. quidem Thomas ceterique Doctores citati lit. H. quando  
 „tamquam certum, supponunt invidiam esse tristitiam, qua quis dolet de  
 „bono alterius, ut est diminutivum propriæ excellentiæ, sunt intelligendi  
 „descripsisse invidiam ab effectu. “ *Ibidem num. 40. pag. 151.* Relatæ sunt  
 Tom. X. Theolog. Christian.

## §. XIX.

P. Antonii Terilli Soc. Jesu propositiones laxæ.

1. **A**liud exemplum ego defumo a Beatissima Virgine, ejusque Sponsi  
 „ S. Joseph, quos magna Christum servandi, & alendi obligatio ur-  
 „ gebat. *Hos tamen sola probabilitas a peccato excusavit, quando, ipsis*  
 „ Hierosolyma redeuntibus, Puer Jesus remansit in Jerusalem. “ *Tract. de*  
*Consc. q. 22. num. 201. pag. 387. edit. Leodii 1669.*

2. „ Ecce integrum diem progressi sunt absque Amatissimo Jesu, nec  
 „ dubium quin sæpe de illo cogitaverint, cum sine illo tamdiu esse non  
 „ assueverant maxime in tali itinere. Peto jam, quid eos excusavit, quo  
 „ minus illum citius quærerent? non aliud quam probabilitas quod esset  
 „ in comitatu. “ *Ibidem.*

3. Præsentia enim illius in comitatu certa illis esse non poterat: tum  
 „ quia nihil falsum potest esse certum... Ergo cum falsum esset Christum  
 „ esse in comitatu, non certo, & absque formidine crediderunt illum ibi  
 „ esse. Ergo solum probabiliter, & cum aliqua oppositi formidine hoc exi-  
 „ stimarunt. “ *Ibidem.*

An hæc pias aures non offendant, mi Pater Noceti?

4. „ Respondeo, eandem regulam æque favere Deo contra nos, ac no-  
 „ bis contra Deum. Favet nobis quamdiu sumus in possessione libertatis.  
 „ Favet Deo quando lex est in possessione. “ *De Consc. quest. 23. nu. 48.*  
*pag. 426.*

5. „ Nulla lex obligat, nisi sufficienter promulgetur. At quoties ratio-  
 „ nes adsunt probabiliter arguentes partem minus tutam esse licitam, im-  
 „ possibile est legem præcipientem partem tutiorem esse sufficienter pro-  
 „ mulgatam. Ergo impossibile est illam legem obligare quemquam, quam-  
 „ diu probabile est partem oppositam non esse prohibitam. “ *De Consc.*  
*quest. 23. num. 14. pag. 411.*

6. „ Deus enim, qui omnia comprehendit, si aliter voluisset, idipsum  
 „ expressisset, cum hoc ipsum æque facile ipsi fuisset, ac oppositum. At  
 „ Deus hoc non expressit. Ergo ea sub obligatione cadere noluit. “ *Ibi-*  
*dem num. 19. pag. 413.*

7. „ In his ergo tribuant sibi legislatores, si sua imperia aliquando vio-  
 „ lari videant, cum sufficienter non explicarint voluntatem suam: cui suf-  
 „ ficienter explicata subditi paratissimi erant obedire. “ *Ibidem num. 25.*  
*pag. 416.*

8. „ Omnis Dei voluntas regulans moralitatem, vel est præcipiens,  
 „ vel vetans, vel certe consulens, aut permittens electionem alicujus ob-  
 „ jecti.

„jetti. Omnis autem voluntas Dei, seu lex æterna hujusmodi ad duas  
 „classes reducitur, quarum altera talis est *per se*, alia talis est *per acci-*  
 „*dens*. Do exemplum, & rem declaro. Illa Dei voluntas obligat *per se*  
 „qua Deus directe, & ex primaria intentione exigit a nobis aliquod obse-  
 „quium. Talis est voluntas, qua Deus omnibus directe præcipit obser-  
 „vantiam Decalogi, & auditionem Sacri diebus festivis. . . . Illa vero  
 „voluntas Dei obligat *per accidens*, quæ neque directe, neque ex pri-  
 „maria Dei intentione, sed solum ex suppositione alicujus ignorantie, vel er-  
 „roris in mente creaturæ hic & nunc exigit obsequium ab illa. “ *De*  
*Consc. q. 11. p. 160.*

9. „ Universaliter loquendo ultimum conscientie dictamen est verum, &  
 „evidens, etiam quando homo operatur ex mera ignorantia vincibiliter. “  
*Ibidem q. 17. n. 44. p. 271.*

10. „ Voluntas conformis dictamini conscientie, etiam vincibiliter er-  
 „rantis, conformatur cum aliqua Dei voluntate, saltem *per accidens obli-*  
 „*gante*, aut consulente. “ *Ibidem n. 45. p. 222.*

Ad hanc doctrinam animum intendens doctissimus Jesuita Camargo ex-  
 clamavit: *Itaque secundum Terillum, quoties Judæus v. g. obcæcatus & obstinatus*  
*firmiter apud se concludit per summam pertinaciam & impietatem*  
*Christum fuisse blasphemum, ac seductorem, adeoque sibi merito execran-*  
*dum; hoc ipse dictamen est absolute verum, & evidens, & ex illius suppositione jam*  
*Deus ipsi consulit, ac jubet, ut Christum detestetur, ac contemnat. Admiranda sane*  
*Theologia, & Ecclesie Catholice penitus necessaria. O Deus meus, & Magister*  
*meus . . . O tempora nostra infelicia!*

11. „ Qui amat periculum proximum peccati formalis non dubie, sed  
 „certo talis, in illo peribit, immo perit: concedo assumptum. Qui amat  
 „periculum non proximum peccati formalis, & multo magis periculum  
 „non proximum peccati materialis, peccat: nego assumptum. “ *De consc.*  
*q. 25. n. 20 p. 494.*

12. „ Sed peto ab adversariis, an via viæ non esset arcta ab initio Ecce-  
 „sæ, quando præter fidem, & observationem Decalogi, ac dignum Sacramen-  
 „torum susceptionem nulla præcepta urgebant. Utique, dicent, erat arcta: sed  
 „peto iterum utrum qui nunc nihil ageret, nisi quod esset ad minimum  
 „certo probabile, & juxta laxiorem viam inter certo probabilia incederet:  
 „peto, inquam, an iste non tam rigide, immo longe rigidius viveret quam  
 „vivere obligarentur fideles in Primitiva Ecclesia? Indubitanter via operan-  
 „di nunc certo probabilis longe arctior est, quam tunc erat via sub præ-  
 „cepto necessaria. Ergo Catuista non effecerunt, ut via illa arcta nulla-  
 „tenus laxata fuerit. “ *Ibidem quest. 25. n. 25. p. 497.*

13. „ Desinant in meridiana luce cæcutire, & aperta veritate convicti  
 „tan-

„ tandem fateantur, benignam sententiam semper in Ecclesia viguisse ,  
 „ rigidam vero ante Janfenismum numquam fuisse auditam. “ *Ibidem q.*  
*22. n. 113. p. 358.*

14. „ In vitam singulorum inquirant, & procul dubio invenient eos  
 „ multa & fecisse, & facitare, quæ solum probabiliter sunt licita: idque  
 „ ipsi, si conscientiam examinent, verum esse invenient. Atque hinc præ-  
 „ sumptio est eos interius non sentire, quod exterius proficiuntur, alioquin ef-  
 „ sent homines impii... Quid ergo ponderis habet eorum auctoritas in  
 „ questione hac, in qua, quando ad rem venit, aliter credunt, quam do-  
 „ cent? “ *De Conf. q. 22. n. 37. p. 231.*

15. „ Hæc regula efficaciter ostendit licitum esse in materia morum ,  
 „ & Fidei sequi opinionem minus probabilem, probabiliore relicta. “ *Ibi-  
 dem q. 27. n. 24. Assert. 3. damnata est.*

16. „ Suppono nunc ex optimorum Theologorum doctrina nullum pec-  
 „ catum Theologicum, quo scilicet aliquo modo separamur a fine ultimo ,  
 „ & meremur pœnas illas horrendas damni, & sensus, quas Deus pravis  
 „ nostris actionibus pro futura vita destinavit, committi posse cum invin-  
 „ cibili Dei ignorantia, immo nec absque actuali cognitione. “ *De Conf. q.*  
*11. n. 1. p. 156.*

17. „ Quidquid a viro probo, & perito post diligentem rei considera-  
 „ tionem, non ex passione, sed irreprehensibiliter judicante existimatur  
 „ probabile, est certo probabiliter tale. “ *Ibidem quest. 5. Assert. 10. n. 29.  
 pag. 69.*

18. „ Immo non solum plures, sed unus vir doctrina, & pietate præstans  
 „ si de novo in dubium vocet probabilitatem cujusvis sententiæ, est com-  
 „ munissimæ, & proficatur se novis, magnisque rationibus ductum id face-  
 „ re, sua auctoritate efficit ne illa opinio sit amplius certo probabilis quoad  
 „ nos. “ *De Conf. quest. 6. Assert. 9. n. 24. p. 85.* Relatæ sunt Tom. II. Apparat.

## §. XX.

*P. Gregorii Valentis Soc. Jesu propositiones laxæ.*

1. „ **P**otest quis conferre spirituale propter temporale principaliter ,  
 „ tamquam propter finem, ita ut temporale apud eum non sit et-  
 „ tiam finis ipsius rei spiritualis ( quasi temporale pluris ab eo, quam  
 „ spirituale æstimetur ) sed tantummodo voluntatis, sive applicationis animi  
 „ ad actum conferendi spirituale. Et hoc non est Simonia. Nam tunc  
 „ non propterea vel tanti, vel pluris æstimatur temporale, atque spiri-  
 „ tuale. Et isto modo est vera secunda opinio Soti. “ *Tom. 3. disp. 6. q. 16.  
 punct. 3. p. 1526. edit. Venet. 1598.*

Bro-

Propositio damnata reperitur ut jacet in P. Valentia Tom. 3. *disp. 6. punct. 3.* & in aliis auctoribus.

2. „ Patet non esse Simoniacum, si quis obsequium, aut aliquod munus temporale Episcopo impendat, spe consequendi ab illo titulo gratitudinis aliquod beneficium spirituale: sicut Doctores communiter tradunt. Nam similiter tunc spirituale non expectatur, ut pretium obsequii, sed ut compensatio gratuita. *Ibidem p. 1522.*

3. „ Item neque vicissim erit Simonia, si Episcopus ut se liberet ab obligatione gratuita sive antidotali, qua tenetur, propter acceptum obsequium ab aliquo, conferat ei beneficium spirituale. „ *Ibidem pag. 1522.*

## §. XXI.

P. Gabrielis Vasquez Soc. Jesu *propositiones laxæ.*

1. „ U Nde vix in Sæcularibus invenies etiam in Regibus superfluum statui. „ *Opusc. de Elem. cap. 4. n. 14. pag. 20. edit. Lugdunen. 1631.*

2. „ Observandum est satis probabile videri non esse peculiare peccatum sacrilegii, cum effunditur semen, & sanguis occulte in Ecclesia. „ *In 1. 2. D. Th. q. 72. disput. 98. r. 3. p. 463.*

3. „ Dicendum est, peccata luxuriæ contra naturam etiam si magis turpia appareant, & majori nota infamiae digna sint, ex genere tamen suo minora esse, quam peccatum furti. „ *In 1. 2. D. Th. q. 73. art. 4. n. 30. pag. 480.*

## §. XXII.

P. Dominici Vive Soc. Jesu *propositiones laxæ.*

1. „ V Erum quidem est quod possit propter se intendi directe oblectatio aliqua, quæ reperitur in ludo v. g. in olfactu floris, in auditione musicæ, & in aliis actibus moraliter indifferentibus. „ *In Tract. in Prop. 8. Innocent. XI. n. 6. p. 29. edit. Patav. 1711.*

2. „ Propterea ex ea probabili opinione solum sequitur, quod huic obligationi satis fieri possit per eleemosynas factas post horarum omissionem, etiam si tunc non venisset in mentem hoc debitum. „ *In Tract. in Prop. 33. Alex. VII. n. 9. p. 65.*

3. „ Ad levandum onus hoc maxime molestum restitutionis prima via est, quam docet Sanchez... cum... Navar. Arag. & aliis communiter, „ quod



„ quod scilicet si Beneficiarius sit pauper sibi, applicet elemosynas facien-  
 „ das pauperibus, cum non sit peioris conditionis ipse quam alii, etiam si  
 „ olim deliquerit. “ *Ibidem* n. 10. p. 65.

Nemo iudex in propria causa.

4. „ Secunda est, quam docet Mendo in Epitome V. Bulla Composi-  
 „ tionis, adire Episcopum, ubi Bulla Cruciatæ non viget; is enim potest  
 „ in sua Diœcesi, non secus ac Pontifex pro toto orbe, componere bona  
 „ omnia pauperibus debita acceptando partem ex iis, quæ debentur, ut  
 „ illam in usus necessarios utilitati publicæ convertat, & remittendo de-  
 „ bitori partem aliam prout in Domino judicaverit. Spectat quippe ad  
 „ Pastorem animarum hujusmodi potestas, ne fiant æternæ damnationi ob-  
 „ noxii, qui difficile integra debita incerta restituant. “ *Ibidem* num. 10.  
 pag. 65.

Oppositum statuit Lateranense Concilium.

Relatæ sunt Tom. I. & II. Theolog. Christian.

5. „ Qui vero habet consuetudinem tam jurandi, quam mentiendi, non  
 „ tamen conjungendi juramentum cum mendacio, si quoties jurat adverten-  
 „ ter jurat, & procurat non conjungere cum juramento mendacium, ne-  
 „ que tenetur sub mortali talem consuetudinem extirpare. “ *Tom. I. part.*  
 2. q. 7. art. 7. n. 3.

6. „ Quando tamen non occurrit commoda æquivocatio, aut restrictio  
 „ externa, si causa sit gravis, rustici possunt usu duplici scientiæ ( commu-  
 „ nicabilis, & incommunicabilis ) facile obvio veritatem occultare, non  
 „ animo decipiendi, sed solum permittendo deceptionem. “ *In Tract. in*  
*Prop. 27. Innoc. XI. n. 14. p. 70.*

Sensus est, quando non occurrit restrictio externa, utere interna.

7. „ Regulariter occidere possum furem pro conservatione unius aurei. Pro-  
 „ positio damnata solum vult id non licere regulariter, esto in aliquibus  
 „ circumstantiis possit id licere. “ *In Propos. damn. 19. Alexand. VII. n. 10.*  
 pag. 60.

8. „ Potest quidem vir nobilis volentem impingere alapam gladio im-  
 „ pedire, & ut multi docent... etiam defensione occisiva se defendere. “ *In*  
*Prop. damn. Alex. VII. 17. & 18. n. 9. p. 59.*

9. „ Ut possit inuasor licite interfici, duo requiruntur, & quod eviden-  
 „ ter damnum grave inferat, & quod evidenter non possit moraliter alia  
 „ via damnum illud impediri... Sed in casu nostro, nec est evidens quod  
 „ damnum grave sequatur ex hoc quod aliquis nixatur calumniam infer-  
 „ re... nec est evidens quod non possit aliter gravis infamia declinari,  
 „ nempe per judicem adhibendo testes. Et quamvis aliquando possit ali-  
 „ cui utrumque evidens apparere... non proinde licita esse potest calum-  
 „ natoris occisio, quia facile homines ex passione hallucinantur: unde de-

R

„ buit

„buit absolute a natura tale medium ad vitandam calumniam prohibe-  
 „ri... Et quia bonum publicum prevalere debet privato: ideo *toleran-*  
 „*da potius in aliquo casu ab innocente aliqua dehonoriatio*, quam permit-  
 „tenda defensio iustitiae occisiva. “ *Tract. in Prop. 17. Alex. VII. num. 4.*  
*pag. 58.*

Commenta P. Caroli Noceti, ut mitissime loquar, vana sunt, & arbitrarie.

10. „ Constat damnum occidi posse cum moderamine inculpatæ tutelæ  
 „ infaurem vitæ, pudicitie, *honoris*, bonorum externorum magni valo-  
 „ ris, & quidem etiam proximi, ut docent communiter cum Fillucio,  
 „ Molina, Azorio, apud Dianam. “ *Ibidem n. 12. p. 60.*

11. „ Vir equestris ex communi doctrina apud Lessium... non tenetur  
 „ fugere aggressorem cum suo dedecore, sed potest ab illo se defendere de-  
 „ fensione occisiva. *Ibidem n. 6. p. 58.*

12. „ Si aliquando amissio unius aurei foret alicui pauperi ingens dam-  
 „ num, ut si artificis tollatur instrumentum suæ artis, quo sublato non pos-  
 „ sit suam, ac suorum vitam sustentare, tunc poterit illud defensione oc-  
 „ cisiva custodiri; & ideo propositio damnata solum vult id non licere  
 „ *regulariter*, esto in aliquibus circumstantiis possit id licere. “ *Ibidem n. 16.*  
*pag. 60.*

13. „ Dubitatur hic an possit absolvi, qui in occasione peccandi proxi-  
 „ ma versatus est antequam illam tollat, præsertim si in alia confessione  
 „ id promissit, & deinde non stetit promissis? Nonnulli putant absolvi  
 „ non posse extra casum necessitatis... Communius tamen cum Suarez,  
 „ Tabiena, & aliis censent posse huiusmodi pœnitentem absolvi semel,  
 „ ac iterum, si apparent hic, & nunc vera signa doloris, & propositi effi-  
 „ cacia tollendi statim occasionem proximam... Ratio cur videatur posse  
 „ prima, & secunda vice absolvi est, quia potuit pœnitens aut imme-  
 „ diate ante, aut audiendo concionem, aut audiendo ipsius Confessarii  
 „ admonitiones excitari ad verum, & efficax propositum non peccandi,  
 „ in quo casu est sufficienter dispositus. Sic *passim* absolvuntur pœnitentes,  
 „ per hoc quod proponant restituere, quamvis ante confessionem non re-  
 „ stituerint, prout poterant... Neque ex propositione illa 61. Ionoc. XI.  
 „ eruitur quod absolvi non possint. Nam qui proponit occasionem statim  
 „ tollere, non potest dici, quod illam velit de presenti. “ *In Prop. 41. Alex.*  
*VII. n. 16. p. 124.*

14. „ Distinguendæ tamen sunt actiones malæ leviter influxivæ ad com-  
 „ motionem spirituum, & pollutionem ab actionibus graviter influxivis.  
 „ Nam si leviter sunt influxivæ, ut nonnulli aspectus mulierum, nonnulli  
 „ tactus, nonnullæ comædiæ, & lectiones librorum obscenorum, nonnulla  
 „ verba amatoria; v. g. dicendo, *Cor meum, anima mea* ob solam vanitatem  
 „ tem,

tem, & ad conciliandum vanum amorem, communius docent cum Vasquez, Salas, Mefs. Bonac. apud Dianam, & Tamburinum, quod non excusant culpam venialem, QUAMVIS IN IIS PRÆVIDEATUR etiam pollutio secutura, dummodo absit periculum consensus, aut grave scandalum... Immo communius etiam docent cum Diana, quod non solum actiones leviter influxivæ in pollutionem, arque adeo in genere luxuriæ leves, careant culpa mortali, si prævideatur pollutio, & non intendatur, nec subsit periculum consensus; sed etiam actiones mortaliter male, sed non in genere luxuriæ, ut sunt crapulæ, nimius potus, non contrahunt malitiam gravem, spectantem ad luxuriam, si prævideatur ex eis pollutio secutura citra periculum consensus. " *In Prop. 40. Alexan. VII. n. 16. p. 119.*

15. „ Conveniunt Doctores.... posse famulos uti occulta compensatione, tum quando sibi denegatur ab heris salarium ex pacto debitum; tum etiam quando evidenter constat non quidem ex mero iudicio famulorum, sed ex communissimo peritorum sensu, injustitiam ab heris committi in solutione salarii juxta communem æstimationem debiti, spectatis omnibus circumstantiis, ratione quarum potest pretium famularum præstiti crescere, aut decrescere. " *Tract. in Propos. 37. Innocent. XL n. 1. p. 90.*

16. „ Esto in his casibus observandæ sint conditiones a DD. requisitæ, ut fieri possit occulta compensatio, quarum prima est.... Altera... Tertia quod non possit facile viæ juris debitum obtineri: *quamvis probabiliter si hæc conditio desit, non peccet mortaliter qui utitur compensatione, ut docet Diana. " Ibidem p. 90.*

17. „ In feminis autem probabiliter... desinit obligatio jejunandi inchoato anno quinquagesimo. " *In Theolog. Moral. Tom. 1. Tract. 8. cap. 3. dub. 1. §. 1.*

18. „ Certum est jentaculum sumi posse: dubium vero, an hi cibi substantiales sint exclusi. Igitur prævalet libertas illos assumendi. Sic discit Tamburin. cujus sententiam non amplecterer, nisi putarem consuetudinem jam introductam, ut etiam exigua parte piscis majoris cum pane vesci possimus in debita quantitate octo unciam: quam si quis parum excederet addendo unam, vel alteram unciam, non nisi venialiter peccaret. " *Loc. cit. art. 3. n. 3.*

19. „ Si probabiliter, vel certo moraliter sciant Tabernarii quod hospites, peccent cœnando, DD. Navar. Tolet. Medina. & alii apud Dianam permittunt quod illis cœna ministretur. Quod etiam docet Sanchez. Ratio est, quia ministratio illa, immo & ultronea invitatio, non fit directe ad non jejunandum; sed solum ex intentione sacri invitantis ad cœnam veluti conditionate, hoc est si velitis cœnare, cœnate

R 2

„ potius

„porius apud me, quam divertatis ad alium. “ *Tom. 1. pag. 2. quest. 10. art. 4. n. 7.*

20. „Utrum autem peccet venialiter qui bibit, aut comedit solum ob delectationem? Joan. Sanchez apud Dian. Part. 3. Tracl. 5. Resolut. 6. Martinus Perez, Escobar, & alii negant, si non noceat salutem, sicut non peccat qui videt res pulchras, & olfacit odores solum propter delectationem. Neque id damnatur ab Innoc. XI. Nam propositio damnata dicit: *Comedere & bibere ad satietatem ob solum voluptatem non est peccatum, modo non obfit vultudini, quia licite potest appetitus suis adibus frui.* Quando enim ad satietatem quis comedit, aut bibit ob meram voluptatem, facile limites temperantia debite prætergreditur, & ideo venialiter peccat, quod non accidit, neque si comedat aliquid, aut bibat propter voluptatem, non tamen ad satietatem cum periculo intemperantia. “ *Tom. 1. p. 2. q. 10. art. 1. n. 7.*

21. „Dico quod si probabiliter tantum credatur legislator aut non potuisse, aut noluisse in tali casu verbis comprehensio obligare, possit etiam subditus licite in eo casu legem non servare.... Unde id verum est non solum si subditus habeat formidinem de opposito, sed etiam si detur ex altera parte *probabilitas*. quod legislator potuerit, ac voluerit obligare. “ *Tom. 1. quest. 6. art. 6. n. 4.*

22. „Quod si ex opinione probabili poenitentia putet hic & nunc se non teneri, debet Confessarius accommodare se opinioni poenitentis, si vere talis opinio sit probabilis, quamvis ipse contrariam sententiam sequatur. Ratio est, quia quando poenitens est rite dispositus, debet absolvi. Est autem rite dispositus, si opinionem probabilem sequatur, quod non debeat restituere. Ergo tunc absolvi debet. “ *Quest. 1. art. 5. n. 2.*

23. „Tertio docent multi cum Lessio cap. 19. dub. 3. Molina, Grados, & aliis, quod qui ex testamento minus solemniter habere debet legatum, possit illud sibi retinere, vel compensationem facere: eo quod *probabilis sit sententia* quod jure naturæ hujusmodi testamentum sit validum, atque adeo in foro conscientia debeantur legata in eo facta; quamvis contraria opinio sit satis communis, & probabilis. “ *Tom. 1. part. 3. quest. 6. art. 5. n. 12.*

24. „Quarto docet Lessius *ibidem*, posse hereditatem ab intestato uti compensatione occulta contra eum, qui bonæ defuncti possidet ex testamento minus solemniter; quia *probabilis est sententia*, quod ea bona debeantur heredi ab intestato, cui opinioni potest se conformare. “ *Ibidem.*

25. „Sequitur quarto posse Sacerdotem, qui pecunia credita decem Missas celebravit, si non possit pecuniam hanc recuperare, oblati deinde decem Carolenis pro aliis decem Missis, pecuniam hanc retinere, & alias Missas NON celebrare, ut notat Pejerinus apud Tamburinum

„ Liba

„ Lib. 3. de Sacrificiis Missæ cap. 1. §. 3. dummodo tamen vitet damnum  
 „ tertii, videlicet, aut animæ purgantis, aut infirmi &c. “ *Tom. 1. part.*  
 „ 3. q. 6. n. 9.

26. „ Qui invasus ab altero sive armis, sive contumeliis, si potest fuge-  
 „ re, & malum declinare, non tamen fugit, sed cum debita moderatio-  
 „ ne se defendit, non tenetur ad restitutionem. Ratio est, quia quamvis  
 „ aliquando non fugiendo peccet contra caritatem, si scilicet sine dispen-  
 „ dio honoris fugere poterat; at non peccat contra iusticiam. Ergo non  
 „ tenetur ad restitutionem. “ *Tom. 1. part. 3. q. 7. art. 1. n. 2.*

27. „ Quare licitum est vendere aleas, & taxillos, quamvis advertam  
 „ emptores iis male usuros: possum etiam vendere Judæis agnum, & flo-  
 „ res, possum vendere fucos, & ornamenta meretricibus, cibos iis, quos scio  
 „ violatores jejunium. “ *Tom. 1. part. 4. q. 2. art. 2.*

28. „ Præterea si collectores eleemosynarum pro Missis sint Sacerdotes,  
 „ & non tradantur iis Missæ celebrandæ, sed se habeant ut laici, qui cu-  
 „ rant Missarum celebrationem; poterunt ex Nav. Cord. Tambur. probabi-  
 „ liter contra Pelizar. Soto Lib. 9. de Just. quæst. 3. moderatam pro labo-  
 „ re mercedem ex datis pro Missa suscipere, cum id videatur licitum jure  
 „ naturæ. “ *Tract. in Prop. 9. Alex. VII. n. 8. p. 34.*

29. „ Hinc cum videatur esse moraliter certum, non requiri in Sacra-  
 „ mento pœnitentiæ... propositum non peccandi de cetero formale, sed  
 „ sufficere virtuale, ut videre est apud Dicastillum., ac sufficere etiam  
 „ attritionem supernaturalem ex metu pœnarum temporalium, ut a Deo  
 „ vindice infligendarum, & alia hujusmodi; ideoque licite sequimur hu-  
 „ jusmodi opiniones probabilissimas, omisis tutioribus. “ *In Tract. prop. 1. Innoc. XI. n. 36. p. 15.*

30. „ An peccator, qui non potest aliquo anno ex defectu Confessarii confite-  
 „ ri, teneatur ad contritionem antequam annus elabatur? “ Ita respondet., Affir-  
 „ mat Dominicus Soto... quia præcepti pœnitendi divinum, quod ex de-  
 „ terminatum est, jam ab Ecclesia est determinatum ad singulos an-  
 „ nos... Juxta illam regulam: qui non potest quantum debet, solvat quan-  
 „ tum potest: & juxta illam aliam: qui non potest totum, reddat partem quam  
 „ potest.

„ Respondeo equidem cum Con. aliisque communiter **NEGATIVE**: falsum est  
 „ enim, quod Ecclesia determinavit tempus illud indeterminatum pœni-  
 „ titendi in genere, ad quod obligamur ex divino præcepto. Solum enim  
 „ determinavit tempus confitendi indeterminatum. Cum autem in tali  
 „ casu sit impossibilis confessio, non videtur peccator teneri ad coëctio-  
 „ nem, & ratio ulterior est quia cum conteri sit aliquid mere internum,  
 „ non cadit sub præcepto Ecclesiæ, neque ratione sui, & directe, ut pa-  
 „ ter, neque ratione alterius, & indirecte, hoc est ratione Sacramenti  
 „ &c.

» &c. Ad regulas adjunctas. *Qui non potest totum &c.* Respondeo eas valere, quando totum, & partes sunt *homogeneæ*... non vero quando sunt *heterogeneæ*. " *Quest. 3. art. 1. n. 8.*

» 31. „ Verum est quod præceptum divinum contritionis obliget peccatores ad non differendum diu, & usque ad mortem penitentiam. Hinc tamen non fit, quod impotens aliquo anno suscipere sacramentum penitentia teneatur saltem conteri. " *Ibidem.*

» 32. „ Nec lex gratiæ præstaret legi antiquæ, aut Mosaicæ, aut naturæ, in quibus sufficiebat contritio sine confessione sacramentali. UNDE NON JUGUM CHRISTI DIGI SUAVE, ET ONUS LEVE...

» Ergo dicendum contritionem in sacramento non prærequiri, sed sufficere me, ram attritionem ~~et~~ tunc penarum metu conceptam. " *In Tract. in Prop.*

15. *Alex. VII. n. 20.*

» 33. „ Unde inferunt Perez, Leander, Lugo, aliique, posse absolvi adolescentes, qui versantur cum feminis laborando, vel conversando cum iis, qui in eadem domo non habitant: quia licet aliquando in tali occasione mortaliter peccent consensu, tactibus, & etiam copula, ea tamen occasio censetur de se remota. Quando quidem non solent homines ex tali occasione SEMPER, AUT FERE SEMPER PECCARE MORTALITER. " *Quest. art. 4. n. 5.*

» 34. „ Quare satis est in Confessione dicere: Toties morose delectatus sum de copula illicita, non explicando an cum nupta, vel Moniali, consanguinea &c. vel toties morose delectatus sum de occasione hominum, non explicando, an sit circa patrem vel Sacerdotem, vel inimicum, aut alterius conditionis. " *Quest. 5. art. 4. n. 2.*

» 35. „ Si quis alium sollicitavit, & peccatum non est secutum, debet id in confessione explicari; si tamen peccatum est secutum, putat probabiliter de Lugo, Tamburinus contra Sanchez, & Bonacina non esse explicandum, quod primus invitaveris, quia quamvis graviter peccaveris invitando, adhuc tamen es particeps peccati illius, etiamsi non invitaveris. " *Quest. 5. art. 4. n. 10.*

» 36. „ An qui certus est de peccato mortali commissio, dubitat tamen positive, an illud confessus fuerit, ita ut habeat rationem probabilem quod confessus fuerit, & probabiles etiam, immo probabiliiores rationes quod non fuerit confessus, teneatur illud confiteri? Respondeo pariter negative cum communi Doctorum, quos citat Martinus Perez contra Cominck apud Dianam. " *Quest. 2. art. 2. numer. 3. Curs. Theol. Merat.*

» 37. „ Respondeo, fere communissimam antiquorum Doctorum sententiam fuisse, quod teneatur homo peccata negative dubia clavibus subjicere. Et Thomas Sanchez id omnino certum reputat... Hac de causa P. Mat-

„ Matthæus Moya nostræ Societatis, qui fuit a Confessionibus Mariæ An-  
 „ næ Hispaniarum Reginæ in selectis quæstionibus de Sacramento pœnitent-  
 „ tiæ, postquam asseruerat opinionem se contrariam per triginta annos et-  
 „ iam in Scholis docuisse, Disp. 1. quæst. 5. hæc habet. Nihilominus re-  
 „ maturius considerata standum cenfeo pro contraria, & communi senten-  
 „ tia asserente obligationem peccati dubii, ad quod hoc uno efficaci argu-  
 „ mento ducor, quia Sacramentum pœnitentiæ institui potuit a Christo  
 „ Domino cum hac obligatione. Quod autem instituerit, suadet commu-  
 „ nior Catholicorum sensus, & traditio a tempore Apostolorum usque ad  
 „ nostra continuata tempora, ratione cujus velut *incunctum Dogma* præ-  
 „ ceptum confitendi peccata dubia æque, ac certa, non tam probantur,  
 „ quam supposuerunt Doctores: ut enim ait August. Lib. 4. contra Donat.  
 „ *quod uniuersa tenet Ecclesia &c.* “ In Curs. Theolog. Moral. de pœnit. quæst.  
 11. art. 2. num. 6.

38. „ Neque dicas praxim Ecclesiæ, & consensum Doctorum per sede-  
 „ cim sæcula uniformiter existimantium institutum esse a Christo Domino  
 „ Sacramentum pœnitentiæ cum obligatione confitendi peccata reddere  
 „ nos certos de tali lege, & institutione. Nam quamvis VERUM sit quod  
 „ usque ad præteritum sæculum vix unus auctor reperitur, qui aperte  
 „ NOS deobliget a confitendis peccatis negative dubiis, at non inde id  
 „ certum est, quia in sententiam obligantem omnes scriptores calamo iue-  
 „ rint, sed quia ab ea quæstione abstinerunt. Cum autem *Nunc* in ter-  
 „ minis agitur, & plurimi sententiam deobligantem sequantur, hæc red-  
 „ dita est probabilis. “ Quæst. 2. art. 2. num. 7.

39. „ Immo Lugo Disput. 27. Sec. 2. num. 24. putat eum, qui lucratur  
 „ indulgentiam, non obligari ad pœnitentiam, *etiam si detur in medicinam*:  
 „ quia medicus non præcipit, sed suadet remedium, & solus iudex præci-  
 „ pit pœnam. Quare si non tenetur pœnitens ratione indulgentiæ ad pœ-  
 „ nam, quæ præcipitur, nec tenebitur ad medicinam, quæ solum suade-  
 „ tur, nisi forte aliquando ad illam obligetur jure naturali, ne facile laba-  
 „ tur. “ Quæst. 6. de Pœnit. art. 1. num. 1.

40. „ Respondeo jurisdictionem conferri, non solum quando errori com-  
 „ muni adjungitur titulus coloratus . . . sed etiam *probabiliter* si error  
 „ communis non jungatur cum titulo colorato; puta si Sacerdos non  
 „ habens jurisdictionem, bona, vel *mala fide* exponat se Confessionali ad  
 „ Confessiones audiendas, communiter censetur approbatus. Ita Diana,  
 „ Molfetius . . . Debet autem hic error esse probabilis, non vero supiaus,  
 „ aut crassus. “ Quæst. 2. art. 1. num. 16.

41. „ Videtur non licere conficere Sacramentum pœnitentiæ cum juris-  
 „ dictione probabili, saltem quando potest haberi jurisdictio certa. Ni-  
 „ hilominus cenfeo licitum esse absolvere cum jurisdictione probabili . . .

„ Hinc

„ Hinc sequitur ab Innocentio XL in prima ex ejus proscriptis thesibus  
 „ non esse damnatam hanc sententiam : quia deluisset aperte illam  
 „ damnare, si voluisset, quod non solum in iis, quæ pertinent ad *mate-*  
 „ *riam, & formam Sacramenti*, sed etiam in iis quæ pertinent ad *jurisdi-*  
 „ *ctionem* sequamur opinionem tutiorem, omissa probabili, ut *multi viri do-*  
 „ *cti censent*. “ *Quæst. 8. art. 2. num. 1. & 2.*

43. „ *Queritur secundo an ignorantes reservationem, illam incurrant, & idem*  
 „ *queritur de non advertentibus ad illam, dum aliu peccant*. “ Post multa sic  
 „ concludit. „ Quare a primo ad ultimum nec reservationem, neque ex-  
 „ communicationem incurrunt, qui illas ignorant: & quia communiter Do-  
 „ ctiores inadvertentiam actualem, & oblivionem æquiparant ignorantie in-  
 „ vincibili, & inculpabili, inde fit, quod non *advertens ad penam sive reser-*  
 „ *vationis, sive censure, illam non incurrat*, non secus, ac si ignoraret. Unde San-  
 „ chez L'b. 4. c. 22. docet, quod si quis v. g. in penam perjurii vovisset jejuna-  
 „ re quoties mentitur, si deinde mentiatur advertens ad votum non men-  
 „ tiendi, non vero ad penam impositam jejunandi; peccaret quidem, sed  
 „ non teneretur jejunare, ex hoc scilicet principio, quod poena extraor-  
 „ dinaria, & medicinalis non incurratur ab eo, qui illam ignorat, aut  
 „ non advertit ad illam. “ *In Cur. Theolog. quæst. 9. art. 3. num. 2.*

44. „ Dubitatur hic, an possit absolvi, qui in occasione peccandi pro-  
 „ xima versatus est, antequam illam tollat; præsertim si in alia confessio-  
 „ ne id promissit, & deinde non stetit promissis. Nonnulli cum Con. disp.  
 „ 8. de poenit. num. 133. Fil. Azor. Sanch. putant absolvi non posse ex-  
 „ tra casum necessitatis, immo Cardenas Disp. 40. Cap. 5. art. 4. n. 180.  
 „ putat id colligi ex propositione 61. Innoc. XL ubi damnatur quod ab-  
 „ solvi possit, qui in proxima peccandi occasione versatur, quam potest,  
 „ & non vult omittere. Et ratio videtur esse, quia qui ad Sacramen-  
 „ tum poenitentiae accedit antequam occasionem illam tollat, censetur eam  
 „ nosse ejicere; atque adeo sine debito proposito efficaci non peccandi de  
 „ cetero accedere; quandoquidem in hoc ipso, quod occasio peccandi non  
 „ tollatur, quando potest tolli, peccatur. Neque obstat quod dicat habe-  
 „ re propositum tollendi: nam si solum proponit illam tollere de futuro,  
 „ & non statim tollit, eo ipso vult de præsentī in ea occasione manere,  
 „ atque adeo peccat, sicut qui appropinquante leone proponit fugere, &  
 „ non statim fugit, censetur velle in periculo mortis manere.

„ Communi tamen Suar. Disp. 32. Sec. 3. Tabiena, & alii censent, pos-  
 „ se hujusmodi poenitentem absolvi semel, & iterum si appareant hic, &  
 „ nunc vera signa doloris, & propositi efficaci tollendi statim occasionem  
 „ proximam: immo Corduba, Cajet. & alii putant quod possit etiam *ter-*  
 „ *tia, & quarta vice absolvi*; esse sæpe expediat absolutionem differre; quo-  
 „ usque proxima illa occasio tollatur. Debet tamen omnino absolvi etiam  
 „ „ ante



ante separationem ab illa, tum si inflet mortis periculum, tum si dilata  
absolutione credatur non habiturus ille opportunitatem redeundi, aut ex  
alia causa non rediturus. Ratio cur videatur posse prima, & secunda vice  
absolvi, est quia potuit poenitens; aut immediate ante, aut audiendo concionem,  
aut audiendo ipsius Confessarii admonitiones excitari ad verum, & efficax propo-  
situm non peccandi, in quo casu est sufficienter dispositus. Sic passim absolvuntur  
poenitentes per hoc quod proponant restituere, quamvis ante Confessionem non re-  
stituerint prout poterant: quia ex admonitione Confessarii potest hic & nunc  
confergere verum propositum restituendi, quod ante Confessionem vel  
erat debile, vel putabatur sufficiens, esto per aliquod tempus opportu-  
num restitutio esset differenda. Ergo hoc idem fieri potest in eo, qui te-  
netur proximam occasionem tollere. Neque ex propositione illa 61. In-  
noc. XI. eruitur, quod absolvi non possit: nam qui proponit occasionem  
statim tollere, non potest dici, quod illam velit de presenti; sicut non  
dicitur velle periculum mortis, qui appropinquante leone proponit fu-  
gere statim ac potest. Caute tamen in hoc procedendum, eo quod pas-  
sim huiusmodi propositum non est efficax in eo, qui potuit antecederet  
occasionem peccandi tollere, & nondum sustulit. "In Trutin. in propos.  
41. Alex. VII. num. 16.

45. „Si speratur quod poenitens advertens v. g. matrimonium esse invalidum,  
aut contractum, quem putat justum, esse injustum &c. sublaturus sit ea pec-  
cata materialia, tenetur Confessarius ignorantiam detegere propter bo-  
num poenitentis, ne sic contra legem Dei peccet etiam materialiter.  
Quod si non speretur profectus, sed potius timeatur quod peccatum ma-  
teriale deinceps sit futurum peccatum formale, v. g. si sciens matrimo-  
nium esse invalidum, non facile tunc abstineret a cognoscenda illa, quam  
conjugem putabat; in tali casu ignorantia non est amovenda, juxta illud  
Augusti. Si quis &c. "Part. 6, quest. 8, art. 5, num. 4.

46. „Denique docet Tamburinus ex Pellizzario, quando quis bona fide  
est in occasione proxima, nec speratur emendatio: vel quando quis bona fide  
non restituit alienum: etenim revelatio veritatis noceret poenitenti, si deinde  
cum culpa formali remaneret in occasione proxima, aut retineret alienum. Nec  
hoc prodesset ei, cui alienum restituendum est, quia supponimus non da-  
ri spem quod restituatur, si bona fides illi tollatur. "Ibidem.

Nocuit animabus Christus veritatem manifestando?

47. „Resp. cum Lugo Lib. primo Resol. Moral. Dub. 25. quod si diver-  
sas opinionum se tenet ex parte Confessarii, poterit Confessarius quam  
maluerit sequi: v. g. si una opinio doceat posse Confessarium absolvere in  
talibus circumstantiis, altera doceat non posse: una doceat haberi juris-  
dictionem a Confessario, altera non haberi . . . poterit profecto Confes-  
sarius regulariter loquendo sequi opinionem, quam maluerit; & sic juxta

S

„opi-

„ opinionem negantem poterit absolutionem negare: esto aliquando *ex Caritate teneatur sequi opinionem favorem penitenti*, puta si penitens sit in mortis articulo, nec sit alius Confessarius. “ *In Curs. Mor. quest. 7. art. 2. num. 6.*

48. „ Quod si diversitas opinionum se teneat ex parte penitentis; puta, si una opinio doceat penitentem teneri ad restitutionem, & remotionem talem occasionem, ac acceptandam talem penitentiam: altera opinio doceat non teneri: *non potest absolutio negari, si penitens sequatur opinionem sibi favorem*, dummodo probabilem, etiam si Confessarius sit in opinione contraria. “ *Ibidem.*

49. „ Benedictio nuptiarum non videtur esse res gravis, nec valde congruens progressu matrimonii. Etenim benedictio nuptialis non est Sacramentum, sed quoddam Sacramentale, nec tanti momenti, quanti Sacramentalia, quæ baptismi præmittuntur. Quamvis autem non vacet culpa veniali illam simpliciter omittere sine ulla causa contra usum, & consuetudinem Ecclesiæ; nihilominus probabile est nullam esse culpam ex iusta causa, videlicet ratione temporis seriatim in Adventu, aut Quadragesima consummare Matrimonium ante benedictionem Ecclesiæ, cum videatur esse consilium, non præceptum illam præmittere. “ *Quest. 4. art. 4. num. 6.*

50. „ Demum, si alter habeat opinionem probabilem de nullitate Matrimonii, & simul habeat opinionem probabilem de ejus valore, licite potest petere, & reddere, cum possit amplecti alterutram opinionem, probabilem, quam mavult, etiam si una sit probabilior, quam altera. “ *De Sacram. Matrim. quest. 7. art. 3. n. 9.*

### §. XXIII.

*P. Francisci Zach Soc. Jesu propositio laxa.*

1. „ **U**T Clerici ex redditibus beneficalibus licite, & valide testentur ad causas profanas, efficere potest consuetudo rationabilis. “ *In Opere inscripto Rigor Moderatus sub finem.*

## EPISTOLA VI.

A D

P. CAROLUM NOCETIUM

S O C. I E S U.

A R G U M E N T U M.

*Ad hanc vero opellam, qualiscumque sit, consueta diverticula, mordaces declamationes, scœmmata, ultrices satyras, quas ipse appellat plantinos sales, expello. Responsiones ad rem, responsiones nimirum, quibus superiora capita percurrere doceat, quodnam sit, in quo modo plus, modominus a bona fide non defecerit, non expello. P. Carolus Nocetius.*  
 pag. 314.

I. **A** Ultimis tuis verbis, mi Noceti, initium capio. Imperitiz, ignorantiz, & cuiuscumque alterius generis culpæ accusare Concina potes: malæ fidei, imposturæ, calumniæ sane non potes. Non minus ille suæ sinceritatis, fideique bonæ certus est, quam sit, se vivere. Cujus rei non alios appellat testes, quam temet ipsum. Utique illum singulis fere pagellis, imposturæ, calumniæ, perverfitatis criminariis; at reipsa tandem velis, nolis fascēs subjicis, & factō confiteris jure summo illum Casuistas tuos laxitatis postulasse. Siquidem ex trecentis circiter propositionibus, quas ex Casuistis Jesuitis, & in catalogis, & in ejusdem Theologiæ Christianæ corpore collectas exhibuit, vix duodecim carpere, & in disputationem adducere ausus es. Et has duodecim sinceritate summa a Concina rescriptas esse partim jam patefactum est, partim fiet, cum scilicet Magister Dinellius impleverit opus. Citationes, argumentationes, verborum indices, rationes, quibus Auctores suas firmare opiniones tentarunt, non esse rescriptas: atque adeo truncatas opiniones, repræsentare imperitis studuisti. Ex his quicquid, & cavillationibus quinque supra centum confarcinasti capita. Quid inde? Centum & quinque opiniones minus sincere rescriptas, te apposuisse gloriaris. Cum tamen, ut dixi alias, & repetendum iterum est, ex centenis in catalogis recensitis, vix duodecim criminari tentasti, ut ex libro tuo patet.

II. Centenas alias tuo silentio mirum in modum sinceritate summa exhibitæ esse, ipse confirmas, atque deprædicas. Verum, ut evidentiora la-

S a. xitatis.

xitatis Casuisticæ argumenta haberes, ducentas, & amplius adijcere nunc, præter eas, quas rescipsit Concina, opiniones ex tuis Casuistis decerptas, volui, ut intelligeres verum, quod indicavi, esse, nempe stultitiæ fontem fuisse Concinam, si in tanta laxarum opinionum, quas apponere potuisset, uberrima copia, veras adulterasset doctrinas, ut tu injuria summa eidem, exprobras. Denique, ut persuasus sis, secundissimum, amplissimumque esse laxitatem moralis fundum, si ducentas alias laxiores cupis, continuo me daturum ex solis Societatis Casuistis excerptas spondeo. Nec enim te latet, quas uberes fodinas intactas reliquerim, nempe Alloz, Arckdekin, Bernal, Banholtzer, Bonart, König, Illsüng, Burgaber, Fagundez, Baldel, Pellizar, Tanner, Kerene, Wagener, Vuex, Krimer, Torres, Stoz, Stodt, Schmalzgrueber, Uth, Taberna, Dichastillo, Kuglier, Salaz, Saa, Mazzotta, Sirmond, Rosmer, Raynaudum, Pinthereau, Pirot, Wiestner, Gormaz, Martignon, Baun, Quinanadvennas, Lohner, Mendo, Mlodzianovuski, Mascarenas, plurimosque alios. Cribro itaque aquam colligis, & Ethyopem dealbas, crede mihi, dum a doctrinarum laxitate asserere Casuistas tuos contendis, si illi ipsi Casuistæ tui, ut ex Escobario vidimus, se laxioribus adhærescere opinionibus gloriantur. Quamobrem Divina Providentia factum, destinatumque esse intelligo, ut librum tuum publici juris faceres. Cur? Jacuissent in duodecim Christianæ Theologiæ voluminibus dispersæ, & veluti absconditæ opiniones laxæ. Id boni peperere vindiciæ tuæ, & vitilicigationes, ut luculentius scilicet latiusque resurgeret sinistra opinandi ratio. Opiniones siquidem ab Evangelica simplicitate, Patrumque doctrina alienæ, te cogente, una collectæ, & magnopere auctæ nunc prodeunt, fortiusque lectorum oculos percellunt, eosdem ab istorum Casuistarum lectione abducunt, quo unice spectant Concinae vota, & ad veritatem, missa contradicente probabilitate, comparandam incendant, arguentque. Non leve igitur est beneficium, quod liber tuus iis attulit, qui Evangelicæ Moralis intaminatam, sanctamque doctrinam consequi avent.

III. Te expectare ais, mi Noceti, ad opellam tuam mordaces declamationes, scemmata, ultrices satyras, secus eorum, quæ opposuisti, solutionem? Provinciam hanc exornandam integramque relinquo Magistro Dinellio. Ipse palam faciet, quam prudenter confidentia hæc scripseris, & quam falsa Casuistarum tuorum persuasionem tenearis. Interim te ad gravissimum, & summi momenti colloquium, amice, serioque, missis sarcasmis, & declamationibus, peragendum, humillime invito. Propositiones, quas collectas tibi exhibui, sunt veneficæ radices, unde plurimæ aliæ pullulant. Sed quod caput est discutiamus. Primores Casuistæ tui Sanchezius, Tamburinus, Vasquez, Azorius, Castropalaus, Escobarius, atque alii inferioris subbelli, Theologiarum virtutum exercitia, alii ad mortis articulum coercent, alii intra quinquennium, alii intra biennium

per se

per se obligare ajunt. Propositiones rescriptæ perspicuæ sunt. Quisque adire fontes valet, & tu, mi Noceti, hoc ignorare nequis. Nunc, quæso te, serio colloquamur. Caritas Theologica, quæ primo Deum, deinde proximum spectat, basis est, & fundamentum, cui universum Religionis suæ ædificium Christus Jesus superstruxit. Hoc Caritatis fundamento sublatò, totum corruiet ædificium: Quid heinc necessario proficiatur, ipse tenes. Laudati Casuistæ ita Caritatis exercitium erga Deum limitant, & extenuant, ut in nihilum fere reducant. Quid de caritate erga proximum doceant? Occidendos homines, ajunt laudati Casuistæ, propter unum aureum, propter unum pomum contemptim raptum: acceptandum, immo offerendum duellum calumniatori pervicaci, quoties alia non patet via honorem proprium conservandi: immo proditorie tunc perimi calumniatorem posse adfirmant. Quid de luxuriæ paradoxis dicerem, si indicare illa vellem? Ergo eorumdem doctrinæ morum, Evangelica non est, Christiāna non est. Qua ergo conscientia illorum lectio suadetur? Quid istorum inficiaris? Primum? Præterquam quod propositiones sinceritæ summæ excerptæ, quæque conserti cum auctorum libris valent, id evincunt, audias velim Jesuitarum, tui Cardinalis Pallavicini testimonio, elapsi sæculi supremum Theologum, morumque sanctitate ornatissimum, P. Michaellem Elizalde, sic sentiri: *Nuper percurri Summam Moralem multorum voluminum... Quæsvi Christum, & NON erat. Quæsvi ... CARITATEM, & Dilectionem Dei, & Proximi, & NON erat. Quæsvi Evangelium, & NON erat. Quæsvi Humilitatem, sine qua salvatur nemo, & NON erat. Et si Paulum, aliumve Apostolum, Sacerdotemve percurras, contrariā omnino INVENIES, & referta cuncta Christo, Caritate, Humilitate, & Sanctitate. Ergo hæc doctrinæ nullum successioni, nullum consanguinitatis, affinitatisve gradum inter se habere videntur ... Evangelium ergo simplex est, & omni duplicitati repugnat: & habet EST EST: NON NON. Modernus contra MORALISMUS duplex est, & bilingui illa probabilitate utitur, & habet EST simul, & NON EST; cum sua regula sit probabilitas contrariarum, & contradictoriarum propositionum. Sicque a simplicitate prorsus distat (a). Quatuor præ ceteris Casuistas omni respectu humano proculcato de nomine P. Elizalde appellat: nempe Tamburinum, Escobarium, Dianam, Caramuelem. Escobarium vividis, atque genuinis coloribus dipingit his verbis: *Escobarium animam, & quasi totam quintam essentiam Probabilismi in lucem extraxit, dicendo EST, & NON EST, LICET, & NON LICET.* Qui hoc candore, & invicto pectore loquitur, non est Paschalis, non Arnaldus, non Nicolius, non Sinnichius, non Henricus a S. Ignatio, sed est sapientissimus, probissimusque Societatis Jesu Theo-*

Theologus . Aliquid hic meditationis Christianæ, mi Noceti. Extranei, & domestici, amici, & inimici, Catholici, & Hæretici, Pontifices, & Episcopi una conveniunt, clamantque Moralem Evangelicam a recensitis Casuistis plurimis relaxatam, adulteratam, deformatamque esse. Neque enim prænominatis produci laxiores queunt. Quid ergo de istorum libris agendum? Audias rursus velim, non Vendrochium, non Arnaldum, non Concinam, sed ipsum Jesuitam Elizalde. *Hæc sit. nostra brevissima, & æquissima, responsio: cum his scilicet libris. id. faciendum esse, quod. per ipsos, eorumque Auctores cum Sanctis Patribus, Doctoribusque Ecclesiæ factum est... Jacuit Augustinus?... Tantundem saltem jaceat DIANA.... Si vel Ambrosium, vel CARAMUELEM, vivere oporteret, quis non Ambrosium præhabeat? Si populi vel ex Gregorio, vel ex TAMBURINO, & ESCOBARIO regendi sint, quis eos non præferas, quos Doctores vitæ nostræ Ecclesiæ nobis porrexit?... Hi ergo cum Evangelio, & doctrina Sanctorum simul vivere, regnareque NON POSSUNT (a). Serio, & alta mente considera Jesuitam, non Jansenistam esse, qui tanto peccatore intonat. Quare ridet eruditi omnes, dum te audiunt scribere. Concinam, expilasse Provinciales Epistolas, Vendrochios, Sinnichios, cum doctius, nec minus intrepide Jesuitæ Elizalda, Camargus, Gonzalezius, Alpharus, alique cum Dominicanis fœderati in laxiorem Ethicem investi sint. Sed tempus jam est, ut id, quod altius animum meum scindit, manifeste aperiā. Non minus mihi evidens est Moralem doctrinam Sanchezii, Escobarii, Tamburini, Castropalai, La-croixii, Vivæ, aliorumque similium in plurimis, & præcipuis punctis falsam esse, quam duas propositiones contradictorias non posse esse simul veras, aut simul falsas. Istorum quippe Moralis majori ex parte contradictoriis doctrinis constat. *Est, & non est: sufficit, & non sufficit: licet, & non licet.* Hæc evidenti persuasionē firmiter præventus, dum te, mi Noceti virum probum doctumque, aliosque commilitones tuos similiter probos doctosque audio. istorum Casuistarum doctrinam propugnare, extollere, eandemque suadere Confessariis pro animarum regimine: dum, inquam, hæc duo apposita matura consideratione meditor, totis artibus contremisco, & undique versum terrore percussus exclamo: *Terribilis Deus in consiliis super filios hominum: judicia Dei abyssus multa. Quam terribilia sunt judicia tua Domine!* Et nisi Apostolus Paulus hoc suo oraculo: *Sed licet nos, aut Angelus de celo evangelizat vobis, præterquam quod evangelizavimus vobis, anathema sit:* (b) me confirmaret, animaretque, forte conciderem. Sed hac divina veritate sultus nihil moror, cum vos audio similia fundentes: Viri docti, pii, & probi ita docent. Bene habet. Viri probi dodique fuere Sanchezius, Tamburinus, Esco-*

(a) 3. p. 1. 8. q. 8. 5. 8. pag. 150. (b) Ad Galat. cap. 1. 8.

Escobarius, similesque plurimi. Et tamen caritatis erga Deum, & proximum, a qua tota lex pendet, mandata sere in nihilum redegerunt, damnatas, & damnandas doctrinas plures edocent, & passim defendunt. *Licet, & non licet est, & non est: sufficit, & non sufficit.* Doctrinæ autem istæ regnare cum Evangelio (ut Jesuita Elizalde docet) non possunt. Illud etiam in tanta discriminum vicissitudine, & opinionum perversitate me erigit, quod eodem Apostolo teste, sciam tempus futurum esse, in quo sanam doctrinam non sustinebunt: sed magistros venturos fore, non Rigoristas, non Tutoristas, non favos, qui poenarum severitate terrorem incutiant; sed Doctores, qui auribus pruriant, qui contempta veritate, fabulas representent, & doctrinas mutuo pugnantes doceant, & suadeant. Hæc si, posito partium studio, & gratia Divina suapte natura valida perfusus, meditatus, mi Noceti, fueris, nullus dubito, quin lux veritatis, falsitatis tenebras sit dissipatura. De salutis nostræ negotio res agitur: nostram æternam felicitatem his disputationibus in discrimen adducimus, si negligentes in re tanti momenti fuerimus. Hæc sunt ultres Satyræ, hæc scommata, quæ tibi meditanda propono, ut scribere cautius in posterum perdisceas.

IV. Falleris, mi Noceti, dum pag. 284. scribis, mirum non esse, si in tanta optimarum rerum multitudine, ac varietate, si magnis Magistris duobus, Jesuitis ETIAM aliquid minus rectum exciderit: quod ceteroquin sapientissimis etiam sanctissimisque Auctoribus aliquando evenisse compertum est. Cum Sapientissimis, atque Sanctissimis Doctoribus, tuo præeunte laxioris Ethices patrono Bail, comparas recentes Casuistas? Aliquid minus rectum vocitas caritatis, fidei, spei præcepta, aut ad articulum mortis restringere, aut ad alia rarissima intervalla? Aliquid minus rectum vocas modum illum opinandi, quem Casuistæ tui, repugnantibus Dominicæis, ab integro sere sæculo, tam constanti, & unanimi consensu propugnant, quemque ab Evangelica simplicitate, & Patrum doctrina alienum Alexander VII. declaravit, & ut omnium malorum caput Ecclesia Gallicana improbât? Tamquam minus rectum appellas centum, & amplius propositiones proscriptas ab Alexandro VII. & ab Innocentio XL in Theologia Probabilistica defensas? Nolim tamen intelligas, omnes a Jesuitis Casuistis propugnatas.

V. Lamentaris p. 306. quod Concina declaret laxas esse opiniones plures Casuistarum, quin easdem rationibus refellat. *Quamobrem*, inquis, tota vis impugnationis ad illa duo antiqua verba redigitur: IPSE DIXIT. Quæ quidem ratio impugnandi sententias apud Concina frequentissima est. Verum habet, quod frequenter rescribat opiniones laxas Casuistarum, adeo communi sensui insectas, ut seipsis horrorem ingerant, concidantque. Numquid hæc opiniones: *An liceat virile membrum in os uxoris immittere? An liceat in conjugis absentia verenda propria libidine attingere?* & aliæ plurimæ similes, quas quidem suso calamo versant, longa refelli disputatione de-

debent? Ceterum si Concina leviter, & in transcurfu Casuistarum opiniones refellit, facilius vobis erit easdem defendere. Temetipsum perpetuis antilogiis conficis, mi Noeti. Nunc ut laxitatem nuntium manifestam excuses, truncate rescriptam propositionem asseris. Nunc doles, quod declamationibus nimis exaggerata laxitas sit; & tandem conquereris, quod obiter resutatæ opiniones sint. Si pro dignitate refellere Concina opnes, quas recenset, opinionationes laxas voluisset, viginti; & amplius volumina satis minime fuissent. Easdem ille modo brevi, modo proluxa oratione, pro laxitatis diversitate profligare studuit. Tu, si quid validius, missis cavillationibus, habeas, in arenam descendito, & pugna pro earundem immaculata doctrina, si potes: quod tamen numquam præstabis: plurimamque salutem tibi dico.





## EPISTOLA VII.

A D

P. CAROLUM NOCETIUM

S O C. J E S U.

A R G U M E N T U M.

*Quod ait P. Concina, leges Societatis improbare Probabilissimum; falsum  
evidenter est. P. Nocetius pag. 282.*

**N**egas leges Societatis tuæ Probabilissimum diris devovere? Immo, inquis, hoc falsum evidenter esse. Legem in apri- cum traduco, ut universa Respublica Litteraria judicium ferat. Lex, quam solemnî ritu professus es, ejusmodi est: *Sequantur in quavis facultate SECURIOREM, & MAGIS APPROBATAM doctrinam, & eos auctores, qui illam docent.* (a) Edissere, mi Noceti. Numquid opinio minus secuta, securior est? Numquid doctrina minus approbata, magis approbata est? Numquid doctrina minus probabilis, probabili- or est? Quid hiscis? Hæc paradoxa mutuo pugnancia defendenda tibi sunt, ut negare, leges tuas Probabilissimum improbare, valeas. In quavis facultate securiorem, & magis approbatam doctrinam ut amplectaris le- ges tuæ jubent: et tu doctrinam minus probabilem, minus securam, minus tutam ex instituto propugnas, & pro eadem veluti pro aris, & focis dimicas? Si legem adeo perspicuam, adeo evidentem inflectere distinctiun- culis obscurare, commentis eludere non reformidas; quæ lex, quæ jura, quæ præcepta, quæ diplomata a cavillationibus tuis subtilissimis immunia, & salva consistent? Si evidenter falsum est, leges Societatis improbare doctri- nam minus securam, minus probatam, minus verisimilem; quid tibi evi- denter verum erit? Hinc colligent sapientes omnes, si legem tam lucu- lentam cavillaris, quid mirum, si plura ex Theologia Christiana in liti- giosam disputationem adducas? Tibi quadrare apprime videtur, quod scri-  
bit

T

---

(a) part. 4. Const. cap. 5. n. 4.

bit S. Augustinus: *Verum si Dei legem, non sicut se habet, sed sicut vobis placet, intelligitis; quid mirum, si & de lege Imperatoris hoc facitis?* (a)

II. Non modo securiorem doctrinam ut amplectaris tuæ leges jubent, verum etiam Auctores qui illam docent. Tu vero, mi Noceti; pag. 303. scribis: *Et sane ego malim esse MEUM Dianam, quam esse meum ... in Theologia morali Natalem ab Alexandro.* Ita ne vero? Numquid legi huic tuæ patres, dum rejecta Theologia Natalis, tuum in Christiana Theologia Magistrum eligis Dianam, qui opinionum laxitate, ut ait Caramuel, tollit peccata mundi in hoc sæculo, sed non in futuro? Theologia Moralis, & Dogmatica Natalis ab Alexandro tota constat Scripturis Sanctis, Conciliis, Patribus, & sacris Canonibus. Theologiam Dianæ universam constant pugnantem Probabilistarum opiniones. Dianæ Theologia in morum controversiis perpetuo exhibet est, & non est: licet, & non licet: sufficit, & non sufficit, ut suavius his contrariis opinionibus efficiatur jugum Christi, inquit, P. Antoninus Escobarius tuus. Idcirco mavis esse tuum Dianam, quam esse tuum Natalem ab Alexandro in Theologia Morali, quia hic detestatur bilinguem illam probabilitatem est, & non est: licet, & non licet.

III. Sed abs te quaero. Cur non dixisti: malo esse meum Tyrsum Gonzalezium Patrem nostrum, Vitelleschi Patrem nostrum, Michaelen Elizalde, Paulum Comitolum, Andream Blancum, Cardinalem Bellarminum, Cardinalem Pallavicinum, Munieffam, Antoine, Malatram, immo S. Patriarcham Ignatiū, qui securiorem doctrinam ut amplectaris, jubet? Respondes p. 282.; Aliam habent famam sapientie, atque existimationem „ non modo apud nos, sed apud universam Litterariam Rempublicam „ Suarez, Vasquez, Molina, Azorius, Valentia, Sanchez, Lessius, Castropalaus, Filliucius, Fagundez, Henriquez, Rebellus, Tamburinus, Salas, Laymanus, Cardinalis de Lugo, Conink, Cardenas, & plurimi similes, qui Probabilissimum non improbant, quam Comitulus, Elizalde, Camargo, Tyrsus, Antoine. “

IV. Contra ego repono unum P. Michaelen Elizalde prævalere sexcentis Sanchezii, Azorii, Coninkii, Castropalais, Tamburinis, Lessii, Laymanis, Filliucii, & plurimis aliis similibus. Evinco. Illi splendidiore sapientiae fama resurgent, qui Dei doctrinam ab erroribus immunem docent. Habes ne, quod adversus hanc primam propositionem reponas? Absit. Ad secundam. In operibus Sanchezii, Tamburini, Castropalai, Filliucii, Lessii, Azorii, Fagundezii, Henriquezii Moralis Evangelica, pluribus opinionibus partim damnatis, partim, nisi mea me fallat opinio, damnandis,

---

(a) Lib. 31. cont. Jul. cap. 4.

dis, plus & minus scatet. Contra Evangelicæ doctrinæ in operibus Comitoli, Elizalde, Gonzalezii, Camargi, Antoinæ ab omni opinione damnata, vel damnanda intaminata est. Hæc quoque secunda opinio luculenta est, teque provoco, ut aliquid damnationis in his operibus designes. Ergo isti Antiprobabilistæ apud universam Rempublicam Litterariam tum caelestem, tum terrestrem, sapientiæ laude splendidius resurgunt præ recensitis a te, & similibus Probabilistis. Quid ad hæc, mi Noceti? Sed cur scripsisti de tuis Probabilistis: qui *Probabilissimum non improbant*? Cur non dixisti: qui omnium virorum conatu Probabilissimum defendunt, etiam in re sacramentaria, etiã in administranda iustitia, ut Sanchezius, & Lessius, qui sunt primores Doctores? Communiter nostra hæc ætate Jesuitæ fere omnes Probabilissimum docent, propunant, ut La-croixius, Zaccaria, Sanvitale, & alii testantur. Contra, dum incertamen descenditis, trepidi, & tremuli vix audetis elata fronte vexillum pro Probabilismo explicare. Primo loco recensentes in favorem Probabilissimi Doctorem eximium P. Suarezium. Huic ego oppono Cardinalem Bellarminum. Reponis ne, Bellarminum ex instituto non consutasse Probabilissimum? Ajo ego, neque P. Suarez data opera controversiam Probabilismi expendisse. Sed in pluribus opinionibus eidem hæsisse tu contendis. Contra P. Camargo oppositum asserit. Quem autem horum pluribus facis, sive doctrinæ puritatem, sive morum sanctitatem spectes, Suarezium, an Bellarminum? Sententiam dicito. Hæres ad aquas? Antepones ne Suarezium Bellarmino, qui semper in rebus controversis probabilior, & securior amplectitur sententiam, & ut id alii præstent, inculcat? Duos Præpositos Generales Vitelleschium, & Gonzalezium, Comitolum, Elizaldam, Camargum, Alpharum postponis Tamburino, Castropalao, Filliucio, Laymano, Coninkio, & his similibus? Isti Casuistæ Probabilistæ majori potentiore sapientiæ fama apud Rempublicam Litterariam præ illis? Næ tu amplam ridendi segetem eruditæ præbes, qui hæc in libro tuo legunt!

V. Non minus festiva sunt, quæ ibidem pag. 283. continuo subdis: *Atque ut aliquid etiam de ipsi Dominicanis attingam. Quo argumento probatur Baronius, Contensonius, Natales, Gonetos, Concinas, & similes Antiprobabilistas SAPIENTIORES esse celeberrimis illis antiquioribus Dominicanis, qui Probabilissimum per integrum seculum tutati sunt?*

VI. Quo argumento id probabitur? Argumentis id evincam, quæ ad perpetuum silentium te redigent. Perge porro. Mercorus, Baronius, Contensonius, Martinezius, Gonetus, universo Prædicatorum Ordine in Comitii Generalibus congregato imperante, & Pontifice Summo Alexandro VII. hortante bellum Probabilismo intentarunt, atque eundem omni argumentorum genere exagitarunt, profligarunt, & ab universo Ordine exterminarunt. Edissere. Quinam sapientiores? Octo, aut decem privati scri-

ptores, qui opinionem excogitarunt antiquis incognitam: qui neglecta Angelici Doctoris S. Thomæ doctrina, proprio indulserunt cerebro: an Theologi illi, qui S. Thoma, & antiquioribus Dominicanis Magistris præeuntibus, qui Summi Pontificis mandatis parentes, Probabilissimum improbarunt? Quid responsi præbes? An non sapientiores illi, qui doctrinam Sancto Thomæ, Summisque Pontificibus, & universo Prædicatorum Ordini probatam descendunt, quam ceteri pauci, qui privata commenta evulgarunt? Probabilistæ sive Jesuitæ, sive Dominicani plures proscriptas opiniones ediderunt, & alias laxas, ut mihi videtur, proscribendas. Contra Dominicanos Antiprobabilistæ nullam vi systematis propugnarunt in morum doctrina sententiam proscriptam. Quinam ergo sapientiores? Qui doctrinam sanam Evangelio conformiorem descendunt: an qui laxiorem Ethicem, & systema ab Evangelica simplicitate, Patrumque doctrina alienum descendunt? His argumentis ut respondeas, te provoco, atque pressius te urgeo. Quid Baronios, quid Contensonios, quid Gonetos comministeris? Omnes, arripe aures, omnes, inquam, communiter Theologi Dominicani ab integro fere sæculo Probabilissimum ejurarunt. Quid itaque quinque dumtaxat Dominicanorum manipulum obrudis, ut imperitis fucum facias, si integer Ordo, si omnes Theologi Dominicani Antiprobabilissimum propugnant, sibique gloriæ vertunt, turmatim in Probabilissimum, cui Evangelicæ doctrinæ adversum, ut Alexander VII. & universa Ecclesia Gallicana declararunt, irruere? Hæc sunt argumenta, quæ evincunt sapientiores esse Dominicanos, qui ab anno 1656. unanimi consensu Ordinis universi Decreto, & Pontificis consiliis Probabilissimum improbarunt, præ illis decem circiter Theologis, qui Probabilissimum a Medina excogitatum evulgarunt. Aliqua illi venia digni sunt, quod absurda, & immania consuetudina, quæ ex Probabilistico systemate temporis cursu manarunt, minime perspecta habuere. At illi, qui post tot opiniones laxas, quas plurimi Probabilistæ, aut antiquatas rursus innovarunt, aut novas excogitarunt, quasque S. Romana Sedes proscripsit, Probabilissimum defendunt, infeliciores apparent. Ut ut tamen res hæc sese habeat, illud est certum, illud ineluctabile, auctoritatis longe gravioris esse universi Dominicani Ordinis Diploma, quo ab universa Religione Probabilissimus exterminatus est: & omnes ejusdem Ordinis Theologos, qui Probabilismo perpetuum bellum intentant: quam fuerit olim patrociniū decem circiter Dominicanorum, qui Probabilissimum, nondum causa bene expensa, defenderunt. Ut respondere solide queas; quis penes te prævaleat; num universi Ordinis Prædicatorum Decretum contra Probabilissimum, & omnium ejusdem Ordinis Theologorum auctoritas, & Summi Pontificis Alexandri VII. consilium; an vero decem scriptorum patrociniū, serio tibi recogitandum est.

VII. Aliud, quod proposui argumentum, tuum spectat in Morali Evan-  
ge-

gelica *indifferentissimum*, mi Noceti. Propositiones, quas Concina rescriptis ex tuis Casuistis, propugnare ipse non audes. Docet P. Gobat posse aliquot horas procum, & puellam *induros*, & *exutos* eodem in lecto cubare, præsertim inter plebeios. Tu resumis: *Ut ut se habeant Germanorum mores: opinionem Gobati, ut ab ipso proponitur, ego non defendo.* Ut ut se habeant Germanorum mores? Quod ergo juvenes Germani *exuti*, & *induti* in eodem lecto cubent cum suis puellis *amasiunculis*, suspensus animi hæres siceat ne, an secus? Opinionem hanc non defendis? Hoc unum desuisset, quod illam propugnares. Crimen est, ut mea fert opinio, illa non detestari. Crimen est eam inter Germanorum mores constituere, atque intactam relinquere. Eam, Probabilista cum sis, non improbas. Probabilis ergo, vi systematis, remanet. *Ut ut se habeant Germanorum mores?* Numquid Germani a peccati originalis labe immunes? Numquid Germanorum concupiscentia extincta jacet? Fateris opinionem Gobati, etiam ut ab ipso proponitur, adeo laxam esse, ut propugnare illam minime audeas. Et Concina imposturæ arguis, quod eandem inter laxas reposuerit? Verum hoc dicis gratia. Illud nunc improbo, quod speciem *indifferentissimi* in Morali Evangelica præferre videaris. Non defendis laxas Gobati, de Lugo, & aliorum opiniones. Suspensam ergo animi sententiam tenes? At adversus hanc indifferentiam Christus clamat: *Qui non est mecum, contra me est: & qui non congregat mecum, spargit (a).* Aut veritas ergo asserenda, aut laxitas, seu falsitas. Nihil isthic medii. Alterutri dominorum servias necessum est: inquit Christus Jesus: *Nemo potest duobus dominis servire: aut enim unum odio habebit, & alterum diliget: aut unum sustinebit, & alterum contemnet (b).* Nullum hic ad effugium aditus. Aut veritati servire, aut laxitati debes. Christianæ professioni minime sat est, quod tu asseris. *Non defendo opinionem Gobati, de Lugo &c.* Easdem exerte improbes oportet, ut Christo Jesu adhærescas. Suspensum itaque exue animum, & cum Concina reselle opiniones illas, quas propugnare erubescis. Si oppugnare easdem renuis, illas defendito. Alterutrum enim tibi præstandum est. Neutrum animum Christus, ut vidisti, detestatur. Elige ergo quam malis partem. Vale.

EPI.

(a) Matth. 12. (b) Matth. 6.

## EPISTOLA VIII.

A D

P. CAROLUM NOCETIUM

S O C. J E S U.

A R G U M E N T U M.

*Carpi hic P. Concina more suo LA-CROIX, illumque vocat opinionum contrarium collectorem, qui lectoribus libertatem eligendi, quam placuerit, passim relinquat. At hanc esse methodum, quam in universa sua Theologia servat DOCTOR iste. At hanc methodum Casuistici Pyrrhonismi speciem redolere. At hanc esse justam criticen in opera La-croixii.*  
 P. Carolus Nocetius pag. 271.

**E** Pistola hæc, Noceti Pater, locum præloquii tenet ad Documentum, quod donandum tibi existimavi, ut criticen, quam P. Concina in Opera P. La-croixii pronunciavit, luculentius, atque validius confirmem. Collectorem contrariorum opinionum La-croixium Concina appellavit. Hanc tu critices rationem improbas. Quo argumento? Concedis illum, *aliquando productis hinc inde Auctoribus, eorumque argumentis judicium suum suscinere.* Aliquando? Passim hoc præstat, ut cuique ejusdem opera legenti compertum sit. Et quamvis interdum hanc præ illa sententiam adoptet, rationibusque muniatur, quid inde? Admissio Probabilistico systemate, quod suo operi præmisit ille, omnes, quas recenset opiniones, probabiles evadunt. Hunc Patris Busembaum Commentatorem, ut majoris sit apud Sacramenti Pœnitentiæ Ministros auctoritatis, DOCTOREM appellas rei Casuisticæ, atque in *omni Theologia Moralis parte doctissimum, & versatissimum* p. 272. Sit, per me licet, Doctor Doctissimus, & Theologus versatissimus, ut tu ais, iste Medulæ P. Busembaum interpretis. Absit enim, ut dotes splendidissimas P. La-croixii obscurare ego velim. Illius personam, sicut & omnium Casuistarum merita, non secus ac Concina, suspicio. In eorundem opera dumtaxat Coneina inquisivit, & quod imbecillitati suæ oppositum in eisdem cum Evangelio apparuit, pro viribus refellere conatus est.

II. Ut vicem rependas, criticen in *Theologiam Christianam* exerceas.  
 Ais,

Alis, illam esse meram collectionem opinionum omnium rigidiorum, *solido ratiocinio vacuum*. Cur ergo vos Concine adversarii ad ejusdem librorum aspectum tam vehementer saltitatis, & in omne latus vosmetipsos rotatis? Non erat sane, cur universa Societas in Comitibus Generalibus congregata nullum non moveret lapidem, ut ipsius *Theologia Christiane* ruinam moliretur, eamque tantæ Societatis cura, & studio dignam reputaret, si rationum illam vacuum existimasset. Se ipsa enim corruisset, si rationum caruisset fundamentis. Addis ibidem p. 272. in illa esse *recoquid quiddam Litteræ Provinciales, Theologia Moralis Jesuitarum, Henricus a S. Ignatio, Sinnichius, alique notissimi Societatis oses jam collegerunt*. Non aliud ergo obtrudere Casuisticæ laxitatis oppugnatoribus scitis, quam Epistolas Provinciales? Tam alte insculptæ animis vestris Epistolæ istæ sunt, ut in omni eventu easdem adversariis vestris objiciatis? Quid ad nos Epistolæ istæ? An oculis & mente ad legendos, & intelligendos Casuistas vestros nos caremus? Cur Sinnichium Societatem osorem appellas? Quid adversus Societatem molitus est? Nihil sane, quod ego sciam. At oppugnavit nonnullas Tamburini laxas sententias. Osos ergo Societatis sunt, quot quot in laxiorem doctrinam calamum acuunt. Et hæc cantilena ab integro fere sæculo canitur. Non advertis, mi Noceti, te, tuoque non paucos Socios hac vestra scribendi ratione extremam Inclytæ Societati vestræ conflare invidiam? Heinc quippe argumentatur Respublica Litteraria: Hostes insignis Societatis Jesu sunt illi omnes, qui laxiorem Ethicæ resellunt. Ergo, si verum hoc est, laxiori doctrinæ Societas Jesu patrocinium impendit. Consectarium istud necessario ex antecedenti a te scripto manat. Akerutrum ergo: aut primum perneges, aut secundum excipias necessum est. Rogo te, mi Noceti, ut referare mihi arcanum istud ne dedignere. Quid est, quod Probabilissimi oppugnatoribus semper, & iterum semper has Epistolas Provinciales, & Auctores Janсениsmi suspectos obtrudatis? Aut veram defendunt doctrinam adversarii vestri, aut falsam. Si veram, ideo ne falsa evadet, quia illam defendunt Janсениstæ, Lutherani, Calviniani? Si falsam, cur falsitatis illos non revincitis, missa criminatione? Cur ad hoc vos semper recipitis asyllum? Quid in hoc continuo perfugio arcani est? Ut quidquam semper in promptu vobis sit, quod Casuisticæ laxitatis osoribus opponere pro temporum opportunitate valeatis? Qui ergo propugnare Evangelicam morum doctrinam velint, declinare hanc terribilissimam Janсениsmi notam non poterunt? Nihil vos moramini Decretum Innocentii XII. quo cavetur, ne quisquam Janсениsmi accusetur, nisi aliquam ex quinque damnatis propositionibus docere illum consiterit? Verum quia, omni lege neglecta, hanc recoquere crambem vobis placet, palam ego universæ Reipublicæ Litterariæ facio, hoc esse peremptorium afflictæ, & desperatæ causæ ar-

gu-

gumentum. Si enim id in manibus vobis esset, quo revinci falsitatis adversarii vestri a vobis possent, profecto ad hunc communem locum minime confugeretis. Hoc frequentius, & fusius, quam par esset, tibi impropero, ut tu, tuique plures ab hac futili, & inepta Epistolarum provincialium, & Jansenismi criminatione tandem aliquando, si fieri potest, desistatis. Quod si in deliciis habes, has Epistolas, Auctoresque Jansenismi suspectos objicere, scias oportet, viros eruditos hanc vestram familiarem accusationem risu, & cachinnis excipere. Subdis ibidem, Doctoris La-croixii viri doctissimi summan peritiam in causa esse, cur ejusdem opera sint *facilis distractionis, quæ tam acriter urit P. Concina*. Non Concina modo, verum etiam omnes, qui salutis æternæ animarum zelo flagrant, angit, torquet, uritque hoc unum, aliorumque tuorum studium, & industria, qua morales Probabilitatum libros contrariarum opinionum *est, & non est: licet, & non licet: sufficit, & non sufficit* plenissimos, propagare totis viribus conamini; contra vero sanioris doctrinæ Auctores apud imperitorum amplissimam multitudinem, ut *Jansenistas*, aut *Jansenismi, Bajanismi, Rigorismi, Tuetorismi* lue infectos traducitis. Desperaret Concina, desperarem & ego de æterna salute, si opera Sanchezii, La-croixii, Vivæ, Tamburini, Gobati, Escobarii, Dianæ, & similium legenda suaderem Sacramenti Pœnitentiæ Administris. Quoniam evidenti persuasione convictus ego sum inter vastissimam illam tricarum, distinctionum, subdistinctionum, & opinionum mutuo pugnantium congeriem, simplicem Dei legem, quæ lex veritatis est, minime refulgere. Tu contra sentis. Quid inde? Hostes ne propterea erimus? Absit. Judex æternus sedebit, judicabitque, num tu, tuique plures jure ne Concina impostorem, calumniatorem, Rigoristam, malignumque infamatorem traducatis, propterea quod a vestro novo opinandi modo dissentiat.

III. Antequam vero tremendissimum iudicium istud proferatur, novum tibi adferre magnæ auctoritatis documentum volo, quo critices, quam in opera P. La-croixii Concina tulit, magnopere confirmetur. Unde venit, & cujus est documentum istud, quod Concinae critice in La-croixium probat, confirmatque? Venit non a Gallia, non a Portu Regio, non a Flandria, sed a Germania, immo a Bavaria. Auctor est non Dominicanus, sed Canonicus Lateranensis, perdoctus nempe, eruditusque Theologus *P. Eusebius AMORT*, universæ Reipublicæ Litterariæ notus ob præclara, & varii generis opera in lucem edita. Is in primo suo Theologiæ Scholasticæ Tomo in La-croixii Moralem Theologiam prudentem, solidamque criticem præmittit. Animadvertit hanc La-croixianam Theologiam appellari *Historiam opinionum probabilium*. Et merito quidem. Nam vix una occurrit pagina, in qua non occurrant Probabilistæ Auctores mutuo pugnantes: & istorum contrariæ opiniones, ut probabiles con-



conscientiarum regulæ proponuntur, aut ut opiniones adoptatæ ab Auctoribus Probabilistis, quos ipse graves appellat, atque adeo aptos, ut ab auctoritate opinionem probabilem constituent. Nec refert, ut alias dixi, & repetere juvat, Patrem La-croixium aliquando asserere hanc opinionem sibi videri probabiliorē, illam minus probabilem, hanc improbabilem. Hæ limitationes, & clausulæ, inquit *P. Eusebius Amort*, frustraneæ sunt. Siquidem ex principiis generalibus Probabilissimi *P. La-croixius* constituit opinionem quamlibet theologice probabilem, tutam esse conscientie regulam. Est vero opinio probabilis, quam graves Doctores Casuistici confirmant. Unde infert *P. Amort* Probabilissimum fontem esse laxarum opinionum, immo, ut universus Clerus Gallicanus declaravit, omnium malorum caput. Concludit vero, laxitatibus, & corruptelis, quæ in mundo dire grassantur, nullum posse litus poni, nisi fons exsicceetur, nisi Probabilissimi planta penitus eradicetur. Nam & omnia, quæ ex *La-croixio* collegit *P. Amort*, ex qualibet Theologia Morali Probabilistica congeri præter propter valent. Quid enim aliud scribit *La-croixius*, nisi quod scripserit Sanchez, Reginaldus, Filliucius, Vasquez, Azorius, Escobarius, Fagundez, Illung, Castropalaus, Baunius, Moya, Martinonus, & ceteri similes, qui cum sint juxta ipsum Auctores Classici, probabilitatem concipiunt, & pariunt?

IV. Nec est, Noceti Pater, quod conqueraris, me invidiam creare *P. La-croixio*, dum quæ publicis typis *P. Amort* edidit, isthuc ego transcribo. Siquidem tu me vel repugnantem ad id coegisti. Nonne in hac tua opella ad ravim usque repetis, Paschalem, Vendrochium, Sinnichium, Henricum a S. Ignatio illos esse, qui laxarum opinionum censum ex Jesuitis Casuistis texuerunt, illosque imitatum Concinam esse. Quamvis commentum istud chimæricum alias labefactatum sit, præsertim, quod post mortuos Paschales, Vendrochios & Sinnichios, *La-croixius*, *Viva*, & alii sua probabilistica opera ediderint; nihilo secius, ut confirmem quæ *Concina* scripsit, operæ pretium existimavi proferre, quæ publici juris fecit, non Gallus, non quispiam factionis Janсениæ, suspectus, sed ingenuus Germanus, eruditusque Theologus *P. Eusebius Amort*. Heinc colliges, *Concinam*, non odio, non invidia, non animo maligno in Jesuitas, sed studio consulendi animarum saluti fatagere, ut omnes Theologiam Probabilisticam, & quæ inde manant exitiosa consecraria detestentur. Hujusce suæ intimæ intentionis, non tu, mi Noceti, non Probabilistæ omnes, sed solus Deus judex est, qui severo, tremendoque judicio definiet quo tempore, qua ratione, quoque fundamento vos eundem ut malignum, impostorem, calumniatorem, & Societatis Jesu infamatorem traduxistis. Sed tempus jam est, ut *Catalogum* opinionum probabilium, quas ex *La-croixio* collegit *P. Eusebius Amort*, tibi perhibeam. Vale in annos plurimos.

V.

R. P.

## C A T A L O G U S

*Opinionum probabilium circa generalia morum principia  
ex T. La Croix Lib. 1. & 2.*

## P R Æ F A T I O . .

**A**D quantas laxitates Probabilismus viam sternat, nullo alio argumento luculentius demonstrari potest quam si ex Probabilistarum libris excerpantur omnes opiniones probabiles, & ex his opinionibus in unum collectis conficiatur integra Theologia Moralis probabilistica. Id primo præstitit *Philalethes Candidus* in *tract. de opinionum praxi*, sub cuius ficto nomine *Philalethes Candidi* latere ingenuum virum, P. Andream Blanc, Soc. Jesu, Januensem scribunt P. Petſchacher, Professor Theologiæ in Universitate Salisburgensi, ... in *Tract. de adibus Humanis*. & ipsemet P. Christophorus Rasler Soc. Jesu in sua *Norma Recti*. Non multo abſimilem opinionum probabilium catalogum conscripserat Gonetius in *tr. de adibus humanis* ex solis P. Tamburini sententiis. Aliam collectionem opinionum probabilium Alexandro VIII. transmisserat Clerus Gallicanus, prius Conventui Gallicano præsentatam anno 1655. & 1656. & teste Fagnano in cap. *Ne innitatis*, nu. 289. & 337. Archiepiscopus Mechlinensis 1654. & Episcopus Gandavenſis 1657. P. Henricus a S. Ignatio Carmelita in sua *Ethica Amoris*, seu Theologia Morali Tomo I. in *Prolegom.* cap. 2. scribit, etiam a se paratum haberi integrum talium opinionum probabilium catalogum ex omni totius Theologiæ Moralis materia. *Paratum*, inquit, *erat schema plus quam mille ducentarum ejusmodi opinionum; sed ne præſens caput inde nimium excreſceret, viſum eſt earum præcipuas duntaxat exhibere; reliquas vero in operis decurſu.* Exhibet dein in hoc cap. 2. centum septuaginta duas ejusmodi opiniones Probabilistarum, concernentes generalia morum principia. Verum missis his omnibus, & aliis v. g. ab *Aleſtophilo*, editis catalogis, de quorum ſinceritate aut accuratione in citando forte moveri poſſet in uno & altero textu dubium, novum ex P. La Croix excerpſi ſpecimen ex ejus *Theologia Moralis Libro primo, & ſecundo* circa generalia morum principia. Id ſuffecerit pro ſcopo præſenti ad oſtendendum, ad quantas laxitates viam latiffimam Probabilismus aperiât. Patebit enim ex hoc ſolo catalogo tandem licitum fore ſequi ſerme omnes eas ſententias

tentias quas hic Auctor in sua Theologia Morali, seu, ut quidam vocat, *Eliforia opinionum probabilium*, recenset tamquam *probabiles*, aut certe tamquam opiniones *adoptatas ab auctoribus*, quos ipse in aliis locis allegat tamquam auctores graves, idoneos ad formandum prudens iudicium. Verum quidem est quod P. La Croix ad ejusmodi, quas recenset, sententias interdum addat, oppositam sententiam esse *probabiliozem*; aut talem quam recenset opinionem, *sibi non videri probabilem*, vel eam, *alteri cuidam auctori non videri probabilem*; sed quid profunt in praxi ad præcedendas innumeras laxitates ejusmodi clausulæ, annotationes, ac limitationes, cum in principiis generalibus re ipsa jam indulta fuerit licentia sequendi sententias etiam *dubie probabiles*, aut etiam *tenuiter probabiles*, dummodo vere theologicæ probabiles sint; aut sententias etiam *unius gravis auctoris*, dummodo rationes ab aliis auctoribus non sint ita enervatæ, ut nulla amplius remaneat probabilitas, ne quidem *tenuis* aut *saltem dubia*? Hæc qui indifferenti animo attente ponderaverit, profecto advertet, laxitatibus & corruptelis in mundo nullum *posse litus poni*, nisi dicatur, quemvis pro suo captu obligari ad considerandam opinionum veritatem aut falsitatem; & si quæ opinio alicui consideratis omnibus, visa fuerit notabiliter minus probabilis, sibi eam fore illicitam, nisi in legis humanæ materia pro casu particularis necessitatis, aliud merito prudenter per epikiam præsumpserit de Legislatoris intentione, & indulgentia.



## C A T A L O G U S

*Opinionum probabilium circa generalia morum principia  
ex P. La Croix.*

Ex Lib. 1. tract. 1.

## D E C O N S C I E N T I A

**S**I ponamus quod cognitio abstracta a malitia mortali & veniali, & tantum in genere dicitur esse peccatum, Azor, Sairus, Reginaldus, Bonacina, Tannerus, alique dicunt, semper fore mortale. Quod si cognosceret malitiam in certa specie, sed non cognosceret, an venialis esset, an mortalis, Valquez, Meratius, Sanchez dicunt, fore mortale, aut veniale, prout fuerit objectum. Unde si cum tali cognitione, v. g. fuisset rem levem, erit veniale, si fuisset rem gravem, erit mortale.

*Hee duae sententiae sunt probabiles.*  
Videtur tamen probabilius, quod docent Nav. Val. Sal. Gran. alique cum Oviedo, Gobat, Burghaber, Sanch. Dicant. Diana; nempe in utroque casu venialiter tantum peccari: quia neque cognoscitur periculum peccati mortalis, neque obligatio magis inquirendi, neque indifferentia, quam objectum habet ad malitiam mortalem, & venialem, neque absolute cognoscitur malitia mortalis. Ergo sic operans non est positive indifferens ad malitiam utramque. Si (vero) operans nollet attendere, an malitia esset mortalis, aut venialis, ideoque operaretur quasi bona fide cum metu peccati in genere, & ne sibi faceret scrupulos, aut ne forte opus esset abstinere ab objecto proposito, nollet, examinare, vel de hoc audire, sic operans procederet male fide, *per se loquendo*, peccaretque mortaliter. Ita La Croix *Tr. 1. c. 1. n. 3. & 4.*

2. Queritur, an peccet formaliter qui invincibiliter putat, actum internum non esse malum, & tamen

cognoscit, objectum talis actus esse malum, v. g. qui desiderat fornicari, invincibiliter putans, hoc desiderium internum non esse malum, quamvis sciat, quod re ipsa fornicari sit malum? Oviedo, alique dicunt, peccare mortaliter, si actu efficaci in objectum tale tendat. E contra Granadus, Sanchez, alique plures probabilius dicunt, non peccare formaliter, sed materialiter tantum. Loquor ex supposito, quo daretur talis casus. Nam forte est impossibilis. Ita La Croix. *Ibidem num. 34.*

## D E C O N S C I E N T I A D U B I A.

1. **A**D honeste operandum debet dictamen ultimum, & practicum esse saltem moraliter certum. Ita Doctores omnes communiter. Est autem partim contra Elizaldum, Gonzalez, Auctorem synopsis (Gonzalezianz,) Camargum, qui dicunt, sufficere iudicium practicum prudens; partim contra aliquos recentiores, qui expresse docent, ad honeste operandum sufficere quod dictamen ultimum etiam practicum sit tantum probabile, vel saltem probabilius. Taberna dicit, sufficere probabile, dummodo iudicetur absolute verum. Quid Esparza sentiat, non satis liquet, nam in Appendice art. 197. dicit, non requiri ut dictamen ultimum & reflexum habeat certitudinem; postea art. 200. dicit, ultimum dictamen, qua reflexivum, habere perfectam certitudinem. n. 47.

2. Dubium non est mera apprehensio utriusque partis oppositae; neque est mera inquisitio veritatis. Itaque superaddit aliquam dispositionem animi, qua ita ferimur in rem propositam, ut saltem virtualiter reputemus esse

esse incertam. *nu.* 69. Dubium aliud est speculative, aliud practicum. Proprie practicum est, quando in particulari dubitatur, v. g. an hic & nunc die festo possum talem laborem exercere. *nu.* 76. Ut quis dicatur agere cum dubio practico, sive cum conscientia dubia, *Salas* requirit iudicium aliquod reflexum, quo cognoscat, se habere illam ipsam suspensionem intellectus. Contra *Vasquez*, *Cardenas*, & *Schilder* negant hoc requiri. Quamvis enim absit, adhuc operatur contram conscientiam, hoc ipso quod operetur non habens dictam practicum de honestate operationis. Utraque sententia forte conciliabitur dicendo, quamvis determinate non requiratur iudicium, tamen, ut peccetur, operando conscientia dubia, requiri saltem exercitam cognitionem malitiae operationis cum tali dubio factae. *n.* 77.

3. Si id quod videtur minus malum, sit intrinseco malum, alterum autem non; v. g. si quis putet se debere vel venialiter mentiri, vel mortaliter peccare, omittendo sacrum; *Schilder* tenet, debere eligere quod videtur minus: quia omittendo Missam contraheret malitiam quae securum opinionem ejus mortalis esset. Oppositum tenent *Granadus*, & *Diana*: quia malitia contra jus naturae merito formidolosior est, cum sit indispensable. *n.* 85.

4. Si perplexus sciat, v. g. mentiri esse veniale, & dubitaret, an hic & nunc elemosynam negare indigenti esset mortale, & tamen deberet alterutrum eligere; *Schilder*, dicit, aliquando fieri posse ut debeat eligere peccatum certum, quod est minus, & abstinere a dubio quod est majus; ideoque hanc dat regulam, quod amplexi debeant eam partem in qua, spectato excessu malitiae ex una parte, & excessu certitudinis ex altera, apparet malitia minus esse imputabilis. *n.* 86.

5. *Elizalde* dicit, probabile esse quod plerumque contingit; ad quod putat sufficere quod pluries cum vero quam cum falso connectatur: alioquin, inquit, si ex centenis, sexaginta sint suspendendi, quadraginta liberandi, probabile esset, Petrum ex illis centenis unum, esse liberandum. Contra est: nam ad probabile non requiri ut plerumque contingat, patebit ex dicendis. *num.* 105. & ideo *Terillus* admittit, posse esse probabile, aut saltem probabili proximum, quod iste Petrus sit liberandus. *n.* 104.

6. *Elizalde* requirit ad opinionem probabilem, ut objectum sit contingens. Hanc doctrinam recte rejicit *Terillus*. Nam dicuntur multa probabiliter circa Deum, qui est objectum necessarium: & probabile est, praedestinationem ad gloriam fieri, ante praevia merita, & tamen vel numquam, vel semper ita contingit. *n.* 105.

7. *Caramuel* dicit, opinionem probabilem esse quae habet rationem pro, & contra se. *Gonet* dicit, opinionem probabilem esse assensum, qui nititur motivo fallibili sive incerto. Contra est: ergo omnis haereticus, & quivis assensus imprudens erit opinio probabilis. Opinio (proin) probabilis est iudicium incertum nitens motivo absolute & respective gravi. Ita *Laym.* *Sanch.* *Esp.* *Fabr.* Teril. alique communissime. *n.* 106. 107. 108.

8. Aliqui vocant sententiam speculative probabilem quae objectum tantum considerat non referendo ad praxin; uti si dicam: valet baptismus in aqua rosacea. Quae autem dicit, licere saltem in necessitate baptizare in aqua rosacea, est practice probabilis. Alii vocant speculative tantum probabilem quae licite regi non potest ad praxin. Sic potest mihi esse speculative probabile, quod animal a longe se movens

vens sit fera; non ideo tamen practice probabile, quia mihi licitum non est in illud jaculari. Alii dicunt illam speculative probabilem quæ absolute per nos reduci non potest ad praxin, uti hæc: Globus terræ potest loco moveri. Si autem simul ad praxin reduci possit, dicitur simul nobis practice probabilis. Alii cum Moya eam vocant tantum speculative probabilem quæ asserit, aliquid licere, præscindendo a circumstantiis personæ, loci, temporis &c. uti si dicam, Licitum est pingere; practice probabilem vocant quæ dicit, aliquid alicui hic & nunc licere; v. g. quia servile non est, hinc mihi licitum est, hoc etiam festo die pingere. Alii dicunt illam tantum esse speculative probabilem quæ est de objecto secundum se licito; quia tamen non potest ad praxin deduci, quin accedat aliqua circumstantia illicita, hinc non erit practice probabilis, uti secundum Terillum, si dicam: Licitum est secundum se attingere corpus alienum nudum; id enim licite faciunt chirurgi, ut in necessitate medeantur; quia tamen ordinarie non sit ejusmodi tactus, quin in tangente suboriantur pravæ commotiones, & addit periculum consensus in delectationem veneream: hinc ordinarie non est practice probabile, quod licitum sit attingere corpus alienum nudum. Denique recentiores, ut has omnes explicationes concilient, dicunt, illam esse speculative tantum probabilem, quæ vel de praxi nihil enuntiat, vel tantum procedit habita ratione principii universalis, non consideratis illis quæ cum praxi communiter conjunguntur. Econtra dicunt, illam esse etiam practice probabilem quæ enuntiat, licitam esse praxim post omnia considerata quæ in praxi apta sunt contingere. Et cum his communiter loquimur. n. 215.

p. Queritur, an omnis opinio speculative probabilis, etiam sit practice talis? Respondeo negative cum Cardenas contra Caramuel, Joan. Sanchez, F. Lago, & alios. n. 217.

10. Certum videtur, dari posse opiniones tantum probabiliter probabiles, uti evincit Terillus contra Elizalde. n. 125.

11. Opiniones tenuiter probabiles habent motivum, sed ita leve, ut censeatur imprudens, qui illi assentitur. Ideoque recte notat Cardenas, duos illos terminos, *tenuis probabilitas*, esse veluti oppositos. Nam: *Tò probabilis* simpliciter & absolute dicit habere fundamentum; *Tò tenuis* autem hoc tollit, sicuti quando dico aliquem esse tenuiter prudentem, significo, non esse absolute prudentem, seu habere paucum prudentiæ, seu defectum illius. Possunt enim ejusmodi termini sumi æquivoce pro re vera, & apparente. n. 126.

12. Idem intellectus potest eodem tempore simul de duobus opinionibus contradictoriis, quæ vel simul in diversis intellectibus, vel successive in eodem intellectu existere possunt, reflexe judicare, quod sint probabiles; ita ut hæc duæ opiniones contradictoriæ sint duo objecta de quorum singulis non tantum simul affirmet probabilitatem, sed etiam vere affirmet probabilitatem esse simul, quamvis neutram opinionem directam eliciat, vel actu habeat. V. g. potest intellectus meus unico actu dicere: Hæc duæ opiniones, pingere est servile, pingere non est servile, sunt strictè probabiles, & una non elidit probabilitatem alterius. Est communissima cum Terillo contra Elizalde, Gonzalez, Palavicinum, Caramo, & paucos alios. n. 239.

13. Inferitur (ex conclusione nostra, quod licitum sit sequi opinionem probabilem relicta probabiliore.)

re.) 1. Licitum esse operari secundum probabilem, licet evidens sit, oppositam esse probabiliorē; uti habet communis cum Illfing, contra Gonzalez, Esparzam, Terillum.

2. Licitum esse cuiusvis consulere plures homines, qui habeantur communiter probi & docti, inquirendo, an forte inventurus sit aliquem, se probabiliter excusantem, v. g. ab obligatione restitutionis: si enim huic proposuerit rationes oppositas aliorum, & hic eas mature consideravit, ac censeat, non esse convincentes, nec elidere certam probabilitatem seu sententiam, consulens tuto sequetur hunc, uti docent Sanchez, Zumel, Castropalao, Tapia, Bress. Pafio. Veric. Candidus, & alii cum Moya, & cum Cardenas. n. 301.

14. Queritur, an sit licitum operari secundum opinionem tenuiter, vel dubie tantum probabilem?

Respondeo 1. Non est, per se loquendo, licitum, operari secundum opinionem tenuiter tantum probabilem. Nam Innocentius XI. damnavit hanc propositionem: *Generatim cum probabilitate sive intrinseca; sive extrinseca, quantumvis tenui, modo a probabilitatis finibus non recedatur, consilii aliquid agimus, semper prudenter agimus. Dixi, per se loquendo.* Nam in gravissima necessitate, & quando opinio tutior non posset reduci ad praxin, licitum esset operari secundum opinionem tenuiter probabilem. Neque hoc ab Innocentio XI. damnatur, uti recte notat Cardenas: quia necessitas gravissima quodammodo augeat probabilitatem, facit enim ut omnis operatio sit sufficienter probabilis in ordine ad tollendum dubium practicum. n. 366.

15. Queritur, an licitum sit sequi sententiam quæ probabiliter tantum est probabilis? Respondeo. Negant Terillus, Lumbier, Filg. & alii: quia talis opinio videtur esse tantum

tenuiter vel dubie probabilis. Contra affirmant Tamburinus, Illfing, Banholtzer, Arfdekin: quia dicere, esse probabiliter probabilem, idem est ac dicere, quod omnibus expensis possit prudenter judicari pro ea esse gravem rationem, & consequenter quod pro ejus veritate sit grave motivum, adeoque vix discrimen erit inter opinionem certo & probabiliter tantum probabilem. V. g. si homo ignarus consulat doctum Theologum: quod hic resolvere, erit illi tantum probabiliter probabile, cum ipse non capiat fundamenta; & tamen, inquirunt, recte sibi format conscientiam secundum responsum illius Theologi. Idem dicunt de opinioibus quæ probabiliter tantum inferuntur ex aliis certo probabilibus. Rationem dant: quia ubi opinio est probabiliter probabilis, æque potest formari dictamen ultimum certum, atque ubi est certo probabilis. Potest enim dubium prudenter deponi propter rationem probabilem, sicutque judicare potero, probabile esse, quod opinio illa sit probabilis. Ergo non amplius dubitabo de probabilitate illius opinionis: dubium enim est suspensio omnis assensus. Ego autem hic habeo assensum. Unde etiam monent, hic bene distinguendum esse inter formidinem & inter dubitationem. Quamvis enim opinio probabilis habeat adjunctam formidinem, non ideo est dubitatio, cum adsit assensus. Addunt rationem a posteriori: quia si tenemur semper examinare, an opiniones directæ quas sequimur, sint certo probabiles, inducemur in infinitos scrupulos. Hæc sententia est probabilis; in questione tamen de nomine, malo absolute dicere, opinionem secundum quam formatur conscientia, debere esse certo probabilem, ne quis se periculo exponat formandi conscientiam secundum opinionem tenuiter, vel dubie tantum probabilem. n. 368.

16. Quæritur, an liceat hanc & oppositam sententiam probabilem sequi in eadem materia? Respondeo. Camaruel dicit, probabile esse, quod aliquis semper possit. Sed hunc recte confutat Cresc. a Borgia. Tamburinus dicit, licere, dummodo probabilitas opinionis non pendeat immediate a nostra voluntate: quando nam autem pendeat, vel non pendeat a nostra voluntate, non satis declarat. Bardi, Sporer melius dicunt, non licere, si lex aliqua occurrat, cuius obligatio sit certa, & quæ post assumptam, alteram sententiam probabilem impleri non possit. Lugo, Esp. ponunt hanc regulam: numquam licitum est mutare opinionem semel electam, si hoc foret certo in præjudicium alicujus legis. Haunoldus docet, etiam non esse licitum eodem tempore usurpare utramque opinionem in præjudicium tertii. n. 370. 371. 372. 373.

17. Quæritur, an licitum sit operari secundum opinionem alienam, quam tamen operans judicat re ipsa esse falsam? Respondeo, non licere, si opinionem illam judicat esse ita falsam, ut non censet esse vere & certo probabilem: ideoque correptione dignus est Machado, inquit Cardenas dicens, id etiam tum licere, pro quo etiam falso citat multos auctores. n. 376. Si quis judicet, opinionem alienam esse probabilem, quamvis videatur esse falsa, ideoque spectatis principiis directis usus illius videatur esse illicitus, sitamen de hoc certus non sit; valde probabile est, quod ex principiis reflexis possit sibi formare prudens dictamen, & secundum eam opinionem operari dicendo: *Judico quidem, opinionem illorum esse falsam; quia tamen hoc mihi incertum est, & auctores me sapientiores, qui opinionem possunt reddere certo probabilem, dicunt, illam esse veram; ego quoad hanc opinionem me accommodabo illis, & interea præ-*

*scindam a directa opinione mea.* Ita absolute tenent Azor, Vasq. Valent. Salas, Bonac. Sor. Bann. Serar. Bardi, Tann. Sanch. Terill. alique plurimi & gravissimi auctores cum Illung, & Mendo. Est autem contra Schildere, Eliz. Esparz. Ehrentz. Camargo. n. 377. Dixi, valde probabile esse: nam non est opus, hoc defendere; sed satis est dicere, quod liceat sequi opinionem de cuius probabilitate scitur, & de cuius falsitate absolute ferri non potest iudicium, quod raro etiam fieri potest, uti fatetur Esparza. n. 378.

18. Quæritur, an ut aliquis licite operetur secundum aliquam opinionem probabilem, necesse sit hanc opinionem directam elicere, vel actu habere? V. g. an ad hoc ut melite resolvam ad pingendum die festo, necesse sit me judicare, quod pingere non sit servile? An vero satis sit, quod sciam, & tantum reflexe judicem, probabile esse, quod pingere die festo non sit servile?

Respondeo, sufficere iudicium reflexum de probabilitate iudicii directi, si eliceretur. Ita docent plurimi cum Cardenas, Terill. Moya. Est autem contra Esp. Gonz. n. 387.

19. Quæritur, si motiva utrinque sint æque probabilia, an intellectus possit per voluntatem applicari ad assentiendum huic potius quam illi parti?

Respondeo. Si sit materia juris, potest intellectus per voluntatem applicari ad assensum etiam quandoque prudentem potius unius quam alterius partis. Ita habet communis. Est autem contra Azor. Castropal. Schild. Mercor. Eliz. Gonz. Ehrentz. Camarg. n. 399.

20. Quæritur, si motiva pro una parte sint probabiliora, an etiam tum possit intellectus per voluntatem applicari ad assentiendum parti minus probabili?

Respondeo. Quod materiam iuris



attinet, potest voluntas applicare intellectum, ut motivis minus probabilibus assentiatur. Ita auctores *n. 399.* citati. Contra nos tamen sentiunt Layman, & Pallav. Item Escparza, saltem pro casu quo intellectus evidenter judicat motiva pro una parte esse graviora. *n. 915.*

21. Quæritur, an subditus teneatur obedire superiori imperanti aliquid probabiliter licitum, si subdito probabilius sit illud esse illicitum?

Respondeo. Affirmat recte Busenbaum. *n. 431.* Communis sententia absolute tenet, talem subditum teneari obedire. *n. 433.* Obijcies: Licitum est subdito non obedire, si sit probabile, non esse obligationem obediendi, uti docent Say. Torr. Thomas & Joan. Sanchez; atqui si subdito sit probabilius, quod objectum sit illicitum, tum probabile est, non esse obligationem obediendi. Nam obligationem in eo casu negant Salas, Ledesma, F. Lugo, F. Sanchez, Diana, Escobar, Castrop. *n. 438.*

22. Quæritur, an Confessarius possit, vel debeat contra propriam opinionem, etiam probabiliorum absolvere pœnitentem, qui tenet oppositam probabilem, & de reliquo rite est dispositus? V. g. si pœnitens probabiliter putet, sibi licere, ideoque etiam posthac velit diebus festis scribere lucri causa, an Confessarius judicans probabilius esse, quod id non liceat ipsi, possit, vel debeat eum absolvere?

Respondeo. 1. Si Confessarius omnibus bona fide & sine passione consideratis judicaret, opinionem pœnitentis non esse probabilem, absolvere non posset, nisi pœnitens promitteret impofterum opinionem suam deferere.

Respondeo. 2. Si Sacramentum per hoc exponeretur periculo nullitatis, Confessarius eum non posset absolvere.

Respondeo. 3. Supposito casu questionis, vel alio simili, omnino videtur certum, quod Confessarius teneatur absolvere pœnitentem. Ita docent auctores communissime. Est autem contra Fagnanum, Baron. Mercor. Philalethum, Eliz. Gonz. *n. 443. 444. 445.*

23. Quæritur, an Principes, & Superiores sint tuti in conscientia, si nude sequantur judicia & consilia probabilia suorum Consiliariorum?

Respondeo. 1. Rationes pro affirmativa sunt &c. His non acquiescit Elizalde, sed absolute negat, Regentem ex hoc fore tutum in conscientia.

Respondeo. 2. Utraque sententia habet aliquid veri. Nam Principes, & superiores non sunt tuti sequendo quosvis Consiliarios, adulatores, non timentes Deum. Nec satisfaciunt suo officio, si per alios faciunt omnia. Ut tuti sint, tenentur seposita omni reflexione humana eligere Confessarios, quos putant præ reliquis fore prudentes, probos, incorruptibiles, & ejus animi, qui sensa sua depromere audeant. Tenentur rationes auditas utrinque perpendere, & quas certo advertunt veras, sequi; si vero res incerta sit, per se loquendo, possunt sequi consilium probabile suorum, relicto eo quod ipsi judicant probabilius. *n. 454. 455. 456.*

24. Quæritur, an sit aliquando obligatio sequendi probabiliorum, relicta minus probabili? Negant Vafq. Haun. Cardenas, & Terillus, alique multi, nam universaliter dicunt, in omni materia esse licitum sequi opinionem probabilem relicta probabiliori.

Si opponas 1. v. g. ministrum Sacramenti teneri sequi probabiliorum de valore.

Respondent, oppositam in istis circumstantiis non esse probabilem, nisi speculative; se autem loqui de pra-

præctice probabili. Sed clarius videmur loqui, si dicamus, quod sit obligatio sequendi probabiliorem relicta minus probabili. 1. Si minor probabilitas sit tantum speculativa. 2. Si obliet lex vel mandatum superioris. 3. Si contractus vel quasi contractus prohibeat sequi minus probabilem, uti est in Iudice &c. 4. Si caritas erga proximum, vel seipsum aliter postulet. 5. Si alioquin Sacramentum exponeretur periculo nullitatis, ut dicitur l. 6. n. 457.

25. Thomas Sanchez, Sporer, aliique docent, pro articulo mortis esse obligationem ad sequendam probabiliorem, aut saltem tutiorem, etiamsi non addit alia ratio, quam quod sit pro articulo mortis. Contra Joan. Sanchez, Lugo, aliique apud Dianam, & Gobat negant. — Nam illa obligatio exponeret moribundos gravissimis molestiis, anxietatibus, & periculis desperandi. Quamvis autem tutius sit in articulo mortis ista facere; tamen non est tutius, sed periculosius judicare, se ad id obligari, uti n. 471. & 475. probabitur. n. 458.

26. Quæritur, an sit specialis obligatio quandoque sequendi unam probabilem relicta probabiliore, vel alia similiter probabili?

Respondeo. Dixi, ad hoc specialiter obligari subditum. Nunc addo universaliter, quod quivis, qui licite potest, teneatur sequi probabilem relicta probabiliore, si hoc postulet salus, vel emolumentum, præsertim spirituale, proprium, vel alienum. Ea enim est lex caritatis, ut mihi & proximo prosum, ubi licite & commode possum. Docent præterea Gobat, & Lohner, esse specialem obligationem sequendi minus probabilem in his casibus, nempe si agatur de valore matrimonii. Item quando agitur de valore testamenti, vel favore religionis. Item quando agitur de potestate clavium & ju-

risdictione Ecclesiæ. Item quando minus probabilis sententia favet piæ causæ. Addit Cardenas, si sint duæ sententiæ utrinque probabiles, & una pro immunitate ecclesiastica. Denique de pœnitentia ostendam, ubi sunt opiniones utrinque probabiles, per se loquendo, operandum esse potius secundum benignam. n. 469. 460.

27. Quæritur, an opiniones novæ potius docendæ, & sequendæ sint quam antiquæ? Respondeo 1. Opinio duplici sensu appellari potest nova; vel quod opponatur antiquorum Doctorum opinioni; vel quod nunc sit inventa, fueritque antiquis incognita. Si in primo sensu sit nova, habeatque grave fundamentum, non est ratio, cur secure non possit practitari, & doceri, uti recte cum aliis Moya. Præferenda est sententia juniorum, si decretum, vel consuetudo, vel rationes novæ & graves asseruntur, quas antiqui non considerant, & tamen præponderent antiquorum rationibus, quæ etiam facile dissolvantur. — Notandum etiam hinc notum Dianæ, qui cum retulisset aliquas opiniones recentiorum, sic subdit: *Ob quantâ ego haberem, & dicerem, quæ novitatum amatoribus nimis plausibilia essent, si calamo, & ingenio liberam vagandi facultatem haberem! Sed ut sapientissimo Caramueli respondi, Romanus incolatus, & aliena pericula cautum in scribendo me fecerunt.* n. 466. 467. 469.

28. Quæritur, an omnes opiniones sit. æque tutæ? & quænam ceaseant tutiores? Respondeo 1. Joan. Sanchez, Caramuel, Illung, aliique multi apud Moyam dicunt, omnes vere probabiles esse æque tutas. Sed contra est &c. Respondeo 2. Illa opinio dicitur tutior quæ magis recedit a periculo legis tam materialiter quam formaliter violandæ, aut alterius mali incurrendi. n. 471. 472. Caramuel putat, opiniones laxiores, si sint vere probabiles, esse omnium tut-

tutissimas. Sed Auctor ille non sumitur in ea significatione in qua jam definivimus. Esparza recte ista sic componit, ut fateatur, tutius esse operari hoc quod vult rigida sententia; attamen periculosius esse, operari ex obligatione rigida sententia.

29. Quæritur, quid notandum circa hoc axioma: *In dubio, melior est conditio possidentis*. Respondeo. Axioma illud valet non tantum in materia iustitiæ, sed etiam in aliis. Ita Suar. Sanch. Castrop. Ovied. Dicast. Lugo, Terjil. Joan. Sanch. Banholt. Stoz. Moya, Bonac. Tann. Fil. Diana, Sporer. Est autem contra Azor, Vasq. Salas, Turr. Comit. Sayr. Perez. Veric. Eliz. Gonz. Camargo, Gonet, qui dicunt tantum valere in materia iustitiæ. n. 502.

Ex tract. 2.

#### DE LEGIBUS.

1. **L**Eges Pontificiæ, si Romæ sint promulgatæ, hoc ipso *per se loquendo* obligant totum orbem, uti docent communiter Canonistæ: item Suar. Vasq. Averl. Castrop. & alii cum Cardenas, qui dicit esse certum, licet contradicant Mol. Becan. Laym. & alii tum Theologi, tum etiam Canonistæ apud Dnbois, qui volunt, etiam Pontificias tum tantum obligare, quando: sunt promulgatæ in singulis provinciis, & primum post duos menses, uti leges aliarum. Dixi, *per se loquendo*. Nam recte notat Suarez, legem quamvis Romæ competentis loco promulgatam, non statim obligare quocumque loco distante; sed requiri tempus quo notitia ejus ordinario modo ad eum deferri poterit. Ut tamen obligare incipiat, non est opus singulis, sed satis est plerisque esse notificatam. Cum enim feratur communitati, hæc primo obligari debet, & tum singuli, in quantum sunt singuli, uti recte Illung. n. 579.

2. Quæritur, si lex præcipiat aliquid pro certo tempore, quomodo illud intelligi debeat. Quæstio habet locum in variis materiis, v. g. in jejuniis a duodecima noctis pro communione, in abstinentia a carnibus, & lectione Horarum, in obligatione jejunandi, in obligatione non suscipiendi subdiaconatum, nisi anno 22. inchoato &c. Putant Caramuel, & Pasqualigo, tale tempus posse intelligi præter propter, ideoque circa illud dari parvitatem materiæ, uti si quis unico quadrante post duodecimam oraret Completorium; si in jejuniis secunda vice comedas media hora ante duodecimam noctis; si die Jovis inceperis carnem in carnibus ante mediam noctem, & continues infra horam post mediam noctem. In his & similibus casibus dicunt peccari tantum venialiter. Ille sententia videntur mihi esse improbabilis; unde tenendum tamquam certum, quod tempus ejusmodi numerari debeat de momento in momentum. Ita Diana, aliique omnes communissime. Videri potest Cardenas, qui sic habet: „Pasqualigus, vir valde doctus, de re theologica, optime meritis, nescio quo facto in „Tr. de jejuniis exorbitaverit.“ Fortasse eum tractatum junior scripsit. n. 582. 583.

3. In dubio, an lex sit usu recepta nec ne, Bonac. Sanch. & alii dicunt, præsumi debere quod sit recepta. Contra Salas, Azor, Dicast. negant. Videtur distinguendum. Nam si sit talis lex, ad cuius obligationem requirit acceptationem populi, probabilior esse videtur sententia secunda. Si autem non indigeat acceptatione populi, prima videtur præferenda. n. 591.

4. In dubio, an consuetudo sit introducta ex devotione, an ex animo se obligandi, putant Azor & Reginaldus, præsumendum esse, quod sit introducta animo se obligandi. Contra.

X 2 tra.

tra Diana, Pasq. alique multi cum Suar. probabilius dicunt, præsumendum esse, quod sit inducta ex devotione tantum. Illiſung conſentit, niſi aliud colligeretur ex communi hominum ſenſu, vel ex obiecti gravitate & neceſſitate, aut ſpeciali utilitate. *n. 592.*

5. In dubio, an legem ferens ſit legitimus ſuperior, v. g. an legitime ſit electus nec ne, Sanch. dicit ſubditum teneri obedire. E contra Mendo, alique docent, non teneri. Oviedo probabilius ſic diſtinguit: ſi ſuperior habeat poſſeſſionem ſui officii; v. g. ſi acceperit claves, ſigillum, aut alia ſigna officii, ſubditus tenebitur obedire; e contra ſi nullam officii poſſeſſionem acceperit, ſubditus poterit non obedire. *n. 593.*

6. In dubio, an ſuperior poteſtatem habeat hoc imperandi; aut an hoc quod imperat, poteſtatem ipſius excedat: Diana, Oviedo, alique apud Mendo defendunt ut probabilis, ſubditum non teneri obedire. Sed Sanch. late oſtendit oppoſitum, & ſequitur ex diſtis a *n. 432. n. 594.*

7. In dubio de juſtitia legis, aliqui apud Dianam ſupra, & cum Dicaf. dicunt, probabilis eſſe, quod ſubditus non teneatur obedire. Sed Oviedo dicit, oppoſitum ſibi eſſe certum, uti probatum eſt a *n. 432.* Quod ſi tam ſuperior, quam ſubditus dubitent, an res præcepta ſit licita, peccat tam ſuperior præcipiendo, quam ſubditus obediendo: quia operantur cum dubio practico; & ſpecialiter ideo non tenetur obedire ſubditus, quia ſcit, ſuperiorem non habere poteſtatem imperandi, quando ipſemet dubitat, an licite imperare poſſit. Lugo. *n. 595.*

8. In dubio, an lex contineat præceptum, an tantum conſilium, aut exhortationem, dicendum eſt poſterior, uti notant Sanch. & alii. Similiter in dubio, an lex obliget ſub mortali, an ſub veniali tantum, te-

nendum eſt obligare ſub veniali tantum. Sententiam noſtram tenent Nav. Sanch. Dian. contra Layman & alios. *n. 596.*

9. In dubio, an adſit, vel non adſit cauſa ſufficienter excuſans a lege, Salas putat, non eſſe obligationem, ſi Rex ſit moleſta: quia ſavendum eſt libertati, quantum poſſumus, quod Dicaftillo dicit non eſſe improbabile: tunc enim dubitatur, an lex fuerit umquam impoſita pro tali caſu & circumſtantia. Sed alii oppoſitum tenent. Ita Sanch. Dicaf. Sporer, alique paſſim. *n. 598.*

10. Lex dividitur in moralem, pœnalem, & mixtam. Mixta eſt quæ obligat ſub culpa theologica, ſimulque ſub pœna: unde audiendi non ſunt qui apud Moyam, & Dianam non agnoſcunt in lege ullam obligationem ſub culpa, & pœna, ſed volunt omnes eſſe vel morales tantum, vel tantum pœnales. *n. 607.*

11. Si res præcipiatur ſub pœna non gravi, v. g. ſub excommunicatione minori, ſub interdicto ad breve tempus, obligabit tantum ſub veniali. Si præcipiatur ſub pœna gravi, ſed ſerenda ſententia, non ſemper intelligi poterit obligare ſub culpa gravi, uti recte cum alii Lugo: ſape enim pœna eſt ad terrendum. Et univerſaliter loquendo, ſi lex tam civilis, quam eccleſiaſtica ſeratur verbis præceptivis, & materia ſit gravis, videtur probabilius cum Caſtrop. Illiſung, & aliis contra Nav. quod lex non ſit pure pœnalis, ſed mixta. *n. 611.*

12. Si lex conſiſtat in privatione, ita ut faciat aliquem inhabilem ad acquirendum, v. g. ad habendum titulum, ad faciendum fructus ſuos, Pirrhing., citans Caſtrop. docet, incurri pœnam ipſo facto, abſque illa ſententia, vel declaratione. Illiſung univerſaliter concludit; quamvis adderetur, *ipſo facto ante declarationem*; tamen de facto nullam dari legem pœnalem, quæ nulla præmiſſa judi-

cis

cis sententia, denuntiante vel pœnam, vel crimen, obliget, exceptis legibus statutibus censuram Ecclesiasticam, irregularitatem, reservationem absolutionis, impedimentum criminis in matrimonio, privationem petendi debitum conjugale ratione incestus intra secundum gradum, privationem fructuum ob neglectas Horas. *n. 612.*

13. Qui obtinuit dispensationem pro prima tonsurâ, non præsūmitur obtinuisse pro minoribus, uti communiter docetur contra Dianam. *n. 622.*

14. Quod lex, etiam Ecclesiastica, non recepta, non obliget, etiam si primi non recipientes peccarint, est communis sententia, quam tenent Nav. Covarr. Concell. Menoch. Mandos. Gutier. Paris, Valent. Sylvest. Armill. Rodrig. alique plurimi cum Suar. Sanch. Garc. Moya. Quod verum est, etiam si lex continueat decretum irritans. Riccius, dicens communem, Puteus, Garc. Item, etiam si derogat consuetudini. Garc. citans alios. Item etiam si non sit recepta per ignorantiam. Garc. citans Nav. & Rodrig. Addidit post Lessium & alios Cardenas, leges Ecclesiæ ex benigna interpretatione voluntatis Pontificum non obligare ante acceptationem, quando est causa rationabilis non acceptandi. *n. 632.*

15. Putat Garcias, probabile esse ad tollendam obligationem legum non receptarum, etiam ignorante Legislatore, non requiri decennium, sed sufficere actus contrarios in numero sufficiente secundum arbitrium prudentum: quia ita videtur servari in praxi; pro quo citat Nav. Felin. Bottez. Sed contradicunt Suar. Salas, eum communi, requirentes, ut hoc fiat sciente, & tacente Legislatore. *n. 633.*

16. Putat Garc. necesse non esse ut generaliter, & a maiore parte Ecclesiarum unius Provincie non sit re-

cepta lex: quia v. g. Capitulum unum hic non consideratur ut persona particularis, sed ut universitas. Quæ doctrina admitti potest, si lex lata sit pro solo tali Capitulo. *num. 634.*

17. Certum videtur, quod Bulla Cœnæ in Germania non obliget hodie quoad aliqua, vel saltem non cum illo rigore, uti notant Layra. alique gravissimi recentiores in manuscriptis. *num. 637.*

18. Queritur, an durante appellatione, vel supplicatione (contra illam) subditi debeant observare legem. Respondeo. Si lex servari possit sine magna rerum mutatione, vel periculo scandalis, Suarez putat, observandam esse, quia certo possidet, & excusatio est dubia. Idem tenent Vasq. Loeca, Garc. consentit, Castrop. Contra Bonac. Salas. Rodrig. Gran. Steph. Fabri, & alii apud Moyam putant, obligationem suspendi, quia ita habet usus, & praxis; neque ideo puniuntur subditi, si interea non observent. Sieque præsūmitur de benignitate Ecclesiæ, uti cum Lessi. & Carden. dictum est. *num. 639.*

19. Queritur, an lex humana possit præcipere, vel prohibere actum externum in ordine ad actum internum, sive recipiendo actum internum tamquam finem, ad quem Legislator ordinet extremum? Negat Caramuel: quia cum media specificentur a fine, qui non habet potestatem in finem, ad quem diriguntur media, jam non habet potestatem in media. Consequenter, inquit Caramuel, pater non potest prohibere filio ingressum in aliquam domum, eo fine ut filius non habeat delectationes internas; nec superior ideo poterit subdito Religioso prohibere lectionem libri turpis, quia prohibere delectationes internas est supra potestatem humanam. *num. 645.*

20. Queritur, an lex humana possit

sit directe præcipere, vel prohibere actum mixtum ex interno & externo? idest, talem actum externum, qui absolute quidem esse posset absque actu interno, attamen ad cuius esse morale intrinsece spectat aliquis actus internus; uti ad esse morale confessionis, ut dicatur valida, simul spectat dolor de peccatis, qui est actus mere internus; ad esse morale contractus, qui sit validus, spectat interna volitio contrahendi. Negant multi, sed communius & probabilius affirmant alii cum Gobat, & Carden. num. 647.

21. Probabilius est materiam de se gravem, v.g. jejunium, posse subsistere levi obligationi, sive obligatio sit ex præcepto, sive ex voto. Ita tenent plurimi cum Castrop. contra Ariag. Bellarm. Becan. Vafq. Regim. Rhodes, & alios. num. 668.

22. Si Legislator prohibuerit efferre fruges, vel arma ex patria, si quis semel efferat, secundum Gran. & alios cum Diana, est materia levis, & excusatur a mortali; quod probabile est. Esset tamen notabile ( *damnum Reipublicæ* ) inquit. Castrop. si efferrentur fruges v. g. pro 100. aureis, aut arma pro instruendis decem militibus. Econtra alii cum Sanch. & alios probabiliter dicunt, etiam semel efferre esse materiam gravem & mortalem: quia licet semel efferre secundum se non sit damnum grave, est tamen res gravis, & merito graviter prohibita: quia si singulis liceret citra morale semper efferre, facile fieret ut causaretur notabile damnum reipublicæ. num. 670.

23. Probabilius est, si Religiosus tantum ad horam temere dimittat suum habitum, esse materiam levi, uti tenent Sanch. & alii cum Diana contra Suar. Castrop. & alios, qui dicunt esse materiam gravem. num. 671.

24. Sacro ordine initiatum ob commoditatem non gestare habitum ad

modicum tempus, nempe ad quatuor aut sex dies, erit tantum levis materia, dummodo habitus qui assumitur, sit honestus, uti tenent Panorm. Ang. Tabien. Silv. Sot. Bann. Fill. & alii. Similiter si negligat tonsuram ad sex vel septem dies, erit materia levis, inquit. Quarti. Immo putat Gobat, parochum non peccaturum mortaliter qui per sex vel octo septimanas negligeret coronam. De habitu tamen sentit rigidius, num. 672.

25. Si Moniales egrediantur a Clausura, aut alius ingreditur Clausuram Monialium ad duos pedes, & statim redeat, est materia levis, uti recte Nald. Graff. & Dian. contra Sanch. & alios, qui dicunt, esse materiam gravem & mortalem. Nisi maneret in ostio, aut pars unacorporis maneret intra vel extra. num. 673.

26. Quæritur, an Legislator, uti alii, graviter peccet, si non observet suas leges? Affirmant Reiffenstuel. Sfondratus. Econtra Bonac. Lessius. Delbene, & alii cum Castrop. & Illung probabilius negant, & asserunt, per se loquendo peccare tantum venialiter. num. 675.

27. Quæritur, an pueri ante septennium completum teneantur legibus Ecclesiæ? Bufembau. & alii relati dicunt, obligari legibus iis quarum materia ætati eorum est conveniens. Hinc Bosco. docet, tales pueros obligari ad confessionem annuam, si plenum usum rationis habeant. Econtra Diana, Joan. Sanch. Burgaber, Castrop. Illung dicunt, non teneri, quamvis plenum usum rationis habeant, quia leges Ecclesiasticæ neminem obligant, nisi habentem usum rationis, quem non præsumunt, nisi post completum septennium. Utraque sententia est satis probabilis. num. 676.

28. Clericos directe & per se obligari potestate directiva legis civilis, docet cum aliis Castrop. Hinc consentit etiam Diana, Clericos peccare.

care mortaliter, si eis non pareant. Et hanc sententiam dicit esse valde probabilem Burgh. E contra Suar. Vasq. Azor. Fill. Bonac. Tann. Laym. Barbof. Busemb. etiam probabiliter dicunt, non obligari directe. Itaque tenebuntur tantum indirecte, ex vi legis naturalis, dictantis, partem unam communitatis debere se conformare ceteris. Hinc infert Burg. cum Salas, Caspensi, Bonac. Delbene, & aliis, Clericos probabiliter tantum peccare venialiter, si agant contra ejusmodi legem civilem. *num. 678.*

29. Quæritur, an teneatur servare legem qui ideo tantum cogitat exire e suo territorio, ut se a lege eximat? Per se loquendo non tenei, docent Sanch. Suar. Bonac. Delbene, & alii septemdecim cum Illis & Pasq. Item alii plures apud Vindicem Tabernæ contra Salas, Sayr. Ledesm. & alios quinque. *num. 683.*

30. Quæritur, an peregrinus, antequam exeat suo territorio, teneatur audire Missam in festo speciali sui territorii? Affirmant octodecim auctores apud Pasq. E contra Busemb. & alii undecim absolute negant. Alii distinguunt 1. Si antequam exeat, nullum fiat Sacrum in proprio territorio, non tenetur expectare, sed potest exire, & non audire Sacrum. 2. Si antequam exeat, fiat Sacrum tantum unum, tenebitur hoc audire. 3. Si antequam exeat, fiat Sacrum, & postea etiam aliud fiat, postquam exiverit, non tenebitur audire. Ita Sanch. Lessi. Sal. Castrop. Bon. Henric. Præp. Amicus, Reiffenst. Delbene, Moya, & alique multi. Gobat putat utrumque probabile. *numer. 684.*

31. Ignorantia, & error sunt peccata, quando sunt objectum legis illa prohibentis, & nihilominus libere habentur: tum enim ignorantia habet se sicuti omisso actus fidei, quando præcipitur; error autem sicut positiva infidelitas. An autem

dici debeant esse peccata, an tantum effectus peccati, dubium est. Aliqui volunt dici peccata, non aliter ac omissionem Sacri die festo. Alii cum Vasq. dicunt, esse tantum effectus peccati, putantque, peccatum compleri in sola negligentia removendi ignorantiam, vel errorem. *num. 751.*

32. Si nulla notitia specialis, ne quidem confusa, nec ulla ratio dubitandi in universum, aut in particulari occurrerit de eo quod ignoratur, vel circa quod erratur; talis rei ignorantia, & error dici debet invincibilis, & inculpabilis, ut recte Suar. Sanch. alique communissime contra Eliz. *num. 748.*

33. In rebus inter classicos Auctores controversis & incertis debet ignorantia, vel error censi invincibilis, si nitatur gravi motivo. Quia cum auctores graves dicant, veritatem esse in hac, alii in altera parte; nec resciri possit, quinam verum, quinam falsum dicant, qui hic ignorat veritatem, vel format iudicium pro hac aut illa parte, habet ignorantiam, vel errorem, quem hic & nunc vincere non potest: ergo invincibilem. Ita Teril. *num. 750.*

34. Si nulla prudens cogitatio inciderit de ignorantia, vel errore, per peccatum incurrendo, licet postea ex peccato, sive propter peccatum sequantur, non sunt voluntaria, nequidem indirecte, neque peccatum; sed merus effectus, vel tantum poena peccati, uti recte Teril. Probatque recte Suar. etiam ex sacris canonibus, nihil ad rem facere, sive ignorantia & error causentur per opus licitum, sive per illicitum, cum hoc non refundat voluntarietatem in aliquid non prævisum. Sed nec refert, sive per se, sive per accidens sequantur ex peccato. Nam si nulla cogitatio de hoc inciderit, non fuit possibile, ut cogitaret de illis præcavendis. Ergo, moraliter præcaveri non

non potuerunt: ergo sequuntur involuntarie. *num. 753.*

35. Quando mala sequuntur ab ignorantia vel errore sine actuali advertentia & libertate, non habent ullam propriam malitiam, vel imputabilitatem, sed ad summum denominantur mala seu peccata tantum per negligentiā prateritam in inquirenda veritate, uti docent S. Thom. Bonav. S. Anton. Suar. Vasq. Sanch. alique communissime. *num. 757.*

36. Si quis heri per culpam ignoravit, vel concepit errorem, quod hodie, quando est festum, non esset obligatio audiendi Sacrum, (idem est in aliis similibus materiis) si hodie omittat Missam nihil amplius cogitans de illa obligatione, Rodrig. Medina, & alii absolute dicunt, peccare per illam omissionem: quia ignorantia, vel error ille non fuit revocatus. Ergo moraliter manet, & causat transgressionem. Azor. Vasq. Salas, Sanch. Præp. & alii cum Burghaber absolute dicunt, non peccare: quia illa hesternā voluntas non est amplius in se, nec in aliquo suo effectu. *num. 758.*

37. Quæritur, an taxari possit quantitas diligentiae necessariae ad hoc, ut ignorantia, vel error sit invincibilis & inculpabilis?

Respondeo. In rebus operabilibus & incertis sufficit ea diligentia per quam homo pervenit ad certo probabilem resolutionem casus, sive ad iudicium prudens pro hac vel illa parte, sive id fiat per proprium studium, sive per responsum ab aliis peritis petitur, attamen secundum dicta *num. 369.* Hoc enim habito prudenter iudicat, se habere veritatem. Ergo quamvis forte adhuc ignoret aut erret, non est ideo vituperabilis. Ergo ignorantia & error non est culpabilis. *num. 763. 765. Ita La Croix. Sed in num. 369. ad quem remittit, sic habet.* Implicat ut opinio sit probabilis ab extrinseco, si ab in-

trinseco sit improbabilis; neque probabilitas extrinseca datur, nisi probabilitas intrinseca saltem presumatur adesse, uti recte Carden. Communiter tamen prudenter præsumi potest, quod ad sit probabilitas intrinseca, ubi multi Auctores etiam nunc aliquam opinionem tenent. Hi enim non asserunt temere, sed ab rationes inventas. Homo tamen doctus, qui potest examinare rationes intrinsecas, non videtur tuto posse procedere, nisi examinet illas, vel prudenter præsumat, etiam in hac materia ab illis aliis examinatas esse. *Ita La Croix num. 369.*

38. Quæritur, an incurrat pœnam, ignorans esse affixam. Respondeo. si ignorantia sit inculpabilis, pœna ecclesiastica, v. g. censuræ, non incurritur. Hinc occidens Clericum, & nesciens, illi homicidio annexam esse excommunicationem non esse excommunicatus. Ita Suar. Sanch. Bonac. Coninc. Castrop. & alii contra Covar. Ledesm. & alios. Respondeo 2. Navarr. Sa, & alii cum Tamb. putant, etiam pœnas civiles, si extraordinariæ sunt, non incurri ab illo qui invincibiliter ignorat, illas transgressionem esse annexas; quod probabile etiam repugnat Suar. Sanch. Castrop. *num. 768.*

39. Si pœna imponatur his verbis: *Qui præsumpserit, qui scienter, qui consulto, qui temere, qui audens &c.* putat Diana, & Burghaber, non incurri ab ignorante, illam pœnam esse annexam, quamvis ignorantia fuisset mortaliter culpabilis & affectata. Sanch. & Castrop. dicunt probabilius, cum tantum incurri, quando ignorantia affectata est talis, ut æquiparetur scientiæ. *n. 769.*

40. Si pœna absolute imponatur delinquenti, sitque pœna ecclesiastica, adhuc non incurritur ab ignorante, pœnam esse annexam, si ignorantia illa non fuerit crassa & supina, quamvis fuerit mortaliter culpabilis.



pabilis. Ita Sanch. & Castrop. contra quosdam alios. *n.* 770.

41. Quæritur, an dicta de ignorantia etiam valeant de oblivione naturali? Respondeo affirmative. Nam oblitio naturalis æquivalet ignorantia invincibili, uti recte cum aliis Sanch. & Dian. *n.* 773.

42. Joan. Sanch. putat non esse intrinsece malum, uti simulatione in administratione Sacramentorum, adeoque posse aliquem metu mortis adaptum sine intentione consecrandi dicere verba consecrationis super panes. Econtra Suar. Vasq. & alii communissime dicunt, talem simulationem esse intrinsece malam. *n.* 776.

43. Castrop. dicit, esse intrinsece malum, legere Missam sine vestibus sacris. Econtra Bonac. Valent. Suar. Vasq. & alii communius cum Diana dicunt, non esse intrinsece, malum, ideoque secluso scandalo, & contemptu licere ad evadendam mortem. *n.* 776.

44. Licitum est dedita opera aliquid facere, ut quis totaliter desinat esse legi subditus, uti recte Dicast. Hinc deducit cum Bonacina, non esse damnum peccati, cum laborem cum jejuniis impossibilem die jejunii obit, & vespere cernat. Sed probabilius est, non licere eadem die qua quis in actu primo obligatus est, ponere impedimentum. Putat etiam Gobat cum Suar. Becan. Castrop. & aliis contra Joan. Sanch. peccare qui quatuor aut quinque diebus, antequam urgeat obligatio, ponit impedimentum, directe intendens se eximere a præcepto etiam humano. *n.* 784.

45. Ipso die quo adest obligatio, non licet illi qui pergit obligari lege, absque rationabili causa ponere impedimentum, quominus eam observet. Si tamen eo die posuisti impedimentum, & non possis amovere, nisi cum eo incommodo quod sufficeret ad excusandum eum qui sine culpa illud posuisset, non teneris

lege. Et ita dicunt multi cum Dicast. quod ea lassitudo quæ labore necessario, aut utili inducta excusat a jejuniis, etiam excuset, si sit orta ex inutili & peccaminoso labore. *n.* 785.

46. Peccas, si hora ante mediam noctem diei festi exeat venaturus, prævidens teideo non auditurum Sacrum. Illung dicit, non peccatum, si biduo ante exiret etiam ob negotium non necessarium, vocatque sententiam communem. *n.* 786.

47. Capellanus hodie obligatus celebrare peccat contra iustitiam, si hodie se inebriet, aut vestes sacras negligat accipere de loco vicino, aut illuc eat ubi non poterit celebrare. Ita Tamb. Putat tamen, non peccare si infirmitatem in se causet ante tempus urgens. Sed Sanch. Pasq. & alii probabilius dicunt, eum peccare. *n.* 790.

48. Pleraque leges humanæ secundum usum & interpretationem communem non obligant, ne quis impedimenta apponat aliquot diebus antequam urgeant. Ita Suar. Becan. Salas, Castrop. Dicast. Sic non peccat specialiter qui per potum causat sibi ægritudinem, ob quam prævidet se fore impotentem post aliquot dies ad Sacrum audiendum, ad legendas Horas, ad jejunandum, ad communionem paschalem: item qui potans prævidet, suo morbo alios cras privandos Missa, secundum Suar. Becan. Bonac. Dicast. non peccat contra præceptum de Missa. *n.* 792.

49. Si ablit intentio defraudandi legem, non peccare eum qui per actionem ex se non illicitam reddit se pridie impotentem ad legem aliquam humanam observandam, docent Suar. Becan. Bonac. Dicast. adeoque non peccare qui die Sabbati iter ingreditur, prævidens se cras non posse audire Sacrum; immo nec qui ad venationem exit, uti pluribus docet Gob. & Moya, nisi exi-

res

res circa 10. vel 11. horam noctis. Quod si impotentia illa forte causetur per actionem ex se malam, v.g. per ebrietatem, Bonacina dicit, non ideo peccare contra legem humanam, cujus observationi ponitur impedimentum. *num. 793.*

50. Si dispensatio a Superiore data sit sine iusta causa, multi cum Illsung docent, subditum posse illa uti. Sed Azor, Sor. Salas, Sanch. Amicus, alique cum Moya contradicunt. *num. 802.*

51. Qui occidit Sacerdotem, etiam si in petenda dispensatione ab irregularitate solum exprimat, se occidisse hominem, valebit, uti habent Sanch. Laym. & alii cum Dian. contra Suar. & alios. *num. 806.*

52. Satis est si causa finalis (dispensationis) verificetur eo tempore quo Romæ conceditur dispensatio, & similiter illo quo Ordinarius, vel Confessarius dispensat, licet non verificetur tum quando petitur, neque postea, quando est concessa, & antequam executioni demandetur: quia sic rescriptum non est falsum, & nititur vera causa. Ita Sanch. Præp. Diana, & alii cum Castrop. & Gobat. Quod si causa cesset post dispensationem datam, & ab Ordinario factam, sed ante ejus executionem, Sanch. Con. Hurt. dicunt, non valere. Econtra valere docent Sa, Pontius, Tamb. apud Gobat; qui Tamb. & Gobat addunt, probabile esse quod. etiam sufficiat adesse causam tum quando delegatus a Papa dispensabit. *num. 808.*

53. Privilegium, in quo dicitur: *Donec voluero, donec aliter ordinavero, ab beneplacitum Sedis Apostolicæ*: durat etiam mortuo concedente. Sa, Castrop. Quod etiam dicit Castrop. licet ponatur, *ad beneplacitum meum, vel nostrum*. Sed Sa merito contradicit. *num. 836.*

54. Adhuc sunt Auctores qui dicunt, probabile esse, manere valo-

rem privilegiorum vivæ vocis præ Regularibus. Quod si probabile est, poterunt eis uti. Quod si forte non subsistant ejusmodi privilegia, Ecclesia supplebit, uti probat Cardenas. *num. 852.*

55. Refert Diana, quod Pius V. per Bullam confirmet omnia mendicantium privilegia, etiam vivæ vocis oraculo concessa. Similiter Paulus V. confirmavit privilegia Dominicanorum, Gregorius XIV. privilegia Soc. Jesu, Clemens VIII. privilegia Benedictinorum, Paulus V. privilegia Carmelitarum Discalceatorum. Ex his Auctores ad minimum tredecim apud Carden. & alii recentiores apud Illsung, & apud Gobat, inferunt, omnia vivæ vocis oracula ante hos Pontifices data illis Ordinibus, aliisque communicantibus ipsis, vim habere ex Bullis, & æquivalenter esse bullata, adeoque revocata non esse per Gregorium XV. vel Urbanum VIII. Hoc ipsum judicarunt alii viri docti. Favetque Escobar, & Dicast. Gobat, post multa utrinque disputata subjungit, sibi adhuc probari doctrinam, aliis sapientissimis viris etiam probatam, videlicet, tunc non esse solius vivæ vocis oracula, sed censeri bullata, quando sunt data alicui communitati, cujus omnia privilegia confirmavit ex certa scientia aliquis Pontifex per Bullam, Breve, vel motum proprium; adeo ut hæc sententia saltem ab extrinseco videatur probabilis. *num. 856.*

56. Quæritur, an cessante fine legis in aliquo particulari, etiam pro hoc particulari cesset obligatio legis? v. g. lex prohibet die Veneris carnes, ut sic maceretur corpus, an ille qui magis delectatur, & melius nutritur piscibus quam carnibus, possit die Veneris carnes comedere? Cessare negant fere omnes, teste Diana. Econtra cessare affirmant Arziag. Caram. Diana, alique apud Pen-

Pennaf. item Scaccia, Nav. Henriq. Comit. uti putat Moya, quibus ex parte favet Carden. *num.* 863. Si finis adequatus legis cessaret in aliquo particulari, etiam in eo cessaret obligatio legis. Ita Nav. Cajet. Valent. Henriq. Tiraq. Hurt. Gran. aliique multi cum Carden. *num.* 867. Probabilius videtur quod finis adequatus legis humanæ non possit cessare quoad aliquem in particulari, si quoad communitatem maneat. Ita Auctores sententiae negativæ contra Auctores affirmativæ. *num.* 868.

57. Queritur, an desinat obligari qui probabiliter iudicat, se non obligari lege? Respondeo. Excusatur ab obligatione, si occasio sit subita, & urgens periculum, ita ut non deatur tempus consulendi superiorem. Ita S. Th. Cajet. Sot. Suar. Teril. *num.* 877.

## III.

## DE PECCATIS IN GENERE.

*Apuđ. La Croix. Lib. V.*

1. **C**ertum est ad peccatum prærequiri aliquam advertentiam ad legem Dei, & ad malitiam objecti. Ita docent omnes communissime. Nihilominus oppositæ opinionis favent Eliz. & Camargo. *num.* 16. Obijciunt 1. Zelus Sauli probat, quod peccavit cum omnimoda ignorantia actuali, five sine remorsu & scrupulo, quando persequabatur Ecclesiam. Respondeo. N. ass. Nam zelus ille erat cum passione & perturbatione conjunctus, qualem etiam sæpe habent hæretici formales, aut homines invidi persequentes hostes suos. n. 57. Obijciunt 5. Si ad peccatum requiritur advertentia malitiæ, ergo quanto peccator est magis corruptus, vel exorcatus, vel suis passionibus abreptus, tanto minus peccat, quia minus advertit malitiam. Respondeo. Si supponas, adesse absolutam, inadvertentiam,

ita ut nullo modo cogitetur de malitia hujus objecti, quamvis ignorantia, vel incogitantia sit culpabilis, opus ex ea sequens non habebit malitiam specialem, nisi præcise illius negligentia, vel neglectus sciendi & advertendi; nec erit imputabile ratione sui, sed tantum ratione causæ. *num.* 21. Supposito, quod quis aliquid faciat cogitans, esse quidem graviter malum, sed in genere tantum, ita ut nullo modo cognoscat, an sit malum hujus vel illius speciei, quamvis peccet mortaliter, tamen non contrahit specialem malitiam alicujus determinatæ speciei. Unde in confessione explicare debet hoc vel simili modo: *Feci aliquid cum apprehensione, quod in genere peccarem graviter. num.* 21. Obijciunt 7. Sacerdos peccat peccato sacrilegii, quamvis expresse non cogitet se esse Sacerdotem. Ergo inadvertentia non excusat. Respondeo. N. Conseq. Quamvis enim expresse non cogitet, tamen obscure, & implicite cognoscit se esse Sacerdotem. Quod si supponas, eum nullam omnino habere cognitionem sui status, nego contrahi specialem malitiam sacrilegii. *num.* 23.

2. Queritur, an cognitio legis divinæ, vel malitiæ, prout Deo displicentis, ita prærequiratur ad peccatum, ut si daretur ignorantia invincibilis Dei, hæc excusaret a peccato formali contra Deum? Respondeo affirmative. Ita communissime Auctores. Zumel dicit. Atheum ad fidem conversum prudenter interrogandum, an cognoverit, suum scelus esse offensam Dei? *num.* 25.

3. Peccatum internum non completur in ratione peccati externi per ullos actus, vel omissiones necessarias. Obijciunt. S. Thomas dicit: Si quis ob ebrietatem omiserit surgere ad Matutinas, hoc peccatum imputari ad culpam, non quando se inebriavit, vel dedit causam illi omissioni, sed quando reipsa dormit eo.

Y. 2. tem-

tempore quo deberet esse in Matutinis. Respondeo cum Compt. & Dicast. dist. Ille (tunc) non posset dici omisisse moraliter & in sensu theologico, C. physice & in sensu vulgari, N. Hoc tantum est quod vult S. Thomas, nempe non omisisse in communi & vulgari modo loquendo. Nos autem assignamus, per quid moraliter, theologice, seu in ratione peccati externi compleatur talis omisio, & quando dicatur incurri tota ejus malitia; dicimusque tum esse, quando libere fit, aut quando libere ponitur causa omissionis postea sine libertate secuturæ. *num. 29.*

4. Queritur, an effectus mali ex peccato sequentes dicendi sunt esse peccata. Respondeo. Probabilius videtur effectus malos ex peccato sequentes non esse dicendos peccata; si nullo modo fuerint prævisi. Ita Vasq. Lessi. Arr. Baldel. Dicast. Tann. Gob. alique contra multos antiquos & recentiores. Instas. Effectus qui per se ut plurimum sequitur, potuit, & debuit prævideri: ergo semper est culpa, non fuisse prævisum. Respondeo, sæpe ita esse. Sed si nec suspicio, vel scrupulus de hoc inciderit, nego, in illis circumstantiis potuisse aut debuisse prævideri: quia prima cogitatio de re aliqua non est in nostra potestate. Ergo si nulla incidit cogitatio de obligatione attendendi, vel cavendi, malitia non contrahitur. *num. 31.* Objicies 2. Quod fit ex ignorantia culpabili, est peccatum. Sed pollutio secuta ex turpiloquio, quamvis prævisa non sit, fit ex ignorantia, & illa ignorantia est culpabilis. Ergo. Respondeo, dist. Min. Illa ignorantia est culpabilis in se, C. respectu effectus secuturi, N. Ut enim respectu effectus dici posset culpabilis, debuisset connexio causæ cum effectu fuisse aliquo modo cognita. *num. 32.*

5. Nullus effectus ideo potest dici

proprie peccatum, quia sequitur ex peccato, quamvis in peccato velut causa fuerit prævisus, vel etiam intentus. Ita Bonac. Lugo, Amic. Dicast. Herinx. & alii contra Cajet. Sot. Tann. Gonet. & alios. Nam, quamvis voluntas non sit retractata, tamen non ideo dici potest peccatum. Ratio est, quia omne actuale peccatum debet esse saltem denominative actu voluntarium & liberum, quando fit. Ergo. Objicies. Mors denominatur actu volita per volitionem præteritam: ergo etiam potest per illam denominari actu voluntaria. Respondeo. N. Conseq. Quia esse actu volitum est prædicatum commune temporis præsentis & præteriti. Nam quod actu volo, & quod aliquando actu volui, dicitur pro illo tempore actu volitum; e contra actu voluntarium est prædicatum tantum de præsentis, & quidem physico. Ergo non habetur, nisi a forma actu existente. *num. 34.*

6. Queritur, an effectus mali ex peccato sequentes sint saltem moraliter, vel ad culpam imputabiles? Respondeo. Si prævisi non fuerint, non sunt imputabiles ad culpam, quia nullo modo sunt voluntarii; e contra si sint prævisi, & intenti, sunt moraliter imputabiles hoc sensu, quod culpabiliter sit posita causa. Attamen non est nunc culpa, quod sequantur: & hoc sensu non erunt nunc moraliter imputabiles, sed tantum physice. *num. 41.*

7. Effectus malus intentus, vel prævisus ex causa illicita posita est suo modo æqualiter imputabilis, sive sequatur postea, sive ante voluntatem retractatam. Ratio est, quia illa retractatio neque facit ut re ipsa libere posita non sit illicita causa talis effectus intenti & prævisi, neque facit ut illa causa careat influxu in talem effectum, utpote, ut ponitur, inimpedibilem. Ergo nec impedit dependentiam a tali causa; ergo nec im-

immutabilitatem. Obijcies. Per retractationem tollitur ratio voluntarii a peccato. Respondeo distin. Tollitur ratio voluntarii quoad tempus futurum, C. quoad tempus præteritum, N. Retractatio facit quidem ut peccatum non amplius sit actu volitum; attamen non facit ut pro præterito non fuerit voluntarium. Instas. Si talis effectus adhuc imputatur, vel ergo ad culpam, vel ad poenam. Respondeo: imputatur præteritæ culpæ, non quod nunc sit, aut dici possit culpa; sed quia referri debet in culpam præteritam veluti causam, eique attribui velut effectus, sicut fomes peccati attribuitur peccato Adami. n. 42. 43. 44.

8. Si causa effectus mortaliter mali fuerit tantum venialis, quamvis hic effectus fuerit prævisus, non posse nisi ad veniale imputari, docent Sanch. Less. Dicast. Gob. alique cum Diana & Burgaber; quamvis alii apud Tann. dissentiant; putentque imputandum etiam ad mortalem, saltem si effectus malus sequatur ex causa veniali spectante ad eandem materiam, cuius est effectus; uti si pollutio sequatur ex turpi joco venialiter tantum malo. n. 46.

9. Quæritur, an illa quæ inadvertenter hunt ex consuetudine peccaminosa, sint voluntaria. n. 47.

10. Quæritur, quid dicendum sit de peccato philosophico? Respondeo. Quamvis seculamus omnem cognitionem Dei, tamen adhuc posset homo moraliter bene vel male agere; si nempe pro libertate humani arbitrii eligeret operari juxta, vel contra principia rectæ rationis. n. 49. & 50. An aliquando detur, vel dari possit ignorantia, aut incogitantia invincibilis Dei, nihil attinet hic dicere. Sunt qui absolute negent, sunt qui affirmant, saltem ad breve tempus. n. 52. Moraliter loquendo fieri non potest ut homo, saltem qui aliquando Deum cognovit, committat peccatum, ha-

bens solam malitiam philosophicam: quia in tali homine est actualis, quamvis forte non ita perceptibilis, cogitatio de Deo, qualem de regulis artibus sive habent cytharizantes. n. 55. Inferes, si supponamus infidelem decedere in solis peccatis philosophicis, eum propter hæc non fore damnandum; sed nec futurum beatum, quia propter originale careret gratia; ideoque post toleratam poenam temporalem peccatis philosophicis proportionatam futurum in eo statu in quo sunt infantes sine baptismo in originali decedentes. n. 57. Propositio relata juste damnata est: quia non distinguit inter ignorantiam, & advertentiam vincibilem, aut invincibilem Dei, & de utraque æqualiter intelligi potest. Secundo quia absolute dicit, peccatum philosophicum non esse offensam Dei, cum semper sit offensa Dei saltem materialis. Unde si propositio sic limitaretur: peccatum philosophicum, quantumvis grave, in illo qui Deum vel ignorat invincibiliter, vel de Deo actu non cogitat inculpabiliter, nequidem tenuit, & remisse, est grave peccatum philosophicum, sed non est formalis offensa Dei, neque peccatum mortale theologicè, dissolvens amicitiam Dei, neque æterna pœna dignum. Si, inquam, sic limitaretur, esset longe alia propositio, nec mereretur censuram, uti constat ex dictis. n. 58.

11. Delectatio de cogitatione mali potest esse bona. Sic potest quis delectari aspectu artificiosæ picturæ, quamvis res picta displiceat. Idem est de delectatione circa modum quo fit malum, uti si delectetur modo quo alius nasopronus cecidit in lutum, quo ebrius tremule incedit, quo mulieres rixantes se mutuo impetunt. Hæ enim delectationes per se loquendo non sunt peccata, uti cum communi Suar. Sanch. Ovid. n. 78.

12. Probabilius est quod delectatio de objecto, non tantum intrinsece malo, sed etiam malo extrinsece, sit peccatum mortale, aut veniale, prout objectum est graviter, vel leviter malum. S. Th. Suar. Sanch. Objicies. Actus inefficax, qualis est simplex delectatio, non desumit malitiam ab objecto: ergo delectatio, circa objectum mortaliter malum, extra materiam veneream de qua est alia ratio, poterit esse venialis tantum. Ita Vasq. Merat. quorum sententiam probabilem dicit Compton. & Sporer dicit, etiam se valde propendere in eam; & Oviedo citat pro ea plures Auctores: nec videtur probabiliter negare S. Thomas 1. 2. quæst. 74. art. 8. ubi ait: „ Quidam dixerunt, quod consensus in delectationem non est peccatum mortale, sed veniale tantum: alii vero dixerunt, quod est peccatum mortale; & hæc opinio est communior & verisimilior. “ Ergo S. Thomas agnoscit probabilitatem oppositam: & consequenter Suarez nimium dixit asserendo, oppositam esse improbabilem, uti & Azor vocando temerariam. Respondeo. De hoc viderint Suar. & Azor. quod diximus, defendimus tamquam probabilium. n. 81.

13. Probabilius videtur quod delectatio de objecto semper intrinsece malo sub conditione, si liceret, si non esset malum &c. sit peccatum grave, vel leve, prout objectum in se est. Ita Adr. Azor. Laym. Suar. Sanch. Rhodes. Loth. Busemb. alique multi contra Caj. Salas, Castr. Ovied. Carden. Bonaspei, Herincx. n. 82.

14. Circa illum qui se habet negative circa delectationem morosam, maxime veneream, si absit rationalis causa, cur positive non resistatur, Auctores dividuntur in tres sententias. Valde communis sententia est, quod sit peccatum, si non resi-

statur positive saltem per actum simplicis displicentiz. Vasq. Amit. Arri. Compt. Rhod. Platel. Busemb. & Oviedo dicunt, esse mortale, in hoc casu positive non resistere. Econtra Arsedekin dicit, probabile esse, non peccari mortaliter; notatque, idem dici a novem probatis Auctoribus. Alii multi cum Castr. & cum Merat. dicunt, esse veniale tantum, non resistere positive. Denique Cajet. J. Sanch. Tamb. alique multi apud hos, & apud Tann. dicunt, per se loquendo, nullam esse obligationem positive resistendi. Hæc ultima sententia speculative loquendo videtur esse probabilior, in praxi tamen tenenda non est. Quia quando quis facile potest resistere positive, qui hoc omittit, convincitur, non illibenter habere hos motus. Recte tamen notat Bonaspei, si motus sint leves, melius esse contemnere sine positiva resistencia. n. 111.

15. Quæritur, an delectatio turpis possit ex parvitate materiz esse peccatum veniale: tantum? Respondeo. Sententia concedens posse peccari tantum venialiter ratione parvitat. in materia venerea, est improbabilis.

Objicies. Plures quam viginti Auctores apud Mendo docent, in materia luxuriæ dari parvitatem materiz. Idipsum docuit Sanch. Respondeo. Si intelligant materiam veneream & perfectam deliberationem ac consensum, non sunt audiendi; nec ideo faciunt veram probabilitatem, ne quidem extrinsecam, cum obstat auctoritas Pontificum; nec præcise numerus Auctorum facit sententiam absolute probabilem. Sanch. sententiam suam revocavit. n. 101.

16. Probabilius videtur quod actus malus physice unus tendens in plura numero objecta, sint moraliter plura numero peccata in confessione explicanda, prout actus distincte, vel confuse in ea objecta tendebat. Ita Vasq.

Vasq. Tann. Castrop. Rhod. Oviedo, Haun. Diana, Sporer, contra Suar. Bonac. & alios apud Mendo. *n.* 149.

Objicies. Est unum numero peccatum, si uno actu eidem furer tres ducatos, aut pannos: ergo etiam est unum numero peccatum, si uno actu detraham tribus. Ita Fill. Lugo, Tamb. Gobat. Stoz. Respondeo. An dicere debeas, talem actum esse tria numero peccata, an esse unum peccatum habens tres malitias, est questio de nomine. Potius dicendum est, esse tria numero peccata, quia peccatum nihil est nisi malitia. *n.* 150.

17. Si quis uno actu dubitet circa tres fidei articulos; vel neget, vel culpabiliter ignoret; Borgia docet, esse tria peccata. Sed contradicunt Oviedo, & Diana. *n.* 156. Si quis uno actu blasphemet in tribus materiis; v. g. dicendo, Deum esse injustum, infidelem, ignorantem; Oviedo, & Diana dicunt, esse unum peccatum; Borgia dicit, esse tria. *n.* 157. Si quis uno actu oderit tres homines; Dicastillo dicit, esse unum peccatum; sed alii melius dicunt, esse tria. *n.* 158. Si quis uno actu optet eidem quatuor diversa mala, v. g. paupertatem, infamiam, mortem, damnationem eternam; sunt quatuor peccata, etiam specie distincta, ut recte Mol. Suar. Con. Sylv. & alii, si advertat specificam diversitatem illorum malorum. Unde quando Dicast. dicit, oppositum esse probabile, intelligendus est, si optans non apprehendat illa ut specie distincta, sed tantum velut diversa numero. *n.* 159. Si quis uno actu uni detrahat, vel calumnietur in tribus diversis materiis, Bonac. Lugo. Diana, Dicast. Bonaspei dicunt esse unum peccatum; sed Nav. Sylvius, Borgia probabilius dicunt, esse tria. *n.* 161. Si quis uno actu eidem in eadem materia detrahat apud tres homines; multi dicunt, esse unum

peccatum; sed tenendum est oppositum. *n.* 162. Si quis una deliberatione omnes omittat Horas; Tolemus, & alii dicunt, esse tot peccata, quot Horæ omisæ sunt; sed Nav. Lugo, & alii probabiliter dicunt esse unicum. *n.* 165.

18. An ille qui continuo tempore in mortali absolvit centum poenitentes, centies peccet, non ita est certum. Negant aliqui cum Rodrig. & Lugo, Diana, Gobat, Stoz, Sporer dicunt, esse saltem probabile, quod tantum semel peccet. Sed dicendum est cum Bonac. Possev. Escob. Oviedo, Dicast. Borgia, Platel. toties peccare, quoties absolvit. *n.* 171.

19. Si voluntas (peccaminosa) fuerit retractata formaliter, & iterum resumatur, probabilius est, semper esse simul plura peccata, uti tenent Nav. Suarez, Bonac. Hurt. Rhod. Castrop. & Aversa dicit, hanc sententiam esse certam; quamvis contradicant Gran. Haunold. Gobat, Stoz, & aliqui recentiores. *n.* 174.

20. Peccat graviter, vel leviter, prout materia peccati fuerit gravis, vel levis, qui se exponit periculo formali, & certo peccandi formaliter, sive hoc periculum sit absolute, sive respective proximum, uti tenent omnes; nec contrarium esse Gobat, persuadere conatur Vindex illius. Sed quidquid senserit Gobat, parum refert. *n.* 256.

21. Peccat similiter graviter, vel leviter, qui se exponit formali quantumvis tantum probabiliter periculo peccandi formaliter, uti recte Eliz. Cardenas, & alii contra Caram. Murc. Lub. Hozes, Sporer, Gobat. *n.* 257.

22. Simili modo peccat qui se exponit formali periculo peccandi aliquo peccato indeterminate præviso. V. g. scio me solere peccare vel per luxuriam, vel per detractionem, vel alio modo, quoties familiariter

ago

ago cum Titio; uti recte Lugo, Aversa, Herincx, Bosco, & alii communius contra Suar. Fill. Palav. n. 258.

23. Si quis nullo modo possit facere ut cum occasione externa non sit conjunctum periculum formale peccandi, dubium est, an sit obligatio eam occasionem externam deferendi etiam cum quocumque incommodo, quamvis deberet subire jacturam omnium bonorum fortunæ, famæ, & vitæ. Negant eum ad hoc teneri Auctores gravissimi, quos recensent & sequuntur Lugo, Sanch. Castrop. Tom. H. Fabri, Gobat, Burghaber, Palav. Vindex Gobat. E contra Cajet. Lop. Corrad. Grassi. Lorca, Tann. Cardenas, alique apud Jo. Sanch. & apud Stroz, dicunt, non curanda esse talia incommoda, sed moralem impossibilitatem vincendam, ac vitanda talia pericula formalia etiam cum jactura omnium bonorum fortunæ, famæ, & vitæ, si aliter excludi non possint. Hæc secunda sententia admodum rigida est, attamen videtur vera; cuius probabilitatem agnoscit Bosco. n. 271.

24. Quamvis Gobat putet, absolvi posse quasdam puellas quæ non habent propositum, numquam amplius admittendi procum secum in lectum, eamque propositionem pro plebeis rusticis in Germania conetur defendere Vindex Gobatianus; tamen hoc prorsus rejiciendum est. n. 281.

25. Quod dictum est de periculis mortalium applicari debet periculis venialium. Unde quamvis Con. Layman. Tamb. Palav. Semery dicant, ad remissionem venialium non requiri propositum vitandi occasiones illorum proximas, tamen oppositum est tenendum. n. 283.

26. Si supponamus, quod singulæ Horæ Breviarii seorsim præcipiantur, ideoque toties peccetur mortaliter, quot Horæ omittuntur, uti

dicunt Less. & alii; in hac sententia putant aliqui cum Gobat, probabile esse, non fore mortale, si quis in singulis Horis omitteret duos Psalmos cum Hymno, quamvis eodem die omittat saltem quatuordecim Psalmos & octo Hymnos: quia secundum hos Auctores illæ partes omisissæ pertinent ad diversas Horas: ergo non unirentur in ordine ad unam materiam constituendam. E contra tamen in sententia Navarri, Sylv. Lug. Stroz, Tamb. quod omnes Horæ præcipiantur tamquam partes unius integri Officii, quod probabilius dicitur; qui per totum officium tam multum omittit, ac est integra Hora, peccat mortaliter. n. 296.

27. Burghaber recte dicit, si mercator doleat, homines non emere potius apud se quam apud alium, esse æmulationem licitam. n. 305.

28. Quæritur, an comedere sine necessitate pertineat ad vitium? Negant Major, & J. Sanch. Sed dicendum est esse. n. 309.

29. Quæritur, an licitum sit intendere delectationem quæ capitur ex cibo & potu moderato? Respondeo. Major, J. Sanch. Bassi. & alii cum Moya affirmant velut probabile: quia talis delectatio secundum dicta non est mala. E contra damnatio propositionis 8. ab Innocentio XI. facta reddit opinionem illam difficilem: *Comedere & bibere usque ad satietatem ob solam voluptatem, non est peccatum, modo non obstat valetudini: quia licite potest appetitus naturalis suis actibus frui.* Pro explicatione sit. Si quis comedat cibum necessarium propter voluptatem referendo hanc voluptatem ad comestionem & utilem digestionem, in hoc nihil est peccati, sed omnino ordinate agimus; neque verum est quod tum comedamus propter solam voluptatem, aut propter voluptatem tamquam finem ultimum. n. 310. 312.

30. Licere se inebriare ex præscripto



pro Medici ad recuperandam sanitatem, si desit aliud medium, docent Auctores n. 219. citati. Item Sylv. Ledesm. Nav. Tol. Sa. Armilla, Tann. Dian. Bonac. Naldus, March. Alv. Regin. Bald. Steph. J. Pontius, Illsüng. Sed huic doctrinæ repugnant alii cum Mendo, putantes, ebrietatem esse intrinsece malam. Et huic sententiæ favet Augustinus serm. 232. de temp. *Etiā si ad hoc veniretur ut tibi diceretur: aut bibas, aut morieris: melius erat ut caro tua sobria occideretur, quam per ebrietatem anima moreretur.* Putat quidem Vindeus Gobatianus, rationes allatas facile solvi. Quod autem S. August. attinet; dicunt Less. Dicast. & Illsüng, illum loqui de casu, quo in contemptum religionis, vel virtutis bibendum esset. Verum S. August. ob probabilitatem contrariæ sententiæ suadere, potius mortem esse opetendam quam causandam privationem rationis. n. 322.

## IV.

## DE VIRTUTIBUS THEOLOGICIS.

1. **S**ensus propositionis damnatæ, *Ab infidelitate excusatur infidelis non credens ductus opinione minus probabili, videtur esse hic, quod infidelis, qui non credit, dum habet majorem probabilitatem pro fide nostra, ideo non excusetur, quia est ignorantia vincibili circa fidem nostram, & ex culpa sua caret certitudine requisita ad credendum, eo quod non adhibeat diligentiam in inquirendo. Itaque talis infidelis non tenetur determinate ad credendum, nec ideo præcise peccat, quod quamdiu habet majorem tantum credibilitatem, hoc ipso statim non credat.* n. 48.

2. Probabilius est, præceptum fidei non obligare per se omni die festo, uti volunt aliqui; neque illis festis,

quibus aliqua fidei mysteria celebrantur, uti alii volunt, quorum opinionem Oviedo dicit passim rejici. n. 51.

3. An pro dissimulanda fide licitum sit uti verbis ambiguis, non conveniunt Auctores. Negant Veriuy, & Aridek. Oppositum tenent Sanch. Azor. Bonac. Nav. Con. Suar. Laym. Fill. Tom. Marchant. Sangall. Reiffenst. cum Gastrop. qui dicunt, ex gravi causa licere hic uti verbis ambiguis seu æquivocis, ac etiam restrictione non pure mentali, supponendo semper, quod non ideo subtrahatur debitus Deo honor, nec detur scandalum proximo. n. 61.

4. Lessius docet, non licere deferre infantem ad ministrum acatholicum, ut ab hoc baptizetur. Sed in hoc attendenda est consuetudo patris. Unde Lugo dicit, ob necessitatem gravem excusari posse, cooperationem ad petendum baptismum ab hæretico, quæ necessitas ad minus debet esse tanta, quanta sufficeret ut posset peti a laico. num. 66.

5. Etiam licitum est, honoris vel amicitie causa interesse matrimonio acatholicorum contrahendo coram catholico ministro, uti habent Mald. Con. Hurt. Lugo, Steph. Lessius quidem ait, non licere adire convivium nuptiale hæreticorum, aut munera dare ad gaudendum de conjunctione, eo quod sit irrita. Sed ista ratio Lessii non tenet ubique, ubi Tridentinum non est receptum. num. 67.

6. An Princeps possit non baptizatos directe cogere ad fidem, dubium est. Negant S. Th. Suar. Castrop. alique communis. Affirmant tamen non improbabiler saltem de aliis infidelibus (non Judæis) Scotus & Scotistæ cum Herinx, quia Princeps potest adigere ad ea servanda ad quæ jure divino, & naturæ tenentur. num. 79.

7. Posse Principem infidelem privari dominio proprietatis in fideles

veluti servos, idque ob honorem fidei, quamvis abesset periculum perverſionis, docent S. Th. Bann. Lorc. & alii. Negant Nav. Covarr. Suar. & alii communiter. *num. 81.*

8. Gobat, & Veriuyſ recte probant, matrimonia perſonæ hæreticæ cum catholica regulariter eſſe illicita. Nihilominus Sanch. Azor. Veriuyſ, Leſſi. putant, tum licere 1. Si abſit periculum perverſionis. 2. Si detur libertas educandi proles catholice. 3. Si non facile ſit invenire parem & convenientem inter Catholicos. 4. dummodo hæreticus non ſit vitandus. 5. Si ſit conſuetudo ibi, ita ut abſit ſcandalum. Et horum unum ſi deſit, non licebit; hæc omnia autem vix concurrent. *num. 95.* Quando reliquæ conditiones abſunt, quamvis addit aliquod periculum perverſionis, ſi tamen non ſit proximum, licebit tale matrimonium ex gravi cauſa, uti tenent Lugo, Arsdek. aliique contra Sanch. & Pont. non opus eſſe diſpenſatione, ſi pars hæretica promittat converſionem, credaturque id ſerſo facere. Immo putat Hurt. ſufficere ſpem converſionis ortam ex ipſius indole, vel aliunde; ſed contradicunt Lugo & Arsdek. *num. 97.*

9. Catholico Parocho licitum eſt benedicere nuptias perſonæ catholicæ cum acatolicæ, uti recte Lugo, & Arsdek. contra Sanch. *num. 99.*

10. Si quis famulans hæretico impædiatur in obſervatione præceptorum Eccleſiæ; v. g. quia debet carnes diebus veſtitis comedere, feſtis laborare ſerviliter, negligere Miſſam &c. ſervitium eſt illicitum, niſi excuſet notabile incommodum, uti recte Nav. Bonac. Sanch. Suar. Laym. & alii communiter. Tum autem eſſet grave damnum; ſi non poſſet invenire dominum catholicum, a quo acciperet ultra dimidium illius quod ad hæretico accepit. Si tamen a catholico tantum accipere poſſet, v. g. ſex florenos, & ab hæretico ſeptem,

non eſſet notabile damnum. Quod ſi quatuor tantum accepturus eſſet a Catholico, videretur reſpectu ipſius notabile damnum, niſi aliunde haberet quo ordinariis ſuis neceſſitatibus provide-  
*ret. num. 103.*

11. Scot. Ang. Almai. Gab. Tab. & alii dicunt, præceptum caritatis obligare omni die feſtivo. Econtra Cattrop. aliique communiter id negant. S. Anton. S. Bonav. Cajet. alii- que undecim graviffimi auctores cum Carden. dicunt, obligare, ſi quis inciderit in mortale, & non poſſit, vel velit ſuſcipere Sacramentum poenitentia; idque ſtatim, quamprimum poſt peccatum occurrit cogitatio peccati. Sanch. Bonac. & Alloz. & alii dicunt hoc præceptum obligare quando quis vult Euchariftiam ſumere. Caſtrop. poſt rejeſtas ſententias hætenus relatas ſubdit cum Suar. & Con. eſſe obligationem ſæpius diligendi Deum quam ſingulis triennis ſemel. Ledoſm. Hurt. Arr. Illſung, aliique cum Mendo dicunt, eſſe obligationem ſaltem ſemel ſingulis annis. Cardenas dicit, eſſe obligationem frequenter diligendi, ita ut videatur ipſi morale, ſi quis ultra unum menſem integrum differat. Itaque cum in tanta ſententiarum varietate (N.B.) neſciamus, quando & quoties ſit diligendus Deus, arripiamus tutiora, tum ut ſic aſſueſcamus dilectioni Dei, tum ut certo ſatiſſiat præcepto. *A num. 133. ad 141.*

12. Satiſſit huic præcepto, quamvis amor Dei eliciatur in ordine ad alia præcepta implenda, aut ad aliam virtutem exercendam, v. g. ſi quis eliciat, quia vult conſiteri, vel ut vincat tentationem. *num. 142.*

13. Ut amor Dei ſit perfectus, debet voluntas ſerio & efficaciter ſic eſſe conſtituta, ut quamvis nec cælum eſſet, nec infernus, nec præmium ullum ſperandum, nec pœna ulla timenda a Deo, tamen amaretur Deus propter ſe, quia in ſe ſumme bonus.  
*num. 152.*

14. Quæ-

14. Queritur, quomodo pastice eligi possit actus caritatis? Respondeo hoc modo: Amo te, mi Deus, quia es omne bonum in teipso. Ex hoc amore amo meipsum, sed semper propter te: quia tu infinite bonus hoc vis, & tibi hoc placet: quia tibi bonum est quod ita agnoscaris, ameris, lauderis. *num. 155.*

## V.

## DE CARITATE ERGA PROXIMUM.

1. **L**icitum est desiderare, vel gaudere de morte proximi propter magnum bonum spirituale ipsiusmet proximi. Ita Carden. *num. 184.*

2. Licitum est desiderare, vel gaudere de morte proximi ob ingens bonum etiam temporale communitatis & Ecclesie, quod alias haberi non posset. *num. 185.*

3. Manet probabilis sententia quam post S. Thomam tenent auctores gravissimi, quos citant & sequuntur Mendo, Arsdek. Carden. Moya: nempe quod homo possit desiderare mortem proximo ad vitandum aliquod ingens malum sibi, vel alteri proximo impendens, quod aliter vitari non potest. Sicuti aliquis sibi licite optat mortem, ut evadat ingens malum spirituale, vel temporale. Ratio est, quia illud gaudium vel desiderium directe, & immediate fertur in solum bonum suum & proximi, ita ut mors, quatenus proximo est mala, nullo modo sit objectum illorum actuum. Atque ideo S. Thomas in 3. dist. 30. quæst. 1. ar. 1. ad 4. sic habeat: *Potest aliquis salva caritate optare malum temporale alicui, & gaudere, si contingit, non inquantum est malum illius, sed inquantum est impedimentum malorum alterius, quem plus tenetur diligere.* Sed hoc non est per se de malo gaudere, sed de bono, quod adjunctum est malo. *num. 186.*

4. Si allocutio, vel ostensio benigno-

lentiz non sit debita, & tamen praevideas, ex illa futurum ut inimicus odium deponat, teneris alloqui, si sine multa animi difficultate possis. Si autem notabilem difficultatem patereris, non teneris. Suar. Con. Castrop. Tamb. Burgh. *num. 191.*

5. Dubium est, quid dicatur superfluum Statui. Cajet. Nav. Vasi. putarunt, hoc solum esse superfluum quod non requiritur ad statum neque presentem servandum, neque futurum obtinendum, quem quis licite & digne potest querere. Sed hæc sententia rejicienda est. Alii dicunt, illud esse superfluum quod necessarium non est ad statum neque presentem, neque futurum, quem aliquis probabiliter & proxime sperat. Et hæc sententia probabilis est. Alii plures cum Arsdek. dicunt, hoc esse superfluum quod ad statum presentem satis commode ducendum non est necessarium, nulla status futuri habita ratione. Et hos dicimus habere superflua. *num. 199.*

6. Si quis sit in extrema necessitate, v.g. ratione morbi, teneris etiam aliqua statui tuo convenientia expendere ut ei succurras. Ita Con. & Tamb. contra aliquos apud Moyam, qui dixerunt, non esse obligationem etiam in extrema necessitate dandi ex necessariis ad statum, quam sententiam Bannez vocat inhumanam, Valenz. Gran. & Hurt. improbabilem. Manet tamen dubium, an tenearis, si per hoc e statu tuo caderes. Nam te in his circumstantiis non teneri doceant auctores gravissimi, quorum sententiam Moya sequitur vocans probabilissimam. Hinc putat. Tamb. sententiam esse probabilem, nempe quod nunquam sit obligatio ita extraordinario modo sibi vel alteri succurrendi. *num. 201.*

7. Quamvis Societatis auctores communiter doceant, divites teneri in communi necessitate dare elemosynas ex superfluis; hanc tamen obligationem negant alii viri gravissimi,

Z. 2. Sylv.

Sylv. Alens. Arm. Palud. Gabr. S. Anton. Sot. Nav. Molf. Fernand. Vitor. F. Medina. Covar. quos refert & sequitur Diana. num. 202.

8. Quæritur, an aliquis teneatur corrigere proximum qui mortaliter peccavit, si non sit periculum, ut relabatur. Affirmant Bann. Valent. Bonac. & alii: quia existens in mortali est in maxima miseria. Ergo si commode possum, teneor sublevare & per correctionem movere ad penitentiam. Negant Regin. Sot. Lorc. Sa, Con. Torr. & alii cum Castrop. Utraque sententia est probabilis; sed prima videtur conformior præcepto caritatis. num. 209.

9. Quæritur, an semper sit obligatio gravis corripienti proximum, si alias putetur in peccato moriturus? Bannez, Valent. Bonac. & alii communius affirmant, esse talem obligationem, etiam cum periculo vitæ propriæ. Tamen Lorc. alique cum Castrop. dicunt, cum periculo vitæ propriæ non esse talem obligationem. num. 211.

10. Quæritur, an sit obligatio corripienti eum qui ex ignorantia peccat? Si ignorantia sit invincibilis, Bonac. absolute docet, non esse obligationem, si sit ignorantia juris, si facti; nisi ex officio alicui incumbat monere, vel instruere: item nisi inde oriatur damnum tertii, aut scandalum, aut irreverentia in Deum. Alii distinguunt: si quis peccet ex ignorantia juris humani, docet Ovied. cum Bann. Nav. Valent. & aliis, non esse obligationem corripienti. Sed his omnibus probabilius contradicunt Con. Sanch. Castrop. & alii cum Burgh. dicentes, esse obligationem corripienti peccantem ex quacumque ignorantia. num. 214.

11. Quæritur, an & quando sit obligatio denunciandi vel deferendi aliquem? Respondeo. Est obligatio gravis sub præna excommunicationis hæreticos denunciandi apud Inquisito-

res fidei, uti constat ex variis Bullis Pontificum & Decretis Juris canonici; quam obligationem & pœnas innovat Alex. VII. per Bullam, *Licet alias*. Idem Alexander damnavit hanc propositionem. *Quamvis evidenter tibi constet, Petrum esse hæreticum, non teneris denunciare, si probare non possis*. Ex qua damnatione certum est, ubi Bullæ illæ usu receptæ sunt, esse absolute obligationem denunciandi. Dixi ubi usu receptæ sunt: nam plures viri prudentes & eximie docti censent, in his partibus non esse usu receptas quoad punctum denuntiacionis. num. 215.

12. Est obligatio denunciandi Sacerdotem qui in confessione vel occasione confessionis sollicitat seminam, vel masculum ad peccatum carnis, uti statuit Gregorius XV. & Alexander VII. putant autem iidem viri docti, idem dicendum esse de obligatione hos denunciandi, quod dictum est de denuntiatione hæreticorum; at testatur Gobat, decreta illa in plerisque Episcopatibus Germaniæ non esse usu recepta; additque, tantum promulgari regularibus; hos autem se posse accommodare moribus sæcularium quoad leges utrique statui communes; ideoque si sæculares non obligent defectu promulgationis, etiam non obligare religiosos. num. 216.

13. Quæritur, an sit peccatum scandalum, suadere minus peccatum scandalum illi qui facturus est alioquin majus? Plures sunt sententiæ. Valentia, & Sa apud Mendo videntur absolute dicere, esse, peccatum scandalum, quia minus peccatum est peccatum. Laym. Dicast. Arr. Mendo, alique eum Gobat distinguunt, & dicunt, licere, si minus includatur in majori, sicuti fornicatio in adulterio, vulneratio in occisione, furtum centenorum millenorum. Econtra si illud minus quod suaderet, sit plane diversum, dicunt esse illicitum. Sanchez,

chez, citans alios gravissimos auctores, Stephanus, Cardenas, absolute dicunt, licitum esse suadere minus, quamvis sit diversum; pro qua sententia alios plures citant Mendo, Castrop. Gobat vocans practice probabilem, Diana vocans etiam probabilem. Omnes hæ sententiæ sunt probabiles; & sententia Laymanni videtur probabilior, ad quem accedit sententia Castropalai (id concedentis; si ille qui paratus est facere majus malum, simul cogitet facere minus.) Nihilominus sententia Sanchez etiam est probabilis. *num. 222.*

14. Quæritur, an ergo etiam sine periculo scandalii sit licitum aliquem inducere ad ebrietatem, ut sic impediatur aliud majus peccatum?

Respondeo. Secundum Laymann. & alios hoc est illicitum: quia numquam licet inducere ad actionem quæ intrinsece mala est. E contra secundum Sanch. & alios, & expresse secundum Lessium, cujus sententiam Diana, Mendo, Gobat, & alii censent probabilem, & licitam. *num. 224.*

15. Si fur esset determinatus ad furandum vel multum a Petro, vel parum a Paulo, sed indeterminatus, a quo furetur, docet Pontius apud Dian. & post Vasquez Tambur. te non peccare, ne teneri restituere, si suadeas, ut Paulo furetur minus, sic impediendo, ne Petro furetur maius. Sed communis sententia est fere omnium cum Sanchez, non licere consulere inferre minus malum inferendum alteri personæ. *num. 225.*

16. Quæritur, an nonnumquam sit mortale inducere aliquem ad veniale?

Respondeo. Ordinarie non est mortale, licet quis etiam vi, vel fraude inducat, directe intendens hoc spirituale ejus damnum. Ita Sanchez, Arr. Lugo, Haunoldus, Bonæpei, alique communiter contra Vasquez, Cor. Plat. & alios. *num. 232.*

17. Quæritur, quid de turpibus comædiis sit sentiendum?

Respondeo. Quamvis nonnulli Auctores eos damnant venialis tantum, qui ejusmodi comædiis interfunt, tantum quærentes delectationem ex representatione & modo agendi, non autem ex re representata; tamen dicendum, eos peccare mortaliter. *n. 238.* Peccant mortaliter non tantum primi spectatores, vel auditores, qui sunt causa determinativa, ut agatur comædia, sed etiam alii qui superveniunt, & sine quibus adhuc ageretur, uti contra Baldel. Turrin. Ferrant. Bardi, & Vivaldum docent alii. *n. 239.*

18. Dubitat Cardenas, an talis cooperatio (famuli proxime cooperantis ad peccatum v. g. aperiendo janua) licita foret illi famulo, si ab hero timeret gravissimum malum, v. g. lethale vulnus? Illius putat excusandum a mortali; sed probabilius est, non excusandum. *n. 254.*

19. Qui sine justa causa vinum vendunt illis quos probabiliter putant se inebriaturos, peccant mortaliter. Causa autem sufficiens, per se loquendo, non videtur esse lucrum, quo carerent non vendito illo vino. Causas tamen justas promendivinum etiam se inebriaturis dicunt Sanch. & Castrop. esse, si alioquin esset afficiendus non tantum contumeliis, sed etiam gravibus molestis. Item si notabiliter minuendus esset affluxus hospitum. Et ita docent gravissimi Auctores relati in vindiciis Gobatianis. *n. 261.*

20. Tamburinus addit, amicum posse apponere amico cœnam urbanitatis causa etiam die jejunii. Addit Illius, eum in civitate catholica non peccare, qui die vetito apponit carnes alicui, qui nihilominus eas alibi erat certo comesturus; atque pro ea sententia citat Navarrum, Lessium, Sanchez, Laymann. contra Castrop. *n. 256.*

21. Si

21. Si adsit iusta causa, licitum est petere iuramentum ab eo quem putas pejeraturum. Ita cum aliis Suarez, Diana, Tamb. contra Sot. Vasquez, Sylvest. & alios. Quod si scias, alterum determinatum esse ad non iurandum aliter quam falso, Bonac. Castrop. & alii dicunt, non licere petere. *n. 266.*

22. Peccas, si extra necessitatem, vel utilitatem magnam petas ab excommunicato tolerato ut tibi sacramenta ministret. Ita Suar. & alii contra Sanch. Hurt. & Tamb. *n. 272.*

23. Christianos captivos, qui simul cum Turcis ad littora Christianorum adventant, posse cum dominis infidelibus cooperari ad rapinas, & incendia ob vitandam mortem sibi alias imminentem, docent Lorca, Diana, Castrop. & alii apud Mendo. *n. 277.*

## VI.

## DE DECALOGO.

1. **N**ON est peccatum, saltem mortale, per Astrologiam vel cognoscere aliquod contingens liberum, iudicando illam cognitionem esse incertam & tantum conjecturalem. Ita Cajetan. Tol. Val. Castrop. Tambur. contra Sanchez, & alios. Ratio est, quia astra revera inclinant. Nec refert quod Sixtus quintus videatur hoc prohibuisse. Nam Suarez, alique cum Sporer dicunt, eam prohibitionem restringi ad solum forum externum ob presumptionem divinationis internæ. Quod si ad conjecturam ex astris etiam accederet ratio ex temperamento personæ, aut ex consuetudine vivendi, aut alia simili circumstantia, non esset divinatio, etiam probabiliter talia prædicere: unde & se regulans secundum talem prædictionem, dummodo non haberet certam credulita-

tem, excusaretur saltem a mortalibus, uti cum Tamb. censet Arsdek. *Lib. III. n. 9.*

2. Similiter Leander, & Tambur. apud Gobat negat te peccare mortaliter, si pauculas actiones modereris secundum prædictionem Astrologi, v. g. si navem non conscendas eo die quo prædixit, te submergendum. *n. 10.*

3. Credere somniis non est mortale, quando quis non omnino credit, rem in somno offensam, esse veram, seu futuram, sed tantum propter tale somnium aliquid de se non malum operatur, ut evitet malum quod somnium minatur. Tunc enim, quamvis sit aliqua levitas, vel simplicitas, aut nimia timiditas, tamen non apparet gravis malitia: quia non tam credit illud esse a Deo, aut ideo esse verum, quam posse aliunde esse verum. Ita Suarez. *n. 10.*

4. Si quis mediis vanis utatur joci causa, aut experiatur quid casu accadat, aut quid tale signum designet, credens totum esse futile & inane, Valent. Suarez, Sanch. Bonac. Delr. Gobat, & alii putant, non esse nisi veniale ob imperfectionem actus. Sed Castropalao merito dicit, raro excusari posse a mortali. *n. 11.*

5. Si Cajus det pecuniam Titio, ut Titius intercedat apud Sempronium, ut Sempronius intercedat apud collatorem pro beneficio, conferendo Cajo; aliqui apud Dianam, & iterum alii censent, non esse Simoniam; sed longe plures, quos citant & sequuntur Castropalao, Steph. Arsdek. Raynald. Mendo, longe probabilius affirmant, esse: quæ sententia omnino tenenda est. *n. 90.*

6. Simonia est, si des pecuniam, aut etiam aliud beneficium, ut alii competitorum desistant jus suum prosequi in hoc beneficio, aut ut non opponant causas, seu iustas prætension-

Gones. Ita S. Th. Suarez, Lessius, Barb. Castrop. Beja, Engel, Baun. contra Pasqual. item contra Pontium. *n.* 142.

7. Si pretium petatur tantum pro obligatione faciendi aliquid spirituale, v. g. non pro ipsa ministracione sacramenti, sed pro obligatione ministrandi, Cajet. Vasq. Less. Laym. Bonac. Alloz. putant, non esse Simoniam. Consentit Escob. si onera corporalia, vel molestiæ sint illi obligationi accidentaliter annexæ; sed S. Th. Suar. & Castrop. alique merito id dicunt esse Simoniam. *num.* 162.

8. In Simonia dari parvitatem materiz affirmat Alloz. Mol. Reginald. Merol. Gord. Sed oppositum dicit esse certum Haunol. ideoque communiter Auctores negant in Simonia parvitatem materiz Suarez, Sanchez, Illsüng. Quod verum est de Simonia juris naturalis. *n.* 198.

9. Pœnas juris incurri per Simoniam juris ecclesiastici tantum, Suarez, Rayn. Pirh. alique communis & probabilis affirmant, e contra Nav. Lessius, Sanch. Diana, alique cum Castrop. etiam probabiliter negant. *n.* 313.

10. Peccare eum qui ebrium, vel stultum puerum rationis usu carentem inducit ad blasphemandum, affirmat Caramuel: unde audiendus non est Gobat, qui a peccato excusat talem inducentem. *n.* 355.

11. Restrictio pure mentalis non excusat a mendacio, vel perjurio. Ita multi apud Dicastr. licet ipse contradicat. Sed videtur manifeste sequi ex damnatione propositionis. *n.* 385.

12. Eum qui sesto iuravit, reipsa obligari, negant Busemb. Sanch. Castrop. & cum aliis plurimis Dicastr. E contra S. Th. Valent. Cajet. Sot. Cov. Suar. alique affirmant. *n.* 321.

13. Si quis directe vovisset, aliquo die non comedere carnes, fatentur omnes communiter cum Diana con-

tra Pasqualigo, toties peccari, quoties caro comederetur. *n.* 438.

14. Si quis in juventute voverit, certis diebus jejunare, probabile censent Sanch. Fagund. Dian. Tamb. si ad annos sexaginta perveniret, non amplius teneri. *n.* 439.

15. An votum castitatis, aut religionis obliget, si ille qui vovit, sit ita proclivis in luxuriam, ut ipsi salubrius videatur inire matrimonium? Non obligare putant Ledesin. Bonac. & alii apud Moyam, qui vocat sententiam illam valde probabilem, idque tenent plures, etiam si illa fragilitas supervenisset post emissum votum. Non audeo sententiam illam dicere absolute probabilem. Hinc tenenda est opposita cum Sanch. Castrop. Moyâ, & aliis. *n.* 481.

16. Ut materia voti propria auctoritate commutari possit in aliam tantum probabiliter meliorem, requirunt Suar. Sanch. & Castrop. certitudinem, quod ad minimum sit æqualis. Sed Illsüng id non requirit, dicens: uti secundum probabilem sententiam alia præcepta ad plus non obligant quam ut eis probabiliter satisfaciam secundum dicta l. 1. *n.* 600. ita & hic esse. *n.* 523.

17. Si commutatio voti fiat in minus a non habente potestatem dispensandi, Sanch. Dian. Tamb. Belleg. dicunt, esse probabile quod valeat; sed remanere obligationem supplendi id quod deest ad æqualitatem. E contra Suarez, Nav. Azor. Castrop. Illsüng, alique multi probabilis dicunt, quod commutatio sine ulla causa in aliquid minus sit invalida. *n.* 526.

18. Dubitatur an laborem servilem die festo excuset voluntas vitandi otii? Negant Sar. Comit. & alii. E contra a mortali excusat Sa, Sylv. alique cum Burgh. *n.* 586.

19. Quomodo aliquis ratione temporis excusetur a mortali quoad laborem die festo? Azor, Bonac. Regin.

gin. putant, esse mortale, laborare ad horam. Fagund. adjicit medium, vel ad summum, integrum quadrantem. Castrop. & Trull. ponunt duas horas. Aliqui Canonistæ requirunt tertiam partem diei. Sed communiter ab omnibus exploduntur. Non esse mortale, per duas horas laborare, est jam recepta nostra ætate sententia, inquit Tamb. Aſſentiuntur Gran. & Illſung. Sanchez dicit, minus quam duas horas non ſufficere ad mortale; teſtaturque, juniores Theologos pluſquam duas requirere. Filliuc. March. & Gobat requirunt tres horas; ſed communior nunc & probabilior eſt ſententia, ſi ſaltem multum ultra duas horas laboretur, fore mortale. *n. 594.*

20. Omnis Sacerdos, ſi alius celebraturus deſit, tenetur ipſemet celebrare, ut Miſſam audiat. Ita cum aliis Gobat, Steph. contra Fagund. *n. 614.*

21. Circa ætatem qua pueri obligentur ad Miſſam, J. March. putat, tunc obligari, quando incipiunt idonei eſſe ad communionem. Sot. putat, neminem ante annum duodecimum teneri legibus Eccleſiæ. Sed iſtæ ſententiæ paſſim rejiciuntur. Azor, Sanch. Bonac. Tann. Baſſ. & alii abſolute obligant circa finem ſeptennii. Gobat cum Con. contendit, pueros ruſſicanos inter 9. & 10. annum, puellas vero inter 8. & 9. communiter primum aſſequi plenam diſcretionem, qua habita obligentur præceptis Eccleſiæ. *n. 615.*

22. Clericus in majori Ordine conſtitutus graviter peccat, ſi occidat bannitum, eſt communis contra Riccium. *n. 793.*

23. Quamvis ſecundum propoſitionem 17. ab Alexan. VII. damnatam ſit certum, illicitum eſſe Religioſo, vel Clerico eum occidere qui aliquin certo, & proxime illaturus eſt calumniam; tamen Haun. Mendo, aliique docent, id licere laicis ſæcu-

laribus, quod Molina, Leſſius, Bonacina, aliique cum Lugo dicunt, eſſe probabile. Hæc ſententia videtur amiſſiſſe probabiliter propter propoſ. 30. ab Innocentio XI. damnatam. Hinc abſolute tenendum eſt cum Bonæſpei, & Carden. numquam etiam laico licitum eſſe, occidere aliquem, eo quod invadat præciſe famam vel honorem. *n. 800.*

24. Non licet occidere accuſatorem, tellem, vel judicem, qui certo & proxime parat calumniam, ſi aliter impediri non poſſit. Quinam autem docuerint, licere occidere falſum accuſatorem, tellem, judicem, videri poſſet apud Moyam tract. 6. diſt. 3. quæſt. 1. §. 1. Ita La-croix Lib. 3. num. 801. *Moya vero, ad quem remittit, in nova Editione Colonienſi 1701. ſic ſcribit.* Pro parte affirmativa reſpondet Bannez. ſi ille, qui vadit ad judicem, ut imponat falſum teſtimonium, propter quod erit occidendus, vel infamandus, vel amiſſurus bona temporalia, fuerit admonitus, & nolit retrocedere, poterit is qui injuriam patitur, occidere illum deſendendo ſe, vel ſua, ſi aliter non poteſt. Sic Bannez, cujus ſententiam amplectitur M. Serra; & conſentit Paulus de Blanchis ex eodem ordine. Hanc ſententiam, licet contrariam ſequatur, probabilem putat M. Petrus de Ledeiſma. Eandem opinionem non ſolum quoad accuſatorem, ſed etiam quoad teſtes deſendit M. de Blanchis. Idem ſentit Joan. Franc. Suarez in Enchiridio, cui conſonat Stroverdorf. Addunt alii, idem proſuſ dicendum de accuſatore, licet crimen ſit verum, ſi tamen occultum ſit. Ita M. de Bannez, quem ſequitur M. de Blanchis, quibus conſonat M. Serra. Quorum ſententiam aliis pro illa citatis dicit eſſe veriſſimam Fr. Leander de Murcia. Ceterum quod de falſo accuſatore & falſis teſtibus dictum eſt, de judice iniquo contra innocentem injuſte



injuste procedente dicendum esse putat probabile Pet. de Nav. qui ait: Cajetanus videtur idem dicere. Ego finiendam putarem hanc controversiam hac distinctione. Occidere prædictas personas publice non licet; privatim atque occulte liceret. Immo addunt Patres Magistri, idem prorsus dicendum, licet iudex innocentem secundum allegata & probata iuste condemnet. Ita M. de La-cruix ejusdem instituti cum aliis. (*Victoria, & Bannez, quos de La-cruix pro se citat.*) Quibus adde plures, quorum sententiam referens verissimam censet Vilalobos, quamvis in praxi asserat non sequendam. (*Ab eo citatur de Penna de Puteo, Hypolito, Victoria, Bannez, Ledesma, Ovel-lana.*) Contraria omnino tenenda est, & præfatam sententiam practice improbabilem pronuntiare debemus. Quapropter Alexander VII. hanc ut scandalosam damnavit. Ita Moya.

25. Sanchez citans alios docet, licitam esse etiam directam expulsi-onem fetus animati, propter quem alioquin moritura esset mater. Hæc sententia a multis judicatur probabili-s, opposita tamen est absolute te-nenda: quia alias pro salvanda vi-ta etiam licitum esset directe pro-curare pollutionem, quod omnes ne-gant. n. 825.

26. Soc. Azor, & aliis cum Burgh. putant, aliquem iuste posse defende-

re suam vitam contra alium iuste aggre-dientem. Sed Molina merito dubitat de veritate hujus sententia. n. 870.

27. Ut liceat compensatio occulta, requiritur ut debitum sit certum; nec sufficit ut probabiliter tantum putes tibi deberi, ut docent commu-nissime omnes cum Cardenas contra J. Sanchez, cui favet Lugo, quam-vis suspendat judicium. n. 962.

28. Si famulus, vel alius operarius propter paupertatem coactus sit pa-cisci pro inæquali stipendio, putat Pourre, posse occulte compensare sibi. Sed oppositum est omnino te-nendum. n. 975.

Hucusque Catalogus opinionum pro-babilitum circa generalia morum princi-pia ex P. La-croix. Ex hoc autem ne-mo, vel parum attentus, non videt, conclusiones, phrasas, responsiones, ex-plicationes, ac citationes Probabilista-rum esse versatiles, & idoneas ad ter-ribilem corruptionem legum, ac morum in praxi, si licitum fuerit sequi senten-tias notabiliter minus probabiles: vix enim erit sententia, etiam rejecta a P. La-croix, quæ spectatis ejus princi-piis superius §. 2. de Conscientia ex P. La-croix relatis num. 7. 9. 11. 14. &c. non possit operanti videri saltem ut tenuiter, vel dubie probabilis.

Hactenus R. P. EUSEBIUS A-MORT loc. cit.

## EPISTOLA IX.

## A R G U M E N T U M.

*Hic P. Concina ad conflandam invidiam Jesuitis, fingit se ab iis sue vitæ timere. Quod etiam pudico artificio finxit in quadam sua Præfatione Eusebius Eranistes. Sed hujusmodi simulationibus ita respondet Turnus Æneid. XI.*

- „ Vel cum se pavidum contra mea jurgia fingit,  
 „ Artificis scelus, & formidine crimen acerbatur,  
 „ Numquam animam talem dextra hac ( absiste moveri )  
 „ Amittes: habitet tecum, & sit pectore in isto.

P. Carolus Nocetius in antithetis ad Epist. 2. P. Dinellii pag. 11.

Rurfus pag. 28. P. Concina, qui magnam partem suæ Theologiæ desumpsit ex Auctoribus Transalpinis.

Et iterum pag. 82. Et multo minus ( erumpat tandem vera vox ) volumus introducere in Italiam Rigorisimum quorundam Transalpinorum.

**L**uries rescriptum argumentum legi, relegique, & nihilominus me hallucinari pertimescebam. Quid? mecum ipse colloquebar. Fieri ne potest, ut P. Carolus Nocetius vir prudens, doctusque Theologus hanc movere camarinam ausus fuerit? Non me latet, alios ejusdem Socios pro gloria inclytæ Societatis veluti pro aris, & focus dimicantes, ea evulgasse, quæ Sociorum splendorem obnubilant. Exemplum novissimum, ut plura prætermittam, universæ Reipublicæ litterariæ perhibuit alter Socius P. Bala Epist. 1. adversus celeberrimum Eusebium Eranistem, in qua Ven. Cardinalis Bellarmini epistolam, quasi sepultam in aprium traduxit adversus Dominicanos scriptam tanta acerbitate, & tot impropriis plenam, ut sublatis etiam aliis *obstaculis*, hæc sola obstaculum interponere tanti Cardinalis Beatificationi ineluctabile, idem Eusebius Eranistes demonstravit tom. 6. Epist. pag. 225. ubi quoque imprudentiam P. Bala in hac obijcienda Bellarminiana Epistola patetfacit. At tanta animo meo insidet erga P. Carolum Nocetium existimatio, ut induci nullo modo possem, ut crederem illum prodere causam suam, & omnes dexteritatis, prudentiæ, & recti consilii, atque ipsius communis sensus regulas proculcare voluisse. Num mea hac vice me fefellerit opinio, judicabunt sapientes.

II.

II. Tempus jam est, ut te P. Nocetium alloquar. P. Concina, inquis, ad constandam invidiam Jesuitis, fingit se ab iis suæ vitæ timere. Quod etiam putido artificio finxit in quadam sua Præfatione Eusebius Erastiles. Sed hujusmodi simulationibus ita respondebit Turnus. Sed antequam Turnus responsum præbeat, evincendum scelus est. Quodnam tu, mi Noceti, ut id probes, documentum allegas? Nullum omnino. Numquid Tribunal Probabilisticum id in more habet, ut crimina affingat, nulla adducta probatione? Absit. Cur ergo verba, quibus P. Concina invidiam constat Jesuitis, in medium non produxisti? Dum serio hæc recogito, suspicio mentem subit, te id enarrasse, ut occasionem haberes, te eruditulum exhibendi in obijciendis Virgilianis versibus, quos forte, dum puerorum Magistrum agebas, memorizæ commendasti. Verum ineptam suspensionem exufflat prudens consilium, quod nemo vir probus innocentum sanæ detrimento velit suam ostentare eruditionem. Utcumque igitur res se habeat, tu, Noceti Pater me, omne aliud opinantem, cogis, ut ab hac gravissima imputatione immunem esse demonstram P. Concinam, teque minus providum in hoc reficando Socii tui vulnere. Ad rem accedamus.

III. P. Jacobus Sanvitale Socius tuus librum edidit inscriptum: *Raccolta di molte proposizioni estratte dall' Istoria del Probabilismo ec.* Ex hoc libro P. Concina in Præf. primi tomi App. ad Theolog. Christian. plura distertia, convicia, & opprobria excerptit, quæ Socius ille tuus contra eundem benignissime intorsit: deinde pag. 37. hoc pacto concludit.

## EPIPHONEMA MEDITANDUM.

„Refugit calamus ultra pergere. Quare epiphonema rescribo, quo P. Jacobus Sanvitale narrationem ( seu potius plaustrum conviciorum ) concludit, quodque attentioem postulat meditationem. Hæc itaque scribit pag. 114. Ringrazzi la propizia fortuna, che SIN ORA gli ha fatto godere una immunità, da cui NIUN ALTRO, fuorchè esso di simile loquacità, è ito esente SINO AD ORA.

„Aufistis? Nemo hucusque eorum, qui Theologiam accommodatitiam vellicarunt, immunis evasit. Omnes ne isti passi sunt exilia, proscriptiones, carceres &c. Solum me Fortuna propizia incolumem servavit badenus. SIN AD ORA. Imposterum quid futurum erit, mi Pater? Fortunæ ne propitiæ vitam meam fidam? Absit. Audias R. P. & tecum auscultent omnes. Et hucusque ego dixi, & imposterum semper canam: Dominus illuminatio mea, & salus mea: quem timebo? Dominus protector vitæ meæ: a quo trepidabo? Psal. 26.

Confirmat P. Jacobus Sanvitale has suas minas contra P. Concinam alio in opusculo inscripto *Osservazioni rimarcabili ec.* Lucæ edito an. 1753. in quo p. 27.

Aa 2

hæc

*hæc scribit. Leggo il testo di un gran Politico Catholicissimo. Siccome è carità il non perdonare alla testa di un Omicida per salvar la vita di molti buoni; così è carità il non perdonare alla fama di un maledico per salvar l'onore di molti pii, e dottori. Qui resellit, omni moderatione servata, laxas, erroneasque Casuistarum opiniones, maledicus non est: & huic non parere contra Evangelicæ caritatis officium est; quidquid dicat Politicus non utique catholicus.*

IV. Universam nunc Rempubicam litterariam, & temetipsum, P. Noceti, Judicem appello. Sententia proferatur, num P. Concina quidquam affinxerit, ut tu ais, Jesuitis? Quid, quod interpretari mitius rescripta Socii tui verba non poterat? Neque enim P. Concina vitæ suæ quidquam a Jesuitis se timere indicavit, ut tu eidem nimis aperte imponis, sed quæ imprudenter Socius tuus P. Sanvitale scripsit, meditanda lectoribus proponit, eaque contemnit, & in Domino unice spem suam collocat. Verum enim vero, ut exploratum tibi sit, quam modestissime, atque mitissime se P. Concina gesserit, argumenta audias attente velim, quibus confirmare homicidii comminationem a P. Sanvitale indictam potuisset. Nonne facile illi fuisset allegare plurium Probabilistarum doctrinam, qua confirmatur id, quod minatus est P. Sanvitale, nempe licitum esse calumniatoris (quo loco vos habetis Concinam) homicidium. Damna utique doctrina est ab Apostolica Sede. Sed quam facile hujusmodi damnationes ope Probabilissimi eludi possunt, ac sæpe solent?

V. Verum, ut te ad incitas ita redigam, mi Noceti, ut neque hiscere valeas, in medium adducere volo argumentationem Eusebii Eraniste, quam tu *putidum artificium* benignissime appellas. Tu mi Noceti cogis, ut evincam perdoctum, ingenuumque Eusebium Eranisten immunem ab hoc *putido artificio* esse. En illius argumentationem. Nonne aliqui Socii tui typis publicis vulgaverunt *Libellum famosum* adversus P. Concinam tot calumniis, & maledictis plenum, ut ad ejusdem lectionem universa Italia perhorruerit? Nonne libellus iste damnatus ab Apostolica Sede, quorundam Sociorum cura secundis typis Editus Lucæ fuit? Nonne publica, & repetita evulgatio damnati libelli ipso homicidio pejor est? Nonne qui facit majus, patrare minus potest? Libellum a nonnullis Sociis editum esse, & ab iisdem per universam Italiam distributum lippis, & tonsoribus notum est, & ipse P. Sanvitale in suo opusculo inscripto *Paradoxi veri* &c. pag. 206. 207. & alibi id sponte fatetur his verbis. *Questa tempesta di maldicenza, che sempre più aumentava, fece perdere la pazienza ad alcuni pochi Gesuiti; e gli fece trascorrere in un salto grave, il quale fu di tentare la stampa di alcuni libriccioli senza la dovuta facoltà de' Superiori Ecclesiastici.* Tam ingenuam, & ultroneam confessionem numquam ego a Socio tuo expectassem.

VI. Hæc dicta sunt, quia tu singulari tua prudentia ad ea dicenda compulsi. Ceterum numquam P. Concina a Jesuitis quidquam mali vitæ suæ tignit.

timuit. Immo gravissimo crimini sibi vertisset P. Concina, vel id suspicari de Jesuitis, quorum probitatem semper suspexit, prædicavitque, ut omnes quibuscum loquutus est, testari valent. Quid ergo? Quid? Cur scripserunt Socii tui hac de re, Concina rescripsit, unaque derisit, exhibavitque. Quæ cum ita se habeant, quid te Noceti Pater impulit, ut tantum crimen assingeres P. Concina? Quisnam genius tibi sucum fecit, ut, nulla necessitate, nulla occasione urgente, hujusce rei meminisses? Cur eorum, quæ Socii tui publicis typis evulgarunt, inventorem Concina facis? Cur eum calumniæ reum traducis, Virgilianis versibus adductis? Ubi hoc in negotio æquitas? Ubi justitia? Ubi consilium? Ubi prudentia? Ubi communis sensus? Superest ne tibi rima aliqua, unde evadere queas? Hæc ne forsitan tua consuecta agendi ratio: quo desperatior est causa, quam propugnâs, eo altius vociferari? An quoties quorundam Casuistarum tuorum paradoxa, & laxa commenta in permanum, verumque prospectum adducta sunt, & perspicue exposita, tum clamare: *Calumniam, imposturam, truncatos textus, omissa quæ antecedunt, & quæ sequuntur*? Amicabilius, & confidentius colloquamur. Quid est mi Noceti? Vos calumniæ, & imposturæ, aliorumque criminum onere ipsam personam P. Concina obruitis, ut ex tuo libro Lucæ edito, inscriptoque *Veritas vindicata*, seu verius deformata, & pluribus aliis patet. Contra, dum Concina Casuistarum tuorum, quorum semper laudat piam intentionem, rectumque animum, opiniones, quæ illi videntur & falsæ, & laxæ, & æternæ Christianorum saluti perniciosæ, perstringit, & cum opportunum fuerit, & vis argumentandi postulat, deridendas propinat, cælum terræ miscetis, & ad arma conclamatis? Ubi pondus, & pondus? Ubi statera, & statera? Concina errores perstringit, & convellere studet: vos Concina personam insectamini, ut ex libris vestris constat. Vobis ne omnia licent, & aliis, quæ licita sunt, per vos, vetita erunt? An dominari in clero vobis liberum erit? Quid ad hæc mi Noceti? Patet ne tibi effugium aliquod, unde evadas? superest ne aliquod perfugium, quo te recipias? Displicet ne tibi hæc argumentandi ratio? At tu te hoc intristi, tibi omne est exedendum. Opportunius in te hoc Terentianum dictum quadrat, quam Virgiliani versus in Concina, immo injuria summa, & evidentissima illos eidem applicuisti. Tu mi Noceti undique versum, quassatus ea ipsa resellenda arripis, quæ in caput tuum contorta, te plenissima confusione obruunt. Responsum præbe, si potis es, ad Appendicem additam tomo 4. suarum Epistolarum ab Eusebio Erasmio, qua præcipua capita tui libri inscripti *Veritas vindicata* penitus profligat, tuamque sinceritatem, & bonam fidem in discrimen manifestum adducit. Verum tua interest hæc omnia dissimulare, quia neque distinctionibus cavillatorijs vellicare eadem audes. Sed alteram argumenti partem dispiciamus.

VIL P.

VII. *P. Concina magnam partem suæ Theologiæ desumpsit ex Auctoribus Transalpinis*. Quinam hi Auctores Transalpini? Alibi obtrusisti Henricum à S. Ignatio, Sinnichium, Paschalem. Sed hæc falsa commenta (non utar ego, sicut tu, verbis calumniæ, & imposturæ, quod id mihi non conveniat) supra convulsa, & penitus labefactata sunt. Rursus te urgeo, ut palam facias Auctores istos transalpinos, a quibus Concina magnam suæ Theologiæ partem hausit. Sed his prætermisissis hoc te adior dilemmate. Aut hæc magna Theologiæ Concinianæ pars falsa, & antievangelica est: aut vera, & evangelica? Si primum, cur hanc falsitatem antievangelicam hætenus non patefecisti? Cur eam non demonstraſti? Tu, & Socii tui nulum non movisti lapidem, ut Theologiæ Christianæ extremam conflaretis invidiam. Viginti circiter Socii per annum, & amplius severissima critice eam excussere, ut nodum in scirpo quærerent: & nihil objicere potuerunt, nisi opiniones laxas Casuistarum non esse sincere relatas, aut nimium proſtigatas. Huc zelus vester, huc conamina vestra tendunt, ut Casuistæ vestri sint falli nescii. Hoc si consistat, salva omnia sunt; sed rursus ego inclamo. Cur ex duodecim voluminibus neque unam (arrige aures) neque unicam propositionem aut æquo rigidiorē, aut æquo laxiorē opponere ausi estis? Numquid alto silentio testa jaciisset, si inventa fuisset? Quid respondes? Sed ne hiscere quidem valeas, te exoro, obtestorque, atque etiam humillime provoco, ut vel unicam doctrinam falsam ex omnibus Concinianis operibus opponas, & tibi coram universo Christianismo spondeo; eam P. Concinam retractaturum fore. An te latet, quid P. Concina rescripserit in Præfat. ad tom. 9. pag. 28.? Audi. *Ea dumtaxat propono, quæ imbecillitati meæ vera videntur. Quamobrem rogo, obtestorque lectores, ne quidquam aut mihi deferant, aut sententiis meis fidem adhibeant, propter auctoritatem meam, quam nullius omnino momenti esse scio, & volo. Si quid lectores invenerint, quod Scripturis divinis, SS. Patribus, & Ecclesiæ doctrinæ, atque disciplinæ judicaverint consentaneum, amplectantur: si quid contra, prorsus rejiciant, atque proſcribant. Lege ibi plura.*

VIII. Ad alteram dilemmatis partem quod attinet, si vera, si evangelica, aut Evangelio conformiora sunt, quæ P. Concina scripsit, quid refert, quod eadem Transalpini Theologi doceant? Finge P. Concinam esse purum, putumque exſcriptorem, collectorem, infarcinatorem, & quidvis aliud, quod tibi, Sociisque tuis arrideat: si evangelica sunt quæ scribit, numquid rejicienda hæc, propterea quod etiam a Transalpinis illa doceantur? Numquid aliud Italicorum, aliud Transalpinorum Evangelium est? Falsitatis arguere doctrinam P. Concinæ non audetis, & ideo, ut invidiam eidem confletis, illam a Transalpinis transcriptam esse evulgatis? Aut Transalpini isti in fide claudicant, aut sunt catholici? Si primum, hoc magis torquere te debet, mi Noceti, quod veritatem, quod saniorē doctrinam,

nam, vel ab ipsis heterodoxis propugnatam, respuas, & detestetur. Quoniam veritas a quocumque dicatur, a Spiritu Sancto est. Si Transalpini Theologi catholici sunt, & sanam doctrinam doceant, quid Concinam criminariis, quod eandem veram, & sanam doctrinam defendat? Ut multa in pauca contraham, aut tibi demonstrandum est magnam Theologiæ Christianæ a P. Concina editæ partem esse falsam: & tunc tibi P. Concina victoriam canet. Aut confitereare necessum est, doctrinam esse veram, & tum injuste Concinam accusas, quod veritatem a Transalpinis transcripserit: quia evangelica lex veritatis lex est, quam omnes catholici docere astringuntur. Est ne aliquid medium, verum inter & falsum?

IX. Ultima tandem propositi argumenti pars subexamem veniat. *Et multo minus (erumpat tandem vera vox) volumus introducere in Italiam Rigorismum quorundam Transalpinorum.* Revera, Noceti Pater, erupit tandem ex intemis præcordiis Reverentiæ tuæ sincera probabilistica vox. Quisnam, amabo te, *Rigorismus* iste Transalpinus, quem ab Italia exclusum vis? *Picconicus* ne, an *Beruyericus*, an *Stadlericus*? Explica te clarius, ut tota libertate disputes. Quinam isti Transalpini *Rigoristæ*? Hæretici ne, an catholici? Si hæretici, omnes eosdem rejicimus. Si catholici, quinam isti? Numquid *Merbesius*, *Gennetus*, *Natalis Alexander*, *Pontasius*, *Tornellius*, & alii similes, qui laxas improbant plurium Casuistarum opinionationes? Si perhorrescis *Rigorismum* istorum cum tuo *Francolino*, amas ne *Laxismum* Italiam depopulantem? An periculum imminet, ut *Rigorismus* sæviat in Italia? Si periculum non imminet, quid vociferaris contra *Rigorismi* spectrum, & obmutescis contra *Laxismum* Christi animas devorantem? Ad universæ Italiæ Tribunal te provoco. Omnes & viri, & senes testantur sub eorum oculis *Laxismum* increvisse, & funestissimam parere animarum stragem. Numquam, inquit, tam liberæ conversationes viros inter, & feminas: numquam *luxus*, *pompæ*, *vanitates*, quibus in professione baptisimali renuntiaverunt Christiani, latius vexillum explicarunt. Numquam tanta ludorum, qui familias evertunt, frequentia: numquam tanta otii, theatrorum, comædiarum, chorearum pestis: numquam mollities tanta, numquam denique corruptior vivendi forma. Ex altera parte numquam tanta Sacramentorum frequentia, quin ulla appareat in plurimis morum reformatio. Ergo in Sacramentorum administratione *Laxismus* serpit, & triumphat. Consequentia hæc ineluctabilis est. Et cum hæc ita se habeant, audes inclamare: *Erumpat tandem vera vox: nolumus introducere in Italiam Rigorismum quorundam Transalpinorum?* Abeat, tecum clamabo, abeat *Rigorismus* Transalpinorum, & in Italiam veniat *Rigorismus* Evangeliorum. Placet ne tibi *Rigorismus* iste? qui clamat: *Qui non bajulat crucem suam, & venit post me, non potest meus esse discipulus:* Luc. 14. Et rursum cap. 13. *Contendite intrare per angustam portam: quia multi, dico vobis, querent intrare, &*

re, & non poterunt. Idem inculcat S. Matthæus cap. 7. *Quam angusta porta, & arcta via est, quæ ducit ad vitam, & pauci sunt, qui inveniunt eam! Attendite a falsis Prophetis.* Intonat Paulus ad Gal. 5. *Qui autem sunt Christi, carnem suam crucifixerunt cum vitiis, & concupiscentiis.* Erumpat ex corde tuo, mi Noceti, vera vox. Rigorismus iste, non Transalpinorum, sed Evangeliorum aridet ne tibi? Viri, & mulieres simul conversantes, convivantes, ludentes, & bibentes, quibus administrantur Sacramenta, crucifigunt ne carnem suam cum vitiis, & concupiscentiis suis? Si affirmas, te deridendum præbes; si negas, cur Benignistæ iisdem Sacramenta administrant? Intellegas tandem velim Doctrinam evangelicam corrumpendam esse, non a Rigoristis, sed a Benignistis, ut omnes Scripturæ Sanctæ testantur. *Erit enim tempus* (inquit S. Paulus 2. ad Tim. 4.) *cum sanam doctrinam non sustinebunt, sed ad sua desideria concervabunt sibi Magistros prurientes auribus.* Qui sunt, qui pruriunt auribus, qui indulgent desideriis humanis, & obsecundant, nisi blandiloqui, & benignistæ? Nam *Rigoristæ* perterrefaciunt, & magnatum multitudinem sibi non conciliant. Hæc meditare, & postea clama, si vales, contra Rigoristas, qui sanctum, non Transalpinorum, sed Evangeliorum rigorem deprædicant. Altius animo tuo impressum velim, ultimum ætatis nostræ malorum esse, quod rigor evangelicus carni, & sanguini sumomperere infestus, nova *Rigorismi transalpini larva* a nonnullis obtegatur, & dicatur malum bonum, & bonum malum. Et Christiani plurimi his *Laxismi* fucis præventi vitam perpetuo otio, & deliciis disfluentem cum Sacramentorum frequentia conjungunt. Dico mi Noceti Pater: Confessarii Benignistæ præparant ne hos Christianos Recidivos, Consuetudinarios, seu pravis habitibus irretitos jejuniis, eleemosynis, precibus, aliisque laboriosis operibus ad absolutionem sacramentalem, ut Scripturæ, Patres, & Concilia, & maxime Tridentinum præscribunt? Tu vero hunc Evangelicum Rigorem vocas Rigorismum Transalpinorum? Dicas iterum. Confessarii Benignistæ vetant ne præfatis poenitentibus, ne ludos, comædias, promiscuas conversationes, theatraque frequentent? Immo tu, ut exhibilandum propines librum P. Concinae adversus Theatra in nota ad pag. 79. epist. a. Dinellii, hæc scribis. *Præsertim cum liber de spectaculis maximam partem ab aliis exscriptus sit.* Falleris mi Noceti. Totus liber, nedum maxima pars, conflatus est ex Scripturis divinis, Patribus, Conciliis: & in confirmationem evangelicæ doctrinæ adduxit P. Concina testimonia Theologorum per insignis Societatis tuæ.

X. Ad Lectoris solamen adjicere aliud tuum commentum lubet, quod scribis pag. 81. ad hæc Magistri Dinellii verba: *Quid ais, Noceti? Jesuitæ facti sunt Dominicanorum Discipuli? Nosti quæ sint leges, quas imponunt Dominicani Discipulis suis: in his, quæ pertinent ad divinam gratiam, sequendos esse: Augustinum, & Thomam Aquinatem.* Hactenus Dinell-



nellius. Tu vero in tuis anthiteticis hæc subjicis. *Etiā nos in hac materia sequimur Augustinum, & Thomam, & contendimus Sanctos istos Doctores nunquam sententiam vestram docuisse.* Peregrinie more tuo. Vos ergo defenditis cum Augustino, & Thoma Prædestinationem gratuam, quam dogma Ecclesiæ esse testatur præclarissimus Bellarminus tuus? Vos ergo improbatis Prædestinationem ex prævisione meritum? Vos ergo impugnatis cum Augustino, & Thoma gratiam illam versatilem Molinianam, quæ suam efficacitatem accipit ab infirmitate libertatis humanæ? Si hæc vera sunt, rejicis ergo, & improbas tuum P. Ludovicum Molinam, qui basilice affirmare non dubitavit, S. Augustinum ignorasse proprium systema a semetipso inventum. Parentem novæ doctrinæ incognitæ Augustino, se luculentissime jactat P. Ludovicus Molina. Quomodo ergo tu, Molinianus cum sis, asserere non reformidas in conspectu Reipublicæ literariæ, & vos sequi in hac materia Augustinum, & Thomam? Et ne fucum vel tuis clientibus facere audeas, en verba tui P. Ludovici Molinæ, qui in sua famosa concordia *quæst. 23. art. 4. & 5. memb. ultim. pag. 394. edit. Antwerp. an. 1595.* hæc scribit. „ Nos pro nostra tenuitate rationem totam conciliandi „ libertatem arbitrii cum divina gratia, præscientia, & prædestinatione, „ quam toto *art. 13. quæst. 14. & art. 6. quæst. 19. quæst. 22.* & tota hac quæ- „ stione tradidimus, sequentibus principiis, ex quibus eam deduximus, quæque in variis locis tradidimus, inniti judicavimus. *Quæ s* „ *data*, explicataque semper fuissent, forte neque Pelagiana ( N. B. ) *ba-* „ *restis exorta*, neque LUTHERANI tam impudenter arbitrii nostri libertatem fuissent „ ausi negare, obtrudentes cum divina gratia, præscientia, & prædestinatione co- „ hætere non posse: NEQUE EX AUGUSTINI OPINIONE, concertationibusque „ cum Pelagianis tot fideles fuissent turbati, ad PELAGIANOSQUE DEFE- „ CISSENT: facileque reliquæ ille Pelagianorum in Gallia, quarum in episto- „ lis Prosperi, & Hilarii sit mentio, fuissent extinctæ, ut patet ex iis, in qui- „ bus homines illos convenisse, & ab illis dissensisse eadem epistole testantur: „ concertationes denique inter catholicos fuissent composuæ. “

XI. Neque existimes solum P. Ludovicum Molinam ignorantia notam impegisse Sanctissimo Pareni Augustino. Audi quæ scripsit alter Socius tuus P. Adam in libro Gallice scripto, cui titulus est: *Calvinus suis, & Augustini armis prostratus* 1. p. cap. 6. pag. 614. & 615. cap. 7. pag. 626. cap. 8. pag. 634. 640. 642. & 681. Augustini scripta tenebris, & nubibus, obvoluta esse, ejusque doctrinam intricatam, cum nulla sit intricatior, quam quæ secum ipsa pugnat. Augustinum in delectu opinionum, & rationum, in quibus eas sulcit, non ita felicem, quin intellectibus nostris integram relinquat facultatem dissentientiæ, & oppositum ejus, quod ipse tueretur, propugnandi. . . . Noluisset Augustinum clare sensus suos explicare, neque illos ita feliciter explicasse, quin locus superest dubitandi de ejus mente. In conspectu contra Pelagiam

Bb

gia-

gianos Augustinum se se in excessus periculosos præcipuisse : cum excessu locutum esse in materia de gratia , & prædestinatione , omnino certum , quandoquidem ejus verba mollienda sunt , ne in errorem contrarium dilabamur , licitum mihi esse debere , ut queram moderamen catholicum . Consilia Augustini , & aliorum Patrum sic rationabiliter mollio , ut vitando errorem Pelagii , non incidam in excessum Augustini . Dommodo non incidam in errorem Pelagii , quem Augustinus impugnât , licet mihi non sequi impetum verborum , quibus uritur ad illos impugnandos . Jesuitæ Lovanienses , ut constat ex censura Valisæli . Inquis. die 8. Martii 1650. dicere non reformidarunt : Miseram fore Ecclesiam , si Augustini placitis obstricta maneret , eamque a tutela , & pædagogia Augustini esse vindicandam . Minus audentius locutus non est Jesuita Logicus , de quo hæc narrat Joannis Rivius lib. 4. de vita S. Augustini cap. 10. §. 6. Augustinum etiam Juliani Pelagiani argumentis non satisfecisse . Si triumphus Ecclesiæ ( videlicet supra Pelagianos ) niteretur posterioribus Augustini scriptis , immerito de eis illa triumphasset . Vicentem sustinere partes Juliani non posse Augustini rationibus convinci . Quid , quod non modo Augustinum , sed ipsum Sanctissimum Apostolum Paulum Scriptorem divinum , a quo suam hausit doctrinam S. Augustinus , carpere non reformidavit Jesuita Caussin tom. 3. Curie Sanctæ max. 6. cujus verbo latine reddo . Non est cur S. PAULI ac S. Augustini verbis teneamur , qui aliquando omnia mera Dei voluntati attribuerentur , etiam absque ullo bonorum nostrorum operum intuitu . Hos enim duos magnos viros , quasi duo maria magna considerare necesse est , qui ingenii sui impetu in unum litus ita exundant , ut alterum pro aliquo tempore siccum relinquere velle videantur . Verum sicut Oceanus postquam in aliquam plagam effusus sparsus est , in limites sibi a Deo constitutos regreditur : sic istiusmodi viri postquam in rebelles veritatis impugnatores insulerunt , ad tranquillam equalitatem edificationi fidelium accommodatam redeunt . Si plura , mi Noceti , cupis lege Sapientissimum Cardinalem Norisium in vindiciis Augustinianis , ubi sequentes , inter multas , leges censuras latas a Jesuitis , nonnullis in Augustinum , & Paulum . Ingenii S. Pauli ardor satis fervebat , ut in ejusmodi expressiones , excessivas nempe , facile abriperetur . . . . Cum in epistola ad Romanos fidem extollit , armæ Calvinæ videtur ministrare ad suam hæresim stabiliendam , & videtur asserere per eam solam quemlibet salvari . Cum vero in epistola ad Corinthios caritatem prædicat , videtur omnia quæcumque de fide dixerat , evertere , & omnem spem nostram in ea ponere . Lege ibidem plurima , & interum in transverso pauca verba faciamus . Non pauci Socii tui ipsos Parrés , præsertim S. Augustinum , immo ipsum S. Paulum divino afflatu scribentem vellicare non dubitarunt . Contra si quis Casuistarum tuorum Gobati , Moyæ , Tamburini , Burgaberi , Laymani , Escobarii , Lacroixii , Vivæ , & similium laxas opiniones , salvo etiam officio erga Auctores , refellit , & labefactat , utpote æternæ Christianorum salutis perniciosas , tum vos con-

tinuo

tinuo tumores feritis, turbas concitatis, supremas commovere potestates fatagitis. Quid? Pluris ne apud te est Burgaber, quam S. Augustinus? Majori ne in pretio habes Tamburinum, quam S. Paulum? Abiit a me ut vel de te, vel de quocumque Socio tuo id suspicer. Sed ad has argumentationes instituendas tu, & aliqui Socii tui urgent, & impellunt. Quandoquidem quæro. Cur injustissimas censuras a quibusdam Sociis tuis latas in SS. Augustinum, & Paulum alto præteritis silentio, & contra justissimas censuras contortas, non in Casuistas tuos, sed in eorumdem noxias opinioniones, vociferaris, irasceris, exandescis? Erumpat e corde tuo vera vox, & genuinum responsum præbe, quia ego redire in semitam volo.

XII. Non me latet, alios Socios, tuos, præcipue Doctorem eximium *Suarezium*, ut novitiatis maculam declinarent, tentasse infelici conatu pertrahere in partes suas SS. Augustinum, & Thomam circa doctrinam de prædestinatione, & gratia. Sed te quoque non fugit, P. Granadum Socium tuum? P. 1. *tract. 5. disp. 3. sect. 2.* P. Suarezium impugnare, propterea quod scientiam mediam S. Thomæ, veterumque Theologorum suffragio munire studuit, aitque: *Fateor nullum ex his testimoniis multum urgere: tunc paucis interjectis: Nec mirum est, si temporis decursu aliquid NOVI a Theologis recentioribus excogitatum sit; præsertim si firmis nitatur fundamentis, ut nostram hanc niti persuadent multa, quæ subiiciemus.*

XIII. P. Henrice Jesuita p. 1. *tract. 1. disp. 7. cap. 7. & 8.* inquit: *Præmores scientiæ mediæ Patroni e nostrâ Societate sunt. Hos inter Princeps Molina... Deinde Petrus a Fonseca.*

XIV. P. Tiphanius Jesuita *lib. de ordine deque priori, & posteriori cap. 24.* distincte pronuntiat nullum alium Theologum ante Molinam, ne per somnium quidem de scientia media cogitasse, nec illam ullibi vel supposuisse, vel adhibuisse.

XV. P. Gabriel Vasquez celebris Jesuita, ipsoque Suarezio, ut ego quidem arbitror, acutior 1. p. *disp. 64. cap. 4.* de scientia media loquens, ait: *Quod enim antiqui scholastici, qui hætenus scripserunt, tantum meminere simplicis scientiæ visionis, & simplicis intelligentiæ, parum interest. Tum quia illi de hac scientia sub conditione nihil omnino disputarunt, aut meminerunt... Quid igitur, si nos aliam ponamus, cujus ipsi mentionem non fecerunt, neque negarunt?*

XVI. Quid plura? Audi, mi Noceti, ipsum Ven. Cardinalem Bellarminum, qui *tom. 4. edit. Paris. an. 1608. pag. 420. Lugdunensis an. 1593. p. 426. tom. 3. & proſtrema Venetæ an. 1721. tom. 4. pag. 228.* P. Ludovici Molinæ sententiam his verbis describit: *Prima opinio eorum est, qui gratiam efficacem constituunt in assensu, & cooperatione humana, ita ut ab eventu dicatur gratia efficax, quia videlicet sortitur effectum, & ideo sortitur effectum, QUIA voluntas humana cooperatur. Itaque existimant hi Auctores, in potestate*

Bb. 2. homi-

hominis esse, ut gratiam faciat esse efficacem, qua alioquin ex se non esset, nisi sufficiens. Hæc opinio ALIENA EST OMNINO A SENTENTIA B. AUGUSTINI, & quantum ego existimo, a sententia etiam divinarum Scripturarum. Idque luculentissimis argumentis evincit. Accusabis ne Bellarminum tuum, quod minus sincere exposuerit P. Molinæ doctrinam? Transmigraturus ne es a Castris Molinianis ad Castra Congruistarum? At quocumque palatium te recipias, in castris incidis, & a S. Augustino profugus abscedis. An ignoras librum an. 1586. curante celebri Generali Aquaviva editum, inscriptumque, *Ratio atque institutio studiorum*, in quo, *Regula quinta*, declaratur, liberum esse Socii a doctrina S. Thomæ Aquinatis circa causarum secundarum præmotionem recedere?

XVII. Si tu, mi Noceti, in conspectu tot documentorum scribere ausus es: & nos sequimur Augustinum, & Thomam: an non audebis Solem in meridie lucere pernegare? Quid si tot Socii tuis, & quidem magni nominis, qui tibi contradicunt, addam universi catholici Orbis Sapientes, qui novitatis arguerunt, & arguunt P. Molinam sponte confitentem se invehisse novum systema? Alii hoc novitatis vexillum retinere, alii proventorum diversitate permutare e re sua esse existimaverunt.

XVIII. Verum, ut ad perpetuum silentium te, mi Noceti, hæc de re adigam, cedo. Quid hisce diebus de S. Augustino scripsit P. Nicolaus Ghezius Socius tuus? An suspectum hæreseos gratiæ necessitantis non traduxit hunc Sanctissimum Ecclesiæ Doctorem? An Augustino, ceterisque Patribus non prætulit in morum controversiis unum Summistam recentiorum, puta Busembaum? In aurem colloquamur. Putas, ne solum P. Ghezium esse harum sententiarum patronum? Saltem Revisores illius operis consentientes ille habuit. Retraxit unusque, seu, ut vis, *declaravit* hæc, & plura alia. At sponte ne, & libere id peregit? An coacta retractatio animi, & sententiam mutet, tibi decidendum subijcio. Quid, quod vel in ipsa declaratione faculatem sibi reservare omnino voluit n. V. oppugnandi doctrinam S. Augustini, in omni controversia a S. Apostolica Sede non definita? Porro cum hæc ita se habeant, hoc tempore, his in circumstantiis scribere ausus es: *Etiā nos in hac materia sequimur Augustinum, & Thomam, & contendimus Sanctos istos Doctores nunquam sententiam vestram docuisse?*

XIX. Quid ad hæc, Noceti Pater? Etiā vos sequimini in hac materia Augustinum, & Thomam? Alterutrum ergo præstetis. necessum est. Aut ex Molinianis evadere Augustinianos. (Oh quam mirifica visissitudo, floribus catholicis audiret Molinianos Augustinianos factos!) Aut si Moliniani perseverare velitis, nuntium remittatis cum vestro P. Ludovico. Molina SS. Augustino, & Thomæ oportet. Sed sub alio aspectu expendamus hæc tua verba. *Etiā nos in hac materia sequimur Augustinum, & Thomam,* &

*contendimus Sanctos istos Doctores numquam sententiam vestram docuisse. Dum hæc scribebas, non meministi eorum, quæ prius divulgaveras. Quænam hæc? Audi verba tua. Immo a Dominicanis Magistris JESUITÆ discipuli dicerunt. Vides quibus te jugulas antilogiis? Quid antilogias obtrudis? In hac materia Jesuitæ non sunt Dominicanorum discipuli: sunt vero in aliis. Doctissime. Quoties ergo propugnanda est laxa morum doctrina, quæ ipsos populos commovet, tum Jesuitæ sunt Dominicanorum discipuli: ceterum in dogmatibus speculativis a communi cognitione abstractis, tum Jesuitæ sunt omnium Magistri. In materia de præscientia, de prædestinatione, de efficacia divinæ gratiæ universa Ecclesia ante P. Ludovicum Molinam Augustini doctrinam non intellexit. Ipse P. Ludovicus Molina Scholæ suæ caput, & primpilus doctrinæ S. Augustini bellum indixit, quia inde ortam forte asserit semipelagianam hæresim, & Lutherani ex eadem doctrina anam arripuere tam impudenter negandi arbitrii nostri libertatem. Qua itaque sinceritate, Molinianus cum sis, SS. Augustini, & Thomæ discipulum te jactas, si Magister tuus Molina Augustini, atque adeo Aquinatis doctrinam rejicit? Ad pag. 84. epist. Dinellii ais P. Concina *aperta, obstinata fronte* negasse declarationem Amici. Tò *obstinata fronte* in Concina esset convicium, in te vero est *elogium*, non ne? Scribis ad pag. 74. *Gratias ago. Etiam hic dat manus victas*. Qua de re? Quod Concina in Lacroixio non adverterit unam *interpunctionem*, qua sæcernitur Tabernæ a Busembau. O dignum te, dignumque Theologia tua triumphum! Hæ sunt nugæ, quas opponitis, quasque ad pag. 85. immotas jactas, & gloriaris. Similes triumphos tibi libenter concedimus, & interim in omni alicujus momenti facto tui penitus prostrati commiseramur. Finem epistolæ impono, quia abuti otio nolo in aliis tuis notis convellendis. Unum mihi credas velim, Noceti Pater. Amici tui etiam intimiores, dum hæc tua paradoxæ legunt, rident, obstupefunt, & ex iis, quæ rescripsi, inferunt, cetera tua adversus Concina scripta, esse ejusdem furfuris. Mihi satis sit verba S. Augustini reponere: *Mira sunt, quæ dicitis, nova sunt, quæ dicitis: falsa sunt, quæ dicitis. Mira stupemus, nova cavemus, falsa convincimus. Fac ut valeas.**

F I N I S.

N O I

# NOI RIFORMATORI DELLO STUDIO DI PADOVA.

**A** Vendo veduto per la Fede di revisione ed approvazione del P. F. Giovanni Paolo Zapparella Commissario del S. Ufficio di Venezia, nel libro intitolato: *Ad R. P. Carolum Nocetium Epistola octo de singularibus argumentis &c. MS.* non v'esser cosa alcuna contro la Santa Fede Cattolica, e parimente per attestato del Segretario nostro niente contro Principi, e buoni costumi: concediamo licenza a *Simone Occhi Stampatore di Venezia*, che possi esser stampato; osservando gli ordini in materia di Stampe, e presentando le solite copie alle pubbliche Librerie di Venezia, e di Padova.

*Data li 17. Gennaro. 1754. M. V.*

(

( Daniel. Bragadin Kav. Proc. Rifor..

( Marco Foscarini Kav. Proc. Rifor..

*Registrato in Libro a carte 68. al num. 402.*

*Giacomo Zuccato Segret.*

Pag. 16	l. ult.	lit.	lib.
27	3	eris ab	eris
28	14	incredili	incredibili
52	14	ordini, quem	ordini, qui
85	5	absoluta	absoluta
95	11	Relata	Relatæ
105	9	vendidiſſere	vendidiſſe
107	35	in eos	in os
	38	sunt iſte	sunt iſtæ
121	5	qua contra	quam contra
128	8	damnum	demum
131	13	violatores	violaturos
152	18	Alexandro VIII.	Alexandro VII.
155	48	regidi	redigi
157	31	au- hic habeo	autem hic habeo
160	36	ſit æque	ſint æque
163	31	extremum	externum
172	26	parvitatem	parvitate
176	29	morale	mortale
177	1	paſtice	practice
184	20	Tom. 6	Tom. 5
190	25	habites	habitibus.





005657776





